

AD GEORGII TURNEBULLI  
**TETRAGONISMVM**  
**PSEVDOGRAPHVM**  
**APODIXIS CATHOLICA,**

Sive  
**Apologia pro Disputatione de For-**  
**mali Objecto Fidei;**

In qua

*Variae, & utilissimae quaestiones de Analysis fidei. Au-*  
*thoritate Papae & Conciliorum, Ordine credendi,*  
*Primo Credibili, Ratione investigandi veram Ec-*  
*clesiam, Circulo Pontificiorum, Communibus fidei*  
*motivis, Miraculis, Traditionibus, deq; fundamen-*  
*to illius fidei quâ S. Script. auctoritas creditur,*  
*perspicue tractantur & explicantur.*

AUTHORE ROBERTO BARONIO, ECCLE-  
 SIASTE ABREDONENSI, S. S. THEO-  
 LOGIAE DOCTORE, & ejusdem in Aca-  
 DEMIA MARESCALLANA  
 PROFESSORE.



ABREDONIÆ,

Excudebat Edwardus Rabanus. 1631.



THE UNIVERSITY OF CHICAGO

*[Faint mirrored bleed-through from the reverse side of the page]*

THEY AGONISMA

THEY DO GRAPHYM

ACIIONTIS SIVISORIS

216

Apologia pro Disputatione de For-

with Ophio Fidei;

END OF

1. De la nature et de l'essence  
 2. De la formation et de la croissance  
 3. De la reproduction et de la descendance  
 4. De la vieillesse et de la mort  
 5. De la maladie et de la guérison  
 6. De la santé et de la maladie  
 7. De la vieillesse et de la mort  
 8. De la maladie et de la guérison  
 9. De la santé et de la maladie  
 10. De la vieillesse et de la mort  
 11. De la maladie et de la guérison  
 12. De la santé et de la maladie  
 13. De la vieillesse et de la mort  
 14. De la maladie et de la guérison  
 15. De la santé et de la maladie  
 16. De la vieillesse et de la mort  
 17. De la maladie et de la guérison  
 18. De la santé et de la maladie  
 19. De la vieillesse et de la mort  
 20. De la maladie et de la guérison  
 21. De la santé et de la maladie  
 22. De la vieillesse et de la mort  
 23. De la maladie et de la guérison  
 24. De la santé et de la maladie  
 25. De la vieillesse et de la mort  
 26. De la maladie et de la guérison  
 27. De la santé et de la maladie  
 28. De la vieillesse et de la mort  
 29. De la maladie et de la guérison  
 30. De la santé et de la maladie  
 31. De la vieillesse et de la mort  
 32. De la maladie et de la guérison  
 33. De la santé et de la maladie  
 34. De la vieillesse et de la mort  
 35. De la maladie et de la guérison  
 36. De la santé et de la maladie  
 37. De la vieillesse et de la mort  
 38. De la maladie et de la guérison  
 39. De la santé et de la maladie  
 40. De la vieillesse et de la mort  
 41. De la maladie et de la guérison  
 42. De la santé et de la maladie  
 43. De la vieillesse et de la mort  
 44. De la maladie et de la guérison  
 45. De la santé et de la maladie  
 46. De la vieillesse et de la mort  
 47. De la maladie et de la guérison  
 48. De la santé et de la maladie  
 49. De la vieillesse et de la mort  
 50. De la maladie et de la guérison  
 51. De la santé et de la maladie  
 52. De la vieillesse et de la mort  
 53. De la maladie et de la guérison  
 54. De la santé et de la maladie  
 55. De la vieillesse et de la mort  
 56. De la maladie et de la guérison  
 57. De la santé et de la maladie  
 58. De la vieillesse et de la mort  
 59. De la maladie et de la guérison  
 60. De la santé et de la maladie  
 61. De la vieillesse et de la mort  
 62. De la maladie et de la guérison  
 63. De la santé et de la maladie  
 64. De la vieillesse et de la mort  
 65. De la maladie et de la guérison  
 66. De la santé et de la maladie  
 67. De la vieillesse et de la mort  
 68. De la maladie et de la guérison  
 69. De la santé et de la maladie  
 70. De la vieillesse et de la mort  
 71. De la maladie et de la guérison  
 72. De la santé et de la maladie  
 73. De la vieillesse et de la mort  
 74. De la maladie et de la guérison  
 75. De la santé et de la maladie  
 76. De la vieillesse et de la mort  
 77. De la maladie et de la guérison  
 78. De la santé et de la maladie  
 79. De la vieillesse et de la mort  
 80. De la maladie et de la guérison  
 81. De la santé et de la maladie  
 82. De la vieillesse et de la mort  
 83. De la maladie et de la guérison  
 84. De la santé et de la maladie  
 85. De la vieillesse et de la mort  
 86. De la maladie et de la guérison  
 87. De la santé et de la maladie  
 88. De la vieillesse et de la mort  
 89. De la maladie et de la guérison  
 90. De la santé et de la maladie  
 91. De la vieillesse et de la mort  
 92. De la maladie et de la guérison  
 93. De la santé et de la maladie  
 94. De la vieillesse et de la mort  
 95. De la maladie et de la guérison  
 96. De la santé et de la maladie  
 97. De la vieillesse et de la mort  
 98. De la maladie et de la guérison  
 99. De la santé et de la maladie  
 100. De la vieillesse et de la mort

[illegible]

2017. 2. 2 (2) 2017. 2. 2

LOGIE D. 1801

ITALIAN

PERSONS.

**00000000**

ABREDO MIA

Ergebende Ergebnisse: 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 8

Amplissimo & Reveren-  
dissimo Domino,

D. PATRICIO FORBESIO,  
ABREDONENSI EPISCOPO.

Sanctioris Concilii Scotici Senatori, &  
Universitatis Abredonensis Cancellario.



Antea sunt, & tam illu-  
stria (Reverendissime  
Prasul) tua in Eccle-  
siam, & Remp. patriam  
merita, ut nemini mirū  
videri debeat, cur Am-

plitudini Tue hāc meam Apodixin Catho-  
licā inscripserim. Vt enim illius familia,  
cujus tu princeps es, vetustatem, splendo-  
rem, & nativam illam solertiam, prae-  
team; ita omnes vite tue, jam inde ab  
ineunte adolescentia, rationes institulsti,  
ut nobilissimo cuiq; in vivida virtutis ex-  
emplum natus videre. Etenim cum  
vera nobilitatis ea sit indoles, ut adorna-  
menta illa & oblectamenta, qua bonarum  
artium studio affatim suggerunt, suapte

contendat, ubi tamen prava educationis  
 labe fuerit inquinata, adeo plerumq; de-  
 generare eam videas, ut quovis potius,  
 quam eò quo par est, propendeat. Unde  
 per paucos ex ijs, qui transmissa a ma-  
 joribus nobilitatem venditant, invenias,  
 quorum animos corruptissima de litera-  
 rum studijs opiniones non fascinent. At-  
 que hoc, ut in alio omni studiorum genere  
 se exerit, ita maxime in nostro hoc, cui  
 ceterae omnes disciplinae, tanquam orga-  
 nica & ancillares deserviunt. Quò sit  
 ut, a capeffendis munij Ecclesiasticis, ani-  
 mos habeant aversissimos: quippe quod  
 animarum salutem consulere, abjectius quid  
 opinentur, quam ut eorū scilicet dignitati  
 & natalibus respondeat. Tu verò (Prae-  
 sul Amplissime) longè aliam viam, ut  
 olim ingressus es, ita deinceps summa cum  
 perseverantia laude institisti. Etenim is  
 semper fuisti, qui eam demum veram &  
 genuinam nobilitatem duxeris, quae animi  
 sit. Hinc intensissime illae cura eo usque  
 progressa ut nihil prius, nihil antiquius  
 habueris, quam mentem omnifaria erudi-  
 tionis suppellectile a teneris annis instrue-



re, eoque omnes cogitationes conferre, ut  
DEI gloriam, quantum in te sit, promo-  
veas. Bone DEVS! Cum in publica  
Divini verbi per circumjacentem regio-  
nem penuria, tu, memor officij pij pa-  
tris familias, domi tue, sicut alter Abra-  
ham, catechisten ageres, quantus, quam  
celebris illuc piorum è vicinia concursus?  
At verò ubi postea, maturo jam ævo, ad  
Kethënsis Ecclesie administrationem pub-  
lico Ecclesie rogatu, aut verius impulsu  
evocatus fuisti, qua pietate, quanta elo-  
quentia, hominum animos ut ea ferebant  
tempora, feroces & intractabiles expug-  
naris, si quis usquam alius, ego sanè lucu-  
lentissimus sim testis. Tua enim unius  
opera proximè, secundum Deum factum  
est, ut provinciam difficillimam alioquin  
& molestissimam ego, qui tibi in eam, li-  
cet indignus & multum dissimilis, suc-  
cessi, facilem admodum & jucundam ex-  
pertus sim. Sed quid ego tester, cum res  
ipsa tam apertè loquatur, ut nihil aper-  
tius. Usque adeo enim insperato & penè  
incredibili fructu Evangelij doctrinam  
in summa illustrium auditorum frequen-



tia prædicasti, ut non modo ex eo grege,  
sed & ex paræcijs lōgo locorum interval-  
lo disitis complures ab impia & inueie-  
rata barbarie, ad pietatem, humanitatem,  
mansuetudinem fælicissimè perdaxeris.  
Nec mirum. Siquidem præter erudi-  
tionem, modestiam, & quod caput rei est,  
vita sanctimoniam, alia in super in te do-  
tes, atque illæ quidem Heroicæ, splendide  
elucebant: Subtile & subactum judi-  
cium, multo rerum usu collecta prudentia,  
ingenium peracre, singularis & inconcussa  
animi præsentia, sermo vehemens, quique  
ex abdito nescio quomodo subinde feriat,  
denique, quod imprimis memorabile, tan-  
tus in fundendis precibus ardor, ut (quod  
de Farello dicit Beza) audientes quasi  
in cælum usque subveheres.

Neque verò tam augustis limitibus tot  
tantæque virtutes se coarctarunt. Quia  
enim in minimo fidelem te præstitisti,  
constituit te Dominus super amplissi-  
mam hanc Diocesin, non sine summo bo-  
norum omnium applausu, quibus illustre  
quasi signum, ad bene de Ecclesiastica to-  
tius hujus regni Repub. sperandum, sub-  
latum

latum videbatur. Nec sanè eorum spe-  
 fefellisti. Nam postquam in amplissi-  
 mum Episcoporum collegium & ordinem  
 cooptatus es, tanta cum dignitate, & au-  
 thoritate munus a DEO tibi demanda-  
 tum obiisti, ut tua premere vestigia, nil  
 aliud prorsus sit, quam Ambrosij ali-  
 cujus, aut Augustini redivivi partes su-  
 stinere. Spectemus quaso tot illas a te in  
 Boreali hoc Scotia tractu Ecclesie in-  
 stauratas, quid non hic laudabile? Imò,  
 quia in re tanta hoc leve est, quid non  
 gloriosum? Si modo ad veram gloriam  
 assequendam quid faciat, oves Christi pa-  
 labundas ad caulam reducere, reductas sa-  
 lubri pabulo reficere, lupos dies noctesq;  
 insidiantes arcere, pastores indignos & ef-  
 citantes loco movere, oculatiores, & at-  
 tentiores eis sufficere, tenui Ecclesiasta-  
 rum bene merentium conditioni & ratio-  
 nibus consulere, deniq; tanquam è specula  
 prospicere ne quid detrimenti Ecclesia,  
 aut Diœcesis tibi commissa capiat.

Cum verò laboribus ita continuatis,  
 & quodam quasi orbe in se redeuntibus  
 aliquandiu exercitus fuisses, & viris

omnibus cordatis plenè jam satisfecisses, adeo tamen novam hanc & inusitatam diligentiam non remisisti, ut prima tantum laudis tue fundamenta jecisse etiam. nùm tibi viderere. Ergo ut virtus tibi gentilitia altius adhuc caput suum erigeret, eos tibi sub conspectu Praesules posuisti, quorum merita in Academiam Abredonensem nunquam satis laudata, nunquam satis laudanda antumo. Cum enim felicitis memoria Episcopi, Elphinstonus, & Dambarus quorum Cathedra tibi jam occidit, Abredonensem Academiam aperuissent, apertam (qua fuit singularis eorum liberalitas) ditassent, ditatam multiplici professionum varietate, ad exemplum Parisiensis & Bononiensis Academiae, ornassent, injuria tamen temporis omnia in pejus ruere & retrò sublapso referri. Quam nihil tamen desperandum invalescentibus etiam morbis deploratis, Ampl. T. suprà, imò contrà quam omnes sibi persuaferant, facile evicit. Cum enim rem difficultatis & laboris plenissimam aggressus esses, cumque alma mater Academia diutino languore confecta vitam



nam tantum non precariam agrè traheret,  
imò jamjamq; animam ageret, tu, viz. non  
sine Numine, medicam & salutarem ma-  
num primus admovisti. Tum verò reddi-  
tus procuratorum incuria antea dissipati,  
si non in integrum restituti, id quod unice  
tibi in votis fuit, qua tamen fieri potuit,  
quaq; res ferebat, adaucti sunt: Aedes quæ  
passim ruinam minabantur reparata: Pro-  
fessores, quorum numerus imminutus stipen-  
dijs decreverat, ad sua signa & stationes re-  
vocati; Quin &, ut præclara ingenia ba-  
berent, unde laudis & honesti respectum ma-  
jore cum studio alerent, adcoq; diligentiam  
spe præmiorum illectam diligentius asuerent,  
pro priscis & receptis passim illustrium Aca-  
demiarum legibus, honorum gradus in alias,  
atq; alias classes distincti sunt. Ergo jam  
tandem Regia Academia, postquam gra-  
vioribus quibuscunq; ejus morbis a te tan-  
quam altero Æsculapio medicina facta es-  
set, ex desperata valetudine emerisit, quin  
& recollectis ac redintegratis viribus, lu-  
ctuq; omni, quo antea contabuit, deposito,  
summo bonorum omnium solatio revirescit.  
Atque hac omnia tibi & Episcopo vigilan-  
tissimè



tiſſimo. & Cancellario lectiſſimo accepta ſe-  
renda ſunt; cuius tanta in promovendis Aca-  
demia commodis ſolertia, tanta dexteri-  
ta, ut non modo Profeſſores, quos perpe-  
tuo hoc authoramento tibi diuinxisti, ſed  
& ipſi Academiae parietes ( ut ſummi  
Oratoris verbis utar ) gratias tibi agere  
geſtiant.

Præterea, ne ullus eſſet in hoc regno  
hominum ordo, qui ſuaviſſimos tuarum  
virtutum fructus non perciperet Sere-  
niſſimi & potentiſſimi noſtri Regis ſecre-  
tioribus conſilijs es adhibitus; ſape etiam  
a ſupremo Senatu vocatus es ad celebri-  
ores Ordinum conventus: In quibus ſem-  
per uſus es ea libertate in ferendo ſuffra-  
gio, eaque authoritate, gravitate, & ſua-  
viloquentia in explicandis & firmandis  
tue ſententiæ rationibus ut & Regi, ejuſq̃  
Legatis ſatiſfeceris, & populi commodis  
conſulueris, & eorum qui Reip. inſidia-  
bantur conatus egregiè diſſiparis.

Denique parum tibi viſum eſt præ-  
ſenti Eccleſiæ prodeſſe, niſi illuſtria & nun-  
quam interitura ingenij præſtantis, ſan-  
ctiſſimæq̃ diligentie monumenta apud po-  
ſteros

feros relinques. Idcirco Apocalypsin  
 Ioannis doctissimis diligentissimeq;  
 elaboratis commentarijs illustrasti. Pa-  
 storum Evangelicorum Vocationem li-  
 bello verè aureo ab adversariorum calum-  
 nijs & cavillationibus vindicasti. Et  
 difficiles ac spinosas quaestiones, quae de  
 Natura & Notis Ecclesiae hac tempe-  
 state agitari solent, egregio illo opere, quod  
 Rubulus meritò inscribitur, more tuo, id  
 est, disertè, solidè, & dilucidè explica-  
 sti.

Hac habui (Illustrissime Praesul)  
 quae de Amplis. Tuae laudibus lectori  
 exhiberem, non quod meritorum tuorum  
 magnitudini oratio nostra par sit, cuius  
 character exilis adeo ac tenuis in graviore  
 hoc argumento, ut infra rei dignitatem  
 longè subsidat: neque ut assentationis le-  
 noncinio benevolentiam (qua mihi sem-  
 per apud te, licet immerenti, prolixè fuis-  
 exposita) colligerem; sed ut, pro eo ac de-  
 bui, praedellentissimas animi tui dotes hic  
 recognoscerem, easque alijs Ecclesia pasto-  
 ribus, tanquam expressam viri quadrati,  
 & consummatissimi Praesulis effigiem, ad-  
 imit

imitandum proponerem. Huc & illud accedit quod in disceptatione hac Theologica, in qua de analysi fidei Christiana, adeoque immobili & fixa certitudinis nostrae basi agitur, magni, imò maximi apud me momenti sit Amplitudinis Tuae Patrocinium. Vt enim venerabilis illa tua gravitas, his innixa fulcris, radices jam pridem egit altissimas, ita auctoritas in maximis cū Ecclesia, tum Reip. negotiis conspicua oculos animosque his, qui causa nostra minus favent, fulgore suo usque quaque perstringet. Vnde spes non mediocri mihi injicitur fore ut & veritati, ad quam unicè collimo, & veritatis assertori, quem, ut alias semper, ita hic vel imprimis esse me profiteor, certissimum adversus calumniatorum diſteria praesidium ab Amplitudine Tua expectandum sit. Quin & a posteris veritatis studiosis, si quando eorum manibus hac nostra diatriba se offerat, eo majorem initurum me gratiam auguror, quod tuis auspicijs cum Iesuita juratissimo veritatis hoste, manus conseruerim. Quod reliquum est DEVM Opt. Max. animatus precor, ut



NVNCVPAT.

15

te Prasulem illustrissimum Ecclesia, Rei-  
publica, & Academia, qua cum prius  
lateritia esset, (notum illud Augusti di-  
ctum) nunc demum marmorea tuo bene-  
ficio facta est, quam diutissime incolumem  
& ad optima quaque conservet. Detque  
clementissimus ille Pater, ut, cum senectu-  
tem hanc tuam, tanquam extremum ata-  
vis actum, prosperè, beatèque exegeris, tan-  
dem aliquando ex longa & laboriosa erum-  
nosa hujus vite navigatione, in cœlestem  
illum securitatis & tranquillitatis æterna  
portum felicissime devenias.

Reverendissimæ Amplitu-  
dini tuæ devotissimus,


ROBERTUS BARONIUS,

ECCLESIASTES ABRE-

DONENSIS.







*Nobilissimo & Ornatis-*  
*simo Iuveni,*

**FRANCISCO HAYO,**  
Magnanimi & Inclyti Herois, FRAN-  
CISCI ERROLIÆ Comitis, Do-  
mini de SLAINS, Magni in Regno Scotia  
Equitum Magistri, & Nobilissimæ ac Antiquis-  
simæ HAYORUM Familiæ Principis, Filio,  
SOLLICITATORI SCRIPTIONIS.



Esquiannus jam elapsus est  
( Nobilissime Heros ) ex  
quo in Boreali hac plaga ap-  
paruit Georgij Turneballi,  
Rhemensis Iesuitæ & Pro-  
fessoris libellus, quem adver-  
sus Disputationem nostram de  
Analyfi fidei & Pontificiorum Circulo in vulgus  
tandem extraxit, quemque idcirco in sua ad Archie-  
piscopum Rhemensem *de Quadrato Tetrago-*  
*nismo sacrum,* & in prima operis sui fronte  
Imaginarij Circuli Quadraturam Catholi-  
cam joculari titulo inscripsit. Hunc librum tu pri-  
mum nactus, per pium quendam & reverendam Sym-  
pysten ad me mittendum curasti, seridque hortatus  
es ut,

ut, detecta ejus vanitate, veritati patrocinarer, & intolerabilem superciliosam Iesuitæ fastum comprimere. At ego ut in arenam hanc descenderem vix ac ne vix quidem a me impetrare potui: Non quod causæ diffiderem nostræ, quæ, vel nobis tacentibus, de Adversarijs omnibus facile ipsa per se ipsam triumphabit; sed quod occulto quodam Naturæ genio polemicum hoc scribendi cacoethes a multis jam annis averfatus sum; ac proinde provinciam hanc semper, quoad ejus fieri potuit, studiosissimè defugi. Adibi enim, DEVM testem appello, pacatis ingenijs, quibusque optatissima illa Catholicæ Ecclesiæ pax cordi est, nihil acceptius, nihil amabilius esse potest. Accedebat quòd parum, aut potius nihil otij mihi tunc fuerit a laboribus, quàm in scholis, qua promotione quotidie pene subeundis, adeo ut non dies solum a professionis nostræ legibus mihi appensi sint & numerati ad has curas, sed & horæ. Quin & congregari cum Iesuita, qui, ut otio abundat, ita ad omnino procacis linguæ petulantiam non facilius, sed natius est, nihil aliud mihi visum fuit, quam bonas horas, quarum nobis ratio reddenda est, malè collocare. Quia tamen scio Amyclas tacendo perisse, ne silentium aliqui justum veritati præjudicio esset, verebar. Nam non modo complures infirmos eo graviter offensus iri, sed & Adversarios gloriantis, & de veritate, quem hic propugno, triumphandi, occasionem inde capturos videbam. Quin & tu (Clarissime Lucretius) in eadem mecum sententia fuisti: & consolationem hanc, quantumvis molestant, non posse


ame, honore & conscientia salva, recusari, identidem  
 asseverasti. Caterum non hortatu duntaxat tu  
 sed & virtutum tuarum admiratione adductus sum  
 ut huic veritatis Apologia manum admoverem.  
 Quem enim non excitent tot illa animi bona, quae di-  
 vina benignitas plena manu in te contulit. Siquidē  
 es, quem ob praeclaram, & generosissimam Maiorum fa-  
 milia dignam virtutis indolem, meritō omnes suffi-  
 ciunt, ac venerantur. Huic comes accedit singulari  
 & infraeta animi sedati, & ad optima quaeque com-  
 positi constantia: quae nullis blandientis fortuna il-  
 lecebris, vel transversum unguem, a veritatis semine  
 & studio haecenus abduci potuit. Quapropter nem-  
 est qui promovendis Ecclesiae nostrae commodis sta-  
 deat, quin idem etiam apud DEVM precibus su-  
 enixè contendat, ut eximias illas animi tui desuper  
 illustrati dotes, non tueatur modò, sed & assurgen-  
 tibus ex piorum omnium sententia incrementis qui-  
 tidie adaugeat. Vale, generosissime Hieros, & qua-  
 les animi frontisque serenitate, has nostras lucubrati-  
 ones, quales quales, amplectere.

Honori tuo


addictissimus,

ROBERTUS BARONIUS,

ECCLESIASTES ABERDONENSE







# EPISTOLA AD GEORGIUM TURNEBULLUM,

*Qua praeomitioni ipsius ad Auctorem, iisque quae  
primo Capite Libri sui adversus Disputationem de  
Formali Objecto Fidei &c. effutivas, bre-  
viter & perspicue respondetur.*

ROBERTUS BARONIUS GEORGIO TUR-  
NEBULLO meliorem mentem, & mode-  
stiorem linguam. P.



Vam verum sit illud Regis Is-  
raëlitici dictum, *Ne gloriatur  
accinctus, sicut discinctus*; id  
vel ex tua Replicatione, Iesui-  
ta Turnebulle, luculentissime  
patet. Prodis enim in scenam  
velut alter Thrafo, aut Pyrgo-

1. Reg  
20. 11

polinices, & *superba vanitatis loquens*, non solum  
disputationi nostrae, tamquam juveniliū nugarum  
farragini, petulantibus jurgis illudis; sed etiam fi-  
denter recipis te explicaturum, & ab omnibus dif-  
ficultatibus, imprimis verò à *Circulo*, vindicaturum

2. Pet  
2. 18.

Romanæ fidei Analyfin, quam Greg. de Valentia  
rerum obscurissimarum labyrinthum rectè indigita-  
vit. At verò ubi tuba cecinit, & ad arma conclama-  
tum est, ut viz. *res cum re, causa cum causa, ratio  
cum ratione concertet*, Therfitis instar latebras ac  
diverticula circumspicis, ne in aperto ab hoste de-  
prehensus, debitas arrogantiae & temeritati penas  
luas. Nam ex argumētis nostris multa ne extremis  
quidem digitis attingis; alia attingis quidem, sed,

Tom.  
3. D. 1  
Q. 1.  
P. 1.  
§. 10.  
Aug.  
Cont.  
Max.  
lib. 3.  
C. 14.



quasi ferrum candens manib<sup>9</sup> apprehendites, confestim ea rejicis, [hoc est, media et prosyllogismos, in quibus eorum vis & efficacia sita est, non sine fraude prætermittis ac dissimulas] nec aliter obstupescis, quam *pressit qui calcibus anguem;*

aliis deniq; plenius occurrere videris, sed Sepiarum more effuso ambigua & ænigmatica orationis atramento, non lectori modo, sed & tibi, ni fallor, tenebras offundis. Miseret, profecto miseret me tui, quidum pro commilitonibus tuis prævericationis causam dictis, turpissimam detestandi istius criminis maculam tibi ipsi inuris, dumq; alios à *Circulo* liberare conaris insignem *Circulatorem* te præbes.

Quin & eò magis miserandus mihi videris, quod, ut ipse refers, jam senex sis: adeo enim inveteratus ille tuus morbus est, ut nec *Æsculapii*, nec *Apolinis* ipsius manibus (ut aiunt) facile depelli possit. Disce, quæso, quid sit candidè & sincerè agere, & quanquam senex sis, memineris tamen nullam ætatem ad discendum feram esse. *Canities enim non*

Prov. 16.31 *est corona gloriæ, nisi in via justitiæ inveniat, & ut ait Menander,*

*ἔχῃ αἱ τριχες ποιεῖσιν, αἱ λευκαὶ φρονεῖν.*

Sed liceat, quæso, nævos illos, quos tu lynceis oculis in nobis animadvertis, alterum ignorantia, alterum calumnia, in veritatis speculo intueri

*Parcius ista viris sunt objicienda, memento*

*Novimus & qui te, &c.*

Scientiam neminem habere inimicum, præter ignorantium assereremus, modo id vel modestia nostra, vel decori ratio pateretur. Verum Comicus nobis nescio quid in aurem insusurrat

*Si dignus ego hac contumelia*

*Sum maximè, indignus tu, qui faceres tamen*

Tu, inquam, qui toties in hac Controversia ter-  
 versa is, toties argumentorum meorum ponderi  
 succumbis, & non modo frivola, sed & despera-  
 tionis plena effugia pro solidis et germanis respon-  
 sionibus lectori obtrudis. Vter verò nostrum ca-  
 lumniis delectetur magis, ejus æstimatio, ejus judi-  
 cium valeat, qui cardilognostes intima pectoris ar-  
 cana rimatur: Nec illorū sententiam detrectamus  
 qui tua cum nostris Aproposopolepti componēt. Dixi  
 quidem parte prima Disputationis, Sect. 3. vestros  
 Theologos in hoc argumento, quod totius fidei  
 atq; adeo salutis nostræ basis est, insigniter prava-  
 ricari, totique orbi Christiano

*Facetis fabricis, & doctis dolis*

*Glaucōnam ob oculos obicere.*

Nec dixi modo, sed ne ulla calumniæ aut impostu-  
 ræ subesset suspicio asseverationē meam solidis et  
 perspicuis rationibus firmavi. His in operis tui  
 vestibulo meras easq; tenues opponis conjecturas  
 ab eorum, quos criminis istius reos peregi, multi-  
 tudine, eruditione, & sanctitate ductas. At inania  
 hæc sunt avibus abigendis, nō viris terrendis con-  
 parata crepitacula. Nihil nos, in re tam manifesta,  
 movet eorum multitudo: Novimus enim *latam*  
*esse portam & spatiosam viam, quæ ducit ad perditio-*  
*nem, multosq; esse qui intrant per eam.* Nihil eorun-  
 dem eruditio aut acumē: nam potest quis *mysteria*  
*omnia omnemq; scientiā novisse & tamen charita-*  
*tem non habere.* Nihil deniq; externa illa sanctita-  
 tis species qua Pharisei, Esseni, Novatiani, Mani-  
 chæi, Donatistæ, Pelagiāni, &c. simplicioribus olim  
 callidè imposuerunt: potest enim quis in cibos pau-  
 perum omnes facultates suas distribuere corpusque

Plan-  
 Mih.  
 Act. 1

Math.  
 7. 13.

1 Cor.  
 13. 2

ibid.  
 v. 3

*suum ut comburatur tradere & tamē charitatē nō habere.* Majoris momēti id esse videtur, quod ex mea accusatione colligis, CHRISTVM permisisse totē terræ salem ita infatuari, ut nemo post ortum Scholasticæ Theologiæ ante Lutheri tempora sincerē fuerit locutus de fundamento & objecto fidei. Sed fumos vendis, Turnebulle. Nam post Theologiæ Scholasticæ ortum, nō solum Orientales Episcopi, Papæ, & Romanæ Ecclesiæ judiciariam infallibilitatem constanter negarunt, sed etiam multi Romanæ obedientiæ Theologi, et juris Canonici Interpretes longē aliter de fundamento & objecto fidei senserunt ac scripserunt, quam vestra societas hodie dogmatizat: id quod ex Tract. 4.<sup>o</sup>, 5.<sup>o</sup>, & 7.<sup>o</sup>, manifestē percipiet prudens Lector.

Quapropter si quando cum Pontificiis Theologis durius agere videar, memineris mihi tum cum illis, quorū disputationes Scholasticæ in hac nostra tempora inciderunt, et quidē præcipuē cum Iesuitis, i. Ecclesiæ incendiariis, & perversissimis sanioris omnis doctrinæ corruptoribus, rem esse. Quamquā liquidō hic mihi jurare liceat, ab omni vel istā, vel quacūq; aliam Adversariorum Societate, calumniandi studio alienissimū sēper mihi fuisse genium, & ingenium. Morem hunc partiariis relinquo qui huic, vel illi sectæ se addixerunt. Candorē ego amo & veritatem, votisq; omnib<sup>9</sup> expeto, ut relicto infāno partium & calumniandi studio in posterū idem non speremus modo, sed & spiremus: utq; CHRISTVS Ecclesiæ suæ, quam non modo Controversia Scholasticæ, sed & odia ac dissidia internecina indies lancinant, pristinam illam & incorruptam sanitatem tandem aliquando restituat.





Index præcipuarum quæstionum,  
quæ in hoc Libro agitantur  
& explicantur.

<b>A</b> N formale fidei objectum & Scripturæ divi- na autoritas idem valeant	1	36
<b>A</b> n in Sacra Scripturæ autoritatem fides omnium, etiam laicorum, resolvatur	2	44
<b>A</b> n illiterati possint fidem suam explicite & distincte resolvere in Ecclesiæ iudicium aut definitio- nem	3	58
<b>Q</b> uomodo definiendum sit formale objectum fidei	79	4
<b>Q</b> uomodo differant formale objectum fidei, & regula fidei	5	84
<b>A</b> n veracitas DEI sit totum formale fidei objectum	98	6
<b>A</b> n æternus conceptus divinæ mentis sit totum for- male objectum fidei	7	101
<b>A</b> n revelatio externa per se pertineat ad formali- tatem objecti fidei	8	103
<b>A</b> n omnis propositio credibilis fidei divina sit materia- le objectum fidei	9	121
<b>A</b> n Pontificij prævaricentur in assignando formali fidei objecto? Vbi confutantur effugia Valen- tiani, Gretseri, Becani, & Stapletoni pag. 127 & sequentibus: item Turneball. pag. 135 & seq.	10	
<b>A</b> n Pont. salva sua sententia, docere possint ubi ex-	11	

- stet illa revelatio propter quam dicunt se credere Scripturæ auctoritatē 135. 161 & 170
- 12 Vtrum Scriptura, an vero Ecclesia sit simpliciter & natura notior 177
- 13 Quomodo intelligendum sit illud Augustini, Ego Evangelio non crederem, &c. 184
- 14 An Ecclesiæ testimonium sit formale fidei objectum pag. 19; & 389 ubi Turnebulli effugia confutantur.
- 15 An Turnebulli assertio de divina auctoritate suprema definitionis Ecclesiasticæ nitatur certo aliquo fundamento 213 & seq.
- 16 Quam incerta sit Pontificiorum fides de infallibilitate suprema definitionis Ecclesiasticæ 230
- 17 Quam ridicula, absurda, & sibi invicem contraria sint Iesuitarum assertiones de conciliorum infallibilitate 238
- 18 An Iesuitæ magis honorificè sentiant de auctoritate Catholica Ecclesiæ & Conciliorum OEcumenicorum, quam Evangelici? 251
- 19 Quam liberè & audacter damnent Conciliorum Generalium & legitimorum decreta quæ sibi adversantur? Vbi de Concilij Chalcedonensis decreto adversus Papæ suprematam, de quæ Adversariorum audacia in deprimenda ejus auctoritate 259 & 261
- 20 An in explicanda judiciali infallibilitate Papæ consentiant inter se 271
- 21 An Papæ judicialis infallibilitas ex Scripturis probari possit 279

# INDEX.

25

- An ea antiqua & sana Ecclesie cognita fuerit 283 22
- An Patres crediderint decretorum synodicorum vim  
& auctoritatem pendere a Papa confirmatio-  
ne 291 23
- An Papa de facto judicialiter erraverit 298 24
- An ex eo, quod Papa errare potest personaliter, se-  
quatur eam errare posse judicialiter? Vbi effu-  
gia Gregorij de Valentia diluuntur 307 & 310 25
- An, & quatenus Parisiensium Doctorum sententia de  
auctoritate Concilij Generalis admitti pos-  
sit 317 26
- An Optatus Milevitanus, Augustinus, & Vincen-  
tius Lyrinensis crediderint Conciliorum infalli-  
bilitatem 326 27
- An Gulielmus Occam, Petrus ab Alliaco, Thomas  
Waldensis, Panormitanus, alijque Scholastici  
& Canonistae eam crediderint 359 28
- An rectè dicat Bellarm. omnes Pontificios in eo con-  
venire, quod Papa cum Concilio Generali errare  
non possit 372 29
- An certum sit, & de fide, Papam cum Concilio Gene-  
rali errare non posse 377 30
- An inter credibilia sit aliquis ordo naturæ aut depen-  
dentia in esse objecti credibilis 413 & seq. 31
- An hac dependentia quorundam credibilium ab alijs  
in esse objecti credibilis sit reciproca & cir-  
cularis 425 32
- An in eliciendis fidei actibus sit aliquis ordo & suc-  
cessio temporis 431 33
- An detur aliquod primum credibile 442 34
- An dogm



- 35 *An dogma de Romana Ecclesia infallibilitate sit  
primam fidei principium* 446
- 36 *An ex Scripturis demonstranda sit Romana Eccle-  
sia veritas* 451
- 37 *An fides, qua Pontificij credunt Romanam Ecclesiam  
esse veram Ecclesiam, niti debeat communi-  
bus fidei motivis, aut ipsius Ecclesie Romana  
testimonio* 461 et 465
- 38 *An Ecclesia Romana infallibilitas ex Scriptura de-  
monstranda sit* 477
- 39 *Quae fuerit Patrum et veterum Pontificiorum sen-  
tentia de primo fidei principio? Quid itē recen-  
diores quidam Pontificii hac de re scripserint*  
485 491 497
- 40 *An Pontificiorum progressus in stabilienda sua fide  
sit reciprocus et circularis: Vbi effugia Malde-  
ri, Valentiani, Becani, Gretseri, Tanneri et  
Tarnebulli confutantur* 500
- 41 *An fides qua creditur Scripturae auctoritas ultimi  
resolvatur in Ecclesie testimoniū* 558. 579 et 737
- 42 *An persuasio, quam communia fidei motiva gignunt,  
sit infallibilis et evidens* 582 et seq.
- 43 *An miracula sint certa et infallibilis vera Ecclesia,  
veraque doctrinae nota* 602 et 606
- 44 *An fides, qua Scripturae auctoritas creditur, resolver-  
da sit in traditionem aliquam non scriptam*  
622 et 687
- 45 *An in S. Spiritus testimonium internum resolvendi  
sit* 626 et 729
- 46 *An traditiones de librorum Canoniorum numero, et  
Scripturae*

# INDEX.

27

Scriptoribus, deque eorundem integritate et puritate, sint traditiones non scriptae: et an sint verè divinae, ac creditu necessariae, 638 et seq.

An possibile sit regulam aliquam inanimatam, qualis est Scriptura, esse perfectam et sufficientem fidei regulam 658 47

An ad agnoscendam Scripturae auctoritatem opus sit alia regula distincta a Scriptura 677 et seq. 48

An Evangelici utantur omnibus necessariis et germanis mediis agnoscendi Scripturas Canonicas, quibus utantur ipsi Pontificii 683 49

Quid in hac controversia sentiant Evangelici de Ecclesiae Catholicae testimonio, Traditione Apostolica, communibus fidei motivis, internis ipsius Scripturae criteriis, DEO intus revelante, et de auctoritate praesentis Ecclesiae Romanae 686 et seq. 50

An, et quatenus per Ecclesiae testimonium haberi possit infallibilis certitudo de librorum canonicorum auctoritate 703 51

An fides, qua creditur librorum canonicorum auctoritas, sit humana sensata et naturalis notitia 710 et 713 52

Quot, et qui sint Theologorum errores de ratione credendi Scripturae auctoritatem fide divina 728 53

Verum S. Spiritus testimonium sit habitus fidei et auxilium gratiae, an verò revelatio interna propriè sic dicta 733 54

An etiam

- 55 *An etiam Pontificii fideantur Scripturae auctorita-  
tem per ipsam Scripturam revelari* 751
- 56 *An Evangelici circulariter progrediantur in stabi-  
lienda sua fide* 762 et 769
- 57 *An Ecclesiae infallibilis propositio sit conditio neces-  
sario requisita ad credendam Scripturae aucto-  
ritatem* 775 et 781
- 58 *An fides Catholica, quae talis est, stare et concipi possit  
sine conformatione cum infallibili aliquo Ec-  
clesiae iudicio* 680
- 59 *An fides Pontificia sistat in aliquo primo credibili*  
799. *Vide etiam pag. 532.*

~~~~~

In D. BARONII Apodeixin  
Catholicam,

Ad Georgii Turnebulli Tetragonismum  
Pseudographum.

BARONII laus ante fuit mens enthea, pectus  
Labe vacans, puris amula li-gua favis  
Nunc lauda calamum, sacri certamina cives  
Dum movet, & lima nobilioris opus.  
Aureum huius nitor est, vis fulminis instar, acum-  
Dico quod invideat vertice nata Iovis.  
Nil nitor hic fuci, nil disa potentia fastus,  
Viperei nil hinc fellis acumen habet.  
Hic sacra Baronius, movet hic Turnbullius arma,  
Pene sub Icaris natus uterque rotis.



ambo Sacerdotes divina Palladis, ambo  
 Artibus & calami dexteritate pares.  
 Huc discrimen habes: magno molimur e causam  
 Hic agit Ausoni præsulis, ille DEI.

Ne ruat in præceps Tarpëia bellua rupis  
 Undique, Turnbulli, fulcra superba paras.  
 Cade Caledonis se gens Turnbullia tauri  
 Extulit, & strato de bove nomen habet:  
 Pone supercalium; qui tecum dimiscat hostis  
 Per tua Romuleam transgit exta lupam.

ARTHURUS IOHNSTONUS,  
 M. D.

IN EANDEM.

**R**omana oclusus cavea sine compede mæstrix  
 Existit in circum, voce minante polum.  
 Attoniti tremuere lupi, stupuere leones,  
 Frendent sc̃q; fera perculit astra timor.  
 Sed novus Alcides BAROLIUS Herculis ausa  
 Constrinxit monstrum, prostituitq; solo.  
 Quis dubitat natos etiam plus posse Deorum?  
 Et nostrum Alcidem dixeris esse Iovis.

GULIELMUS IOHNSTONUS,  
 M. D.



Admonitio ad Lectorem.

**D**VO sunt, Christiane Lector, que te paucis monitum velim. Vnum est, partes aliquot Replicationis Turnebullianæ (viz. Cap. 4. & 5, item paragraphos quosdam Cap. 9. & 16) a me ideo hîc omittas esse, quòd Adversarius in iis a Disputationis meæ materia, seu proprio subjecto, divertat in controversias de Regula fidei & S. Scripturæ perfectione, quas, ne liber hic in nimiam excresceret molem, alibi tractare volui. Alterum est capita Replicationis Turnebullianæ non esse a me eo ordine hîc proposita, quo in ipsius libro exstant. Ut enim scires, quid singulis Sectionibus & Questionibus Disputationis nostræ ab Adversario responsum sit, in omnibus fere Tractatibus, primò partem aliquam prædictæ Disputationis in medium afferro: Deinde ea Replicationis Turnebullianæ capita, quæ isti parti opposita sunt, subiici.

*io : Postremo tibi Duplicationem meam exhibeo, in qua Adversarii fraudes detego, argumenta solvo, & effugia, ne posthac in ea se recipiat, præcludo.*



## ERRATA TYPOGRAPHICA.

Pag. 36. lin. 13. lege tui. Pag. 37. lin. 4. serpo. Pag. 49. l. 27. revelantis. Pag. 57. l. 8. Scripturæ. pag. 62. l. 22. erudiuntur. pag. 64. l. 24. Cap. 5. pag. 66. l. 22. Punct. 5. pag. 80. lin. 22. et 23. (cujus definitionem me pronum venerari jubes, Cap. 2. §. 6.) pag. 87. lin. 9. (Intellige formaliter & principaliter.) pag. 87. l. 17. lege coincidit. pag. 106. l. ult. objecti fidei. pag. 118. l. 18. lege Cap. 1. pag. 129. l. 3. lege Greisero; et eadem pag. lin. 9. Becano. Pag. 135. l. 13. respondent. pag. 161. l. 1. quæsiui. pag. 199. l. 8. lege præcedenti sectioni. pag. 230. l. 10. lege Cap. 7. pag. 241. l. 15. Respondebit aliquis. pag. 242. l. 24. lege Lib. 3. Pag. 245. l. 11. istos. pag. 254. l. 19. terrarum. pag. 275. lin. 27. lege Cap. 112. pag. 283. l. 23. Eandē etiam sententiam. pag. 305. l. 23. detestabilibus. pag. 331. lin. 22. Romæ. Pag.



pag. 349. l. 22. facta. pag. 412. l. 3. et 4. no-  
 cille, ex vestra sententia, assensum fidei Ca-  
 tholicæ. Pag. 437. lin. 14. quibus illa. pag.  
 439. l. ult. delenda; et pag. 431. l. 12. lege nam  
 quædam. pag. 470. lin. 2. dicenda. pag. 491.  
 l. 21. lege prologo in Tobiam. pag. 506. l. 5. leg  
 magnas. pag. 526. l. 8. lege Cap. 13. pag. 537.  
 ult. lege fundarum in vi. pag. 580. l. 19. leg  
 a me pag. 615. l. 12. lege Pag. 349. pag. 651.  
 penult. lege quoad. pag. 660. l. 13. lege falso  
 pag. 684. l. 5. dele Adversarij. pag. 718. l. 25  
 similitudine. pag. 719. l. 3. specierum. pag.  
 770. l. 5. lege infusam. pag. 772. l. 5. exclu  
 dis. pag. 807. l. 24. ansam. pag. 808. l. 22  
 lege non enim possumus.





AD GEORGII TURNEBULLI  
TETRAGONISMVM  
PSEUDOGRAPHVM APO-  
DIXIS CATHOLICA,  
*Sive*  
APOLOGIA PRO DISPUTATIONE  
DE FORMALI FIDEI OBJECTO.

Traetus primus.

*In quo titulus seu inscriptio disputationis à  
jejuna & imperita adversarii cavillatio-  
ne vindicatur.*

*Disputationis inscriptio.*

DISPUTATIO THEOLOGICA,  
De formali Fidei objecto, hoc est, de  
Sacrae Scripturae Divinae, & Canonica  
authoritate.

CENSURA TURNEBULLI.



MISSIS convitiis, quibus cap. 2  
§. 1.  
contra bonos mores offen-  
duntur animi lectorum, mentes  
non erudiuntur, ut circulum do-  
ctrinae, quem nobis objicis postea  
facilius contemplemur, expenden-  
da prius erunt omnia principia, ex  
quibus tibi videris eum colligere sumpto initio ab ea  
quaestione, quam tu solvere conaris partim in primo  
C totius

pag. 349. l. 22. facta. pag. 412. l. 3. et 4. non  
 esse, ex vestra sententia, assensum fidei Ca-  
 tholicæ. Pag. 437. lin. 14. quibus illa pag.  
 439. l. ult. delenda; et pag. 431. l. 12. lege nam  
 quædam. pag. 470. lin. 2. dicenda. pag. 491.  
 l. 21. lege prologo in Tobiam. pag. 506. l. 5. lege  
 magnas. pag. 526. l. 8. lege Cap. 13. pag. 537. l.  
 ult. lege fundarum in vi. pag. 580. l. 19. lege  
 a me pag. 615. l. 12. lege Pag. 349. pag. 651. l.  
 penult. lege quoad. pag. 660. l. 13. lege falso.  
 pag. 684. l. 5. dele Adversarij. pag. 718. l. 26.  
 similitudine. pag. 719. l. 3. specierum. pag.  
 770. l. 5. lege infusam. pag. 772. l. 5. exclu-  
 dis. pag. 807. l. 24. ansam. pag. 808. l. 22.  
 lege non enim possumus.







AD GEORGII TURNERVILLI

# HEXAGONISMVM

PSEUDOGRAPHVM APO-

DIXIS CATHOLICA,

*Sive*

APOLOGIA PRO DISPUTATIONE

DE FORMALI FIDEI OBJECTO.

*Traëctatus primus.*

*In quo titulus seu inscriptio disputationis à  
jejuna & imperita adversarii cavillatione  
vindicaretur.*

*Disputationis inscriptio.*

DISPUTATIO THEOLOGICA,

De formali Fidei objecto, hoc est, de

Sacrae Scripturae Divinae, & Canonica

authoritate.

CENSURA TURNERVILLI.



MISSIS convitiis, quibus cap. 2  
§. 1.

contra bonos mores offen-

duntur animi lectorum, mentes

non erudiuntur, ut circulum do-

ctrinae, quem nobis objicis postea

facilius contemplemur, expenden-

da prius erunt omnia principia, ex

quibus tibi videris eum colligere sumpto initio ab ea  
questione, quam tu solvere conaris partim in primo

C

totius

totius tuæ disputationis vestibulo, partim in prima, partim in secunda, & tertia. *Quid nomen sit formale obiectum Fidei?* Quam ad quaestionem quanti referat hîc ante omnia sive benè, sive male respondere perspicuum est, quia sicut primum scientiæ principium in omni re controversa est legitima rei definitio, ita primum errandi principium est neglecta, vel perversio germanæ definitionis; nec in ullo rebus genere magis, quàm in isto verum est quod notat philosophus lib. 1. de cœlo, *Parvum in principio videremur, in fine fieri maximum.*

2. Ita ergo postquam primum limen tuæ disputationis inscripsisti *De formali obiecto Fidei*, mox tuam inscriptionem ita interpretaris, *hoc est de sacra scriptura divina, & canonica auctoritate.* Quæ sanè interpretatio, quâ quaesituros, *Quid nominis videris præfatus venisse*, ad scholasticam nostrorum amussim expectarideretur à nostris tyronibus tibi mox objecturis omnino similem, sed planè ridiculam philosophi scribendis quaestiones, & inscribentis *de homine*; sed suam inscriptionem mox ita interpretantis, *hoc est de animali rationali habitante in Iaponia, vel apud Orcades.* Sicut enim essentiali conceptui hominis accidentarium est hîc, vel ibi habitare, ita formali, & specifico Fidei obiecto accidentarium est materiæ scriptæ, vel non scriptæ applicari. Vbi, quæso te, habitabar, ita loquar, formale obiectum illius fidei, quâ iustus fuit Abel, iustique fuerunt quotquot ante inventas litteras Deo placuerunt? Tua inscriptio postulabat essentiam rei subtiliùs distingui ab accidentario ejus habitaculo, & rem scripturis signatam ab adventitio Charactere, si volebas fallaciam accidentis in circulo.

adversus nos describendo evitare, dignamve Scho-  
lico pulvere disputationem Academicis proponere.  
Debas etiam advertere utrumque Dei Testamentum  
à primis, propriisque utriusque fidelibus fuisse  
credendum, quàm vel vetus à Moyse, ceterisque Pro-  
phetis, vel novum ab Evangelistis scriberetur. Quo  
tempore nemo dixerit suum Fidei objectum  
formale defuisse. Debas denique notare quando  
nominatur formale objectum, nihil vel minus, vel am-  
plius significari, quàm quando nominatur objectum  
specificum, sed formale & specificum esse duo ejusdem  
ut objecti, ita & significationis epitheta, quibus expri-  
mitur unica ratio, materiam divina fide credendam  
formaliter ita determinans, & approprians virtuti hu-  
manæ nominis, ut ejus tum habitum, tum actum extrinse-  
ce specificet. Est enim ipsa forma objective specifica  
tum actus, quàm habitus. Sicut ergo ridendus esset,  
quis quærenti objectum specificum & essentialem ra-  
tionem objective specificam Fidei, responderet per  
adventitium Characterem scripturæ, ita tua disputatio  
eiusdem risui exponitur, quando quærenti formale ob-  
jectum respondet per accidens tam naturæ rei, de qua  
queritur adventitium, quàm ab eadem separabile.

Detexi, nisi fallor, principium, ex quo per fallaciam  
accidentis solent tuæ sectæ homines concludere, nihil  
divina fide credendum esse, nisi quod scripto Dei ver-  
bo continetur. Vtrum tu eadem fallaciâ captus ad  
eundem scopum collimes? postea videbimus.



## AUTHORIS DUPLICATION.

### CAPVT I.

An in disputationis titulo seu inscriptione, formale objectum fidei, & sacrae Scripturae divina autoritas, proinde recte accipiantur.

1.



INSCRIPTIONEM M  
DISPUTATIONIS quae  
habet, de formali objecto fidei  
hoc est, de sacra Scriptura  
vina & canonica authori  
te, verbose reprehendis

2. cui libri: quia videlicet haec exegesis seu applicatio tituli, includit specialem formalem ob  
jecti fidei limitationem, qua doctrinae in sac  
codice scriptae applicatur, cum tamen ex se  
differens sit, ut materiae vel scriptae vel no  
scriptae applicetur. Et hanc tuam rationem  
confirmas: quia fuit assensus fidei divinae a  
requam esset scriptura: v. g. fides qua iustus  
fuit Abel iustusque fuerunt quotquot ante  
ventas literas Deo placuerunt, non nitebantur  
Scripturae autoritate, & proinde haec duo fo

male

formale objectum fidei, & S. Scriptura divina authoritas, non æquipollent nec æquè late patent.

At nodum in stirpe quaris gloriose miles: 2.  
 Primò enim cum disputatio à me instituta sit, de fidei objecto formali non quidem nude & simpliciter spectato, sed cum limitatione, & respectu ad fidem eam quæ jam à Christianis post conscriptum & consignatum canonem exigitur; quæque ea omnia & sola quæ in Scriptura credenda proponuntur, credere tenemur, tanquam ad salutem necessaria; non immeritò, in explicatione tituli disputationis meæ præfixi, istam limitationem expressi, & formale objectum fidei, materiæ in sacro codice scriptæ applicavi. Fateor igitur formale objectum fidei generaliter & absolute consideratum absque ulla limitatione ad præsentem Ecclesiæ statum, esse divinam revelationem in tota sua amplitudine acceptam, seu divinam authoritatem cujusslibet doctrinæ à Deo revelatæ, sive ea scripta sit, sive non scripta. At formale objectum fidei illius, quæ creduntur ea, quæ in Scriptura credenda proponuntur, est ipsius Scripturæ divina & canonica authoritas. Si enim quis quærat, cur credam ea quæ in Scriptura credenda proponuntur? Ego aliter respondere non possum, (ut expresse monui parte prima disput. meæ, sect. 3. §. 1.)

quam quia Deus ea omnia revelavit, seu quia  
 sacra Scriptura Dei ipsius Verbum est: unde  
 Durandus, lib. 3. sent. distinct. 24. quæst. 1.  
 §. 8. *Credere (inquit) Scripturam esse à  
 Deo inspiratam est ratio credendi illa quæ  
 in Scriptura traduntur.* Hoc Durandi testi-  
 monium in medium attuli loco citato, videlicet  
 sect. 3. §. 1. At tu, qui in tota hac dispu-  
 tatione Iesuiticum candorem adhibes, hoc &  
 fere omnia alia Pontificiorum Theologorum  
 testimonia, à me citata, data opera transilis,  
 idque ne cogaris fateri (id quod manifestissi-  
 mum est,) ea quæ à me de formali fidei obje-  
 cto tradita sunt, etsi vestram sententiam de  
 Scripturæ autoritate evertant, niti tamen  
 communibus & receptis Scholæ vestræ pla-  
 citis.

3. Secundo recentiores Pontificii dum forma-  
 le fidei objectum explicant aut describunt,  
 speciales huiusmodi limitationes frequenter  
 adhibent. Staplet. enim lib. 8. princip. doc-  
 trin. cap. 8. & 21. item in relect. controvers. 4.  
 q. 1. art. 1. & q. 3. art. 2. necnon in defen-  
 sione autoritatis Ecclesiasticæ, lib. 1. c. 14.  
 §. 12. dicit totam formalem rationem fidei  
 nostræ esse *Deum revelantem per Eccle-  
 siam*; hoc est, Ecclesiæ testimonium, quate-  
 nus ea est DEI ipsius testimonium. Hæc  
 explicatio



applicatio formalis objecti fidei, non est æque generalis & tam latè patens atque ipsum formale objectum fidei, sed specialis est & ad certam conditionem formalis objecti limitata: neque enim credentium fides, semper fundata est in Ecclesiæ testimonio; v. g. nullo Ecclesiæ testimonio nitebatur fides, qua Adamus justus fuit; item fides qua Patriarchæ, Prophetæ, & Apostoli credebant DEO immediate revelanti. Similiter Ecclesiæ testimonio nunc non nititur primo fides hæreticorum, qui Ecclesiæ auctoritatem spernunt, hi enim habent fidem verè divinam articulorum in quibus non errant, quamvis Ecclesiam ut infallibilem fidei regulam non sequantur, ut post Durandum nō infeliciter probavit Estius, in 3. sent. dist. 23. §. 13. et in Commentariis in 4. cap. 1. epist. Iohan. 2°. Laici illiterati, qui non possunt certo & infallibiliter scire quid ab Ecclesia definitum sit, ut infra patebit. 3. Pastores in concilio definiētes controversiam nunquam antea ab Ecclesia definitam: hi enim definiunt ex certa fide, hoc est fide vere divina credunt id verum esse quod definiunt, & tamen eorum fides non nititur ullo priori decreto aut definitione Ecclesiæ.

Tertio, Antiquiores scholastici, formale 4.  
objectum fidei mecum restringunt ad sacram  
Scripturam, tanquam ad instrumentum per

quod DEVS credenda plenè & sufficienter  
revelat: ut patet ex Thoma Aquinate, q.  
2<sup>a</sup>, 2<sup>a</sup>, q. 5. art. 3. sic de formali objecto fidei  
differit; *Formale objectum fidei, est veritas  
prima, secundum quod manifestatur in  
Scripturis sacris, & doctrina Ecclesie, quae  
procedit ex veritate prima: unde qui  
cunque non inhaeret, sicut divina & infal-  
libili regula, doctrina Ecclesie quae proce-  
dit ex veritate prima in Scripturis Sacris  
manifestata, ille non habet habitum fidei.*  
Hic habes, Turnebulle, apud ipsum Angeli-  
cum Doctorem, illam limitationem vel appli-  
cationem formalis objecti fidei, quam ego  
in disputationis meae titulo seu inscriptione  
expressi: dicit enim formale objectum fidei  
esse veritatem primam secundum quod ma-  
nifestatur in Scripturis sacris. Et proinde  
ita restringit & limitat formale objectum fidei  
ut extendi non possit ad fidem qua justus fuit  
Abel.

5. At (inquies) proponit aliam limitationem:  
dicit enim formale objectum fidei esse verita-  
tem primam secundum quod manifestatur  
in Scripturis Sacris, & doctrina Ecclesie.  
Resp. Quid hoc ad rem? proponit quidem  
aliam limitationem, attamen etiam hanc pro-  
ponit,

ponit, & proinde non ita deliravit, ut tecum  
ultimaret hanc limitationem esse ridiculam  
& absurdam. Instabis & dices; Thomam, ad-  
dendo illam alteram limitationem, aperte de-  
clarare se in ea esse sententia, quod DEVS  
per Scripturam non revelet plenè & sufficien-  
ter ea quæ sunt creditu necessaria ad salutem.

Rsp. Verba Thomæ manifestissimè docent  
illum in ea sententia non fuisse: Doctrina  
enim Ecclesiæ quam addit sacris Scripturis,  
non est ex ejus sententia diversa à doctrina  
Scripturæ, sed tota quanta quanta est, ex Scrip-  
turis deprompta est seu, ut ipsius verbis utar,  
*procedit ex veritate prima in Scripturis*  
*sacris manifestata*, hoc est, *procedit ex ve-*  
*ritate prima*, quatenus ea in Scripturis sa-  
cris proponit & explicat seipsam & alia  
credenda. Hic enim est sensus verborum  
Thomæ, ut patet ex Commentario Cajetani in  
hunc locum.

Hoc etiam manifestius patebit, si hæc ver- 6.  
ba Thomæ conferam⁹, cum iis quæ ab eodem  
Doctore alibi dicta sunt: nam 1. part. quæst.  
1. art. 8. ad 2. dicit fidem nostram inniti  
soli revelationi scriptæ. Sed tamen (inquit)  
*sacra Doctrina hujusmodi autoritatibus*  
*utitur quasi extraneis argumentis & pro-*  
*babilibus; autoritatibus autem canonicæ*



Scriptura utitur propriè ex necessitate  
argumentando: auctoritatibus autem aliorum  
Doctorum Ecclesie quasi arguendo  
propriis, sed probabilibus. Innititur enim  
fides nostra revelationi Apostolis & Pro-  
phetis facta, qui Canonicos libros scrip-  
serunt: non autem revelationi si qua  
aliis Doctoribus facta. Hic de sola re-  
velatione Scriptoris canonicis facta docet  
quod sit formale fidei objectum, ut disertè  
dicitur Stapler. lib. 8. de princip. doctrin. cap. 1.  
8. sub finem: Vnde sequitur (inquit) non solum  
ipsam Veritatem primam esse objectum  
fidei formale, ut Sanctus Thomas docet  
2<sup>a</sup>, 2<sup>a</sup>, quæst. 1. art. 1. neque etiam  
fidem nostram inniti revelationi solum  
Apostolis & Prophetis facta qui canoni-  
cos Libros scripserunt, sicut de illa sola  
docet Sanctus Thomas, part. 1. q. 1. art. 8.  
ad 2. sed præterea, &c.

7. Item, parte tertia, q. 1. art. 3. idem Ange-  
lus Doctor sic disserit: Ea enim quæ ex sola  
Dei voluntate proveniant supra omne debi-  
tum creatura, nobis innotescere non possunt  
nisi quatenus in Scriptura sacra traduntur  
per quam divina voluntas nobis innotescit.

apertè asserit ea omnia, quæ non lumine  
 naturæ, sed lumine fidei nobis innotescunt in  
 sacra Scriptura plenè & sufficienter esse reve-  
 lata, imò nullum hujusmodi dogma fide divi-  
 na credi posse, nisi in sacra Scriptura tradatur.

I nunc, Turnebulle, & contra vestros 8.  
 Thomæ interpretes, subtiliter differito de fide  
 Abelis, & eorum omnium, qui ante literas in-  
 ventas DEO placuerunt, ut videlicet probes  
 formale objectum fidei ineptè & ridiculè de-  
 scribi, cum materiæ in sacro codice scriptæ ap-  
 plicatur. Illi mecum respondebunt, hanc  
 applicationē, etsi respectu fidei simpliciter &  
 absolute consideratæ non sit de ratione forma-  
 lis objecti, esse tamen modum quendam, seu  
 conditionem fidei illius, quæ nunc à nobis  
 exigitur post consignatum Scripturæ cano-  
 nem. Hæc responsio tibi displicere non de-  
 bet, quia deprompta est ex scriptore Pontifi-  
 cio magni nominis: Cajetanum intelligo, qui  
 2<sup>o</sup>, q. 5. art. 3. sic explicat id quod à Tho-  
 mæ dictum est de formali objecto fidei, quod  
 videlicet, sit veritas prima ut manifestata in  
 SCRIPTURIS, & doctrina ECCLESIAE; Nam  
 (inquit) ponit veritatem primam in Scrip-  
 turis, & doctrina Ecclesie rationem forma-  
 lem fidei. Veritatem primam quidem ut  
 ipsam rationem credendi: manifestationem  
 autem

autem Scriptura & Ecclesia, ut conditionem qua veritas prima proponit & expectat se ipsam & alia credenda. Huiusmodi autem conditiones licet respectu fidei simpliciter non sint de integritate formae objecti fidei, ut patet de fide primi hominis, si in aeternum fuisset solus, & de fide Angelorum in sua via, sunt tamen de integritate objecti formalis fidei nostrae.

## CAPVT II.

An in Sacrae Scripturae auctoritate omnes, etiam Laici & illiterati fidem suam resolvant.

I.



Contra id quod superiori capitulo dictum, est de Scripturae divinae & canonicae auctoritate, quod videlicet post confirmationem, Scripturae canonicae sit formalis ratio propter quam omnes credunt, & in qua omnes fidem suam resolvere debent, duo argumenta eaque in speciem non levia adducuntur. Prius est ex Irenaeo, qui libro



cap. 4. testatur, multas gentes Barbarorum in CHRISTVM credidisse, quamvis nullas apud se scripturas haberēt: Cui ( inquit ) ordinationi assentiunt multe gentes Barbarorum, eorum qui in CHRISTVM credunt, sine charactere vel atramento scriptam habentes in cordibus suis salutem, & veterem traditionem diligenter custodientes.

Posteriori peti solet à fide laicorum ἀγραμμάτων seu indoctorum, qui nec Scripturam legere, nec de partium ejus consensu, aut de styli qualitate judicium ferre possunt: immò qui non nisi ex aliorum relatione aut testificatione sciunt doctrinam, quæ illis credenda proponitur, esse in hac vel illa Scripturæ parte traditam. Hi enim non possunt dici fidem suam in Sacræ Scripturæ authoritatem resolvere: quia videlicet certam, explicitam, & distinctam notitiam de Scripturis, de quæ doctrina in Scripturis tradita, *qua talis est*, aut de vernaculæ versionis quæ publicè in Ecclesia legitur consonantia cum originali editione habere non possunt. Hoc ipsum argumentum à te, mi Turnebulle, allatum est cap. 5. §. 2. ubi sic disseris; *Secunda pars minoris de universali aptitudine non minus patet, quia Scriptura immediate spectata est idonea*

*nea tantum regula literatis: nec vsui esse potest illiteratis, nisi media viva voce legentis.*

3. Vt horum argumentorum solutio clarior & manifestior sit observationes aliquot de analysi fidei in medium afferam. Prima sit hæc Theologi orthodoxi, cum dicunt Christianos omnes nunc post constitutum & consignatum Scripturæ canonem, debere fidem suam resolvere in sacræ Scripturæ divinam & canonicam auctoritatem, non volunt hunc esse unicū atque solum modum resolvendi fidem, ita viz. ut nullus alius modus sit possibilis, aut ad æternam salutem utilis, sed tantum, hunc modum esse convenientissimum, utilissimum, & certissimum; immo etiam esse necessarium in iis Ecclesiis quibus sacræ Scripturæ innotuerunt. Ratio manifesta est, quia Sacra Scriptura nobis tradita est ut sit suprema et principalis fidei nostræ regula, seu ut loquitur Irenæus, lib. 3. cap. 1. ut sit *columna & fundamentum fidei nostræ*. Et proinde in iis Ecclesiis quibus Scripturæ innotuerunt omnes debent aliquo modo fidem suam resolvere in sacræ Scripturæ divinam & canonicam auctoritatem.

4. Secunda observ. Quamvis Christiani omnes nunc debeant fidem suam resolvere in divinam

vinam Scripturæ authoritatem, tamen non omnes eodem modo id facere possunt. Nam Pastores & doctiores Laici (qui Scripturam legere, explicare, diversa ejus loca inter se conferre, deq; styli majestate, & partium cōsensu judicium ferre possunt) explicite & distincte fidem suam resolvunt in divinam authoritatem Scripturæ, tanquam instrumenti cujusdam authentici & infallibilis, quo doctrina ad salutem necessaria continetur: idque quia explicite & distincte sciunt & credunt, doctrinam quæ iis credenda proponitur, esse divinitus revelatam in Scriptura aut per Scripturam, tanquam per instrumentum authenticum & infallibile. At Laici illiterati fidem suam non nisi implicitè, confusè, et virtualiter, resolvunt in divinam authoritatem Scripturæ formaliter acceptæ: quia videlicet illi ut supra dictum est, certam explicitam et distinctam notitiam de Scripturis, deque doctrina in Scripturis tradita qua talis est, aut de vernaculæ versionis quæ publicè in Ecclesia legitur consonantia cum originali editione habere non possunt: immo non nisi ex aliorum relatione aut testificatione sciunt doctrinam quæ iis credenda proponitur esse in sacro codice literis consignatam.

Tertia observ. Quamvis Laici illiterati fidem suam explicite et distincte non resolvant in divinam 5.



in divinam auctoritatem *Scripturae formaliter acceptae*, tamen explicitè et distinctè eadem suam resolvunt in divinam auctoritatem *Scripturae materialiter acceptae*, id est, doctrinæ Legis et Evangelii, quæ sacris literis continetur; idque quia quamvis eam doctrinam propter auctoritatem Ecclesiæ, seu reificationem doctorum ac sanctorum virorum primò amplectuntur, fide videlicet humana seu acquisita, postea tamen Spiritu DEI intus operante, illisquæ mentis oculos aperiente ut intueri possunt mirabilia ex Lege DOMINI, PSAL. 119. vers. 18. ipsi percipiunt doctrinam eam quam Ecclesia iis ex Scriptura credendam proponit, non esse humanam, sed divinitus revelatam, juxta illud, *Oves me vocem meam audiunt*, IOHAN. 10. VERS. 27. Et illud, *Sermonem quem audistis a nobis, excepistis non ut sermonem hominum, sed (sicut est verè) ut DEI Sermonem qui etiam agit in vobis qui creditis.* 1<sup>a</sup> ad THESS. CAP. 2. VERS. 13. Credunt igitur Laici doctrinam, quæ iis credendæ proponitur esse in sacro codice literis consignatam, sed fide tantum humana seu acquisita hoc credunt. At fide divina eaque explicitè distincta & certa credunt doctrinam eam non esse humanam, seu humani cerebri figmentum

esse divinitus revelatam. Vnde patet hoc esse discrimen inter modum quo indocti, & modum quo docti fidem suam resolvunt: quod quamvis et hi et illi fidem suam explicitè et distinctè resolvant in divinam auctoritatem doctrinæ Legis et Evangelii, tamen soli docti seu literati explicitè et distinctè fidem suam resolvunt in divinam auctoritatem instrumenti, quo ea doctrina scripta continetur, id est, Scripturæ formaliter acceptæ.

Quarta observ. His non obstantib<sup>9</sup> eadem est formalis ratio fidei doctorum et indoctorum, nam sicut assentiuntur eidem doctrinæ, videlicet, doctrinæ Legis et Evangelii, quæ in sacris literis scripta est, ita etiam propter eandem formalem, seu objectivam rationem ei assentiuntur, videlicet, quia illa doctrina divinitus revelata est. Tota igitur diversitas inter horum assensus est accidentalis, eaque petita est à diverso modo applicandi objectum formale fidei, viz. DEI revelantis auctoritatem, suo objecto materiali, id est doctrinæ Legis et Evangelii, quæ in sacro codice scripta est. Nam Pastores et doctiores Laici fidem suam explicitè et distinctè resolvunt in DEI revelantes auctoritatem, quatenus ea applicatur et doctrinæ quam DEVS revelavit, et etiam instrumento per  
D quod

quod eam revelavit: credunt enim DEVM illam doctrinam in Scriptura, aut per Scripturam tanquam per instrumentum authenticum et infallibile revelasse. At Laici illiterati fidem suam resolvunt explicitè et distinctè in DEI revelantis auctoritatem, quatenus ea soli doctrinæ applicatur: solummodo enim explicitè et distinctè credunt DEVM illam doctrinam revelasse; an vero in Scriptura sacra eam revelaverit, non certò explicitè et distinctè cognoscunt. Nam ut dicunt non nisi ex aliorum relatione aut testificatione hoc sciunt.

7. Hujus observationis veritatem agnoverunt multi scriptores Pontificii, nam mecum fatentur diversitatem seu differentiam assertionis suæ fidei, quæ à diverso modo applicationis DEI revelantis auctoritatem rebus creditis petita est, esse extrinsecam et accidentalem. Suarez, disp. 3. de Fide, sect. 10. §. 6. *Alia verò (inquit) partes, ejusdem modorum scilicet de modo, & de medio revelationis etiam claræ sunt ex dictis: quia illa circumstantia tantum in hoc consistit, ut quod revelatio fiat vel mediatè à DEO vel per aliquem ministrum suum, vel per predicationem Apostolorum aut Prophetarum, vel per alium modum traditionis*



aut propositionis à DEO factæ: hæc autem omnia accidentaria sunt quia non spectant ad objectum formale, sed ad approximationem seu applicationem illius objecti, &c.

Staplet. libro 8. principiorum doctrinae 8.  
 Thom. cap. 8. His (inquit) ita positis iterum advertendum est DEVM ut veritatem primam revelantem esse fidei nostræ objectum formale, sive revelantem simpliciter & immediatè, sive revelantem ut sic & per certum aliquod medium: & perinde utrumque valere. Neque enim vel in DEO hoc discrimen ponit, vel in nobis quoad certitudinem docendi aut revelandi, sed tantum quoad modum discendi. Et cap. 21. ejusdem libri, de voce Ecclesiæ, quam in toto complexo formalis objecti fidei ponendam esse putat, ut videlicet formale objectum fidei sit DEVS per Ecclesiam revelans, sic disserit; Nec tamen sic posita (supple Ecclesiæ vox) variat aut mutat rationem objecti formalis, quod est DEVS revelans; quasi alia esset fidei ratio in Patriarchis, Prophetis, & Apostolis, quam in nobis. Quæ etiam per accidens contingunt objecto ali-

*cujus habitus illa non variant illius ob-*  
*jecti formalem rationem, Hæc Staple-*  
*nus.*

9. Similiter Estius, in 3. sentent. distinct. 2.  
 §. 13. *Ad rationem* (inquit) *ex adver-*  
*propositam respondetur fidei impertine-*  
*esse, per quod medium prima veritati con-*  
*datur; id est, quo modo DEVS utatur*  
*conferendū homini donū fidei, quāvis enim*  
*nunc ordinarium medium sit Ecclesie*  
*stificatio & doctrina, (idem de Scriptura*  
*dicatur) constat tamen aliis viis seu mediis*  
*fidem collatam fuisse aliquando & adhuc*  
*conferri, &c.*

10. Quinta observ. Nihil necesse esset de  
 doctis & illiteratis hic agere nisi adversari-  
 rum infelix & præpostera subtilitas hanc de  
 quisitionem nobis extorqueret: non enim  
 hic quæritur quomodo quilibet privatus ac  
 indoctus Laicus, sed quomodo illi qui certius  
 & accuratius de rebus fidei judicare valent  
 fidem suam in DEI revelantis auctoritate  
 resolvere debeant? Certum enim est & om-  
 nes fatentur, aut saltem fateri debent, nullum  
 esse doctrinæ Christianæ instrumentū authen-  
 ticū & infallibile, in quod Laici omnes expli-  
 cite & distincte fidem suam resolvere possunt

fiat, ut partim patet ex supra dictis partim ex Cap. sequenti patebit: & proinde necesse est eos fidem suam explicite resolvere in divinam doctrinæ ipsius auctoritatem, Spiritu Sancto per internam illuminationem, & motionem supplente id quod illis ab externis adminiculis deest. Ac non minus certum est in confesso apud omnes est, esse aliquod doctrinæ Christianæ instrumentum authenticum, & infallibile, in cuius divinam & canonicam auctoritatem, Pastores Ecclesiæ, & doctiores Laici, (quorum est aliis in amplectenda seu recipienda veritate, & fugiendis heresibus viam præire) fidem suam principaliter resolvere debent.

Hoc instrumentum nos dicimus esse Scripturam Sacram formaliter acceptam: illi vero dicunt id esse definitionem seu decretum Ecclesiæ Catholicæ, ubi per Ecclesiam Catholicam intelligunt solam Romanam, & per Romanam solum Romanum Pontificem. Hoc aperte profitetur Valentia, Tom. 3. Disp. 1. q. 1. p. 1. §. 6. *Nomine Ecclesiæ* (inquit) *intelligimus ejus caput id est Pontificem Romanum*: & Gretf. defens. cap. 20. lib. 3. De verbo, col. 1450. *Quando* (inquit) *dicimus Ecclesiam esse omnium controversiarum Iudicem, per Ecclesiam*

II.



*intelligimus Pontificem Romanum.*

12.

Sexta Observ. Circa ultimam fidei analysis triplex est inter nos, & Pontificios dissensio : 1. Nos in divinam auctoritatem solius doctrinæ scriptæ in sacro codice, illi vero etiam in traditionum non scriptarum auctoritatem fidem suam ultimò resolvunt : 2. Nos dicimus instrumentum authenticum & principale, quo doctrina credenda proponitur aut continetur, & in cuius divinam auctoritatem fides resolvi debet, esse S. Scripturam; Pontificii vero Papam Romanum, ex Cathedra pronunciantem: Vnde hi dicunt totam completam formalem rationem fidei ( ut loquitur Stapler. in Relect. Controv. 4. quæst. 3. art. 2. conclusione 5.) esse DEVM revelantem per Ecclesiam; nos vero dicimus totum complexum, formalis rationis seu ultimæ resolutionis fidei esse DEVM revelantem per Scripturam : 3. Nos candidè, & ingenue profitemur propositiones seu principia quibus formale objectum fidei exprimitur ( quales sunt hæc, *Deus hoc vel illud revelavit, Tota doctrina S. Literis cōprehensa est divinitus revelata, S. Scriptura est DEI verbum* ) esse prima fidei Christianæ principia, & non resolvi in alia ulteriora principia, sed credi propter se ita, viz.

ut fides nostra in iis sistat & acquiescat: Pontificii vero quamvis verbo tenus id ipsum nobiscum profiteantur, tamen revera fidem suam in quoddam ulterius principium resolvunt, viz. in hoc principium, *Ecclesia dicit DEVM hoc revelasse*, aut in hoc, *Ecclesia testatur Scripturam esse DEI verbum*: imò in nullo credibili sistit aut acquiescit eorū fides sed hoc credunt propter illud, & illud vicissim propter hoc, ut patebit ex tractatu de Circulo Pontificiorū. Prima dissensio ad controversiam de perfectione scripturæ: 2<sup>a</sup>. ad controversiam de regula fidei: 3<sup>a</sup>. proprie & peculiariter ad hanc controversiam de formali objecto fidei pertinet: idque quia Pontificii dicendo, principia exprimentia formale objectum fidei, resolvi in alia ulteriora principia, ipsum formale objectum fidei evertunt, & ex objecto formali, materiale objectum faciunt: id enim est materiale fidei objectum quod creditur propter aliud, hoc est quod ita creditur, ut fides nostra in eo credendo resolvatur in aliud ulterius principium.

His positis, ad priorem objectionem quæ ex Irenæo petita est, Resp. 1. nihil ex Irenæi verbis concludi posse contra nos, qui ultrò fatemur, eam fidei analysin quæ in Sacra Scripturæ autoritatem fit, non esse simpli-

citer, & absolute necessariam in omnibus Ecclesiis, sed in iis duntaxat quibus S. Scripturæ innotuerunt. Potuit DEVS olim, immo etiam hodie potest, sine Scriptura Ecclesiam suam colligere & tueri: sed quia hic modus resolvendi fidem in auctoritatem DEI, per Scripturam revelantis ea quæ credenda sunt, est utilissimus, certissimus, & ab ipso DEO præscriptus, certe Ecclesiæ illæ quibus Scripturæ innotuerunt graviter peccaverint, si sprete Scripturæ auctoritate in Ecclesiæ, Papæ, aut Conciliorum auctoritatem fidem suam ultimò & principaliter resolvant. Secundo Resp. Aliam esse rationem istius sæculi (quo gentes barbarorum, de quibus loquitur Irenæus, libro 3. cap. 4. sine Scripturis in fide erudiebantur) et sequentium sæculorum: nam tunc vigebat donum miraculorum quod aliqua ex parte Scripturæ defectum compensabat: quin et extraordinaria tunc fuit Spiritus Sancti assistentia.

14. Ad posterius argumentum breviter respondeo, Laicos illiteratos aliquo modo, hoc est virtualiter et implicite, in Scripturæ divinam et canonicam auctoritatem fidem suam resolvere: idque primò, quia doctrinam à Pastoribus Ecclesiæ ex Scripturis propositam, ut divinam seu divinitus revelatam excip



excipiunt et amplectuntur; immò fide explicita et distincta credunt eam esse talem. Secundò, quia fide humana, eaque moraliter certa, sciunt et credunt doctrinam illam esse revelatam in Scriptura, aut per Scripturam: immò ob id eam primò recipiunt et amplectuntur, quia audiunt tot viros eruditione et pietate insignes, perspicuis Scriptura testimoniis eam confirmantes: et proinde hi etiam fidem suam resolvunt in divinam auctoritatem doctrinæ Christianæ cum respectu aliquo ad instrumentum authenticum et infallibile quo ea doctrina continetur, id est, ad Scripturam formaliter acceptam. Concludo igitur omnium Christianorum fidem esse aliquo modo fundatam in sacræ Scripturæ divina et canonica auctoritate, et in eandem aliquo modo resolvi: unde Cameraensis in recommendatione sacræ Scripturæ, *Habet (inquit) domus ista, Catholica scilicet Ecclesia non solum septem columnas, sed & singulas partes suas super Sacra Scripturæ veritatem fundatas. Et infra: Sed audite insuper (inquit) qualiter super Sacra Scripturæ fundamentū tota hæc domus edificatur, & instruitur omnis Ecclesiæ cætus, omnis status, omnis gradus, omnis sexus.*

## CAPVT III.

Argumenta superiori capite allata & soluta, efficaciter in ipsos adversarios retorquentur, & ostenditur illiteratos, non posse certius aut distinctius scire, quid ab Ecclesia definitum, quam quid in sacro codice scriptum sit.

I.



PRIVS ARGUMENTVM

facile retorquetur: nam gentes illæ barbarorum, de quibus loquitur Irenæus libro 3. capite 4. sicut fidem suam non resolvebant in divinam authoritatem Scripturæ formaliter acceptæ, ita etiam fidem suam non resolvebant in definitiones aut decreta Ecclesiæ Romanæ: idque primò, quia illo sæculo hoc est sæculo secundo nulla extabat Ecclesiæ Romanæ definitio, præter unam contra Quartodecimanos de celebratione Paschatis, ut pater ex Bellarm. lib. 3. de Verbo, cap. 6. §. *Secundo sæculo*. Secundò, non est probabile gentes tanta loci interapedine distantes et remotas à Romana Ecclesia, certam et distinctam notitiam de fide et doctrina Romanæ

manæ Ecclesiæ habuisse. Tertiò Irenæus loco citato non dicit eos Fidei suæ certitudinem habuisse ex definitionibus aut decretis Ecclesiæ, sed ex interna scriptione Sancti Spiritus, et ex vetere traditione.

Quod ad posterius argumentum attinet, 2. frustra obganniunt adversarii eam credendi rationem, quam laici apud nos sequuntur, esse dubiam, periculosam, et incertam. Nam ipsi nullum alium credendi modum tutiorem hactenus, excogitarunt, imò neque excogitare unquam poterunt. Sicut enim laici illiterati non possunt distinctè et explicitè fidem suam resolvere in authoritatem doctrinæ scriptæ *quatenus scripta est*, quia videlicet non possunt eam legere, aut de exteriori phrasi qua illa doctrina proponitur judicare: ita etiam neque in perpetuam universalis Ecclesiæ traditionem, neque in Conciliorum aut Pontificum Romanorum judicalem decisionem, possunt distinctè et explicitè fidem suam resolvere: et sicut certò non sciunt quid in sacro codice scriptum sit, quid nor: ita etiam certò scire non possunt quæ fuerit constans et perpetua totius Ecclesiæ doctrina ab ipsis Apostolis per quindecim sequentia sæcula ad nostra tempora derivata: aut quid in fidei quæstionibus à Conciliis aut Pontificibus Romanis determinatum sit.



Vt perpetua Ecclesię traditio, aut pręsentis Ecclesię conspiratio in doctrina cum antiqua et primitiva Ecclesia cognoscatur, ingens et ferę impossibilis labor insumendus in Patrum scriptis, in historiis Ecclesiasticis, in Scholasticorum ac modernorum Scriptorum voluminibus evolvendis et legendis. Singula hæc et universa Laicos percurrere oportet, ut intelligant partim quid antiqui Patres docuerint, et num inter se conveniant, partim quid scholastici proposuerint, et num in omnibus Fidei capitibus conspirent, partim denique quid moderni Doctores Pontificii scripserint, et num ab antiqua Patrum doctrina deflexerint. Hoc negotium plenum vigiliarum et sudoris, Laici illiterati (qui istorum Doctorum volumina legere nequeunt) nunquam suscipient; Laici verò doctiores nunquam conficient.

3. Similiter quod ad Conciliorum et Pontificum judiciales determinaciones in fidei causis, illę ex Conciliorum decretis, et Pontificum Decretalibus Epistolis eruendę sunt Decisiones, verbi gratia, Patrum Tridentinorum in controversiis quę hoc sæculo agitantur, ex decretis Concilii Tridentini petendę sunt. At Laici illiterati istius Conciliabuli canones legere non possunt, et proinde certò scire non possunt quid in illis definitum sit, et

fit, et quid non sit. Illi non audiunt Pontificem ex Cathedra definientem, sed audiunt Pastores aliquot Pontificios audacter asserentes doctrinam de Meritis operum, de Primatu Pontificis, de Purgatorio, de Missæ sacrificio, de Transubstantiatione, de Sanctorum invocatione, Imaginum adoratione, &c. esse a DEO per Prophetas et Apostolos revelatam, in Ecclesia Catholica semper receptam, in legitimis œcumenicis Conciliis, et nominatim in Concilio Tridentino definitam fuisse, et nunc ab omnibus per universum orbem Catholicis firmiter credi: hoc, inquam, audiunt, sed an verè ita se res habeat ex particularium aliquot Pastorum asseveratione certò scire non possunt. Paucorum aliquot Pastorum et Episcoporum autoritas non est infallibilis; imò nec autoritas multorum, aut omnium seorsim existentium, hoc est, extra Concilium sententiam suam proferentium.

Hoc patet ex aperta Adversariorum confessione: Bellarm. enim libro 2. de Conciliis, cap. 2. dicit, *Spiritum Sanctum non docere Episcopos seorsim existentes omnem veritatem, item, Singulos Episcopos seorsim errare posse.* Suarez, disp. 5. de fide sect. 1. §. 1<sup>o</sup>. Vnde (inquit) hac ratione docent

docent Theologi non sufficere plures Theologos etiam sanctos & sapientissimos ad confirmandam doctrinam, ut certam & infallibilem, quia sunt homines qui possunt vel decipere vel decipi. Gregorius de Valentia, tomo 3. disput. 1. quæst. 2. puncto 5. Synodus (inquit) Episcopalis & plures etiam Theologi errare possunt.

5. Rectè igitur concedit Gregorius de Valentia, tomo 3. disput. 1. quæst. 1. puncto 1. §. 6. col. 33. fidem illiteratorum implicite & confuse resolvi in authoritatem Ecclesiæ proponentis dogmata fidei: verba ejus hæc sunt; *Porrò non est necesse*, ut hæc Ecclesiæ propositio, quatenus ex Ecclesiæ sententia fit, & ut est infallibilis, explicite cognoscatur ab omni, eo qui credit: sed satis est ut cognoscatur saltem implicite, & in confuso, sicut cognoscitur à rudioribus, & ab iis, qui non immediate ipsi eruduntur de fide ab Ecclesiæ Pastoribus, seu Ministris; sed credunt commoti authoritate & testificatione suorum majorum, qui immediate vel mediate ab Ecclesiæ Pastoribus seu Ministris instru-



si sunt. Idem etiam asserit ibidem pun-  
to 7. §. 1. quæst. 1. sub finem: *Illud ta-*  
*men* (inquit) *hoc loco est addendum; non*  
*est necesse ut omnes & singuli fideles cog-*  
*noscant iudicium ejus auctoritatis, quæ*  
*est magistra & judex fidei: satis enim*  
*est ut illud vel explicitè cognoscant, (si-*  
*cut cognoscunt ii quorum munus est alios*  
*rudire) vel implicitè, ut cognoscunt ru-*  
*diores qui scilicet credunt commoti autho-*  
*ritate aliorum. Nam & hi quoque li-*  
*cet actu quidem non cognoscant iudicium*  
*auctoritatis magistra fidei, tamen facile*  
*possunt illud explicitè cognoscere, cum id*  
*necesse fuerit, exorta controversia de*  
*fide.*

Rectè hic dicit Valentianus, rudiores non  
semper explicitè & distinctè cognoscere sen-  
tentiam Ecclesiæ de rebus fidei. Sed quod  
addit, eos facile cognoscere posse sententiam  
Ecclesiæ, id est Papæ cum id necesse fuerit  
exorta controversia de Fide, id nullo modo  
probabile est. Nam non solum difficile, sed  
etiam impossibile est multis rudibus eam ex-  
plicitè cognoscere: idq; primo quia nequeunt  
omnes rudiores ab extremis Europæ, Asiæ,  
Africæ, Americæ, & Magellanicæ angulis  
ulti-

ultimisque Oceani Insulis, ad Papam Romanum accedere. Secundo, ex iis qui Romam venirent, centesimus quisque non posset audire Pontificem de omnibus iis viva voce pronuntiantem, de quibus controversiæ maximæ momenti exortæ sunt, & quotidie nascuntur. 3. Plurimæ hominum myriades Papam controversias definientem audientes non intelligerent quid ab eo diceretur, propter linguæ peregrinitatem: non enim *Romanus Apostolatus*, (phrasis est Anglorum Rhemenſium, in EPHES. 4. VERS. 11. *Apostolicâ facultatē omnium linguarum sibi annexam habet*. 4. Eorum qui linguam qua Papa utitur, sibi habent familiarem magna pars non capit sensum aut mentem Papæ. Hinc tot de constitutionum Papalium sensus digladiationes. 5. Ex iis etiam qui Papam loquentis mentem allequuntur, quotus quisque est qui infallibiliter discernere valeat utrum ea verba ex Tripode enunciet, an ex privato suo sensu? 6. Vnde scient eum qui loquitur esse verum ac legitimum Papam vide TRACT. 4. Cap. 3. ubi ostendo infallibilem certitudinem haberi non posse de hoc vel illo Pontifice quod revera Pontifex sit & Ecclesiæ Caput. 7. Vnde scient infallitatem iudicii esse annexam Cathedræ Papali vide TRACTATVM 7. huius Operis, quod

et, de *Primo Credibili*, ubi probatur infallibilitatem Ecclesiæ in definiendis fidei controversiis ex Scripturis demonstrandam esse, et aliundè firmam & plenam certitudinem fidei de ea haberi posse.

Ex iis quæ jam dicta sunt duo colligo consuetudina : primò, argumentum illud à Laicorum imperitia petatum, ridiculè & inopertè admodum ab Adversariis nostris adferretur contra nostram de regula & resolutione fidei sententiam ; idque quia contra ipsorum doctrinam de regula & resolutione fidei doctrinam pariter militat. Secundò, aut dicendum esse fidem Laicorum nullo certo fundamento niti, (quod sanè impium dictu est) aut dicendum esse fidem Laicorū interna luce doctrinæ quæ illis credenda proponitur tanquam solidissimo fundamento, & principali assentiendi ratione niti. Nam, ut jam observavi ; illi non nisi ex asseveratione paucorum aliquot Pastorum (quorum autoritas infallibilis non est) scire possunt aut quid Prophetæ & Apostoli scripserint, aut quid primitiva Ecclesia crediderit, aut quid Concilia & Pontifices definiverint in causis fidei ; aut denique quid Ecclesia Catholica nunc per universum Orbem profiteatur. Ergo nihil horum potest esse Laicis idonea, aut sufficiens causa certitudinis fidei, & proinde



dicendum non est eos firmiter & certò credere, quia sciunt ea quæ illis credenda proponuntur esse in sacro codice scripta, aut ab Ecclesia definita, (hæc enim certò scire non possunt, ut jam observavi) sed quia per Spiritus Sancti illuminationem evidenter percipiunt eam doctrinam quæ illis credenda proponitur esse divinitus revelatam.

8. Quamvis Pontificii Doctores nobiscum fateantur Laicos illiteratos à privatis suis Pastoribus in hoc negotio decipi posse, neminem Laici hinc arripiant occasionem probandi, aut examinandi doctrinam Pastorum suorum dicunt errores Laicorum qui cum Pastoribus suis errant, aut cæca fide errores Pastorum suorum amplectuntur, non solum non esse perniciosos, sed etiam esse illis vel maxime salutares & ad æternam salutem utiles. Dicunt enim eorum errores in tali casu esse *actus Christiana obedientia, & æterna vita meritorios*. Ita docent Gregorius de Valentia. Tom. 3. Disp. 1. Quæst. 2. Part. 5. c. 311. Tolet. de instructione Sacerdotis, Lib. 4. Cap. 3. §. 7. et Gabriel Biel, Lib. 3. Sent. Dist. 25. Quæst. unica, Art. 1. Notab. 2. finem. Hæc doctrina nimis absurda est, & apertis Scripturæ testimoniis contraria, Nam Apostol. IOANN. 1. EPIST. CAP. 4. VERS.

jubet omnes etiam Laicos Spiritus probare, an videlicet à DEO sint. At Adversarii Laicos, non probare Spiritus, sed errare cum suis Pastoribus jubent. CHRIS-  
TVS, MATTH. 15. VERS. 14. loquens de populi Iudaici Doctoribus, Phariseis videlicet dicit, *Si cecus cecum ducat, uterque in foveam cadet*; quo proverbio innuit, tam seductos, quam seductores in extremum exitium ruere. At isti seductores solos in exitium ruere, seductos verò ceca sua obedientia salutem æternam mereri & consequi impie ac blasphemè affirmant.

## CAPVT IV.

Ad confirmationem eorum quæ supra dicta sunt, propositiones aliquot notatu dignissimæ, de fide Laicorum ex Suarezio afferuntur & explicantur.

## PROPOSITIO PRIMA: 1.



*Proponens fidem (id est, doctrinam fide divina credendam) vel est proximus, vel remotus. Proximum voco ipsum Predicatorem.*

vel Doctorem, qui Fidem docet & suadet. Remotum appello, Scripturam, Concilium, aut aliquid simile in quo solent fundari verbum Doctōris ut suam doctrinam, veram fidem esse persuadeat. Suarez, Disput. 5. de fide in principio.

2. *Propositio secunda: Inter remotum proponentem & proximum quoad nos haec cernitur differentia: quod proximus proponens non habet de se auctoritatem, ut doctrinam suam certam esse ostendat, sed oportet ut aliunde eam confirmet. In proponente autem remoto ut in suo ordine sit sufficiens, debet supponi haec auctoritas, & ideo illud vocatur Regula fidei.* Suarez ibid. Hic dicit non esse infallibilem auctoritatem in proximis proponentibus, hoc est, in privatis Pastoribus, aut Doctoribus, sed in remotis, hoc est, in Scriptura, Traditione, Conciliis, & Pontificē Romano ex Cathedra definiente.

3. *Propositio tertia: Quoties proximus proponens sufficienter facit credibilem veritatem propositam, ita ut inde oriatur obligatio illam credendi tanquam dictam à D E O, necessarium est ut proponens cred*



*credatur esse infallibilis authoritatis, seu veritatis actualis in eo quod dicit.* Sua-  
 rez, prædicta Disput. 5. de Fide, Sect. 1. §. 4.  
 quasi diceret: quamvis proponens proxi-  
 mus non sit habitualiter, permanenter, & ex  
 se infallibilis, tamen cum ita proponit fidei  
 dogmata, ut auditores obliget ad credendum  
 illa dogmata, necesse est ejus propositionem,  
 seu prædicationem qua proponit illa dog-  
 mata esse infallibiliter veram, & proinde ne-  
 cesse est eum esse infallibilis authoritatis, &  
 veritatis actualis *in eo quod sic dicit.*

Propositio quarta: Proponens proxi- 4.  
 mus cum authoritatem hanc infallibilem  
 non habeat permanenter, habitualiter, &  
 absolute, proculdubio eam accipit à doctri-  
 na quam tradit, & à signis vel regulis  
 quibus illam confirmat. Ibidem §. 5. sub  
 finem. Exempli gratia, Pastor aliquis publi-  
 cè docens, unam esse essentiam in Deitate, &  
 tres personas, quamvis habitualiter, perma-  
 nenter, & absolute, non sit infallibilis, tamen  
 pro tunc, et quatenus hoc docet, est infallibi-  
 lis, et hanc infallibilitatem accipit à doctrina  
 quam tradit, et à signis vel regulis quibus  
 eam confirmat.

Propositio quinta: Necesse est igitur 5.

*ut doctrinam suam confirmet aliqua regula infallibili, quia non potest aliter obligare auditores suos ad credendam illam veritatem ut infallibilem. Ibidem.*

6. *Propositio sexta: Quia Laici qui per se Scripturam, Traditiones, et Concil. Canones consulere nequeunt, dubitare possunt an doctrina proposita verè et realiter nitatur auctoritate illius regulæ qua proponens proximus doctrinam suam confirmat, ideo etiam necesse est, ut regulam illam applicet cum morali evidentia, ac certitudine, ita ut de illa nō possit rationabiliter dubitari: & ita imprimis necesse est, ut quod proponitur non sit contrarium antiquæ Fidei; deinde ut publicè & in conspectu Ecclesiæ proponatur, sine ulla cōtradictione ex parte Ecclesiæ, & cum sufficiente attestatōne Pastorum ejus, &c. Ibidem. Et Disput. 4. de Fide, Sect. 5. §. 8. Nota hic, ( Candido de Lector ) Laicos Pontificios non habere certitudinem, nisi moralem, ( quæ videlicet probabilibus argumentis nititur ) de doctrina illis proposita, quod sit à Pontificè aut Concilio definita. Quis negaverit Laicos apud nos parem aut majorem certitudinem habere de doctrina illis proposita, quod videlicet*

scilicet Sacra Scriptura contineatur.

Propositio septima: *Addo denique si 7.*  
*contingat exteriorem prædicationem fidei*  
*et propositionem, (quæ videlicet fit à prox-*  
*imo proponente) non esse sufficientem ad*  
*fermandum iudicium, ita firmum & evi-*  
*dens, de credibilitate fidei----- tunc per*  
*divinam inspirationem, & vocationem in-*  
*ternam posse compleri huiusmodi credibili-*  
*tatem.* Suarez, Disput. 4. de Fide, Sect. 5.  
 §. 9. et infra §. 10. *Nam licet simplices*  
*homines per se non sint capaces huius*  
*evidentiæ immediate ut sic dicam, &*  
*speculativè deductæ ex suis principiis &*  
*motivis, sunt tamen ejus capaces mediante*  
*fide humana, de miraculis, & aliis testibus*  
*& testimoniis huius fidei, & juvari pos-*  
*sunt interna D E I illuminatione ut dixi.*  
 Ecce tandem Suarez in nostram it pedibus  
 sententiam, hoc est, nobiscum fatetur id  
 quod Laicis illiteratis ad firmam et plenam  
 fidei certitudinem ab externis adminiculis  
 deest, (quia scilicet de regulis, motivis, et  
 argumentis, quibus doctrina à Pastoribus  
 proposita confirmatur, convenienter, et ac-  
 curatè judicare non possunt) sufficienter  
 E 4 compl



compleri et suppleri per internam inspirationem aut illuminationem Spiritus Sancti qui efficit ut homines quantumvis rudes et simplices percipiant cœlestem istius doctrinæ lucem et maiestatem mirabilemque ejus efficaciam. Atque hinc est quod hujusmodi Laici postquam doctrinam Legis et Evangelii fide divina seu infusa crediderunt, et tam constanter adhæreant, *ut quamvis omnes qui eos docuerunt, (verba sunt Melchioris Cani, Libro 2. Cap. 8. Pap. 47.) immò adeo Angeli cœlorum iis astruerent oppositum ejus quod fide tenent, non ex eo fides eorum labefactaretur: juxta* PAVLI *Apostoli præscriptum, GAL. I. VERS. 8. Licet nos aut Angelus de Cœlo Evangelizet vobis aliud Evangelium, &c.*



TRAC.

TRACTATUS SECVNDVS.

De definitione formalis ob-  
jecti fidei, ab Authore pro-  
posita, parte prima disputa-  
tionis, sectione prima.

PARS PRIMA DISP.

*In qua Pontificiorum doctrina de forma-  
li objecto fidei examinatur, eorumq;  
fraudes & impostura deteguntur.*

SECTIO I.

Quid sit objectum fidei materiale,  
& quid formale.



ARTINVS BECANVS, I.  
Societatis Iesa Theologus, in  
Summa Theologiae, part. 2.  
Tom. Poster. Tract. 1. cap.  
1. Quaest. 2. §. 4. Satis eleganter  
& perspicue, definit objectum  
fidei, tum materiale, tum for-  
male. Materiale fidei objectum (inquit) est id  
quod creditur propter aliud, nempe propter  
primam

primam veritatem revelantem, seu quod eadem redit, propter primæ veritatis revelationem. Formale est id quod non creditur propter aliud, sed est ratio credendi aliud. Potest quidem credi non tamen propter aliud sed propter se. Hæc Becanus.

2. §. 2. *Materiale & Formale objectum fidei*, non minus perspicuè & clare, sic definiri possunt. *Materiale objectum fidei* Est id quod credimus & per quod respondemus, ad quæstionem, Quid credis? *Formale objectum fidei*, Est id propter quod credimus, & per quod respondemus ad quæstionem, Cur credis? Exempli gratia ea omnia, quæ in verbo DEI, credenda proponuntur, ut creatio mundi, DEI providentia, redemptio generis humani, sunt materialia fidei objecta: sunt enim id quod credimus: per ea respondetur ad quæstionem Quid credis? & non propter se, sed propter aliud creduntur, videlicet propter auctoritatem verbi in quo credenda proponuntur: formalis enim ratio propter quam ea credimus est quia à DEO revelata sunt: seu quia verbum in quo credenda proponuntur, non hominum sed DEI revelantis verbum est.

3. §. 3. *At verbi DEI auctoritas, est formale objectum fidei*: nam non creditur propter aliud, sed est ratio credendi omnia alia: Item hæc, est id, propter quod credimus, & per quod re-



adetur ad quaestionem Cur credis? Nam si  
 eras: cur credam ea quae in scriptura credenda  
 ponuntur? Respondebo, quia DEVS ea reve-  
 lit seu quia Scriptura DEI verbum est. Si rursus  
 queras propter quid credam DEVM ista re-  
 velasse seu scripturam DEI verbum esse? Re-  
 spondebo hoc principium DEVS dixit, seu hoc  
 DEI verbum est, non credi propter aliud, sed  
 propter se: Ita loquitur Becanus quaest. jam ci-  
 tata, §. 9. Credo (inquit) DEVM hoc  
 revelasse, non propter aliud, sed immediate  
 propter se: & infra dicit, assensum fidei, non  
 solvi ulterius, sed sistere in ipsa revelatione  
 divina (hoc est in verbi DEI auctoritate)  
 quae creditur propter seipsam. Sic etiam Va-  
 lent. tom. 3. disp. 1. quaest. 1. punc. 1. §. 10.  
 colum. 37. Et eadem Quaestione, punc. 4. §. 1.  
 colum. 61, dicit nos credere & cognoscere di-  
 vinam revelationem per seipsam sine alia re-  
 velatione.



REPLIO



# REPLICATIO TURNEBVLLI,

qua

*Definitio formalis objecti fidei supra  
proposita oppugnatur.*

Cap. 2  
§. 3.



Iterum interim, & alterius  
phismatis principium, quo pa-  
ter vel ipse falsus es, vel falles  
alios voluisti, à te traditur. Sc  
1. §. 2. ubi affirmas sicut ma-  
teriale objectum fidei definitio-  
per quod respondemus quæstioni

*Quid credis?* Ita & formale per quod responde-  
mus quæstioni, *Cur credis?* Equidem non infici-  
materiale objectum ita describi posse sine periculo  
sicut descripsisti. Contendo tamen formale ob-  
jectum non posse tantam æquivocationem in sua de-  
finitione pati, ex quanta responderi potest quæstioni  
*Cur Credis?* Quis enim nescit quod notavit Phi-  
losophus 2. lib. poster. Analyt. responderi posse  
quæstioni propter quid per omnia causarum gene-  
ra, ut quærenti. *Cur credis?* Respondere possumus  
non tantum per objectivam rationem credendi re-  
velatione applicatam, per D E I nempe auctori-  
tatem, sed etiam per alia plura credendi principia  
ut per piam affectionem credendi quia volo, per  
efficaciam gratiæ dantis tum velle, tum perficere

us fidei, quia D E V S inspiravit, per prævium  
 iudicium prudentiæ de tota rerum revelatarum cre-  
 dibilitate. Quia prudens discretio in regulis cre-  
 dendi fundata sic dictavit. Demum tu ipse 2. p.  
 tuæ disp. q. 8. §. 4. tandem advertisti ambiguum  
 esse illud (propter) & aliquando denotare cau-  
 sam effectivam assensus, aliquando autem objecti-  
 vum. Cur ergo tanta sermonis homonymia obscu-  
 rare voluisti rem ex se manifestam in prima ejus de-  
 finitione assignanda? Nonne quia captiosi argumen-  
 ti, quod sect. 3. §. 4. postea texit, statuendum à te  
 hoc loco erat principium pariter captiosum? Fru-  
 stra mi homo jaciis rete ante oculos pennatorum,  
 quod suo postea loco in aërea filamenta, & nubes  
 retexetur.

Huic tuo principio tantopere captioso, consen-  
 suum est aliud à te positum 2. p. tuæ disp. q. 4. 4.  
 tibi prænotato discrimine inter præpositiones (per)  
 & (propter) affirmas quidem scripturam credi  
 per præsentis Ecclesiæ testificationem, primitivæ  
 Ecclesiæ traditionem, & internam Spiritus Sancti  
 operationem: Negas tamen eandem scripturam  
 credi propter aliquid horum, quia præpositio (per)  
 tibi significat usum omnis medii, sine quo fides or-  
 dinariè non producit. At præpositio (propter)  
 non tibi significat aliud quàm principale Fidei fun-  
 damentum, & objectivam rationem credendi.  
 At contra subtilitatem hanc grammaticam conten-  
 do ego non per te, nec propter te, sed præ te sa-  
 gere omnes Philosophos, qui cum Aristotele 2.  
 poster. Anal. c. 1. & sequentibus docent quatuor  
 generibus contineri omnes, quæ moveri possunt  
 de ullo subjecto, quæstiones. *An sit? Quid sit? &*  
*quale*



*Quale sit? Cur vel propter quid? Et ad hanc preloremam responderi posse per omnia media idoneam demonstrationi, siue causam hæc denotent effectivam, siue finalem, siue quamvis aliam, unde demonstrationis propter quid assignant iidem Philosophi exempla in omni genere causarum. Quare ergo jure vocabulum tam commune ausus es appropriare tuo velut agro? Præsertim ubi adversus violentiam talis appropriationis stant certum & amplius scripturæ testimonia, in quibus propositio (propter) alias ab objectiva causas denotat.*

5. Tertium in objecto Fidei definiendo, vitium te admittitur, sect. 3. §. 1. quando tam ex nostrorum, quam tuorum sententiis colligis, *Formale objectum Fidei saltem respectu eorum, quæ in Scriptura continentur, esse hoc complexum. Totam Scripturam esse D E I verbum.* Quorsum coelum terræ commisces? Cur non advertis, quod jam ante tibi ostendi ejusdem rationis & speciei essentialis Fidem esse nunc post D E I verbum scriptum, quod fuit in utroque Testamento, antequam alterutrum scriberetur, nomineque formalis objecti debere intelligi specificum objectum?



AUTH

AUTHORIS DUPLICATION,

In qua Adversarii objectiuncula contra  
definitionem formalis objecti fidei  
perspicuè diluitur.



Ormale objectum fidei sic  
descripti, parte 1. disp. sect. 1.  
1. §. 2. est id propter  
quod credimus, & per  
quod respondemus ad qua-  
stionem, Cur credis?

Hanc descriptionem petu-  
anter, & acerbè carpis, capite 2. §. 3. & hanc  
tuæ censuræ rationem adfers; quia ad qua-  
stionem, Cur credis? non tantum respon-  
dere possumus per causam objectivam assen-  
sus, id est, per objectum formale, sed etiam  
per causam effectivam assensus, id est, per ef-  
ficacem S. Spiritus operationem, & per di-  
rectivam seu exemplarem causam credendi,  
id est, per regulam fidei, nec non per alia cre-  
dendi principia. Hoc autem probas quia  
Philosophi omnes cum Aristot. libro 2. po-  
ster. Analyt. docent ad quæstionem propter  
quid

*quid*, responderi posse per omnia media idonea demonstrationi seu per omnia causarum genera. Vnde concludis nimis generalem, & ambiguam esse definitionem formalis objecti fidei à me assignatam: meque de industria huiusmodi definitionem assignasse pro singulari tua sagacitate conjicis, ut videlicet in sententia vestra confutanda captiosis, & ambiguis loquendi modis lectoribus fucum faciam.

2. Ad puerilem hanc, & ineptam tuam objectiunculam, qua me captum, & constriatum stolidè somnias, multis modis respondere possum. Primo enim multi ex vestris Theologis generalioribus, & magis ambiguis vocibus utuntur in describendo formale fidei objectum ut verbi gratia Thomas secundæ secundæ, quæst. 1. art. 1. Cajetanus ibidem Durandus in 3. senten. distinct. 24. quæst. 1. §. 16. Suarez, disput. 2. de fide in initio. Becanus, Tract. de Fide, Cap. 1. Quæst. 2. §. 1. imò ipse Leo Pontifex (cujus definitionem me pronum venerari jubes) Cap. 2. §. 6. satis generaliter & ambiguè loquitur cum formale fidei objectum sic exprimit, *Divina est auctoritas cui credimus*, id est, divina auctoritas est formale fidei objectum; ratio est, quia esse id cui credimus multo latius patet, quam



quam formale obiectum fidei.

Secundo Respondeo, hunc esse sensum  
hæc definitionis; formale obiectum fidei 2.  
est id per quod fideles ordinariè & commu-  
niter respondent ad quæstionē, *Cur credis?*  
quodq; præcipuè satisfacit iis qui hanc quæ-  
stionē proponunt. Hoc soli formali obiecto fi-  
dei cōpetit: nam ordinariè & communiter ad  
quæstionē, *Cur hoc vel illud credis?* per for-  
male fidei obiectū, & nō per alia credēdi prin-  
cipia respondemus: itē solū formale obiectū  
præcipuè satisfacit iis qui hanc quæstionem  
proponunt. Hoc patet ex analogia fidei hu-  
manæ; cum enim quæro ex aliquo, *Cur  
hoc vel illud credat?* statim respondet non  
per causam effectivam, sed per formale ob-  
iectum sui assensus, dicitque se id credere  
quia hic testis fide dignus id affirmavit.

Tertiò ipsi Theologi Pontificii formali 3.  
obiecto fidei hoc tanquam ei peculiare ascri-  
bunt quod per id ad quæstionem, *Cur cre-  
dis?* respondendum sit. Nam Gregorius  
de Valentia, Tom. 3. Disput. 1. Quæst. 1. Pun-  
cto 1. §. 10. dicit ad quæstionem, *Cur fir-  
miter & infallibiliter hoc vel illud credis?*  
respondendum esse, non per Ecclesiæ testi-  
monium, (quod ex te, mi Turnebulle,  
& principale credendi principium) sed  
per

*quid*, responderi posse per omnia media idonea demonstrationi seu per omnia causarum genera. Vnde concludis nimis generalem, & ambiguam esse definitionem formalis objecti fidei à me assignatam: meque de industria huiusmodi definitionem assignasse pro singulari tua sagacitate conjicis, ut videlicet in sententia vestra confutanda captiosis, & ambiguus loquendi modis lectoribus fucum faciam.

2. Ad puerilem hanc, & ineptam tuam objectionunculam, qua me captum, & constriatum stolide somnias, multis modis respondere possum. Primo enim multi ex vestris Theologis generalioribus, & magis ambiguus vocibus utuntur in describendo formali fidei objecto ut verbi gratia Thomas secunda secundæ, quæst. 1. art. 1. Cajetanus ibidem: Durandus in 3. senten. distinct. 24. quæst. 1. §. 16. Suarez, disput. 2. de fide in initio. Becanus, Tract. de Fide, Cap. 1. Quæst. 2. §. 1: imò ipse Leo Pontifex (cujus definitionem me pronum venerari jubes) Cap. 2. §. 6. satis generaliter & ambiguè loquitur cum formale fidei objectum sic exprimit, *Divina est auctoritas cui credimus*, id est, divina auctoritas est formale fidei objectum; ratio est, quia esse id cui credimus multo latius patet, quam

quam formale objectum fidei.

Secundo Respondeo, hunc esse sensum  
meae definitionis; formale objectum fidei <sup>2.</sup>  
est id per quod fideles ordinariè & commu-  
niter respondent ad quæstionē, *Cur credis?*  
quodq; præcipuè satisfacit iis qui hanc quæ-  
stionē proponunt. Hoc soli formali objecto fi-  
dei cōpetit: nam ordinariè & communiter ad  
quæstionē, *Cur hoc vel illud credis?* per for-  
male fidei objectū, & nō per alia credēdi prin-  
cipia respondemus: itē solū formale objectū  
præcipuè satisfacit iis qui hanc quæstionem  
proponunt. Hoc patet ex analogia fidei hu-  
manæ; cum enim quæro ex aliquo, *Cur  
hoc vel illud credat?* statim respondet non  
per causam effectivam, sed per formale ob-  
jectum sui assensus, dicitque se id credere  
quia hic testis fide dignus id affirmavit.

Tertiò ipsi Theologi Pontificii formali <sup>3.</sup>  
objecto fidei hoc tanquam ei peculiare ascri-  
bunt quod per id ad quæstionem, *Cur cre-  
dis?* respondendum sit. Nam Gregorius  
de Valentia, Tom. 3. Disput. 1. Quæst. 1. Pun-  
cto 1. §. 10. dicit ad quæstionem, *Cur fir-  
miter & infallibiliter hoc vel illud credis?*  
respondendum esse, non per Ecclesiæ testi-  
monium, (quod ex te, mi Turnebulle,  
est principale credendi principium) sed  
per



per formale objectum fidei, seu quia DEVS *id revelavit*. Similiter Becanus, in opusculo de circulo Calvinistico, à §. 23. ad 30. docet quomodo respondendum sit ad quæstionem, *Quare firmiter & infallibiliter hoc vel illud credis?* & tamen non aliam responsionem affert, quam eam quæ à formali objecto fidei petita est, seu quia DEVS *id revelavit*.

4. Quartò imaginariis (ut patet ex Cap. 3. tui libri, §. 4.) me tam generalem & ambiguam definitionem formalis objecti fidei attulisse, ut formale objectum fidei, & regulam fidei confunderē, quia scilicet per utrumque responderi potest ad quæstionem, *Cur credis?* sed fallis & falleris, nam ad quæstionem, *Cur credis?* non tam propriè & appositè respondetur per regulam fidei, quam per formale objectum fidei. Hoc patet ex Valentiano & Becano, locis citatis, qui ad quæstionem, *Cur firmiter & infallibiliter hoc vel illud credis?* non aliter respondendum esse docent, quam per formale objectum fidei, seu quia DEVS *id revelavit*. At per vestram fidei regulam, id est, per Ecclesiæ auctoritatem, non putant respondendum esse ad hanc quæstionem, sed ad aliam quand

quandam qua quæritur, *non de causa fidei secundum se, sed de causa acceptationis fidei.* Verbi gratia, si quæram quid te impulit & permovit ut in animum induceres credere articulos tam obscuros & humanum captum excedentes. Ad hanc quæstionem sic respondendum esse dicunt: *Inductus sum ut hæc crederem autoritate Ecclesie, consensu tot populorum, miraculis & similibus.* Ut igitur nunc omnem scrupulum tibi eximam, utque omnes sciant te impudenter calumniari, cum fingis me in hac definitione captiosum statuere principium & fundamentum, ex quo postea captiosè & sophisticè ut ais argumentor, palam profiteor me per formale fidei objectum non intelligere quodlibet principium, aut causam credendi, sed causam objectivam principalem assensus fidei, in quam scilicet assensus fidei formaliter, et ultimò resolvitur. Profecto item et declaro me formale objectum fidei distinguere, semperque distinxisse à fidei regula, unde in meis prælectionib<sup>9</sup> anni 1628. (quæ nunc in multorum manibus sunt) post disputationem de objecto formali fidei, subjeci disputationem de regula fidei. Neque hac mea declaratione tibi dabitur vel levissima occasio evitandi efficacissima argumen-

ta, quibus absurdam et inexplicabilem vestra fidei analysin confuto. Iudicet Lector, cum ventum fuerit ad confutationem puerilium subterfugiorum quibus tu subinde uteris, iudicet, inquam, an hæc mea declaratio tibi vel unius argumenti solutionem suppeditet aut faciliorem reddat.

5. Quæret aliquis quomodo distinguatur formale objectum fidei, à regula fidei? Resp. distinctionē formalis objecti fidei, à regula fidei variis modis explicari posse: primò enim regula fidei, est quasi *causa exemplaris* fidei, quam videlicet fides in omnibus sequi, & cui se conformare debet: vel ut planius dicam est principium secundum quod credere debemus: at formale objectum est *causa obiectiva fidei*, seu est principium propter quod formaliter & principaliter credimus. Secundò regula fidei limitat & determinat eam latitudinem, & extensionem quam fides habet in ordine ad materialia sua objecta, hoc est, docet quot & quæ credenda sunt. At formale objectum fidei specificat, terminat, & fundat assensum fidei. Tertiò effectus regulæ est notitia quæ præcedit actum fidei: nam intellectum instruit & informat proponendo ei ea quæ credenda sunt. At effectus formalis objecti est ipse proprius actus fidei, videl



videlicet, assensus mentis nostræ; nam objective movet intellectum ad assentiendum dogmatibus illis, quæ ei credenda proponuntur. Denique regula fidei nihil aliud est, quam systema, collectio, aut comprehensio omnium credendorum: at formale objectum fidei, est id propter quod & ipsam regulam fidei et omnia quæ in ea credenda proponuntur fide divina credimus. Vnde fides nostra non resolvitur in ipsam regulam, sed in formale fidei objectum, hoc est, DEI revelantis auctoritatem isti regulæ applicatam. Si enim quæras, quare Scripturam Sacram ut regulam meæ fidei recipiam? Respondebo, quia DEI verbum est, et quia nobis à DEO tradita est ad fidem nostram regulandam et dirigendam. Si verò quæras, quare hoc vel illud dogma in Scriptura propositum credam? Respondebo, quia illud à DEO, qui est prima veritas, in ea regula aut per eam regulam revelatum est.

Quintò quod ad argumenti tui confirmationem attinet qua ex testimonio Aristotelis, (asserentis ad quæstionem *propter quid*, responderi posse per omnia causarum genera) probas, ad quæstionem, *Cur credis?* seu propter, *Quid credis?* responderi posse non tantum per formale fidei obje-

Etum, seu per objectivam causam credendi; sed etiam per reliquas credendi causas. Respondeo, ineptam et ridiculam esse consequentiam: quamvis enim ad quaestionem, qua de affectione, seu proprietate demonstrabili, quaeritur propter quid ea insit suo subiecto responderi potest per omnia causarum genera: tamen cum quaestio movetur de assensu quem intellectus noster praebet huic vel illi veritati, et cum quaeritur propter quid, vel cur ei assentiamur, tunc respondere solemus non per quamlibet causam quae ad istum assensum producendum concurrit, sed per solam causam objectivam, seu per id quod objectivè nos ad assentiendum movet. Et sane sic fieri debet; quia illi qui hanc quaestionem proponunt, ordinariè et communiter non quaerunt, aut de effectiva, aut de subiectiva, aut de finali nostri assensus causa; sed de sola objectiva causa, seu de ratione propter quam assensum praebemus: et proinde per eam causam convenientissimè respondemus, verbi gratia, qui quaerit cur praebeam assensum huic conclusioni demonstrabili, *homo est risibilis*, is quaerit quodnam sit medium, aut argumentum demonstrativum propter quod isti conclusioni assentior. Sicut igitur omne medium demonstrationis, seu id omne propter quod formaliter, et principaliter assent

assentimur conclusioni demonstrationis, (sive causam denotet effectivam, sive finalem, sive quamvis aliam) semper est formale objectum assensus, quem præbemus conclusioni. Ita etiam id omne propter quod formaliter et principaliter fide divina assentimur alicui veritati credibili, est formale objectum fidei divinæ. Et proinde esse id propter quod credimus intellige formaliter et principaliter est quid peculiare formali objecto fidei. Vnde Stapletonus, Lib. 8. principiorum doctrinalium, Cap. 21. et in Relect. Controv. 4. Quæst. 3. Artic. 2. sic definit formale objectum fidei: *Objectum formale fidei, illud est, per quod, & propter quod, formaliter & principaliter credimus.*

Hæc definitio Stapletoni planè concidit cum mea, quamvis enim illa verba, *formaliter & principaliter*, non sunt expressa in mea definitione; habentur tamen in ejus explicatione, Sect. 1. §. 2. ubi formale objectum fidei voco *formalem rationē, propter quam credimus*: item, Sect. 2. §. 1. ubi illud voco, *formalē & principalem causam, cur credimus ea quæ credimus*. Imò similes periphrases formalis objecti habes ferè per totam meam Disputationem:





## TRACTATUS TERTIVS.

De revelatione divina  
quatenus est formale  
fidei objectum.

## SECTIO II.

*Omnes ferè, tam Evangelicos, quàm Pon-  
tificios, in eo, (saltem verbo tenus) con-  
sentire, quod objectum fidei formale,  
non sit Ecclesiæ testimonium, sed divi-  
na revelatio.*



*N* solum Evangelici, sed etiam  
Pontificii, docent objectum for-  
male fidei, seu principale funda-  
mentum, nostri assensus, quem  
præbemus Articulis fidei, non es-  
se Ecclesiæ testimonium, sed  
DEI ipsius revelationem. For-  
malis enim, & principalis causa, cur credimus ea quæ  
credimus, est quia **DEVS** ea revelavit, vel quia  
verbum

verbum illud, in quo ea credenda proponuntur, verè  
DEI ipsius verbum est.

§. 2. Hanc fuisse sententiam omnium ferè an-  
tiquorum Scholasticorum testatur Valent. Tom. 3. 2.  
Disp. 1. Quæst. 1. Punct. 1. §. 4. Colum.  
21. Ita (inquit) docent Thomas, hoc Articulo  
primo. Alexander Alensis, 3. P. Quæst.  
78. Membro 4. Albertus Magnus, in 3. Sen-  
tent. Distinct. 23. Art. 7. & 12. Bonavent.  
Distinct. 24. Art. 1. Quæst. 2. & 12. Alci-  
siodor. Lib. 3. summæ Tractat. 3. Cap. 1.  
Quæst. 3. Richardus, in 3. Sent. Distinct.  
23. Art. 4. Quæst. 3. Durandus, in 3. Sen-  
tent. Distinct. 23. Quæst. 7. Num. 12. &  
Distinct. 24. Quæst. 1. Num. 16. & Quæst.  
2. Num. 4. Gabriel, Distinct. 23. Quæst. 2.  
Art. 1. Marsilius, in 3. Quæst. 14. Cajetan.  
hic Art. 1. &c.

§. 3. Quod ad recentiores Pontificios attinet, il-  
li etiam omnes, hoc ipsum profitentur. Bellarm. Li- 3.  
bro 3. de Verbo, Cap. 10. Resp. ad Argu-  
ment. 13. Melchior Canus, Lib. 2. de locis,  
Cap. 8. Pag. 46. Gretser. Append. 2. ad 1.  
Lib. Bell. de verbo DEI, Colum. 395. &  
Append. 2. ad Lib. 3. de Verbo, Colum.  
1514. Staplet. Lib. 3. de Authorit. Script.  
Cap. 12. §. 11. Malderus, in secundam se-  
cundæ Divi Thomæ, Quæst. 1. Art. 1. §. 8.

Object. 3. Gregorius de Valentia, Tom. 3. Disp. 1. Quæst. 1. Punct. 1. §. 4. 6. & 10. Vasquez, in primam partem Thomæ, quæst. 1. Art. 2. Disp. 5. Cap. 3. Becanus, in summa, Part. 2. Tom. poster. Tract. 1. Cap. 1. quæst. 2. §. 9. & Cap. 8. ejusdem Tract. quæst. 8. §. 8. Hi Doctores aliiq̃ue ferè omnes moderni Pontificii docent: Primò Ecclesiæ testimonium non esse principale fundamentum ullius assensus fidei, seu non esse, principalem rationem, propter quam credimus ea quæ credimus: & nominatim, dicunt eam non esse principalem, & formalem rationem, propter quam credimus Verbi DEI authoritatem. Secundò Ecclesiæ testificationem, esse tantum conditionem ad credendum requisitam. Tertio, Fidem eam quæ Ecclesiæ testimonio nititur, non esse Divinam, aut Theologicam, sed alterius inferioris ordinis. Quarto, solam revelationem Divinam, seu Verbi DEI authoritatem esse formale objectum fidei, seu principale ejus fundamentum. Quintò, eam non credi propter aliud, ideoq̃ue non propter Ecclesiæ testimonium, sed tantum propter se.



REPLIC



REPLICATIO TURNEBULLI,

qua

*Probare conatur Revelationem divinam  
simpliciter & per se, non pertinere  
ad formalitatem objecti fidei.*



V R non meministi, si didiceris;  
vel si nondum didiceris, cur an-  
tequam scriberes, non didicisti,  
Fidem de qua disputamus, esse  
virtutem Theologicam, ordi-  
néque generationis, Theologi-  
carum virtutum primam?

Cap 2  
§. 5.  
ad fi-  
nem.

Cui proinde solus DEVS ut  
revelans, vel increata DEI testantis perfectio est  
objectiva, & specifica ratio assentiendi rebus per  
eam credibilibus. Scriptura verò etiam, quã DEI  
Verbum est, nec est DEVS, nec increata DEI per-  
fectio.

Quis puer nescit sicut humanæ Fidei formale ob-  
jectum est hominis testantis auctoritas, ita divinæ  
Fidei formale objectum esse DEI testantis auctori-  
tatem? Quis mediocriter Dialectica imbutus, non  
advertit hoc inter locum intrinsecum ubi à causa  
vel effectui; & extrinsecum ubi à testantis auctoritate  
quis arguit, hoc esse discrimen, quòd hinc gignatur  
Fides,

Fides, illinc scientia, vel alterius à Fide rationis opinio?

6. 6. Nolo ad hoc confirmandum, quod ex analogia humanæ Fidei jam illustratum, alia nullâ probatione indiget, tecum texere longum catalogum nostrorum ita de Theologica Fide concedentium, ubi guttatim ex recentiorum rivulis frustra inquiris, quod uno haustu habere poteras in antiquo fonte. Audi magnum Romanæ Fidei Leonem, & divinæ tam sapientiæ, quàm eloquentiæ Pontificem, Serm. 7. de Nativitate: *Divina* (inquit) *est auctoritas, cui credimus*, ecce formale objectum: *Divina est doctrina, quam sequimur*, ecce materiale objectum Fidei Theologicæ.

7. 7. Nota hîc primò, pronûsque venerare Pontificiam utriûsque objecti definitionem, unde proprias habes, & definitivas utriûsque objecti differentias, quarum prior est increata, & æterna DEI perfectio, ex duobus ejus attributis omni scientia, & veracitate veluti consurgens, unde formaliter habet DEVS, ut nec falli possit, nec fallere, unôque nomine vocatur à S. Thoma, cæterisque Scholasticis, tum Auctoritas divina, tum Prima veritas in dicendo. Posterior est omnis ab eo revelata doctrina, & assertio quæcunque tanto ex principio credibilis, sive quâ dicimus eum dixisse aliquid, sive qua, quod ab ipso dictum est, simpliciter repetimus. In omni enim ejusmodi assertione, nisi credentis intellectus nitatur increata DEI perfectione tanquam proxima & objectiva ratione assentiendi, non operatur ex Fide Theologica. Nam objecta specificè discriminantia virtutes Theologicas, sunt  
totidem

notidem DEI perfectiones paris inter se necessitatis,  
& æternitatis.

8. Vbi præterea nota distinctionem illam complexorum credibilium in Schola quandoque audiri solitam, quorum alia dicuntur credi, quia **DEVS** ea dixit, ut **CHRISTVM** resurrexisse, alia sine alio medio propter se, ut est **DEVM** hoc, vel illud dixisse, non debere sic intelligi quasi ullum sit testimonium, in quo non distinguatur æterna testantis auctoritas ab effectu verboque temporali tanquam formalis, id est, specifica ratio à materia.

Sed sensus distinctionis est, Ex propositionibus divina Fide credibilibus alias esse, quibus DEI auctoritas tanquam objectiva ratio credendi non applicatur, nisi medio quasi vinculo temporalis revelationis, ut **DEVM** esse trinum credimus, quia **DEVS** revelavit; alias verò esse, quibus eadem DEI auctoritas seipsa immediatè sine alio vinculo applicatur, ut est, **DEVM** hoc vel illud revelasse. Cum enim temporalis revelatio sit ratio applicans divinam auctoritatem aliis credibilibus, seipsa unitur divinæ auctoritati sine alio vinculo eam applicante. Sicut enim in aliis unionibus contingit, ita in ista ut sit ratio ita nectens inter se extrema, ut ad eam utriusque extremo nectendam non sit opus alia ratione formali, cum sit ex natura sua ipsum formale utriusque vinculum.

9. Tertiò, debes advertere, si quando à nostrorum aliquibus, & gravibus viris analysim Fidei petentibus ab hoc complexo, *Quia DEVS dixit*, Verbum DEI dicatur esse formale objectum Fidei, posse hoc sine errore uno è duobus modis intelligi, vel sensu proprio, vel metonymico: Proprio si principal



principaliter significetur internum & æternum in divina mente dicere omnium in tempore postea credibilium, quod ab increata DEI auctoritate non distinguitur, connotato tamen externo signo temporalis revelationis.

Metonymico verò si intentionaliter, ut ita dicam, accipiatur temporale signum externæ revelationis pro infallibili auctoritate, & æterna præconceptione revelantis per tale signum representata. Qualis etiam æquivocatio aliquando cernitur in nomine auctoritatis, quod aliquando externum testimonium, aliquando internam testantis perfectionem significat: illud metonymicè, hanc propriè. Ratio hujus æquivoci, & promiscui usus apud non curantes subtiliorem Scholæ usum est, quia cum idem sit motus animæ in signum, seu imaginem intentionaliter acceptam, & rem significatam, ut notavit Philosophus, Lib. de Mem. & Reminisc. nil vetat eandem rationem specificam in objecto hujus virtutis posse promiscuè significari sive priori modo, sive posteriori exprimatur. Vbi tamen ad accuratiorem Scholæ amussim proprietates singulorum terminorum expenditur, fateri oportet, quicquid in objecto Fidei spectatur, creatum & temporale, sive sit res revelata, sive ipsa revelatio, comparari cum increata DEI auctoritate primæ veritate, tanquam materiam inde tanquam à formali ratione determinandam in ratione veritatis credibilis Fide divina, ut probatum est. Huc spectat quod

10. 12. Quartò debes notare sicut in explicanda missione divinarum personarum, uno nomine missionis passivæ duo solent à Theologis significari,

unum æternum, alterum temporale, nimirum æterna processio, & temporalis effectus, per quem persona procedens novo modo communicatur creaturæ; ita in explicando Fidei objecto, uno nomine divinæ revelationis duo posse significari, tum æternum conceptum divinæ mentis per modum loquutionis intellectualis, tum temporale signum, quo conceptus ille nobis repræsentatur. Ex quibus duobus solum prius tanquam perfectio increata est per se formale motivum credendi, alterum verò non nisi repræsentativè movet, & fundat assensum; quatenus nimirum est ratio nobis applicans, & præsentans conceptum illum æternum DEI. Qua in applicatione licet mediet tanquam vinculum inter principalem materiam, quæ revelatur, & DEVM revelantem, simpliciter tamen & per se spectat ad materiam, quæ creditur, ut probatum est. Aliunde verò spectatum intentionaliter seu repræsentativè debet considerari ut signum non tantum divini conceptus, qui principaliter movet, & fundat assensum credentis, sed etiam rerum à DEO conceptarum, & à nobis credendarum. Siquidem ipsa ratio signi, quo DEI revelatio continetur, utramque significationem ut formam, & materiam ejusdem compositi simul unit, nobisque repræsentat ut simul unitas.

II. Per hanc quartam annotationem possunt  
 reali concordia inter se conciliari contrarii in specie  
 modi loquendi Catholicorum Doctorum de  
 formali objecto Fidei, dum alii cum S. Thoma, se-  
 cunda, secundæ, quæst. 1. artic. 1. dicunt illud ni-  
 hil aliud esse, quam primam veritatem, quo nomi-  
 ne constat intelligi increatam perfectionem DEI.

Alii

Alii verò recentiores aiunt illud conflare partim ex hac increata perfectione D E I, partim ex temporali signo, quo externam revelationem DEVS exequitur tanquam essentialiter necessario ad fundandam Fidem. Sed reipsa non dissentiunt. Nam primi spectarunt duntaxat quod in se semper idem absolute, ultimo & per se fundat Fidem, tanquam unica principalis ratio eam specificans. Alii verò insuper spectarunt essentialem necessitatem alicujus instrumenti, & signi apti ad divinum D E I loquentis conceptum nostris sensibus intimandum. Sine tali enim signo non potest haberi auditus, nec ex auditu Fides.

Quia tamen hoc signum non nisi relative & repræsentative movet ad credendum, nec semper est idem, sed varium pro D E I arbitrio, idcirco non est ratio principalis, & specificans Fidem, sed quoddam tantum principalis rationis instrumentum. Simile quid cernitur in objectis aliarum virtutum. Nam ratio principalis, & ex parte objecti specifica observantiae (verbi gratia) debite Regi, est unica Regis Excellentia, & Majestas; Legatus verò, qui nunc unus, nunc alius esse potest in Regis persona repræsentanda, non est proprie loquendo objectum specificum talis observantiae, sed ministeriale tantum instrumentum repræsentationis ejusdem objecti deserviens. Si quid præterea hic superest controversiæ inter Catholicos, existimo spectare ad meros modos loquendi, ex quibus mihi placet maxime quem tradidit S. Thomas, loco citato; & ut melius intelligas,

12. Debes postremo notare, quod paulò ante jam insinuavi, unum idemque signum temporale,



quo DEVS nobis loquitur, diversa consideratione dici posse aliquid utriusque objecti tam formalis, quàm materialis.

Primò, quia est ratio alterum alteri applicans, & utrumque simul credenti repræsentans. Nam comparatur primæ veritati, sicut in Physicis actualis informatio comparatur ad formam, quæ per talem nexum unitur suæ materiæ, uti suam de hac re sententiam explicat doctissimus Suarez, Disput. 3. de Fide, Sect. 2. Comparatur autem ad res credendas sicut in Physicis conditio sistens materiam suæ formæ. Nam eas ita sistit in esse objectivo credentis, ut in eodem esse objectivo formaliter uniat primæ veritati, tanquam formali rationi assentiendi.

Deinde quia est vinculum medium inter veritatem revelantis, & res principaliter revelatas, proindeque ad ambo extrema, inter quæ mediat, dicit aliquam habitudinem, sed non omninò eandem utrobique. Nam quatenus ad res revelatas comparatur, tanquam ratio quædam instrumentalis suo modo determinans in esse credibili, eatenus concipitur ut aliquid objecti formalis. Nam à formali objecto materiale suam accipit determinationem. Quatenus verò ad primam, & increatam veritatem comparatur, ut aliquid per eam credibile, eatenus induit rationem cuiusdam objecti materialis, quod immediate à revelantis auctoritate suam habet credibilitatem. Complexa enim credibilia, ex quibus materia Fidei Theologicæ integratur, sunt in duplici differentia: quædam simplicia, medioque temporali signo revelata, ut DEVS est Trinus, Mortui resurgent. Alia magis composita, ut DEVS ait se esse Trinum, vel resurrecturos mortuos. Veriusque

Vtriusque generis propositiones formaliter credibiles facit eadem DEI auctoritas, tanquam ratio utrasque credendi. Nam omnis propositio credibilis est materia Fidei, ut per se patet.



## AUTHORIS DUPLICATION.

### CAPVT I.

Objectum formale fidei non esse Deum consideratum solummodo ut verax est.

1.



Precedenti tractatu, de natura & definitione formalis objecti fidei, disserui & ad quaestionem, *Quid est formale objectum fidei?* respondi. Superest nunc alia quaestio explicanda, qua, videlicet, quaeritur *quodnam sit formale fidei objectum?* seu cui rei illa definitio formalis objecti fidei propriissime conveniat? Quia autem obscure admodum & ambigue de hac quaestione disseris, lucem & conspectum hominum fugiens ne arguantur opera tua, IOAN. 3. 20.

ego duabus aut tribus Propositionibus nostram sententiam de formali fidei objecto complectar, & in earum exegesi, ruz disputationis vitia, absurda, & repugnantia aperte ac perspicue notabo & confutabo.

Prima Propositio: *DEVS ut verax est,* 2.  
*seu suprema & infallibilis DEI authoritas, nude & per se considerata* (seclusa videlicet ipsius testificatione, aut locutione) *non est tota formalis ratio propter quam credimus fidei dogmata.* Hanc propositionem oppono absurde & imperite ruz assertioni, qua simpliciter & sine adiectione affirmas increatam & æternam DEI perfectionem, hoc est, supremam & infallibilem DEI authoritatem esse formale objectum fidei, Cap. 2. §. 7. & 11. & rursus Cap. 14. §. 5. Probatur hæc mea propositio: primò, quia ad formale objectum fidei pertinet manifestare nobis veritatem propositionis cui assentimur, nosque de ea infallibiliter certos reddere, nam alioqui non posset esse formalis aut objectiva ratio nos ad assentiendum inducens & movens. At DEI veracitas nude & in se spectata non manifestat nobis veritatem propositionis cui assentimur, nec de ea nos infallibiliter certificat; si enim sciam DEVM esse veracem, et non sciam eum



hoc vel illud dixisse, ejus veracitas me ad assentiendum movere non potest.

3. Secundò tu ipse Cap. 2. §. 10. dicis æternum conceptum divinæ mentis (quo videlicet DEVS ab æterno intus in mente sua concepit, & per modum locutionis intellectualis dixit ea vera esse quæ jam in Scriptura revelata sunt, ut CHRISTVM esse Redemptorem mundi) esse per se formale motivum credendi. Ergo sola DEI auctoritas non est totum formale motivum credendi. Respondebis DEI auctoritatem seu veracitatem non differre ab æterno ejus conceptu: & sanè non vereris hoc asserere, Cap. prædicto, §. 9. Sed nimis apertè, hoc asserendo inscitiam tuam prodis. Vel enim intelligis ea non differre realiter, & hoc sensu asserere potes justiciam aut potentiam DEI non differre ab ejus veracitate seu infallibilitate: item tueri poteris eos qui dicunt justiciam aut potentiam DEI esse formale objectum fidei non assignare objectum formale à DEI veracitate distinctum, seu diversum. Vel intelligis ea non esse distincta DEI attributa quoad nostrum concipiendi modum: et sic absurdissimè erras. Quis enim non novit hæc duo principia multum inter se differre, *DEVS verax est*, &, *DEVS hoc vel illud intus in mente sua concepit*

*concepit aut dixit.* Veracitas enim DEI seu suprema et infallibilis ejus auctoritas, ei necessario competit, et est absolute impossibile eam ei non competere. At conceptus ille quo DEVS ab æterno concepit CHRISTVM esse mundi Redemptorem, vel aliquid aliud hujusmodi mysterium, potuit (ratione termini, sive ex parte rei conceptæ et decretæ) ei non competere: pendet enim à libero DEI decreto, quo decrevit mittere CHRISTVM in carnem ad redimendum genus humanum.

## CAPVT II.

Objectū formale fidei non esse DEVM consideratum solummodo ut intus in mente sua aliquid dicit aut concipit.



Secunda propositio: *DEVS* ut intus in mente sua aliquid dicens, id est, cognoscens aut concipiens non est totum formale objectum fidei. Probatur

hæc propositio, quia ut aliquid credatur ob  
DEI auctoritatem non satis est ut DEVS  
intus in mente sua illud concipiat, sed etiam  
requiritur ut exteriori aliqua revelatione id  
nobis patefaciat ac manifestet, ut supra di-  
ctum est, et infra magis demonstrabitur.

2. De interno DEI conceptu duo dicis,  
quæ probare nec possum, nec debeo.

Prius est, internum DEI conceptum esse  
per se formale motivum credendi. Posterius  
est internum illum conceptum posse rectè  
dici revelationem divinam. Vtrumque hoc  
habetur in Cap. tuo 2. §. 10. Prius istud pro-  
bare non possum. Quomodo enim potest in-  
ternus ille DEI conceptus esse per se formale  
motivum credendi, cum per se et in se spe-  
ctatum, à nobis percipi non possit? Quo-  
modo potest id me ad credendum per se mo-  
vere aut inducere, quod per se, et sine exter-  
na revelatione eam manifestante omnino à  
me cognosci non potest?

3. Posterius à Suarezio confutatur duabus  
rationibus, Disput. 3. de fide, Sect. 2. §. 5.  
*Immerito (inquit) dicunt aliqui ipsam  
scientiam DEI internam seu increatam  
esse revelationem: nam scientia DEI non  
innotescit nobis per se ipsam, sed per aliquid  
aliud, viz. per locutionem: illa ergo locu-*



lo (supple externa et temporalis) est reve-  
latio. Locutio autem DEI actio transiens  
est, etc. Et infra aliam rationem addens:  
Confirmatur (inquit) quia alias possemus  
credere omnia quae scit DEVS, quia omnia  
essent revelata, etc.

Ex duabus his rationibus Suarezii, forma-  
ri potest hic syllogismus: Revelatio divina est 4.  
id per quod veritates fidei hominibus manife-  
stantur: at non per internum conceptum  
mentis divinæ, sed per locutionem exter-  
nam et temporalem illæ veritates hominibus  
manifestantur, ergo sola externa locutio verè  
et propriè est revelatio divina.

## CAPUT III.

Formale objectum fidei esse DEUM  
quatenus externa aliqua locutione  
veritates fidei revelat.



Etia propositio: Tota for-  
malis ratio propter quam  
credimus, est suprema &  
infallibilis DEI veritas  
suo testimonio applicata.  
Seu DEVS per externam

et temporalem locutionem dogmata fidei re-  
velans et testificans. Hæc credendi ratio  
aut causa objectiva exprimitur hoc princi-  
pio: *Prima veritas hoc dixit seu revela-  
vit*: vel ut alii loquantur, *DEVS qui in-  
fallibilis est hoc dixit: hoc DEI Verbum  
est*. Hoc principium resolvitur potest in duo  
alia principia, quæ si seorsum accipiantur,  
non totum formale motivum fidei, sed ejus  
partem tantum exprimunt: videlicet, *DEVS  
verax est*, & *DEVS hoc dixit*. Ab his  
duobus principiis intrinsece et essentialiter  
pendet fides divina, ut docet Suarez, Disp.  
2. de fide, Sect. 4. §. 5. et Disp. 3. de fide,  
Sect. 12. §. 4. Interim notet hic, Lector:  
hanc propositionem, *DEVS dixit*, ut plu-  
rimum ita concipi à nobis, ut totum formale  
fidei objectum in se contineat: nam cum pro-  
positionem hanc proferimus, *DEVM* con-  
cipimus, non simpliciter ut *DEVS* est, sed ut  
verax est, atque adeo pro eodem hæc habe-  
mus, *Prima veritas hoc dixit*, & *DEVS  
hoc dixit*.

2. Hæc assertio opposita est sententiæ tuæ  
de formali objecto fidei: sæpius enim asseris  
formale objectum fidei nihil aliud esse quam  
primam veritatem, seu increatam *DEI* per-  
fectionem: revelationem verò seu testifica-  
tionem

tionem DEI agnoscis quidem esse essentialiter necessariam ad assensum fidei, asseris tamen eam simpliciter, et per se spectare non ad formale, sed ad materiale fidei objectum Cap. 2. §. 7. 9. 11. et 12. Apertissime verò hoc dicis §. 10. istius Capituli, ubi sic loqueris, de temporali signo, quo DEVS veritates fidei nobis revelat: *Simpliciter tamen & per se spectat ad materiam qua creditur, ut probatum est.* Idem asseris, Cap. 7. §. 3. ubi etiam hanc controversiam de revelatione divina, qua videlicet quæritur, an ad formale fidei objectum pertineat, dicis esse *nominalem*: et Cap. 2. §. 11. dicis eam *spectare ad meros modos loquendi*.

Cui igitur bono, Turnebulle, te tuosque 3.  
lectores supervacuo litigio de nominali controversia fatigasti, capitibus 2. 7. et 10. clamans verbum DEI non esse formale fidei objectum. Nimirum in nominali hac controversia realem dolum commoliris, et viam tibi aperire conaris ad perpetuum tuum effugium, quo argumenta mea non solvis, sed eludis, Cap. 3. 8. et 14. Quamvis enim aliquibi agnoscis, ut jam dictum est, externam revelationem esse conditionem necessariam ad credendum, tamen illis in locis, dum ad ea respondes quæ à me contra vestra fidei ridiculam



culam analysin allata sunt, dumque afferri formalem et objectivam rationem propter quam creditis *DEVM* hoc vel illud revelasse, aut hoc esse *DEI* verbum, non esse Ecclesie testimonium, sed esse *DEI* revelantis auctoritatem, nequaquam doces ubi aut quomodo *DEVS* revelet, se hoc revelare, aut hoc esse suum verbum; quasi nimirum sola *DEI* auctoritas, absque ulla exteriori revelatione possit esse nobis plena et sufficiens credendi ratio. Sic Cap. 2. §. 7. 9. et 12. dicis hoc principium, *DEVS* hoc revelavit, credi propter primam veritatem, hoc est, increatam *DEI* auctoritatē; de revelatione verò, aut rectificatione, qua hujus principii veritatē *DEVS* nobis manifestat, alium silentium apud te est. Quasi scilicet ad hanc quæstionem, *Cur credis DEVM hoc vel illud revelasse?* appositè responderi possit; *Quia DEVS verax est, & infallibilis:* sed de his infra fusius disseram.

4. Ne igitur puerile et ridendum hoc effusum in posterum tibi ad vorum famuletur, et inserviat, utque omnes sciant quam inextricabilibus vinculis te constriatum, et irretitum detineam, nunc probabo externam revelationem non solum esse conditionem necessariam ad credendum, sed etiam per se pertinere ad formalitatem objecti.

## CAPVT IV.

Probatur revelationem divinam per se  
pertinere ad formalitatem objecti  
fidei.



Prima ratio peti potest ex S.  
Scriptura, quæ innumeris in  
locis externam DEI locutio-  
nem, seu revelationem, ut  
argumentum et fundamen-  
tum fidei divinæ nobis pro-  
ponit, ut Ex O D. 20. 12.

1.

Tum elocutus est DOMINVS hæc verba,  
dicendo. S A M. 2. Cap. 12. 7. Sic ait  
IEHOVA DEVS Israelis. 1. R E G. Cap.  
13. 2. Altare, Altare, sic ait IEHO-  
VA. ISA I. Cap. 1. 2. Audite Cæli, &  
auribus percipe terra, nam IEHOVA lo-  
quitur. & vers. 10. Audite Verbum  
IEHOVÆ. I E R. Cap. 1. vers. 2. Ad  
quem fuit Verbum IEHOVÆ, &c.

Secunda ratio sit hæc: tota causa aut ratio  
propter quam credimus ea quæ credi-

2.

mus,

mus, non est quia *DEVS* verax est. Nam ad quaestionem qua quaeritur, *Cur credis hoc vel illud verum esse, ut CHRISTVM esse Redemptorē mundi, mortuos esse resurrecturos, &c.* ineptē is responderet, nec interrogati satisfaceret, qui diceret se ea credere, quia *DEVS verax est*: nā ex eo quod *DEVS* verax est, non necessario sequitur illa credibilia esse vera nisi aliquid aliud addatur. Ergo, aliquid aliud addendū est ad cōplendū formale objectum fidei. At nihil aliud addi potest prāter testificationem, aut revelationem *DEI*, ex qua simul cum veracitate *DEI* constituitur hoc principium, integrum formale objectum fidei exprimens; *DEVS, qui verax est, hoc dixit, seu revelavit; videlicet, CHRISTVM esse Redemptorem mundi, et mortuos esse resurrecturos.*

3. Tertiō, Fides pendet ex duobus principiis, quae necessario praecognosci debent, ut aliquid credatur ob alicujus auctoritatem, ut rectē observat Suarez, disp. 2. de fide. sect. 4. §. 5. et disp. 3. sect. 12. §. 1. Vnum est ipsum hoc dicere, aliud est ipsū esse fide dignum; quamvis enim testis sit fide dignissimus, nisi tamen ipse aliquid dicat, aut testimonium proferat, non possumus ob ejus auctoritatem aliquid credere. Tota igitur for-
- malis



malis ratio fidei, propter quam credimus, non est, quia *DEVS* verax, aut infallibilis est; sed quia *DEVS*, qui verax, et prima veritas est, hoc dixit: imò ut rectè etiam monet Suarez, disp. 3. de fide, sect. 12. §. 4. et 6. Fides nostra ejusque certitudo, non minus dependet ab hoc principio, *DEVS hoc dixit*, quam ab illo altero, *DEVS est verax*.

Quartò: à solo formali objecto fidei in 4.  
trinsècè et essentialiter pendet certitudo assensus fidei, nam tota certitudo assensus petitur à medio, propter quod assentimur. At non à sola *DEI* veracitate, sed etiam ab ejus testificatione, aut revelatione pendet certitudo assensus fidei. Si quis enim certò credat *DEVM esse veracem*, et tamen dubitet num *DEVS id revelaverit, quod ei credendum proponitur*, non potest certò & infallibiliter id credere; ergo etiam revelatio *DEI* pertinet ad formale objectum fidei.

Quintò: intellectus tendit in veritatem 5.  
objecti, ut loquitur Suarez, disp. 3. de fide, sect. 1. §. 7. hoc est intellectus non assentitur nisi ei quod verum illi apparet; ergo, ut idem illic ait, *id quod ostendit veritatem in objecto, est formale objectum cognitionis* and

*vis aut assensus.* At non sola **DEI** authoritas seu veracitas, sed etiam eius revelatio aut testimonium ostendit nobis veritatem eorum quæ nobis credenda proponuntur. Ergo non sola veracitas **DEI**, sed etiam eius revelatio, pertinet ad formalitatem obiecti fidei: minor pater, quia *ad credendam hanc vel illam propositionem parum nobis confert, quod DEVS in se verax sit, nisi cognoscatur ipsam primam veritatem suo testimonio talem propositionem confirmasse, & quasi informasse*: verba Suarezii sunt, disput. prædicta, sect. 12. §. 6.

6. Sextò, ipse fateris Cap. 2. §. 12. revelationem, seu testificationem **DEI**, ita se habere ad primam veritatem, sicut in **Physicis** actualis informatio comparatur ad formam quæ per illam informationem unitur suæ materiæ. Vnde sic argumentor cum Suarezio, disp. 2. de fide, sect. 2. §. 4. **DEVS** ipse seu veritas ejus est quasi forma informans materiam fidei (id est, rem creditam) in esse credibilis; testificatio autem est quasi unio seu informatio talis formæ. **DEVS** enim absolute consideratus non informat hanc materiam in esse credibilis, & prima ac fortasse unica conjunctio,
- quam

quam in ratione objecti habet ad illam materiam, est testimonium ejus : ergo, sicut forma informatio, seu unio ad materiam non est nuda conditio, sed causalitas formalis, ita etiam in presenti testificatio, aut revelatio DEI, non est nuda conditio, ad credendum requisita, sed est causalitas primæ veritatis, quatenus ea est objectum formale fidei.

Septimò, doctissimi scriptores Pontificii, qui hoc nostro sæculo scripserunt, mecum sentiunt, videlicet, BELLARM. Lib. 3. de Verbo, Cap. 10. respond. ad argument. 13. et 15. Lib. 3. de Iustificatione, Cap. 8. rat. 1<sup>a</sup>, et Lib. 6. de libero arbitrio, Cap. 3. §. At Catholici. GRETSERVS, in defensione, Cap. 10. Lib. 3. de Verbo, Col. 1437. ESTIVS, in 3. sent. dist. 23. §. 4. VALENTIA, tomo 3. disp. 1. quæst. 1. p. 1. §. 5. col. 23. et 24. STSAPLET. princip. doctrin. Lib. 8. Cap. 8. §. Quod ut intelligatur : et rursus, Cap. 21. §. Objectum formale. BECANVS, in summa Theol. parte 2. tomo posteriori, tract. 1. Cap. 1. q. 1, §. 6. et quæstione 2. §. 5, et 6. MALDERVS, in secundam secundæ divi Thomæ, q. 1. art. 1. sect. 3. VASQUEZ, in primam partem divi Thomæ, disp. 5. cap. 6. PET



3. PETRVS TRIGOSVS, in summa Theologi-  
ca BONAVENTURÆ, quæst. 1. art. 2. dubio 2.  
et 3. et Suarez, disp. 3. de fide, sect. 2. qui  
ex professo sententiam tuam oppugnat 3. aut  
4. argumentis, meamque propugnat.

8. Hæc etiam sententia fuit antiquorum  
Scholasticorum, ut docet Suarez, loco jam  
citato: imò Thomas Aquinas, quem ut tuæ  
sententiæ authorem & patronum citas,  
hoc ipsam apertè asserit, ut de eo docent  
Suarez, ubi supra, Valent. tomo 3. disp. 1. q. 1.  
P. 1. §. 4. Col. 22. et ante eos, Cajetanus, in cō-  
mentariis, in secundam secundæ, quæst. 1.  
art. 1. responsione ad dubium secundum:  
ubi hoc probat ex eo quod Thomas loco à  
te citato, videlicet, secunda secundæ, quæst.  
1. art. 1. dicat fidem nihil credere nisi quod  
à DEO revelatum est. Hoc etiam manife-  
stius patet, ex verbis Thomæ, prima parte,  
quæst. 1. art. 2. ad secundum, art. 3. in cor-  
pore articuli, & art. 8. ad secundum.



CAP

## CAP V T V.

## Solvuntur Objectiones Adversarii.

**R**evelationem divinam, non  
esse fidei formale objectum, I.  
aut aliquid formalis objecti,  
probare conaris aliquot ar-  
gumentis : primum habe-  
tur Cap. 2. §. 5. et 7. et rur-  
sus Cap. 10. §. 1. et est hu-

jusmodi : Objectum formale virtutis Theo-  
logicæ, debet esse quid increatum, videlicet,  
D E V S vel quod eodem redit perfectio ali-  
qua divinæ naturæ, ut ejus veracitas, aut in-  
fallibilitas : at revelatio divina, seu verbum  
DEI, nec est DEV S, nec increata aliqua DEI  
perfectio : ergo, non per se pertinet ad for-  
malitatem objecti. Resp. Non necessario  
requiritur in objecto virtutis Theologicæ,  
(sive illud materiale, sive formale sit) ut ni-  
hil includat præter ipsum D E V M, aut in-  
creatam aliquam DEI perfectionem, sed tan-  
tum ut principalis ejus pars sit ipse DEV S,  
aut aliqua ejus perfectio. Exempli gratia :  
Objectum spei, non tantum est ipse DEV S  
qui summum nostrum bonum est; sed etiam

H

ejus

eius visio, aut fructio, (quæ quid creatum est) quatenus ea adeptio est summi boni, adeoque quatenus efficit unum ultimū finē, cum summo bono ut loquitur Valent. tomo 3. disp. 2. q. 1. p. 1. Hoc est quatenus ex ea & ipso summo bono integratur aut completur unus ultimus finis. Sic objectum formale fidei, non tantum est DEVS, aut DEI veracitas; sed etiam DEI testificatio, aut revelatio, quatenus per eam illa DEI veracitas applicatur rebus credendis, adeoque quatenus ex ea & veracitate DEI integratur aut completur unum formale objectum fidei, videlicet, *prima veritas revelans.*

2. Secunda objectio: Quis puer (inquis) nescit sicut humanæ fidei formale objectum est hominis testantis autoritas, ita divinæ fidei formale objectum, esse DEI testantis auctoritatem? Respondeo, pueriliter falleris Turnebulle: nam testantis autoritas non est totum formale objectum fidei humanæ. Hoc discce ex Suarezio, qui loco à me supra citato, videlicet, disp. 2. de Fide, sect. 4. §. 5. dicit fidem humanam pendere ex duobus illis principiis, *iste hoc dixit, & iste est fide dignus.* Non solum igitur autoritas, sed etiam testificatio hominis testantis pertinet ad formale objectum fidei humanæ.

*Tertia*



Tertia objectio ex §. 12. capitis secun-  
 di, colligi potest: Ibi enim sic argumentaris; 3.  
 Omnis propositio credibilis fide divina, est  
 materia fidei, seu materiale objectum fidei.  
 At hoc principium, *DEVS hoc dixit, seu  
 revelavit*, est propositio credibilis fide di-  
 vina, ut per se patet. Ergo, &c. Item, quic-  
 quid creditur propter authoritatem DEI, il-  
 lud est materiale fidei objectum. At hæc pro-  
 positio, *DEVS dixit*, creditur propter au-  
 thoritatem DEI: idque quia nisi intellectus  
 noster in assentiendo nitatur increata DEI  
 perfectione, hoc est, ejus authoritate, seu ve-  
 racitate, non operatur ex fide Theologica. Er-  
 go, hæc propositio, *DEVS dixit, aut re-  
 velavit*, est materiale objectum fidei.

Sed apage, Turnebulle, cum ridendo tuo 4.  
 pseudographemate. Thraſonicè quidem lo-  
 queris, sed omnino Brisonicè argumentaris.  
 Si hæc tua ratiuncula aliquid roboris haberet,  
 facilè esset concludere ne ipsam quidem DEI  
 veracitatem pertinere ad formale fidei obje-  
 ctum, idque primò; quia omnis propositio  
 fide divina, credibilis ex te est materia fidei,  
 seu materiale fidei objectum. At hæc propo-  
 sitio, *DEVS est verax*, est talis. Ergo, &c.  
 Secundò, Si id quod creditur propter veraci-  
 tatem DEI, pertinet ad materiale fidei obje-

Etum, pari etiam ratione id quod creditur propter revelationem DEI, pertinebit ad materiale fidei objectum. At DEVM esse veracem creditur propter revelationem aut testimonium DEI: fides enim, ut docet Divus Thomas secunda secundæ quæst. 1. art. 1. *non assentit alicui nisi quod à DEO revelatum est.* Hoc etiam apertè colligitur ex dicto Apostoli, ROM. 10. *Fides est ex auditu.* Ergo, DEVM esse veracem, est materiale fidei objectum. Sicut igitur, DEVM hoc vel illud dixisse, creditur propter veracitatem DEI revelantis se aliquid revelare, hoc est, ostendentis illam revelationem esse verè divinam: ita etiam, DEVM esse veracem, fide divina credimus, quia DEUS in Verbo suo revelavit se esse talem. Non enim sufficit naturalis & evidens notitia quam habemus de veritate hujus principii, *DEVS verax est*, non sufficit inquam, ad credendum fide infusa ea quæ DEVS revelat, & proinde oportet ut ipsa DEI veracitas credatur fide infusa propter DEI revelationem, seu testimonium, ut efficaciter demonstrat Suarez, disput. 3. de Fide, sect. 6. à §. 4. Vide etiam ejusdem Authoris disput. secundam, de Fide, sect. 4. §. 14. ubi dicit, hæc duo principia ita se mutuo includere, vel à se invicem

cem pendere, ut non videantur inter se habere ordinem prioris vel posterioris in *esse credibilis*, id est, ut neutrum eorum videatur præcognoscendum aut credendum ante alterum. Et hoc confirmat, quia neque fide divina credere possumus, *DEVM aliquid revelasse*, nisi fides nostra nitatur *DEI* veracitate, neque hoc ipsum, videlicet, *DEVM esse veracem*, credi potest fide divina, nisi quatenus à *DEO* dictum vel revelatum est.

Ex his percipiet Lector tuum argumentum facillimè in te retorqueri, tibiq. non minùs quam mihi incumbere necessitatem solvendi hoc argumentum: sed quia plenam & perspicuam respõsionẽ non exspecto à te qui semper ineptè & obscurè respondes; ego tibi viam præibo, & Cap. sequenti ad illud perspicuè respondebo. 5.

Dices fortassis, argumentum hoc ineptè in te retorqueri, quia formale objectum fidei, ex tua sententia, non est hoc complexum, *DEVS verax est*, sed hoc incomplexum, *DEI veracitas*. Respondeo primò: Etiam veracitas *DEI*, est quid complexum. Ipsa quidem veracitas per se, est quid incomplexum: at cum *DEO* attribuitur resultat complexum, constans ex *DEO*, & ejus veracitate. 6.



citare. Hoc autem facile probatur, quia quicquid fide divina creditur est cōplexum, ut docent Thomas, secunda secundæ, quæst. 1. art. 2. Cajetanus, ibidem: Suarez, disput. 2. de fide, sect. 3. §. 1. Valentia, tomo 3. disput. 1. quæst. 1. puncto 2. & alii. At veracitas *DEI* fide divina creditur propter ipsius revelationem: nam ut rectè demonstrat Suarez, disput. 3. de Fide, sect. 6. §. 5. *Veracitas DEI non est formale objectum fidei, ut cognoscitur lumine natura, sed ut est supernaturaliter cognita, & credita fide infusa.* Quid autem aliud est credere veracitatem *DEI*, nisi credere *DEVM* esse veracem? Secundò, Formale objectum fidei, non est veracitas *DEI*, nudè & per se considerata, sed suo testimonio applicata, ut dictum est, articulo primo, hujus Tractatus. At hæc applicatio fieri non potest, nisi in hac propositione, *Prima Veritas hoc dixit*, quæ manifestè est fide divina credibilis.

7. Quarta objectio: Objectum formale fidei, est unum & idem respectu omnium credendorum, at externum *DEI* testimonium, non est unum & idem, sed varium & multiplex, variz enim & diversæ sunt locutiones *DEI* externæ à se in vicem: ergo, non est ratio principalis, & specificans fidem, Hoc argument

gumentum proponere videris Cap. prædicto, §. 11. Respondeo, primò: Si revelatio divina, tam varia & multiplex est, (ut tu ais) unde est quod Theologi probant unitatem Theologiæ ex unitate divinæ revelationis? demonstrant enim Theologiam esse unam scientiam, quia omnia quæ in ea tractantur, considerantur quatenus sunt divinitus revelata, adeoque quatenus conveniunt in una formaliratione revelationis divinæ. Ita docent Thomas, parte 1. quæst. 1. artic. 3. in corpore articuli: Vasquez, in illum locum, disput. 7. cap. 3. Trigofus, in Summa Theologica Bonaventuræ, quæst. 1. art. 2. dubio 2. & 3. et Valentia, tomo 1. disput. 1. quæst. 1. puncto 3. §. 3. col. 28. Secundò respondeo; Revelatio divina, si ea materialiter consideretur quatenus est talis oratio, aut propositio talem rem significans, proculdubio est varia & multiplex. At si formaliter consideretur quatenus est divina, hoc est, quatenus à DEO dicta est, vel ut alii loquuntur, quatenus à DEO dicente denominatur, tunc non est varia & multiplex, sed simplex, & una. Omnes enim externæ propositiones, quæ in Sacra Scriptura continentur, in hoc uno conveniunt, *quod à DEO dictæ sunt*. Exempli gratia, hæc propositio, *Verbum caro factum est*, si ea materialiter, & in se spectetur,

rum quatenus est talis propositio, constans his literis & syllabis, & talem rem significans, adeoque quatenus ab aliis propositionibus, aut testimoniis Sacrae Scripturae diversa est, non est formale obiectum fidei meae. At si consideretur quatenus à DEO autore & inspiratore denominatur, hoc est, si sic proponatur illud testimonium, *DEVS dixit Verbum esse factum carnem*, tunc est formale obiectum fidei meae. Hoc patet ex verbis Apostoli, 1. THESS. CAP. 2. VERS. 13. *Propterea (inquit) gratias agimus, DEO indefinenter quod verbum quod audistis ex nobis exceperitis, non ut verbum hominum, sed (sicut verè est) ut verbum DEI, qui etiam operatur in vobis qui creditis.* Hic, illud, *ut verbum DEI*, formale obiectum fidei nobis manifestat & docet, quo sensu verbum DEI sit fidei nostrae fundamentum, videlicet cum consideratur ut verbum DEI est.





## CAPVT VI.

An omnis propositio fide divina credibilis sit materiale obiectum fidei? & quo sensu verum sit formale obiectum fidei, non credi propter aliud?



Ertia tua obiectio, Turnebulle, quam dixi in te facillimè retorqueri posse, hujus quæstionis explicationem postulat. Objiciebas enim hoc principium, *DEVS dixit*, (idem de

illo altero principio, *DEVS verax est*, dici potest) esse materiale fidei obiectum, quia est propositio fide divina credibilis.

Ad hoc nonnulli respondent principium illud esse & materiale obiectum fidei, & etiam formale diverso respectu: esse materiale obiectum fidei quando ei assensum fidei præbemus, seu quando est id quod credimus: esse verò formale obiectum fidei, quando propter illud assentimur aliis propositionibus credibilibus: seu quatenus est id quo credimus, hoc est, quatenus est ratio credendi. Hæc videtur fuisse Suarezii sententia, disput. 2. de Fide, sect. 4. §. 4. in

fine, et §. 13. ubi dicit, *ipsum formale objectum fidei, posse complexè cognosci, atque ita esse unum ex materialibus cognitis.* Ei etiam astipulatur Malderus, in secundam, secundæ Divi Thomæ, quæst. 1. art. 1. sect. 1. *Illud (inquit) hic observandum unum & idem posse utriusque rationem subire, ut sit objectum, ut quod, & ut quo. Sicuti lumen ita est id quo videmus, ut etiam ipsum videri queat.* Et ibidem, sect. 3. dicit, revelationem obscuram primæ veritatis, esse objectum fidei formale, cum consideratur non ut terminans assensum fidei, sed ut immediatè ad ipsum movens, et inducens, etc. His adde Staplet, qui lib. 8. principiorum doctrinalium, et in Relect. Controv. 4. quæst. 3. artic. 2. dicit, *id quod credimus, quatenus tale est: id est, quatenus est id quod credimus, esse materiale fidei objectum.*

2. Hæc responsio, ut probabilis defendi potest: sed est alius respondendi modus, qui mihi magis arridet, ideoque eum assertionibus aliquot explicabo. Prima assertio: Materiale objectum fidei, non est id omne quod quovis modo creditur; sed id quod creditur propter aliud: hoc est, quod ita creditur, ut fides nostra in eo credendo resolvatur in aliud ultor

ulterius principium. Hoc manifestè patet ex descriptione illa formalis objecti, quam ex Becano attuli, parte 1. disput. meæ, sect. 1. Is enim asserit formale objectum fidei credi à nobis; sed addit, *illud credi non propter aliud, sed propter se*. Vt igitur materiale objectum fidei, sufficienter distinguatur à formali, dicendum est illud esse materiale objectum fidei, quod propter aliud creditur.

Secunda assertio: Duo illa principia ex quibus integratur et completur formale ob-  
 3.  
 iectum fidei, videlicet, *DEVS verax est*, seu, est prima Veritas, & *DEVS dixit*; in hoc differunt, quod quamvis ambo concurrant ad certificandum intellectum credentium, de veritate rerum creditarum, et ad patefaciendam earum veritatem, ut dictum est, Cap. 1. Argumento 1. et Cap. 4. argum. 4. et 5. tamen *certitudo fidei nostræ*, præcipuè pendet à priori, hoc est, ab illo principio, *DEVS verax est*: &, *ostensio seu patefactio veritatis*, præcipuè pendet ab illo altero principio, videlicet, *DEVS hoc revelavit, vel dixit*.

Tertia assertio: Si duo illa principia seorsim accipiantur, utrumque potest dici in  
 4.  
 aliud ulterius principium resolvi; nam, & *DEVM esse veracem*, credo, quia reve-  
 lavit



fine, et §. 13. ubi dicit, *ipsum formale obiectum fidei, posse complexè cognosci, atque ita esse unum ex materialibus cognitis.* Ei etiam astipulatur Malderus, in secundam, secundæ Divi Thomæ, quæst. 1. art. 1. sect. 1. *Illud (inquit) hic observandum unum & idem posse utriusque rationem subire, ut sit obiectum, ut quod, & ut quo. Sicuti lumen ita est id quo videmus, ut etiam ipsum videri queat.* Et ibidem, sect. 3. dicit, revelationem obscuram primæ veritatis, esse obiectum fidei formale, cum consideratur non ut terminans assensum fidei, sed ut immediatè ad ipsam movens, et inducens, etc. His adde Staplet, qui lib. 8. principiorum doctrinalium, et in Relect. Controv. 4. quæst. 3. artic. 2. dicit, *id quod credimus, quatenus tale est: id est, quatenus est id quod credimus, esse materiale fidei obiectum.*

2. Hæc responsio, ut probabilis defendi potest: sed est alius respondendi modus, qui mihi magis arridet, ideoque cum assertionibus aliquot explicabo. Prima assertio: *Materiale obiectum fidei, non est id omne quod quovis modo creditur; sed id quod creditur propter aliud: hoc est, quod ita creditur, ut fides nostra in eo credendo resolvatur in aliud*  
ulter

ulterius principium. Hoc manifestè patet ex descriptione illa formalis objecti, quam ex Becano atruli, parte 1. disput. meæ, lect. 1. Is enim asserit formale objectum fidei credi à nobis; sed addit, *illud credi non propter aliud, sed propter se*. Vt igitur materiale objectum fidei, sufficienter distinguatur à formali, dicendum est illud esse materiale objectum fidei, quod propter aliud creditur.

Secunda assertio: Duo illa principia ex quibus integratur et completur formale objectum fidei, videlicet, *DEVS verax est*, seu, est prima Veritas, & *DEVS dixit*; in hoc differunt, quod quamvis ambo concurrant ad certificandum intellectum credentium, de veritate rerum creditarum, et ad patefaciendam earum veritatem, ut dictum est, Cap. 1. Argumento 1. et Cap. 4. argument. 4. et 5. tamen *certitudo fidei nostræ*, præcipuè pendet à priori, hoc est, ab illo principio, *DEVS verax est*: & *ostensio seu patefactio veritatis*, præcipuè pendet ab illo altero principio, videlicet, *DEVS hoc revelavit, vel dixit*.

Tertia assertio: Si duo illa principia seorsim accipiantur, utrumque potest dici in aliud ulterius principium resolvi; nam, & *DEVM esse veracem, credo, quia revelavit*

lavit se esse talem, et DEO revelanti, seu dicenti aliquid credo, quia *verax est*: immò etiam fides qua credo DEVM hoc vel illud dixisse, nititur DEI veracitate, ut monet Suarez loco citato: quamvis veracitas DEI, non sit tota et integra ratio, propter quam credo DEVM aliquid dixisse, ut infra patebit.

5. Quarta assertio: Neutrum tamen resolvitur in aliud principium ulterius *in eo genere in quo excellit*; nam si quæras cur credam, id est, certum et infallibilem assensum præbeam primæ Veritati, quæ nec falli, nec fallere potest? non possum respondere per aliud, quam per ipsam primam Veritatem: hoc est, non possum aliter respondere, quam quia est prima Veritas. Item, si quæras, cur credam DEVM hoc vel illud revelasse, seu hanc revelationem esse divinam? non possum respondere per aliam revelationem (quia eadem quæstio, etiam de illa moveri potest, & sic dabitur processus in infinitum) sed per hanc ipsam: quia videlicet, DEVS revelat & ostendit hanc revelationem esse suam, non per aliam revelationem, sed per eam ipsam, ut postea patebit ex apertis verbis Suarezii, Valentiani, et Becani: idem etiam docent Capreolus, et Caietanus, quos citat Suarez, disput. 3. de Fide, sect. 12, §. 7. et 12.

Quinta




Quinta assertio: Cum revelatio DEI, & 6.  
 eius veracitas, simul sumuntur et coniungun-  
 tur in principio illo quod plenè et adæquatè  
 exprimit formale obiectum fidei, videlicet,  
 in hoc principio, *prima Veritas hoc reve-*  
*lavit*, tunc verissimè dici potest formale ob-  
 iectum fidei non credi propter aliud, nam  
 nullo modo potest dici resolvi in aliud ulte-  
 rius principium. Ratio est, quia in se conti-  
 net ultimum seu extremum principium, &  
*certitudinis*, id est, *veracitatem DEI*, &  
 etiam *patefactionis seu manifestationis*,  
 id est, *revelationē vel testimonium DEI*.  
 Ultra *veracitatem DEI* frustra quæritur ali-  
 qua ratio *certitudinis*, & ultra *revelatio-*  
*nem DEI* frustra quæritur aliqua ratio *pa-*  
*tefactionis*. Si igitur quæras, *Cur credam*  
*primæ Veritati revelanti*? Respondeo, per  
 id quod in hoc principio exprimitur, *Quia*  
*est prima Veritas*. Si rursus quæras,  
*Vnde sciam, & cur credam primam Ve-*  
*ritatem hoc revelasse*, seu hanc revelatio-  
 nem esse divinam? Respondebo, *Quia*  
*prima veritas hoc mihi revelavit*, non  
 per aliam revelationem, sed per hanc  
 ipsam.

Interim, ut supra monui, hæc proposi- 7.  
 tio,

tio, *DEUS dixit, seu revelavit*, ut plurimum ita concipitur à nobis, ut totum formale objectum fidei in se contineat. Nam cum propositionē hanc proferimus, *DEUM* concipimus non simpliciter ut *DEUS* est, sed ut verax est, atque adeo pro eodem hæc sæpe habemus, *Prima Veritas hoc dixit, & DEUS hoc dixit*.

8. Ex iis quæ jam dicta sunt, patet, primò, Objectum fidei purè materiale, esse id quod simpliciter & absolutè creditur propter aliud, hoc est, quod nihil in se continet, in quo tanquam in ultimo principio, fides ullo modo acquiescere potest. Secundò, Omne principium exprimens formale objectum fidei, posse dici credi propter se, & non resolvi in aliud ulterius principium: sed cum hoc discrimine, quod principium plenè & adæquatè exprimens formale objectum fidei, nullo modo possit dici, credi propter aliud, seu resolvi in aliud ulterius principium: principia verò partialia (ex quibus integratur & cōpletur principium exprimens totū formale objectum fidei) quamvis aliquo modo credantur propter aliud, et in aliud ulterius principium resolvantur, non tamen possint dici resolvi in aliud principium ulterius *in eo genere in quo excellunt*, ut patet ex assertione 4.



TRACTATUS QUARTVS.

De Pontificiorum prævaricatione, in assignando formali fidei objecto.

SECTIO 3.4.5.6.

SECTIO III.

*Insignis Pontificiorum prævaricatio detegitur, qui revelationem divinam esse formale fidei objectum, verbo tenus docent; at revera Ecclesiæ testimonium, pro formali fidei objecto, ejusque fundamento principali, nobis obtrudunt.*



Diversarii nostri profitentur, formalem causam, & rationem, cur ea credunt, quæ in Scriptura credenda proponuntur, esse quia ea omnia à DEO revelata sunt, seu quod eodem redit, quia tota hæc Scriptura, primæ Veritatis, hoc est, DEI ipsius Verbum est. DIUM



DEVM enim hoc vel illud revelasse, & hoc DEI Verbum esse, idem valent. DEVM igitur ista omnia revelasse, quæ in Scriptura credenda proponuntur, seu totam Scripturam esse DEI Verbum, formale obiectum fidei erit, eorum saltem respectu, quæ in Scriptura credenda proponuntur: unde Durand. in 3. sent. dist. 24. quæst. 1. §. 8. Credere (inquit) Scripturam esse à DEO, inspiratam est ratio credendi illa quæ in Scriptura traduntur.

2. §. 2. Verè hæc & in speciem præclare, ab Adversariis dicuntur: at sanè obesa admodum naris est Homo, qui non advertit, versutos istos sophistas, hic aliud loqui, & aliud sentire, quod hominibus veritatem & candorem professis omnino indignum est. Ex nova enim & absurda, quam tuentur doctrina, de auctoritate Verbi DEI quoad nos, sive quoad fidem & persuasionem nostram, quod, videlicet, ex solo Ecclesie testimonio, constet DEVM hoc vel illud revelasse, seu hoc Verbum DEI ipsius Verbum esse, aperte sequitur, non revelationem divinam, aut Verbi DEI auctoritatem, sed Ecclesie testimonium esse formale obiectum fidei, seu principale ejus fundamentum: & primum Theologie principium non esse DEVS dixit; seu, Hoc DEI Verbum est: sed potius, Ecclesia dicit DEVM hoc dixisse, aut hoc DEI Verbum esse.

3. §. 3. Hanc esse Adversariorum doctrinam patet ex Eellarm. Lib. 3. de Verbo, Cap. 10. Resp. ad argument.

argument. 13. & Lib. 4. de Verbo, Cap. 4.  
 §. Quartò, necesse est. & §. Quintò, non  
 est satis. Gretserus, in defensione, Cap. 4.  
 Lib. 4. de Verbo, colum. 1574. & in Tract.  
 de agnoscendis Scripturis Canonicis, Cap.  
 7. colum. 1908. Valent. tomo 3. disput. 1.  
 quæst. 1. punct. 7. §. 5. colum. 122. Sta-  
 plet. Lib. 1. de autoritate Script. Cap. 9.  
 & Cap. 11. Becanus, tract. de Fide, Cap. 4.  
 §. 14. Pistor, in Lib. de 14. articulis, Cap. 1.  
 &c. *Hi docent primo, Nos non posse certò sci-*  
*re quid DEVS revelaverit, nisi ex Ecclesiæ te-*  
*stimonio: unde manifestè sequitur, revelationem*  
*divinam, non credi propter seipsam, sed propter*  
*Ecclesiæ testimonium, & proinde non esse formale fi-*  
*dei objectum. Secundò, Nos non posse ex ipsa*  
*Scriptura scire, aut esse aliquam Scripturam*  
*divinam, aut quæ sit illa. Tertio, solum Eccle-*  
*sia testimonium apte reddi, ad quæstionem, unde*  
*scis Scripturam esse divinitus inspiratam?*

*His positis, sic contra Adversarios proba-*  
*mus, non DEI revelationem, sed Ecclesiæ potius*  
*testimonium, esse formale fidei Pontificiæ objectum.*  
*Primò propter revelationem divinam, seu Verbi DEI*  
*authoritatem, creduntur ea omnia & sola, quæ in*  
*Verbo DEI revelata sunt: at propter Ecclesiæ in-*  
*fallibilem testificationem, creduntur à Pontificiis*  
*non solum ea quæ in Verbo DEI revelata sunt, sed*  
*etiam ipsa revelatio divina, seu Verbi DEI autho-*  
*ritas.*

ritas. Ergo, Ecclesie testimonium potius est formale fidei objectum, quam revelatio divina. Ratio consequentia manifesta est: quia formale objectum fidei sic definitur; Est id propter quod credimus, & per quod responderi potest ad questionem, Cur Credis? Atqui hæc definitio magis competit Ecclesie testimonio, quam revelationi divine, quia nimirum, propter revelationem divinam, credunt Pontificii sola revelata; at propter Ecclesie testimonium, credunt & revelata, & revelationem ipsam. Secundo, Credunt Pontificii ea omnia quæ in DEI Verbo credenda proponuntur, quia à DEO revelata sunt: esse autem à DEO revelata credunt, propter Ecclesie testimonium, quia, videlicet, Ecclesia testatur, ea esse à DEO revelata. Ergo, à primo ad ultimum, credunt ea omnia, quæ in Verbo DEI credenda proponuntur; quia Ecclesia dicit, ea esse à DEO revelata. Hæc esse Pontificiorum doctrina consentanea, patet ex Bellarm. verbis, Lib. 6. de Libero Arbitrio, Cap. 3. §. At Catholici, &c. Credunt (inquit) Catholici id quod credunt, quia DEVS revelavit; DEVM autem revelasse, credunt quoniam Ecclesiam ita dicentem, vel declarantem audiunt. Et idem asserit, Lib. 3. de Verbo, Cap. 10. Responsione ad argumentum 15.



## SECTIO IV.

*Communem illam Pontificiorum distinctionem, In se, & Quoad nos, qua utuntur, cum de Scriptura auctoritate differunt, hic locum habere non posse.*



*Uamvis speciem aliquam veritatis, licet exiguam & fallacem, habeat illa distinctio auctoritatis Scripturae, In se, & Quoad nos, qua Cocleus, Stapler. Pistorius, aliique Pontificii*

I.

*Doctores in Controversia de Scripturae auctoritate utuntur: si quis tamen ista distinctione hic uteretur diceretque, aliud esse principale fidei fundamentum In se simpliciter & absolute; aliud verò esse fundamentum fidei, Quoad nos; proculdubio etiam pueri & tyrunculi, ejus subtilem distinctionem risu exciperent. Habitus enim fidei, est habitus, Quo nos credimus: objectum materiale fidei est, Id quod nos credimus: & objectum formale fidei est Id propter quod nos credimus. Illud autem Propter quod nos credimus, est fundamentum & formale objectum fidei, Quoad nos. Quicquid igitur est fundamentum fidei, Simpliciter; illud est fundamentum fidei, Quoad nos. Et quicquid non est fundamentum fidei, Quoad nos, illud non est fundamentum*

damentum fidei Simpliciter: Si enim nos ad assentiendum principaliter movet, aut movere potest, est fundamentum fidei, & Simpliciter, & Quoad nos; & rursus si nos non movet, nec movere potest, ad assentiendum; tunc neque est fundamentum fidei Simpliciter, neque Quoad nos.

SECTIO V.

*Confutantur tres celebres distinctiones, quibus Gregorius de Valentia, Gretserus, Becanus, aliiq. Pontificii Doctores, pravaricationis notam merito in inustam diluere conantur.*

I.



IC igitur Adversarios nostros, pravaricationis & aperte contradictionis, merito arguimus: quia, videlicet, aliquando asserunt revelationem divinam, propter seipsam, & non propter

Ecclesie testificationem credi: aliquando vero propter solam Ecclesie testificationem, eam credi debere affirmant: quia videlicet, nos non certo scimus, (ut illi volunt) utrum illa revelatio sit divina, an non; nisi ex Ecclesie testimonio, vide Bellarm. Lib. 3. de Verbo, Cap. 10. Resp. ad argument. 13.

2.

Valent. Becan. Gretser, qui ex omni-

bis

bus Pontificiis hanc questionem acutissimè pertrahant, tribus ferè distinctionibus utuntur, ad quas cum argumentorum nostrorum pondere premantur, subinde recurrunt. Primo distinguunt, inter Formalem causam credendi, & conditionem ad credendum requisitam. Secundò, inter Fidem divinam, & humanam: Quibus Becanus addit tertium genus fidei, videlicet, Fidem quandam mediam inter divinam & humanam. Fides divina nititur DEI testimonio: Fides humana nititur testimonio eorum hominum, qui errori obnoxii sunt: denique fides illa media, nititur Ecclesie testimonio, quæ ex eorum sententia infallibilis est. Tertiò, distinguunt inter Causam acceptationis fidei, & causam fidei, secundum se.

His distinctionibus positis, subtiles illi & 3. irrefragabiles, Doctores sic differere solent. Testimonium Ecclesie (inquiunt) non est nobis formalis ratio aut causa, cur fide divina credamus revelationem in Scriptura factam esse verè divinam, seu Sacram Scripturam esse DEI Verbum; sed est conditio ad hoc credendum requisita: est ratio & fundamentum non fidei divinæ, sed alterius inferioris ordinis, quæ media est inter divinam & humanam: hoc est, propter Ecclesie testificationem creditur Verbi authoritas, non quidem fide pure divina, sed fide quadam media inter divinam & humanam. Denique non est causa fidei secundum se, in qua, videlicet, tanquam in prin-



cipali credendi ratione acquiescit fides nostra, qua credimus Scripturæ divinam auctoritatem: sed est causa acceptionis fidei, quæ primùm nos impulit & permovit, ut vellemus & inciperemus credere, Sacram Scripturam esse divinam, & canonicam. Prima, distinctione utuntur Valent. tomo 3. disput. 1. quæst. 1. §. 10. & Gretser. in tract. de agnoscendis Scripturis canonicis, Cap. 7. column. 1909. Secunda, utitur Becanus, in summa, parte 2. tom. post. tract. 1. Cap. 1. quæst. 2. §. 9. Tertia, utitur Valent. tomo 3. disput. 1. quæst. 1. punct. 1. §. 10. Item, Becan. Opuscul. tomo 1. opusculo 10. hoc est, in tract. de circulo Calvinistico, à §. 14. ad 30.

4. §. 4. Difficilis & spinosa hujus Apologia Iesuitica, summa hæc est. Verbi DEI, aut revelationis divinæ auctoritas, duobus modis credi potest; videlicet, vel fide divina, vel fide quadam inferioris ordinis: cum creditur auctoritas Verbi fide illa quæ inferioris ordinis est, fundamentum assensus nostri est Ecclesiæ testimonium: at cum creditur fide divina, testimonium Ecclesiæ est quidem causa acceptionis fidei, seu est prima janua, qua ad Libros Canonicos credendos itur, ut loquitur Gretserus, in defens. Cap. 4. Lib. 4. de Verbo, col. 1581. Item est conditio necessario requisita, ad illum actum fidei divinæ eliciendum, quo Verbi DEI auctoritas creditur: at non est fundam

damentum principale, aut formalis ratio, propter quam fide divina credimus, illud verbum verè esse DEI ipsius Verbum. Quod si quæras; quo fundamento nitatur Pontificiorum fides divina, qua credunt Sacra Scriptura divinam & canonicam auctoritatem? aut, quæ sit formalis & principalis ratio, propter quam fide divina credunt, hoc verbum verè esse DEI ipsius Verbum? Gretserus, append. 2. ad Lib. 1. Bellarm. de Verbo, colum. 395. & append. 2. ad Lib. 3. colum. 1514. Item, Becanus, in tract. de Circulo Calvinistico, §. 25. 26. & 29. Respondet se credere Scripturam esse DEI Verbum, propter revelationem divinam, seu propter DEI revelantis auctoritatem.

§. 5. *Hac Adversariorum responsio, fallax, 5. ambigua, & dolosa est: dicunt enim Scriptura auctoritatem credi debere, propter revelationem divinam: attamen nec docent, nec docere possunt, ubi nam inveniatur illa divina revelatio, propter quam credunt, Scripturam esse DEI Verbum. Illa enim revelatio, vel est ipsa Scriptura, vel est revelatio quadam divina à Sacra Scriptura distincta: hoc est, est traditio aliqua divina non Scripta. Si est ipsa Scriptura, habemus quod volumus: videlicet, Scriptura divinam auctoritatem, per ipsam Scripturam sufficienter nobis manifestari: & propter ipsam Scripturam credendam esse: quod apertè repugnat, Pontificio-*

rum doctrinae, de Scripturae auctoritate. Si est traditio non Scripta, eadem quaestio movebitur de illa traditione, unde videlicet constet eam esse divinam? illa enim traditio non potest esse idoneum fidei meae fundamentum nisi firma & certa fide credam eam DE I ipsius Verbum esse: at unde hoc sciam? non ex illa ipsa traditione: quia sacra Scriptura, (ut docent Pontificii) nos de divina sua auctoritate, certos reddere nequit. Ergo, pariratione hac traditio non scripta, non potest nos de divina sua auctoritate certos reddere: hoc discrete fatentur Gregor. de Valent. tomo 3. disput. 1. quaest. 1. punct. 7. §. 12. & Gretser. in tract. de agnoscendis Scripturis canonicis, Cap. 4. Colum. 1888. Non ex Ecclesiae testimonio: quia Ecclesiae testimonium (fatentibus ipsis Adversariis) non est idoneum fidei divinae fundamentum: denique istius traditionis non scripta auctoritas, non scitur ex aliqua alia traditione non scripta, quia eadem quaestio de illa altera traditione recurret: unde, videlicet, constet eam esse verè divinam? & sic dabitur progressus in infinitum. Gregorius de Valentia, tomo 3. disput. 1. quaest. 1. punct. 1. §. 5. Colum. 28. inexplicabilibus huius argumenti laqueis constrictus, coactus est fateri revelationem divinam non solum credi propter seipsam, sine alia revelatione, sed etiam revelare seipsam. Hoc est divinam suam auctoritatem vobis manifestare:



stare: Fides (inquit) præbet assensum revelationi, ut revelata, non per aliam revelationem, sed per seipsam.

## SECTIO VI.

Thomæ Stapletoni impostura  
detegitur.



HOMAS STAPLE-  
TONVS hujus argumē-  
ti vim percepisse videtur:  
ideoque Lib. 3. de au-  
thoritate Scripturæ,  
Cap. 12. §. 11. non  
obscurè innuit, Scripturæ  
divinæ auctoritatem, non  
propter aliquam revelatio-

nem externam, à Scriptura distinctam, sed prop-  
ter internum Spiritus Sancti testimonium cre-  
di: adeoque illud internum Sancti Spiritus testimo-  
nium, esse formale objectum fidei, ejusque fundamen-  
tum principale. At nimis insulse in re seria ludit  
Staplet. cum primas partes non publico Ecclesiæ ju-  
dicio, sed interno Sancti Spiritus testimonio concede-  
re se fingit: quasi hoc testimonium ex Pontificiorum  
sententia esset principale fidei fundamentum ejusque obje-  
ctum formale simpliciter. Formale enim objectum fidei

non propter aliud, sed propter se creditur, & ab eo certitudo fidei nostræ præcipuè pendet : quemadmodum certitudo scientiæ pendet à principiis propter quæ scimus conclusiones esse veras. At Stapletonus, reliquique Pontificii, docent, hoc internum Spiritus testimonium, non propter se, sed propter publicum Ecclesiæ iudicium credendam esse: hoc est, ei tum demum fidem adhibendam esse, quando publico Ecclesiæ iudicio conforme est. Vide Staplet. Lib. 9. principiorum doctrinalium, Cap. 3. Bellarm. Lib. 3. de Verbo, Cap. 5. §. Octavum testimonium, &c. & eodem Cap. §. Quare si quis, &c. Gretser. in tract. de agnosc. Script. Cap. 5. colum. 1894. & 1902. Ergo, non internus Sancti Spiritus instinctus, sed publicum & externum Ecclesiæ testimonium, est Pontificiis formale fidei objectum, ejusque fundamentum principale.



REPLIC



REPLIC. TURNEBULLI,  
Quam præcedentibus sectionibus  
opposuit CAP. 3. 6. 10.  
& 11. sui Libri.

CAP. III.

*Ecclesiam non esse Pontificiis formale  
objectum, sed regulam fidei.*



ALITER constituto, & ex-  
plicato principio, quod tam à  
tuæ Sectæ hominibus, quam  
à Catholicis debet supponi  
tanquam certum, videamus,  
quibus tu argumentis, Sect. 3.  
conaris probare nostros non

I.

nisi verbo tenus in hoc principium consentire, re-  
verò ipsā semper Ecclesiæ testimonium, pro forma-  
li objecto Fidei vobis obtrudere, eosque conse-  
quenter esse insignis prævaricationis in causā, quā  
simulant se defendere, deferendā. Quæ accusatio  
ne videatur gratis à te ficta, producis è nostris plu-  
res docentes non posse à nobis dignosci quid reve-  
laverit DEVS, quæve Scriptura sit canonica, nisi ex  
Ecclesiæ



Ecclesie testimonio; suppositâ verò hâc allegatione, tuam accusationem probas bifariam.

2. Primò, propter revelationem divinam credantur à Pontificiis ea omnia, & sola, quæ in Verbo DEI revelata sunt: At propter Ecclesie infallibile testimonium creduntur à Pontificiis non solum quæ Verbo DEI revelata sunt, sed etiam ipsa DEI revelatio, verbiq; DEI auctoritas: Ergo, Ecclesia testimonium potius est illis formale objectum, quàm revelatio divina. Ratio consequentiæ (inquis) manifesta est, quia formale objectum Fidei sic definitur. Est id propter quod credimus, & per quod responderi potest ad questionem, Cur credis? Atqui hæc definitio magis competet Ecclesie testimonio, quàm revelationi divinæ. Quia nimirum propter revelationem divinam credunt Pontificii sola revelata. Propter Ecclesie verò testimonium credunt & revelata, & revelationem ipsam.

3. Secundò, credunt Pontificii ea omnia, quæ in DEI Verbo credenda proponuntur, quia à DEO revelata sunt: Esse autè à DEO revelata credunt propter Ecclesie testimonium. Quia, videlicet, Ecclesia testatur, ea esse à DEO revelata. Ergo, à primo ad ultimum credunt ea quæ in Verbo DEI proponuntur, quia Ecclesia dixit, ea esse à DEO revelata.

4. De his in speciem duobus tuis argumentis, quæ verè non sunt duo, sed unum inutilli tautologia repetitum adversus te. Pronuntio utrumque esse in illo genere captiosarum ratiocinationum, quod Philosophus, 2. Elench. Cap. 7. vocavit omnium ineptis.

optimum propter æquivocationem, in tua definitione formalis objecti, præcedenti meo Cap. detectam, & iterum hic à te assumptam ad probandam consequentiam prioris argumenti. Sed quam Sophisticè sic demonstro. Esse id, propter quod credimus, & per quod responderi potest ad quæstionem, Cur credis? potest cum omni proprietate sermonis enunciari non tantum de formali objecto, sed etiam de pluribus aliis credendi principiis, & nominatim de quavis regula Fidei. Regulam autem Fidei distingui à formali objecto Fidei manifestum est. Nam illa multiplex est, hoc autem unum, & simplicissimum. Illius usus proprius præcedit non tantum assensum mentis, qui vocatur credere, sed & ipsam voluntatem credendi. Hujus autem usus proprius est proximè fundare, & terminare assensum. Et regulæ quidem multiplicitas patet tum ex Scripturis canonicis, quæ vel ideò sic vocantur, quòd sunt totidem regulæ diversorum ut plurimum credibilium, principiaque suppedient totidem demonstrationum Theologicarum, de rebus credendis; Tum ex Apostolis à CHRISTO post Ascensionem in terra relictis, tanquam vivis regulis, omniumque aliarum regularum interpretibus authenticis. Vnde CHRISTI oratio Petro impetravit, ut non deficeret amplius fides ejus, sed conversus confirmaret fratres. Et universe omne principium certum nobis demonstrans aliquid in particulari esse credendum tanquam explicitè, vel implicitè revelatum, est regula Fidei.

Denique sicut in aliis virtutibus non rarò contingit, earum regulas exemplares esse personas tali perfectionis genere illustres, ipsasve singulares personarum virtutes, quas tamen à formalibus virtu-

tutibus

tum objectis distingui manifestum est, ita in Fide quis neget posse contingere? verbi gratia, Sicut sanctissima CHRISTI humanitas est nobis exemplar omnium aliarum virtutum ejus beatitudini non repugnantium, ita Ecclesia per Fidem CHRISTO desponsata potest esse omnibus veris Christianis exemplare principium credendi. Licet nec virtutes, quibus perficiebatur CHRISTI humanitas, fuerint formalia objecta similium virtutum nobis concessarum, nec Fides Ecclesiæ sit formale objectum Fidei nostræ.

Simplicitas autem unius objecti formalis jam præcedenti Cap. ostensa est; nempe increata DEI auctoritas. Sicut enim unus est DEVS, unaque Fides, ita est unica DEI auctoritas tanquam ratio proxima, & objectivè specifica Fidei divinæ.

5. Porro usum regulæ, quatenus regula est, esse priorem non tantum assensu intellectus inde regulato, sed etiam ipsa voluntate assentiendi patet ex subordinatione plurium hinc virtutum ad idem opus Fidei concurrentium. Licet enim eliciatur hoc opus ab intellectu, cui tanquam subiecto inest ejus habitus, imperatur tamen, ut postmodum patebit, à pia & religiosa voluntate, quæ non esset religiosa, sed supersticiosa, nisi ex prævio judicio prudentiæ nasceretur. Nec prudentia tanquam dux præiret, nisi regulam offerret certam, infallibilem, & à DEO constitutam, unde subsequa voluntas, quæ tantam firmitatem assensus imperat intellectui, cum in se honestetur, tum ab hæretica pertiuitia distinguatur.

6. Hinc disce primò, Quo sensu loquantur nostri, quando quærenti, Cur credis DEVM hoc vel illud revelasse? respondent, Quia Ecclesia ita restatur.



statum. Non enim intendunt hoc suo responso assignare formale objectum Fidei, proximamve rationem credendi Fide Theologica, ut tu captiosè fingis, sed regulam duntaxat prudenti necessariam, ut cautè, non temerè; ut religiosè, non superstitiosè velit, possitque quis credere. Nam per hanc regulam discernitur prudens Fides Catholicorù à temeraria credulitate sectariorum, in iisdem alioqui credibilibus sæpè consentientium. Simile quid accidisset si Ebionitis ab initio sui erroris à Catholico petentibus, Quare credis DEVM revelasse mysterium Trinitatis, & æternæ Nativitatis Filii à Coelesti Patre? respondisset Catholicus, quia ita testatus est Apostolus Ioannes ante quàm suum Evangelium scriberet. Nam ante scriptum hoc Evangelium, erat ipse in se viva regula credendi, non formale objectum. Hanc prudentiæ regulam sequutus Augustinus, Lib. contra Epistolam Fundamenti, Cap. 5. *Ego (inquit) Evangelio non crederem, nisi me Ecclesiæ Catholicæ commoveret auctoritas, &c.* Quia scilicet non nisi ex Ecclesiæ auctoritate potest prudentia dignoscere verum Evangelium ab Apocrypho. Quare ibidem agens Augustinus de Actis Apostolorum, dicit se pariter illi libro, & Evangelio credere. *Quia utramque (inquit) Scripturam similiter mihi Catholica commendat auctoritas.*

7. Supposuit nempe Augustinus, quod invicto argumento contra omnes sectarios ex Scriptura nostri demonstrant, Quando CHRISTVS dedit Ecclesiæ ab initio Apostolos, dedisse pariter cum Apostolatu judiciariam potestatem decidendi futuras omnes lites tam de Fide, quàm de moribus, eamque non

non ad breve tempus, sed quamdiu Ecclesia in terris militans per Fidem ambulabit, usque talis potestatis indigebit, Ephes. 4. *Donec occurramus omnes*, &c. Et certè si de cæteris donis etiam, quæ ad personalem accipientium utilitatem referuntur, verum sit *donum DEI esse sine penitentia*, ROM. 11. Quamto magis judiciaria hæc potestas in spirituali principatu inclusa, & ad corpus Ecclesiæ in unitate Spiritus conservandum concessa, nunquam ei auferetur. Cum non minus, immò magis sit futura semper necessaria post propagatum toto orbe Evangelium, quam erat in paucis illis credentium primitiis, quando adhuc vivebant Apostoli, ut vel testatur experientia tot hæresum, quæ singulis sæculis novæ semper pullularunt, & nisi per Ecclesiasticos Iudices fuissent compressæ, totum Christianum orbem jam pridem pervertissent. Sicut ergo Apostoli ex spirituali suo principatu super omnem terram fuerunt constituti Iudices controversiarum de Fide; fateri oportet eos, in quibus post mortem Apostolorum, remansit idem principatus, retinuisse pariter potestatem hanc judiciariam, tanquam vivam credendi regulam. Scilicet sicut in civili foro aliud est formale objectum humanæ justitiæ, cuius honestate movetur voluntas Iudicis ad jus dicendum; aliud regula Iustitiæ, quæ non tantum est lex scripta, vel consuetudo in vim legis firmata, sed etiam ipse Iudex, ad quem tanquam ad justitiam animatam homines confugere notavit Philosophus, Lib. 5. Ethic. Cap. 4. ita in foro Ecclesiastico aliud est formale objectum Fidei divinæ, increata nempe, primæque veritas, seu DEI testantis auctoritas, aliud regula

Fide

Fidei, quæ non tantum est Scriptura, vel traditio divina non scripta, sed etiam supremus Ecclesiæ Iudex, ad quem tanquam ad Fidem animatam recurrere debent fideles.

Hoc Parag. 7. (Candide Lector) Adversarius à proposito digreditur, ut probet Ecclesiæ Catholicæ, id est, Papæ judicium, de rebus fidei esse infallibile. Sed quam elumbia sint argumenta quibus hoc demonstrare conatur, infra patebit ex Tract. 5. qui est de auctoritate Ecclesiæ.

Disce præterea ex eodem principio distinguere duos sensus, unum verum, alterum falsum hujus propositionis, D E V M hoc illudve revelasse creditur propter Ecclesiæ testimonium; Est enim falsa propositio, si putes assignari rationem objectivè specificam supernaturalis assensus tâtopere in Scripturis commendati nomine Fidei Theologicæ aliam ab auctoritate D E I Ecclesiam gubernantis. Est tamen verissima, si sensibilem regulam intelligas à prudentia præmonstratam piæ affectioni, seu religiosæ voluntati credendi; vel si testimonium Ecclesiæ spectetur, non ut est verbum hominum, sed ut est Verbum ipsius D E I.

Disce denique à contradictione liberare tum hanc propositionem sic intellectam, tum aliam dicentium, D E V M aliquid revelasse credi propter se immediatè, non propter alterius testimonium. Debet enim hæc posterior propositio ita intelligi, ut excludat duntaxat rationem proximam, & obiectivam assentiendi à D E I auctoritate distin-



Itam sensu declarato precedenti Cap. 2. n. 7. & deinceps. Nam hoc sensu est vera, nec priori contraria. Si autem quis eam ita intelligat, ut excludat omnem etiam regulam prudentiæ præviæ necessariam nunc populo fideli, erit propositio non tantum falsa, sed etiam stulta, & indigna homine prudente, ut mox clariùs ostendam.

## CAPVT VI.

*Ecclesiam in ordine ad nos præuiumque  
iudicium prudentiæ esse ceteris cre-  
dendi regulis notiozem.*

I.



IROR te, qui vocaris Magister in Israel, & in Philosophicis disciplinis, tantoperè Aristotelicum discrimen inter notius natura, & nobis, in præsentis disputatione auersari, ut Sect. 4. dicas esse puerorum & tyrunculorum risu excipiendum, si ad duplex Fidei fundamentum referatur. Ergo, tibi ridiculus August. cit. superiùs loco. Ego verò, inquit, Evangelio non crederem, nisi me Ecclesiæ Catholicæ commo-  
veret auctoritas. Certè propter quod unumquod-  
que tale, & illud magis in eodem ordine causz. Pari tamen certitudine credidit Augustinus, credimus & nos utramque regulam tam scriptam, quàm vivam, quando propter eandem DEI auctorita-  
tem

sem paritum pia voluntatis imperio, tum gratiæ divini auxilio movetur intellectus ad credendum.

Præterea nullum DEI Verbum five scriptum, five sine scriptura traditum, indiget testimonio hominum, ut in se certum sit; nec quod ex DEI testantis auctoritate certum est certitudinem ullam ab hominibus emendicat. Hoc enim sensu videtur dixisse CHRISTVS: *Ego testimonium ab homine non accipio*. Vt tamen alterutrum DEI Verbum nobis, vel in ordine ad nos quibus immediate non fuit revelatum, tanquam certum innotescat, indiget interventu hominum, siquidem *Fides est ex auditu, Auditus autem non est sine prædicante*. CHRISTVSque tot admisit testes, quot Martyres CHRISTI doctrinam sanguine suo nobis consignarunt. Ergo, licet ambæ regulæ, tam Scriptura divinitus inspirata, quàm Ecclesia divinitus stabilita sint in se pariter certæ, in ordine tamen ad nostram in credendo prudentiam notior est Ecclesia, cujus proprium est sua prædicatione omne DEI Verbum auditui fidelium objicere; Scripturam canonicam ab Apocrypha discernere, & canonicæ Scripturæ sensum verum à falso dijudicare.

Denique quod de intelligentiis dixit Philosophus eas esse simpliciter, & natura sua notissimas; nobis tamen, qui more vespertilionum tantam lucem, quanta illis videndis esset necessaria, non habemus à natura, esse obscuriores rebus sensibilibus; potest cum proportionem accommodari rebus divinitus revelatis, quæ simpliciter, & habentibus tantam evidentiam attestantis, quantam habent beati Spiritus de rebus, quas à DEO audiunt, sunt omnes pariter, & æqualiter perspicuæ, parique evi-

dentia credibiles Fide altioris ordinis, quàm viatorum. At nobis in caliginoso loco degentibus, nec nisi per sensibiles regulas ad invisibilia discenda pertingentibus quodam sensu dici potest credibilior regulâ rebus, quæ non nisi per eam innotescunt, esto alio sensu par sit utrobique credibilitas.

4. Sed videamus, quo tu argumento distinctionem hanc à sapientissimis viris traditam, contendis esse puerorum, & tyrunculorum risu excipiendam. *Habitus* (inquis) *Fidei est, quo nos credimus. Objectum materiale Fidei est quod credimus. Objectum formale Fidei est propter quod nos credimus. Idem est ergo utrobique fundamentum principale Fidei, tum simpliciter, tum quoad nos, & vicissim non aliud quoad nos quàm simpliciter.*

Cur, mi Baro, si vir es, tam simplicis pueri personam hoc argumento induisti, ut patentissima æquivocatione fallere volueris, nisi ipse sis falsus, quando non advertis eodem nomine principalis fundamenti posse duo significari, tum ultimam, & universalem regulam credendi, in qua proximè fundatur prævia prudentia & religio credentium, ut nihil vel temerè, vel superstitiosè credant; tum specificum, & formale Fidei objectum, quo proximè nititur supernaturalis eorundem assensus in res revelatas. Si ad hoc posterius limites tuum sermonum nemini nostrorum quidpiam opponis, quod omnes non concedimus, ut constat ex dictis Cap. 2. Si autem ad regulas credendi extendas, plus conaris concludere, quàm sequatur ex virtute tui antecedentis, ubi nulla mentio talium regularum, inter quas tamen ostendi ego dari unam, quæ in ordine ad nos, nostramque prudentiam est cæteris manifest



manifestior, licet omnes in se sint paræ certitudinis, parique à nobis certitudine Fidei credantur à DEO firmatz.

## PARS QUÆDAM CAPITIS DECIMI.

*In qua Adversarius egregium sui acuminis Specimen dat solvendo argumentum supra propositum Sect. 5. §. 5.*



Dicunt multa, quæ tamen reipsa non sunt plura duobus, si tautologiis liberentur. Primum. Dicunt Pontificii Scripturæ autoritatem credi debere propter revelationem divinam. Attamen nec docent, nec docere possunt,

Cap.  
10. à  
§. 3.  
ad 6.

ubinam inveniatur illa divina revelatio? Vel enim est ipsa Scriptura, vel est Traditio aliqua divina non scripta. Si est Scriptura, habemus, inquis, quod volumus, &c. Si est Traditio non scripta, eadem quæstio movebitur de illa Traditione. Unde videlicet cõstet eam esse divinã? Illa enim Traditio non potest esse idoneum Fidei meæ fundamentum, nisi firma & certa Fide credam eam esse DEI ipsius Verbum: At unde hoc sciam? Non ex illa Traditione: quia

*Sacra Scriptura ( ut docent Pontificii ) nos de divina sua auctoritate certos reddere nequit . Ergo, pari ratione hac Traditio non scripta non potest nos de divina sua auctoritate certos reddere .*

4. Hujus argumenti laqueos jactitas esse nobis inexplicabiles , iisque constrictum & coactum Gregor. à Valentia concessisse , quod vos contenditis . At ego contendo te non tantum aberrare à mente sapientissimi à Valentia , sed etiam hoc argumento tanquam proprio laqueo captum , ab altissimo idololatriæ patibulo harere suspensum , nisi advertas quod Capite 2. præmonui nomine divinæ revelationis , quæ quandoque à nostris dicitur formale objectum , & propter se credi , ratioque credendi res revelatas , debere principaliter & directè intelligi actum increatum mentis practicæ in D E O per modum loquutionis intellectualis connotato tamen temporali signo , quo primùm innotuit primis Ecclesiæ fundamentis . Taliter autem intellecta revelatio nec in se , nec in signo , quo primùm innotuit , est vel Scriptura , vel Traditio , vel Ecclesiæ testimonium , sed aliquid his omnibus antiquius . Nam quatenus est increata loquutio divinæ mentis , est in D E O , non in cortice literæ , nec aliud re ipsa est , quàm prima Veritas & increata perfectio D E I testantis . Quatenus verò temporali signo primùm terminatur , & innotescit , nec dicit Scripturam , nec Traditionem , sed aliquid quod ab utroque supponitur tanquam primarium signum ab utroque suo vicario .

Nam nihil est in Scriptura quod non fuit prius revelatum , vel Prophetis , vel Apostolis , quàm scriptum , ut Cap. 2. diximus . Imò ipsi scriptores ca-

Nonci prius fuerunt divinitus edocti scribenda, quam scriberent, alioque proinde signo priore nobis jam præterito D E V M fuisse inspiratorem, & dictatorem scribendorum.

Si quis hinc instet, & dicat his non obstantibus, intellectuale illam loquutionem divinæ mentis non minus per Scripturam jam nobis applicari ad fundandum in nobis assensum Fidei divinæ, quam ab initio applicabatur Prophetis, & Apostolis per signa nobis præterita, proindeque utrumque signum tam permanens, quod vocamus Scripturam, quam illud præteritum esse quodam sensu metonymico formalem objecti rationem repræsentativæ, quatenus utroque nna D E I auctoritas concipitur repræsentari, & applicari mentibus credentium. Non verebor concedere, quod concedit à Valentia, ita prorsus se rem habere. Sed nego inde sequi, quod tu contendis de Scriptura in sensu proprio, & Scholastico eam propter seipsam credi, non propter aliud.

Sicut enim honor exhibitus Legato, non propter personam Legati, sed propter personam Regis à Legato repræsentati exhibetur, ita nec assensus Fidei præbetur Scripturæ propter ipsam, sed propter Primam Veritatem tali signo repræsentatam, menti que fideli applicatam.



## CAPVT. XI.

*De distinctione Fidei in divinam  
& humanam.*

I.



Æ C quoque distinctio à sapientissimis Theologis observata tibi displicet, quando quorundam nostrorū respon- sionem in ea fundatam, Sect. 5. §. 5. vocas fallacem, ambi- guam, dolosam.

Sed miror te tam suspica- rem esse, ut fingas dolū ubi nullæ sunt latebræ, qui- bus abscondatur, nec consequenter ulla suspicandi occasio. Quid enim, quæso te, est in meridie ex- cutire, quàm non advertere progressum quo quis ab infidelitate paulatim avertitur, pluribus constare gradibus, quibus conversio ad Fidem sensim promovetur. Licet enim D E O sit facile subito honestare pauperem, qualiter præter solitum rerum cursum, S. Paulum de repente fecit ex lupo agnum, & ex persecutore Pastorem gregis; viâ tamen ordinarîâ, sicut nemo semel bonus de repente fit pes- simus; ita nec quispiam animum infideliter perti- nacem in errore de repente mutat cum universali, & efficaci proposito credendi, ut oportet, totam doctrinam à D E O revelatam Ecclesiæ.

Quia nempe uterque Sol tam mentium, quàm corporum antequam supra nostrum horizontem as- cendat, eum aliqua prius aurorâ illustrat. Spirit- ualis autem aurora in infideli mente tunc incipit,  
quando

quando rationes dubitandi, five utrinque, five altera ex parte apparent, & suspicionem gignunt falsitatis in errore nocturno. Promovetur, & auge-  
tur tenue hoc auroræ lumen ex aspectu partim Apocalypticarum illarum stellarum, quibus Ecclesia coronatur, partim ipsius Ecclesiæ, quæ tanquam civitas supra montem posita, pharusque Davidica, characteristicis suis insignibus conspicua apparet longissimè, venientibus, sui que persuasionem gignit, veram quidem, & sæpe tam formaliter, quàm objectivè certam, inferiorem tamen eo assensu, quem postmodum religio imperat, & Fides elicit, ob ipsius DEI jam lucentis auctoritatem.


Ad hanc experientiam ex se notissimam accedit ratio non minùs manifesta.

Omnis enim assensus, qui testantis auctoritate nititur, supponit eum, cui creditur, alio priorè actu, genereque cognitionis præcognitum. Nec enim Fides potest adhiberi alicui, nisi aliquatenus præcognito. At omnis præcognitio DEI, rerumve divinarum prior assensu Fidei divinæ in primò accedentibus ad Fidem, est inferior ipsâ Fide. Et ut plurimum naturalis tantum ordinis, in humana ut potè Fide parentum, vel Philosophica ratione non nisi tenuiter, vel probabiliter penetrata innitens. Vnde S. Thomas, prima parte, quæst. 2. art. 2. ad primum, & 22. quæst. 1. art. 3. ad tertium, notat hoc complexum *DEVM* esse, & alia quædam similia non numerari inter articulos Fidei, sed esse præambula ad omnes articulos. Sic enim (inquit) *Fides supponit cognitionem naturalem, sicut gratia naturam, & ut perfectio perfectibile.* Quam Sancti Doctoris rationem non co-

gimur ita interpretari, quasi huiusmodi veritates nequeant assensu supernaturali Fidei divinæ credi, sed duntaxat, quod prius quàm tanto gradu certitudinis, tamque sublimi assensu credantur, aliquo alio assensu inferioris ordinis tanquam seminali ratione soleant præcognosci.

3.

Quod de infidelibus ad Fidem accedentibus probatum est, potest servata proportionem tribui etiam fidelibus, quoties ab eis aliquid noviter addiscitur, ut explicitè credendum, quod prius in se ignorabant, & implicitè tantum in alio principio generali credebant. Sic enim Theologica demonstrationis, ut infra iterum notabimus, gignit persuasionem suæ conclusionis, certam quidem, inferiori tamen ea, quam postmodum Fides ex imperio piæ voluntatis, gratiæque auxilio concipit ejusdem conclusionis. Sic tam rudiores de populo, quàm Theologi, sæpe credunt aliqua propter testimonium Ecclesiæ, tanquam inferius motivum, priusquam ex ipsius DEI auctoritate assensum salutis necessarium eliciant. Quis, quæso te, dolus in tanta luce latere potest? Cave ne propria propensio ad hujus nominis artem tibi pariat talem de aliis existimationem. Sicut oculus indebito colore tinctus, omnia sub ejusdem vitii specie apprehendit.



AUTE



AUTHORIS DUPLICATION.

CAPUT I.

Confutatur Adversarii Responsio ad  
argumenta quæ proposita sunt  
Sect. 3. & 5.

**I**N Responsione tua ad argu-  
menta mea quæ proposui I.  
Sect. 3. & 5. quatuor affir-  
mas Cap. 3. tui Lib. Pri-  
mò, Ea niti captiosa et æqui-  
voca definitione formalis  
objecti supra à me proposi-  
ta: idque quia quamvis Pontificii propter  
Ecclesiæ infallibile testimonium credant, &  
ea quæ Verbo *D E I* revelata sunt, & ipsam  
revelationem seu Verbi *D E I* auctoritatem,  
non tamen hinc sequitur Ecclesiæ testimo-  
nium esse ipsis formale objectum fidei: &  
hoc confirmas, quia *esse id propter quod*  
*credimus, & per quod responderi potest*  
*ad quæstionem, Cur credis?* non tantum  
competit formali objecto fidei, sed etiam  
pluribus

pluribus aliis credendi principiis, & nominatim cuius regulæ fidei. Secundò, *Regulam fidei* necessariò à *formali objecto fidei* distinguendam esse. Tertiò, Pontificios cum dicunt se credere *DEVM* hoc vel illud revelasse propter *Ecclesiæ testimoniũ* non assignant formale objectũ propter quod credunt *DEVM* hoc vel illud revelasse, sed tantũ regulam procedenti necessariam, ut cautè & relligiosè possint credere *DEVM* id revelasse, quod ei credendum proponitur. Quartò, Formale objectum propter quod credunt Pontificii *DEVM* hoc vel illud revelasse, *esse increatam Dei auctoritatem*. Hoc multis aliis in locis repetis præsertim Cap. 14. §. 5.

¶ Hæc tua responsio multis modis reprehendi potest: primò, Enim crimen æquivocationis in describendo formali fidei objecto, quod tanquam venenatum aliquod telum in primam disputationis meæ sectionem jecisti, supra dilui TRACT. 2.

3. Secundò, Formale objectum fidei ut illic monui, est per quod communiter et ordinariè homines respondent ad quæstionem, *Cur credis?* et per quod præcipuè iis satisfaciunt qui hanc quæstionem proponunt. At vestri Theologi ordinariè et communiter ad quæstionem prædictam respondent, per Ecclesiæ


Ecclesiæ infallibile testimonium, putantque so-  
 lam Ecclesiæ infallibilem testificationem pos-  
 se plenè in hoc negotio nobis satisfacere. Af-  
 ferunt quidem primo loco alias responsiones,  
 sed tandem volunt Christianorum fidem in  
 hac responsione sistere & acquiescere. Si  
 enim quæram ex Pontificio aliquo, *Cur hunc  
 vel illum articulum fidei credat?* Re-  
 spondebit, *Quia DEVS qui prima Ve-  
 ritas est, istum in Verbo suo articulum  
 revelavit.* Si iterum quæram, *Cur cre-  
 dat DEVM istum articulum in Verbo  
 suo revelasse, seu Sacram Scripturam,  
 in qua articulus ille revelatur esse DEI  
 ipsius Verbum?* Respondebit, *Quia Ec-  
 clesia qua infallibilis est testis veritatis, id  
 asserit.* Per hanc Ecclesiæ testificationem  
 ordinariè & communiter respondent Ponti-  
 ficii, ad quæstionem, *Cur credis hoc ver-  
 bum esse DEI ipsius Verbum?* Immò nul-  
 lam aliam responsionem hic commodè ad-  
 ferri posse putant. Hoc probavi Sect. 3. ex  
 BELLARM. qui Lib. 4. de Verbo DEI, Cap.  
 4. §. Quarto, *neccesse est, dicit nos non  
 certo scire quid DEVS revelavit nisi ex  
 Ecclesiæ testimonio.* Et ex Gretsero qui  
 in Tract. de agnoscendis Scripturis canonici-  
 sis,



eis, Cap. 7. Colum. 1908. dicit *solum Ecclesie testimonium aptè reddi ad questionem, Vnde scis Scripturam esse divinitus revelatam?* Idem etiam asserit Ap-  
pend. 2. ad Lib. 1. de Verbo, Colum. 395.  
His adde Stapletonum, Lib. 9. de princip. do-  
ctrinal. Cap. 14. sub finem.

4. Tertiò, Nihil tibi proderit illa distinctio  
*inter fidei regulam, & objectum forma-*  
*le*, in qua explicanda & confirmanda con-  
tra me qui nunquam eam negavi operam  
pueriliter ludis: facillimè enim probabo, Ec-  
clesiæ testimonium vobis non esse regulam  
tantum, sed etiam esse ipsum formale obje-  
ctum propter quod creditis *DEVM* hoc vel  
*illud revelasse*, seu *hoc verbum esse*  
*DEI ipsius Verbum*. Patet hoc primò,  
quia cum intellectus tendat in veritatem ob-  
jecti, seu assensum præbeat objecto, quate-  
nus id ei verum apparet necessario sequitur id  
quod ostendit veritatem in objecto esse for-  
male objectum cognitionis seu assensus, ut  
expressè docet Suarez, disput. 3. de Fide,  
Sect. 1. §. 7. At secundum vestram Theolo-  
giam Ecclesiæ testimonium, immò solum  
Ecclesiæ testimonium sufficienter & certitu-  
dinaliter ostendit veritatem in hoc objecto  
credibi-

credibili *DEVS* hoc revelavit, seu *Hæc*  
*revelatio est verè divina*. Nam non  
 certò scimus quid *DEVS* revelaverit nisi  
 ex Ecclesiæ testimonio; imò per hoc solum  
 testimonium aptè responderetur ad quæstio-  
 nem, *Vnde scis Scripturam esse divi-*  
*nitus inspiratam?* ut docent Bellarm. &  
 Gretser. locis citatis. Secundò, Si nullam  
 asserre potestis objectivam rationem propter  
 quam creditis revelationem scriptam, seu in  
 scriptura factam, esse verè divinam, præter  
 Ecclesiæ testimonium, proculdubio Ecclesiæ  
 testimonium est vobis formale objectum, seu  
 formalis ratio propter quam creditis Scrip-  
 turam esse *DEI* Verbum: at verum est  
 prius; ergo & posterius. Major manife-  
 sta est: minor patebit ex argumento sequenti.



## CAPVT. II.

Prædicta Adversarii Responsio duobus  
 aliis argumentis confutatur.



Varto nimis frigidè & jejunè  
 ad quæstionem, *Cur cre-*  
*dis DEVM hoc vel illud*  
*revelasse?* respondes,  
 cum dicis te id credere  
 propt

propter increatam *DEI* perfectionem seu authoritatem. Primo enim, *DEI* authoritas seu veracitas, non est totum formale fidei objectum; nam etiam revelatio divina per se pertinet ad formalitatem objecti, ut supra fuse probavi. Secundo, Sive pertineat ad formalitatem objecti, sive non, tamen negari non potest eam esse quid necessarium requisitum ad fundandum fidei assensum: *Parum enim nobis confert ad credendam hanc vel illam propositionem quod DEVS in se verax sit, nisi externa aliqua revelatione aut testimonio propositionem illam confirmet, & quasi informet*, ut monet Suarez, disput. 3. de Fide, Sect. 12. §. 6. & ipse hoc fateris, Cap. 2. §. 11. ubi dicis, *Sine externo aliquo signo aut revelatione non posse haberi auditum nec ex auditu fidem*. Non possumus igitur propter solam *DEI* veracitatem credere *DEVM* revelasse ea quæ Scripturis continentur, seu Sacram Scripturam esse *DEI* Verbum, nisi *DEVS* externo aliquo signo, seu revelatione hoc revelet aut manifestet. Vnde Gretserus & Becanus aperte profitentur, se credere Scripturam esse *DEI* Verbum propter revelationem divinam locis à me citatis parte prima, disput. sect. 5. §. 4.

Quamob



Quamobrem quæsi à vobis ibidem, & nunc iterum quæro, *Vbinam exstet illa revelatio propter quam creditis Scripturam esse DEI Verbum? & utrum sit ipsa Scriptura, an vero revelatio à Scriptura distincta?* Si est ipsa Scriptura, tunc sequetur, primò, Scripturæ divinam authoritatem, sufficienter per ipsam Scripturam manifestari: quod aperte repugnat vestræ doctrinæ *de authoritate Scripturæ*, quam tanti fecit Stapletonus, ut ad eam defendendam tres Libros scripserit contra Whittakerum, quibus etiam postea adjecit *Triplicationem*, ut vocant, *inchoatam*. Secundò, sequetur dogma de authoritate Scripturæ non esse *ἀρχαῖον*, seu traditionē non scriptā: quia scilicet ex ipsa Scriptura sufficienter haberi potest; quod etiam repugnat vestræ doctrinæ de imperfectione Scripturæ. Nam inter cætera argumenta quibus contra Scripturæ perfectionem pugnat, hoc etiam assertis quod Scripturæ divina authoritas ex ipsa Scriptura sufficienter innotescere nequeat. Si vero est revelatio distincta à Scriptura, eadem quæstio movebitur de illa revelatione (quæcunque ea sit, id est sive sit traditio aliqua non scripta, sive præsentis Ecclesiæ testimonium) unde viz. constet eam

esse divinam? utrum per se, an per aliam revelationem? & sic aut dabitur progressus in infinitum, aut tandem deveniendum est ad aliquam revelationem quæ propter se creditur, quæque de divina sua autoritate non certos reddit. Si autem ulla revelatio est talis ea proculdubio est revelatio scripta, seu scilicet Scriptura, nam in ea sunt maximè clare & illustria divinitatis indicia.

3. Hoc argumentum proposui parte 1. Disposit. sect. 5. § 5. & fusiùs illud prosecutus sum parte 2. quæst. 7. §. 6. & 7. Vnde igitur est (eximiè Doctor) quod nusquam in tuo libello assignes revelationem aliquam externam, per quam Deus nunc revelat seu manifestat se hoc vel illud revelare? Vnde est quod dissimulas & prætermittis hoc argumentum, quod tam aperte à me est propositum, tamque frequenter inculcatum, quodque insignem præ reliquis nostris argumentis efficaciam habet, ad adversarios quantumvis protervos, ac pervicaces constringendos? Hoc non obscure professus sum parte 1. sect. 5. §. 5. idque ut si quis mihi obtingeret adversarius, is facile percipere possit, me hujus argumenti solutionem ab ipso imprimis expectare. Cur igitur, mi Turnebulle, tu qui veteranus et palmarius Theologus haberi vis, expectationem meam fefellisti? Cur ubi

tibi res ad manus et pugnam venit, turpi et infelici fuga ex acie te subduxisti? Si te premit necessitas et sententiæ quam tueris absurditas, confitere, et da gloriam DEO. Sin-  
verò aliter se res habet, prodi ex tuo latibulo, et ad has interrogationes ordine responde: Prima est, *An sola DEI veracitas absq[ue] externa aliqua revelatione possit nos certos reddere de Sacra Scriptura divina auctoritate? & generaliter an possit nos certos reddere de veritate hujus principii, DEUS hoc dixit, seu revelavit?* Secundo, *Si ad certitudinem fidei nostræ de divina auctoritate revelationis scriptæ, seu Sacra Scriptura, opus sit revelatione aliqua externa, utrum ea sit ipsa Scriptura, an verò revelatio à Scriptura distincta?* Tertio, *Utrum admittendus sic progressus in infinitū in revelationib[us] divinis, an verò tandē deveniendū sit ad aliquā revelationē qua in se tam clara & perspicua habeat divinitatis indicia, ut non egeat alia revelatione ad manifestandam ipsius divinam auctoritatem?* Quarto, *Si nulla talis revelatio detur, an non ea sit Scriptura sacra in qua sunt plurima eaq[ue] clarissima*  
*L 2* *divina*



*divinitatis indicia?* Nam ut opinor non audebis dicere esse plura divinitatis indicia in testimonio aut decreto Ecclesie. Dices fortasse te ad hæc respondisse Cap. 10. ubi prædictum argumentum à §. 5. ad 6. proponitur et solvitur. Respondeo primò, Hoc argumentum non plenè et cum omnibus suis partibus proposuisti, nam præcipuam ejus partem quæ est *de processu in infinitum* in revelationibus divinis, prætermisisti et dissimulasti. Secundò, Nihil ei opposuisti quod vel pueris, et tyrunculis satisfacere possit. Nam id in quo argumenti vis posita est ne extremis quidem digitis attingere ausus es, ut patebit ex Cap. 4.

4. Quinto denique sic demonstro Ecclesie testimonium, ex cõmuni et recepta præsentis Ecclesie Romanæ doctrina esse formale fidei objectũ, aut saltẽ aliquid formalis objecti, seu aliquã partẽ formalis objecti. Revelatio divina ex cõmuni et recepta recetiorũ Pontificiorum sententia, est pars formalis objecti fidei, seu ut loquitur Suarez, disp. 3. de Fide, sect. 2. §. 4. *per se pertinet ad formalitatẽ objecti.* At Ecclesie testimoniũ secundũ te et quosdam alios tuæ societatis Theologos est revelatio divina. Ergo Ecclesie testimoniũ pars est formalis objecti. Major manifesta est; nam tu fateris
- Cap.

Cap. 2. §. 11. recentiores Pontificios in ea esse sententia, quod formale fidei objectum conficitur et constituatur, partim ex increata DEI perfectione, hoc est, ex ejus veracitate, partim ex temporali signo quo externam revelationem DEVS exequitur. Minorem quoque negare non potes, nam Cap. 7. §. 2. dicis *supremam Ecclesie definitionem de rebus fidei esse infallibile DEI Verbum, & cum veteri revelatione facta Prophetis & Apostolis, integrare unum credibile.* At Verbum DEI, et revelatio divina idem valent, ut cuius manifestum est. Dicis etiam ibidem à §. 3. ad finem, *veterem revelationem & novam Ecclesie definitionem, pariter esse authoritatis & certitudinis, & pari ratione ad formale objectum fidei pertinere.* At vetus revelatio ex communi vestrorum Theologorum sententia est formale objectum fidei, aut saltem aliquid formalis objecti. Ergo ex eorundem sententia Ecclesie definitio etiam est formale fidei objectum, aut saltem aliqua ejus pars.



## CAP V T III.

Pontificios repugnantia docere de  
Ecclesiæ testificatione.



1. **N**unc igitur quæro ex te, mi  
Turnebulle, primo, An re-  
centiores Pontificii candi-  
dè et bona fide sententiam  
suam de formali objecto fi-  
dei divinæ explicent, cum  
Verbum DEI, seu revelationem divinam, ad  
formale objectum fidei tanquam aliquid in-  
trinsecè & essentialiter in eo inclusum refe-  
runt: Ecclesiæ verò testificationem, quæ ex  
ipsorum sententia est revelatio divina, seu  
Verbum DEI, à ratione formalis objecti  
simpliciter excludunt? Secundò, An sibi  
constent, cum Ecclesiæ testificationem esse  
revelationem divinam, seu Verbum DEI,  
modo aiunt, modo negant?

2. Quod dicant Ecclesiæ testificationem ef-  
se revelationem divinam, patet ex iis quæ  
jam dicta sunt: quibus etiam adde impias il-  
las & blasphemias Stapletoni assertiones.




Nunc ergo (inquit) *supremum externum testimonium in terris, est Ecclesia vox.* Lib. 1. de autoritate Ecclesiastica, contra Whittakerum, Cap. 8. §. 6. & Cap. 9. ejusdem Lib. §. 12. *DEVS per Ecclesiam loquens non aliter loquitur, quam si immediate per visiones aut somnia, aut quovis alio supernaturali revelandi modo nobis loqueretur.* Et Cap. 14. ejusdem Lib. §. 12. *Tota formalis ratio fidei nostra, est DEVS per Ecclesiam revelans.* Lib. etiam tertio ejusdem operis, Cap. 13. §. 5. *Testimonium (inquit) DEI per Ecclesiam loquentis, & Ecclesia sic loquentis, unum & idem testimonium est, ejusdem fidei, roboris, & autoritatis.*

Quod verò negent Ecclesie testificationem esse revelationem divinam, patet, quia manifestissime eam à revelatione divina distinguunt, & aliud huic, aliud illi tribuunt. Valent. tom. 3. disp. 1. quæst. 1. punct. 1. §. 10. dicit revelationem divinam esse *causam fidei secundum se*, Ecclesie verò infallibilem propositionem, non esse causam fidei secundum se, sed esse *conditionem ad credendum requisitam*: item esse *causam acceptationis*

*fidei. Cum (inquit) ex revelatione redditur ratio credendi propositionem aliquam, redditur ratio per causam, cum autem ex propositione Ecclesie redditur ratio credendi revelationem, ratio redditur non per causam credendi, sed per conditionem ad id requisitam. Becanus Tract. de Fide, Cap. 1. quæst. 1. 2. et 3. dicit fidem divinam seu infusam niti revelatione divina. At ibidem quæst. 2. §. 9. et Cap. 8. quæst. 8. §. 8. dicit assensum qui nititur auctoritate Ecclesie, non esse assensum fidei Theologicæ seu divinæ, sed alterius inferioris ordinis. Quibus verbis aperte distinguit, inter revelationem divinam & Ecclesie testificationem. Gresserus Appendice secunda ad Lib. 3. Bellarm. de Verbo DEI, col. 1514. et 1515. Catholici (inquit) principaliter scripturis fidem habent propter divinam revelationem: at ob Ecclesie auctoritatem non aliter quam ut ob conditionem sine qua non. Et infra: Sacris (inquit) Literis assensum prebemus primario ob divinam revelationem secundario ob Ecclesie testimonium: et denique Bellarm. Lib. 3. de Verbo, Cap. 10. responsione ad argumen-*

cum

cum tertium. *Non* (inquit) *negamus Verbum DEI ministratum per Apostolos & Prophetas esse primum fundamentum nostræ fidei, sed addimus præter fundamentum primum requiri aliud secundarium fundamentum, id est, Ecclesiæ testimonium.* Si Revelatio divina est fundamentum primum fidei, Ecclesiæ verò testificatio est fundamentum secundarium, ut docent Bellarm. et Gretser. proculdubio Ecclesiæ testimonium est quid distinctum à revelatione divina eaque inferius.



## CAPUT IV.

Puerilis, Adversarii impostura detegitur, qui dum CAP. 10. sui libelli primum ac præcipuum Authoris argumentum solvere conatur, neq; directè ad aliquam illius partem respondet, neq; id in quo vis argumenti præcipuè posita est, vel extremis digitis attingit.



AP. 10. tui libelli, à §. 3. ad 6. respondere conaris ad argumentum, quod à me parte prima disp. sect. 5. §. 5. propositum est, ad confu-  
randas



tandas distinctiones illas quibus palliare conamini capitalem vestrum errorem de formalifidei objecto; quodque iterum à me parte secunda, quæst. 7. §. 6. et 7. allatum est ad, confirmandā nostrā sententiā, de Sacra Scripturæ divina et canonica autoritate. Sed DEVS bone quam inscitè hic disputas? quam pueriliter et ineptè respondes? immò tot vitiis scatet tua responsio, ut ne minimam quidem responsionis speciem habeat. Ne autem gratis hoc asserere videar, præcipuos tuæ responsionis defectus, breviter notabo et castigabo.

2. In meo argumento quærebam *ubinam sit illa revelatio divina, propter quam Pontificii dicunt se credere Scripturam esse DEI Verbum? & utrum sit ipsa Scriptura, an verò revelatio distincta à Scriptura?* Quid tu ad hæc respondes? Primò, cum docendum esset, ubinam sit illa revelatio ob quam vestri Theologi dicunt se Scripturæ autoritatem credere; doces quid intelligendum sit nomine divinæ revelationis cum ea dicitur esse formale objectum fidei. Secundo, dum hoc explicas, delirium tuum repetis de revelatione divina, quod videlicet ejus nomine intelligi debeat æternus et increatus divinæ mentis conceptus, quo videlicet ab æterno

eterno intus in mente sua concepit, et per modum locutionis intellectualis dixit ea vera esse, quæ in Scripturis revelata sunt. Sed hoc delirium supra confutatum est, Tract. 3. Cap. 2. et quamvis verum esset, tamen frustra hic affertur in medium, ubi quæstio movetur de externa et temporali revelatione, per quam DEVS Sacræ Scripturæ divinam authoritatem nobis manifestat. Nam internus ille DEI conceptus, si per se consideretur, est quid arcanum ac nobis incognitum: et ut loquitur Suarez, Disp. 3. de fide, sect. 2. §. 5. *non innotescit nobis per se, sed per aliquid aliud, viz. per locutionem*, supple externam & temporalem. Quamobrem non potest per se nobis manifestare S. Scripturæ divinam authoritatem.

Tertiò, igitur agnoscis necessitatem externæ revelationis, ad manifestandam Scripturæ authoritatem: dicisque revelationem divinam præter internum DEI conceptum includere aut saltem connotare *temporale signum*, seu externam & temporalem revelationem. Benè habet ad externam revelationem ventum est, Iam proculdubio satisfacies meæ quæstioni, qua quæro *Ubinam inveniatur illa revelatio, propter quam Pontificij credunt S. Scriptura divinam*  
*autho.*

*authoritatem?* Sed prô pudor! dum in verba sequentia oculos conjicio, extenuatur immo penitus evanescit hæc mea spes.

4. Quartò, dum temporale illud signum describis, apertè indicas te non loqui de signo aliquo præsentis, seu de revelatione aliqua nunc extante, sed *de signo nobis* (ut ais) *jam præterito*, hoc est, de revelatione olim immediatè à DEO facta Prophetis & Apostolis. Dicis enim temporale illud signum, quod à revelatione divina connotatur, esse signum illud quo internus DEI conceptus *primùm innotuit primis Ecclesie fundamentis*, id est, Prophetis & Apostolis: & addis signum illud neque esse Scripturam, neque Traditionem, neque Ecclesie testimonium, sed *aliquid his omnibus antiquius*. At non advertis Turnebulle, revelationem illam quæ olim immediatè à DEO facta est Prophetis & Apostolis, non posse satisfacere quæstioni à me propositæ, de revelatione per quam DEVS nunc nobis revelat, & manifestat Scripturæ authoritatem; idque primo, quia *nobis* (ut ais) *præterita est*, & nunc non exstat. Secundo, quia in se spectata, & seclusa ipsorum Prophetarum & Apostolorum testificatione,



tionem, arcana fuit, aliisq; qui immediatam revelationem nunquam experti sunt, semper ignota, ut tu ipse fateris, Cap. 4. §. 2. Quomodo igitur potest ea Scripturæ divinæ auctoritatem nobis nunc manifestare? Tertio, Si dicas te credere Scripturam esse DEI verbum, quia ea omnia quæ Scripturis continentur olim immediate à DEO Prophetis & Apostolis revelata sunt; quæram abs te, unde hoc constet, & per quam revelationem? utrum, viz. per ipsam Scripturam, an vero per revelationem aliquam à Scriptura distinctam, quæ nunc exstat, quæq; non arcana est, sed publica & toti Ecclesiæ nota? Ad hanc quæstionem nondum respondisti, & nisi me animus fallit, nunquam ad eam respondebis, si inextricabilem, & inexplicabilem vestrum errorē de Scripturæ auctoritate quoad nos ab Ecclesiæ testimonio pēdēte, defēdere pergas.

Quinto, ut argutum ingenii acumen in solvendis argumentis etiam difficillimis ostēdas hanc objectionē contra te ipsum in medium affers. Intellectualis DEI locutio seu internus ejus cōceptus, non minus nunc per Scripturā, tanquam per signum permanens nobis manifestatur, & applicatur ad fundandū fidei divinæ assensū quā ab initio manifestabatur & ap-  
pli-

placabatur Prophetis & Apostolis per signa præterita, id est, per immediatas revelationes. Ergo utrumque signum divini conceptus tam *permanens*, quod vocamus Scripturam, quam illud *præteritum*, id est, immediata revelatio olim Prophetis & Apostolis facta, formale objectum fidei quodam sensu metonymico dici potest. Deinde ad hanc objectionem respondens, *non verebor* (inquis) *concedere quod concedit à Valentia, ita prorsus se rem habere. Sed nego inde sequi quod tu contendis de Scriptura in sensu proprio & scholastico, eam propter se ipsam credi, non propter aliud. Et infra dicis, assensum fidei præberi Scriptura, non propter ipsam Scripturam, sed propter primam veritatem, tali signo representatam menti, & fidei applicatam.*

6. Pudet me pigetque tui, Turnebulle, qui tam ignavum, & imbellem disputatorem te hic præstas, & ita ad omnem adversarii ictum expositus, nudus, & inermis jaces, ut mihi commiserandi potius, quam ferendi occasionem præbeas: primo enim objectio hæc ridiculè & ineptè à te hic proponitur, ubi non directe & immediate quæritur, an &
- qua;

quatenus Scriptura ad formale fidei objectum pertineat, sed quæstio, movetur de illa revelatione, propter quam dicunt Pontificii, se credere Scripturam esse DEI Verbum: & quæritur ubinam inveniatur illa revelatio? Si ad hanc quæstionem referatur tua objectio omnino otiosa, & impertinens cuivis videbitur. Secundò, dicis te audacter & liberè id concedere quod concedit à Valentia, sed non exprimis quidnam illud sit? immo si respiciamus præcedentem objectionem ad quam hic respondes, non aliud concedis quam quod tua objectio probat, viz. *Scripturam quodam sensu metonymico esse formale objectum fidei, quatenus per eam etiam DEI authoritas concipitur (ut tu loqueris) representari, & applicari mentibus credentium.* At Valentia loco à me citato Sect. 5. sub finem, non loquitur speciatim de Scriptura, sed generaliter loquitur de revelatione divina, & de ea id dicit quod tu nondum concedere ausus es, viz. *eam revelare seipsam. Fides enim (inquit) præbet assensum revelationi ut revelata, non per aliam revelationem sed per se ipsam.* Ex hac confessione Valentiani sic argumentatus sum parte 2. quæst.



quæst. 7. §. 4. *Revelatio divina revelat se ipsam, hoc est divinam suam auctoritatem nobis manifestat, ut fatetur Valentia tom. 3. disput. 1. quæst. 1. part. 1. §. 3. & col. 28. Ergo etiam revelatio in Scriptura facta se ipsam revelat, hoc est se esse verè divinam ostendit.*

7. Dic igitur, mi Turnebulle, an cum Valentino concedas *revelationem divinam revelare se ipsam?* et si hoc concedis, dic quid respondeas ad illud consequens, *de revelatione scripta in Sacris Bibliis se ipsam manifestante & revelante?* Denique si hoc consequens tibi displicet, dic *per quam aliam revelationem reveletur nobis Scriptura auctoritas?* *quomodo de illius revelationis auctoritate certitudinem fidei habeamus?* & *quomodo vitetur processus in infinitum in revelationibus divinis?*

8. Dicis sub finem §. 5. assensum fidei præberi Scripturæ non propter ipsam, sed propter primam veritatem tali signo representatam, mentique fideli applicatam: te igitur explica et declara, quid intelligas per tale signum, utrum videlicet Scripturam ipsam, an aliquid aliud?

## CAPUT V.

Turnebullus cum umbra sua diuicans  
castigatur : & obiter agitur illa  
quæstio qua quæri solet, utrum Ec-  
clesia, an verò Scriptura sit simplici-  
ter & natura notior?



A P. 6. tui libelli strenuè et  
animosè cum umbra tua di- I.  
micas, primò, enim hunc er-  
rorem mihi, affingis §. 1.  
quod in præsentì disputatio-  
ne rejiciam Aristotelicum di-  
scrimen inter *notius natura*  
et *notius nobis*, dicamque illud esse puero-  
rum et tyrunculorum risu excipiendum si ad  
duplex fidei fundamentum referatur. Secun-  
do, distinctionem hanc applicas §. 2. et 3.  
dicisq; *Ecclesiam in ordine ad nos præ-*  
*uiumq; iudicium prudentia esse notio-*  
*rem Scriptura, tum Traditione.* Ad quod  
confirmandum, §. 1. tu præmittis illud di-  
ctum Augustini quod extat Lib. contra Epi-  
istolam Fundamenti, cap. 5. *Ego Evange-*  
lio

*lio non crederem, nisi me Ecclesia Catho-  
lica commoveret autoritas.* Tertiò, Pa-  
rag. 4. respondes ad argumentum à me pro-  
positum, dicisq; illud meum effatum [*quic-  
quid est principale fundamentum fidei  
simpliciter, illud etiam est principale fidei  
fundamentum quoad nos*] verum esse si in-  
telligatur (prout revera intelligitur) de solo  
formali objecto fidei, non verò si extendatur  
etiam ad regulas fidei: idque quia quamvis  
omnes regulæ fidei sint in se paris certitu-  
dinis, earumq; nulla sit natura notior reliquis,  
tamen in ordine ad nos Ecclesia cæteris est  
notior.

2. Hæc tua animadversio Turnebulle mihi  
occasionem præbet, quæstiones aliquot ex-  
plicandi: prima est, Quidnam sit illud quod  
hîc distinguitur, vel cujus distinctio hîc con-  
sideratur? Secunda, Quænam illius rei di-  
stinctio hîc rejiciatur? Tertia, An ea meri-  
tò rejecta sit? Quarta, An distinctio à te al-  
lata admittenda sit, & an rectè applicetur re-  
gulis fidei? Quinta, Quis sit sensus istius sen-  
tentia quam ex Augustino citasti? Ad has  
quæstiones distinctè & ordinè respondebo.

3. Quod ad primam quæstionem attinet, id  
cujus distinctio sect. 4. à me consideratur es-  
se ipsum formale objectum fidei patet, pri-



mò, Quia tum in præcedentibus, tum in sequentibus sectionibus, & proinde etiam in illa sectione, de formali fidei objecto dissero. Secundò, Quivis percipere potest me ideo distinctionem illo loco propositam rejicere, ne Pontificii ea abutantur ad regendas & velandas suas fraudes, in assignando formali objecto fidei. Tertiò, Id cujus distinctio illic consideratur est fundamentum principale fidei, ut patet ex tota illa sectione: ergo est formale objectum fidei, nam formale objectum fidei, & principale fundamentum fidei, idem valent. At (inquis) fundamentum principale fidei non solum significat formale & specificum objectum fidei, sed etiam ultimam & supremam credendi regulam: ergo non idem valet, quod formale objectum fidei. Resp. Solum formale objectum fidei verè & propriè dicitur fundamentum principale fidei: nam ut ipse fateris Cap. 3. §. 4. proprius & peculiaris usus formalis objecti est *proximè fundare & terminare assensum fidei*. Præterea formale objectum fidei, est id propter quod ipsam regulam fidei tanquam certam, infallibilem, & à DEO constitutam recipimus, ut tu disertè fateris Cap. 10. §. 8. Ergo non regula credendi, sed solum formale objectum fidei, est præcipuum & principale fidei fundamentum. Quarto, Cum di-

M 4

eo ibid

eo ibidem id propter quod nos credimus esse fundamentum & formale fidei objectum quoad nos, apertè indico me formale objectum fidei ejusque fundamentum principale pro eodem accipere.

4. Quod ad secundam & tertiam quaestionem attinet, distinctio à me rejecta & refutata non est Aristotelicum discrimen inter *notius natura*, & *notius nobis*, ut tu falso & impudenter asseris (concedo enim inter ea, quæ à nobis cognoscuntur hoc esse discrimen, quod eorum alia sunt notiora nobis, qualia sunt ea quæ prius à nobis cognoscuntur *cognitione confusa, imperfecta, & originali*. Verbi gratia, effecta, proprietates, et accidentia rerum, prius à nobis percipiuntur et confuse cognoscuntur quam ipsa rerum essentia: nam per hæc investigatur rerum essentia: alia verò sunt notiora natura, priusque cognoscuntur *cognitione distincta*, quia videlicet distincta aliarum rerum cognitio per se, et necessario ab his pendet, et proinde oportet hæc prius à nobis cognosci *cognitione distincta*. Hoc modo causæ sunt notiores effectis, et essentia rerum, proprietatibus ab ea profluentibus) sed est distinctio qua formale objectum fidei, distinguitur in id quod est formale objectum fidei in se, & id

*id quod est formale objectum fidei quoad nos? hanc distinctionem merito à me esse rejectam et efficaciter confutatam apertè fateris §. 4. illis verbis, Si ad hoc posterius (id est, ad formale objectum fidei) limites tuum sermonem, nemini nostrorum quidpiam opponis, quod omnes non concedimus.*

Ad quartam quæstionem primò respondeo, fundamentum principale fidei si propriè accipiatur prout significat, non regulam credendi, sed formale fidei objectum, ridicule et ineptè distingui in illud fundamentum fidei quod est notius natura, et illud quod est notius nobis. Non enim dantur duo principalia fundamenta, seu formalia objecta fidei, quorum unum sit notius natura, et alterum sit nobis notius, sed unicum tantum et simplex est formale fidei objectum, videlicet, *prima Veritas ut revelans*, seu manifestans dogmata fidei. Si dixeris te latè et impropriè accipere fundamentum principale fidei, prout significat regulas credendi, tunc secundo respondeo distinctionem illam in se quidem bonam esse, sed male à te applicari: nam cum eam applicas doces quidem, quæ regula fidei sit reliquis regulis *notior nobis*, videlicet quoad *cognitionem confusam & origi-*



*nalem*: non verò doces, immò nec docere potes, quæ inter eas sit *notior, non nobis, sed natura*: hoc est non doces, nec docere potes, quæ earum prius à nobis cognoscatur *distincta cognitione*, ita videlicet ut distincta aliarum regularum cognitio ab ea pendeat, ejus verò distincta cognitio a reliquis non pendeat scilicet per se et necessario.

6. Dico te hoc docere non posse, primò, quia secundum vestram Theologiam inter regulas fidei, id est Scripturam, Traditionem, et præsentem Ecclesiam, est mutua et circularis dependentia, etiam quoad *cognitionem distinctam*. Nam nulla certa cognitio haberi potest, de præsentī Ecclesia, quod videlicet sit vera Ecclesia, et infallibilis testis veritatis, nisi ex Scriptura vel Traditione: et rursus, nulla certitudo de Scriptura et Traditione secundum vos haberi potest, nisi per testimonium præsentis Ecclesiæ, ut tu disertè asseris, Cap. 8. §. 11. Secundò, Si ulla regula fidei est reliquis notior natura, ea est regula viva seu animata, id est præsens Ecclesia: nam ea ex te est *prima seu principalis maximèque necessaria regula credendi*: unde Cap. 5. §. 1. sic disseris; *Præter Ecclesiam nulla fingi potest regula, tam antiqua, tam universalis, tamque permanens & incorruptibilis*

*abilis. Igitur Ecclesia sola est prima, maxi-  
meq; necessaria regula credendi. Sic etiam  
cap. 6. §. 4. appellas Ecclesiam in qua proxi-  
me fundatur prævia prudentia, et religio  
credentium, appellas (inquam) eam vl-  
timam & universalem credendi regulam.  
Sic denique Cap. 14. §. 5. dicis omnium re-  
gularum supremam ultimamque esse  
DEI Ecclesiam nobiscum semper vi-  
ventem. At hæc regula non est reliquis  
regulis credendi notior natura: ergo nulla  
regula credendi a te assignari potest, quæ re-  
liquis sit natura notior.*

Dico Ecclesiam non esse reliquis credendi  
regulis notio<sup>7.</sup>rem natura: primò, Quia est  
reliquis notior nobis, ut tu asseris; ergo non  
est etiam notior natura: ratio consequentiæ  
est, quia sic coinciderent, et confunderentur  
duo membra hujus distinctionis, quam tanti  
facis, ut ob ejus rejectionem, me censura non  
minùs falsa quam falsa perstringas. Secun-  
dò, Quia Verbum DEI, quod apud vos divi-  
ditur in Scripturam et Traditionem, est prin-  
cipium et causa Ecclesiæ constituendæ, ROM.  
10. 17. *est semen ex quo nascitur Eccle-  
sia. 1. PET. 1. 23. est fundamentum Ec-  
clesia. EPHES. 2. 20.* Ergo est natura

prius, et proinde etiam natura notius Ecclesia. Tertio, Propter Scripturæ authoritatem credunt Pontificii Ecclesiam esse infallibilem credendi regulam. Ergo Scriptura est natura notior Ecclesia, etiam quoad cognitionem distinctam: nam nulla distincta et certa cognitio haberi potest de Ecclesiæ infallibilitate nisi ex Scripturis, ut infra fusius probabitur.

~~~~~

## CAPVT VI.

In quo consideratur celebris illa Augustini sententia; *Ego Evangelio non crederem, nisi me Ecclesiæ commoveret authoritas.*

I.



**A**D quintam quæstionē, quod attinet, non solum orthodoxi, sed etiam quidam ex vestris scriptoribus, de illo Augustini dicto duo tradunt, quæ vestra argumenta ab eo perita omnino debilitant et enervant. Primo, docent id intelligendum esse non de Ecclesia præsentī, (quæ a vobis regula viva et animata dicitur, et pro cuius authoritate vos



vos pugnatis) sed vel de Ecclesia primitiva, quæ, ut loquitur Gerson, tractatu de vita spirituali animæ, lectione 2. corollario 7. *est eorum fidelium congregatio, qui CHRISTVM viderunt, audierunt, & sui testes exstiterunt*; vel de Ecclesia Catholica, quæ fuit ab initio Christiana fidei per seriem successionis Episcoporum crescens ad hæc usque tempora, ut loquitur Driedo, loco infra citato. Secundò, docent Augustinū illuc nō loqui de *principali fundamento*, propter quod creditur Scripturæ authoritas, sed de *medio per quod homines infideles, & in fide novitii primò perduntur ad Sacra Scriptura cognitionem*. Quod sanè nos omnes tatemur esse Ecclesiæ testimonium, & proinde etiam concedimus Ecclesiam esse notiozem Scripturæ; non quidem *cognitione distincta*, (ut patebit ex Tract. 7. de primo credibili) sed *cognitione originali & confusa*.

Prius patet ex apertis & manifestis testimoniis Gersonis, Waldensis, Driedonis, & Durandi. Gerson lect. 2. de vita spirituali animæ, corollario 7. *Consequenter (inquit) deducitur, quomodo major fuit primitivæ Ecclesiæ authoritas, quoad prædicta quam*

nunc sit, & quod non est in potestate Pa-  
 pa, aut Concilii, aut Ecclesie, immutare  
 traditiones datas ab Evangelistis & b  
 Paulo, sicut quidam delirant. Nec habem  
 quoad hoc, quod est facere aliquid esse purè  
 de fide, parè authoritatis firmitatē. Et sic  
 aperitur modus intelligendi illud Augu-  
 stini, Evangelio non crederem, nisi me  
 authoritas Ecclesie compulisset. Ibi-  
 dem enim Ecclesiam sumit, pro primitiva  
 congregatione fidelium eorum qui CHRI-  
 STVM viderunt, audierunt, & sui testes  
 fuerunt. Valdenlis in doctrinali fidei, lib.  
 2. cap. 21. Sufficiat (inquit) universali  
 Ecclesie pro præconio potestatis sue mo-  
 dernæ, quod olim hoc fecerit unde gloria  
 potestatis ejus, quasi per cuiusdā Majesta-  
 tis imperium, valeret ad posteros: ita quod  
 adhuc sine ejus authoritate Scriptura ali-  
 qua nec legi poterit, nec haberi pro certa.  
 Et hoc sapuit cum diceret contra Episto-  
 lam fundamenti cito post principium Au-  
 gustinus, Evangelio non crederem, nisi  
 me Catholicæ Ecclesie commoveret  
 authoritas. Driedo, tom. 1. lib. 4. cap. 4.

August

*Augustinus (inquit) cum dicit, Ego Evangelio non crederem, nisi me Catholicæ Ecclesiæ commoveret auctoritas; intelligit de Ecclesia Catholica quæ fuit ab initio Christianæ fidei, secundum seriem successionis Episcoporum crescens adhuc usque tempora: quæ sanè Ecclesia complectitur collegium Apostolorum. Durandus, lib. 3. dist. 24. quæst. 1. §. 9. Hoc autem (inquit) quod dictum est de approbatione Scripturæ per Ecclesiam, intelligitur solum de Ecclesia quæ fuit tempore Apostolorum, qui fuerunt repleti Spiritu Sancto, & nihilominus viderunt miracula CHRISTI, & audierunt ejus doctrinam, & ob hoc fuerunt convenientes testes omnium quæ CHRISTVS fecit aut docuit, ut per eorum testimonium Scriptura continens facta & dicta CHRISTI approbaretur. His adde Gulielmum Occam, qui parte 1. dialogi, lib. 1. cap. 4. sic differit, Hic Ecclesia Catholica Episcopos & populos à tempore Apostolorum, usque ad hodiernum diem sibimet succedentes importat. Et sic accipit nomen Ecclesia Augustinus*




gustinus, cum asserit quod non crederet Evangelium, nisi eum auctoritas Ecclesie compelleret. Ista enim Ecclesia Scriptores Evangelii & omnes Apostolos comprehendit, sicut probatum est.

3. Posterius patet ex Cardinali Cameracensi, qui quaestione 1. in primam sent. art. 3. ad litteram f. f. de testimonio Augustini, sic distulit; *Per auctoritatem* (inquit) *Augustini non habetur quod ipse crediderit Evangelio per auctoritatem Ecclesie, tanquam per principium Theologicum, ex quo Evangelium Theologicè probetur esse verum: sed solum tanquam ex causa movente ipsum ad fidem Evangelii: ac si ipse aut alius dixisset, non credere Evāg. nisi me Ecclesia sanctitas, aut CHRISTI miracula commoverent: in quo dicto licet fidei Evāgēlii causa aliqua assignetur: non tamē aliquod principium prius, cuius fides causa sit ut Evangelio credatur.* Patet etiam ex Melchione Can. lib. 2. de locis, cap. 8. pag. 51. *Qua ex re* (inquit) *intelligitur quid sibi voluerit Augustinus, cum ait, Evangelio non crederem, nisi me moveret Ecclesiae auctoritas. Et rursum, per Catholicos Evangelio crediderā; videlicet, negotium Au-*

gustino erat cum Manichæis qui absque  
 controversia suo quidem Evangelio credi  
 volebant, & Manichæorum fidem astrue-  
 re. Rogat igitur Augustinus ecquid fa-  
 cturi sint si in hominem incidant, qui ne  
 Evangelio quidem credat? quòve genere  
 persuasionis sint eum in suam sententiam  
 adducturi? Certe se affirmat non ali-  
 ter potuisse adduci ut Evangelium am-  
 plecteretur, quam Ecclesiæ auctoritate  
 victum. Non itaque docet fundatam es-  
 se Evangelii fidem in Ecclesiæ authorita-  
 te, verum simpliciter nullam esse certam  
 viam qua sive infideles, sive in fide no-  
 vitii, ad Sacros Libros ingrediantur, nisi  
 Ecclesiæ Catholicae unum eundemque con-  
 sensum. Hactenus Melch. Can. Huic asti-  
 pulatur Becanus, qui in opusculo de Circulo  
 Calvinistico, §. 30. de hoc dicto Augustini  
 sententiam suam sic proponit; Loquitur  
 Augustinus de acceptance fidei non  
 de fide ipsa secundum se. Nam si sermo  
 sit de fide secundum se, proculdubio credebatur  
 Evangelio propter revelationem DEI.  
 At quia sermo erat de acceptance fidei  
 inquit

*inquit se autoritate Ecclesie induci & permoveri ut fidē Evangelii acceptet, &c.*  
 Hoc quod a Becano hic dicitur de Ecclesia, de quolibet alio fidei motivo dici potest. Vnde idem loco citato, ad quæstionem de *acceptatione illius fidei qua Evangelio creditur*, non tantum responder per Ecclesie testimonium, sed etiam per consensum tot populorum, miracula, et similia. Vide istius opusculi, §. 26. 27. 28. et 29.



## CAPVT VII.

Iterum in scenam producitur Turnebullus cum umbra sua dimicans & ob ridiculam ipsius accusationem merito flagellatur.

f.



AP. II. tui libri probas doctrinam Ecclesie ab accedentibus ad fidem ut plurimum prius credi *fide humana & timida*, quam *divina & certa*: meq; verboſe reprehendis quod hæc distinctio mihi displiceat; quodque asseram vestrorum  
 Theol



Theologorum responsionem in hac distinctione fundatam esse fallacem, ambiguam, et dolosam, parte 1. sect. 5. §. 5. Hic iterum cum larvis luctaris: et proinde dignus es qui denuò vapules. Nam in nulla vel sect. vel quæst. meæ disputationis, imò in nullo illius paragrapho, dixi vel indicavi hanc distinctionem mihi displicere. Sed contra in meis prælectionibus ANN. 1627. disp. de objecto formali fidei, Cap. 12. paragr. 5. et 6. duas distinctiones proposui, et auditoribus meis commendavi, quæ non solum distinctionem hanc tuam exprimunt, sed etiam eam illustrent.

At (inquis) nostrorum Theologorum responsionem in hac distinctione fundatam 2. damnas et rejicis. Respondeo: Non inde consequitur distinctionem illam in se consideratam, sed potius vestram applicationem istius distinctionis mihi displicere. Hoc ex eo pater, quod loco a te citato nullum argumentum afferam contra distinctiones illæ propositas, sed contra earum applicationem quæ a vestris Theologis adhiberi solet; præsertim contra id quod dicitis Ecclesiæ testimonium quamvis apud vos sit *conditio ad credendum requisita*, item *causa acceptationis fidei*, item *fundamentum fidei humane*.

ut tu hic loqueris, *vel fidei illius qua inter divinam & humanam media est*, quæque a Becano *fides inferioris ordinis* appellatur, non tamen esse *fundamentum principale aut formalem rationem propter quam fide divina à vobis creditur Sacra Scriptura auctoritas*; quia scilicet formalis ratio propter quam fide divina creditis Scripturæ auctoritatem est *revelatio divina*. Hoc effugium illuc confutavi, quia nec docetis, nec docere potestis *ubinam inveniatur illa revelatio propter quam creditis Scripturam esse DEI Verbum?* Præterea quam ridicula sit hæc evasio vel ex eo patet, quod Ecclesiæ testimonium secundum vos sit *revelatio divina*. Si igitur Ecclesiæ testimonio nititur fides humana ac timida, etiam *revelatione divina*, seu *Verbo DEI* nititur fides humana: et rursus si fides divina qua creditur Sacra Scripturæ auctoritas, nititur *revelatione divina*, nititur etiam Ecclesiæ testimonio.

3. Concludo igitur vestram applicationem hujus distinctionis planè, ineptam, et ridiculam esse, reque ignavum et imbellem adversarium esse qui id quod impugno tueri ac defendere non audes, id vero quod nunquam a me, nec ut puto ab ullo alio impugnatum

natum est, strenuè et viriliter propugnas. Si sic pugnare pergas, facile vinces, et apud sciolos qui tuum acumen admirantur triumphabis. Sed qui absque adversario pugnat, is sine præda aut spoliis triumphat.



## TRACTATUS QUINTVS.

## De eorum deliramento qui

dicunt supremam Ecclesiæ definitionem esse infallibile DEI

Verbū, & S. Scripturæ parem

esse quoad authoritatem

& certitudinem.

## SECTIO VII.

*Refutatur eorum deliramentum, qui dicunt Ecclesiæ testimonium nō esse quid distinctum à revelatione Divina, & proinde esse formale Fideiobjectum.*



Scriptores quidam Pontificū, sed obscuri & infimæ conditionis homines, Doctorum suorum sententia posthabita, audent asserunt, Ecclesiæ testimonium, non esse quid distinctum à revelatione divina, seu à DEI Verbo: quia videlicet DEVS per Eccle-

I.



siam, hoc est, per Pontificem Romanum, & Concilia ab eo approbata, semper & immutabiliter loquitur: unde concludunt, Ecclesia testimonium esse formale fidei objectum, ejusque fundamentum principale.

- Hæc sententia insigniter absurda est, & doctorum ac bonorum virorum patrocinio planè indigna.*
2. *Primo enim: ut Ecclesiæ testimonium sit formale fidei objectum, non tantum requiritur, ut in se divinum sit & infallibile, sed etiam ut nobis certò constet illud esse tale. At unde hoc constare potest? Unde sciam primum Canonem quartæ Sessionis Concilii Tridentini (à quo Pontificii putant tum Scripturæ, tum Traditionis auctoritatem quoad nos pendere) esse divinum & infallibilem? Ipsam hoc Decretum, per se non potest nos de divina sua auctoritate certos reddere: nam Sacra Scriptura Canon (ut volunt Pontificii) hoc præstare non potest. Ergo, multo minus ille Canon Conciliabali Tridētini Confirmatio Pontificis Pii iiiij. hîc nobis non satisfaciet: nam eadem quæstio de illa moveri potest: unde videlicet sciamus istius Pontificis testimonium esse divinum & infallibile? Nullum etiam prius decretum Pontificis, aut Concilii alicujus Generalis, in quo statutum est, ut publicum Ecclesiæ testimonium pro Divino & infallibili habeatur, nullum (inquam) tale decretum hanc scrupulam nobis eximet. Nam eadem statim de illo decreto quæstio existet: unde videlicet, constet illud decretum de infallibilitate*

tate Ecclesiæ esse Divinum & infallibile? At  
 neque communia ut vocant fidei motiva (qualia sunt  
 testimonia Doctorum, consensus tot populorum, mira-  
 cula & alia similia) efficaciter hoc suadere possunt:  
 quia fides quæ illis nititur, quæque acquisita dici-  
 tur, est conjecturalis, incerta, & fallibilis, fatentibus  
 ipsis Adversariis, ut patebit ex quaestione prima, se-  
 cundæ partis. Denique istius decreti infallibilitas  
 non creditur propter Verbi DEI auctoritatem: hoc  
 est, propter testimonia Scripturæ aut Traditionis, quæ  
 docent (ut illi imaginantur) Ecclesiæ, hoc est, Pon-  
 tificis & Concilii Testimonium, esse Divinum & in-  
 fallibile: primò enim hoc posito, Ecclesiæ testimo-  
 nium erit materiale quoddam, & non formale fidei  
 objectum: nam quod propter aliud, & non propter se  
 creditur, illud est materiale fidei objectum, ut patet  
 ex sectione prima. Secundò, Si propter Verbi DEI  
 auctoritatem, creditur Ecclesiæ testimonium, ejusque  
 infallibilitas, oportet ut ipsius Verbi auctoritas prius  
 credatur. Nunquam enim certò credemus id verum  
 esse, quod Scriptura de Ecclesiæ infallibilitate dicit,  
 nisi prius credamus Scripturam quæ hoc dicit esse  
 DEI ipsius Verbum. Vide Bellarm. libro 4. de  
 Verbo, cap. 4. §. Quarto, necesse est, &c. et  
 Gretserum, in tract. de agnoscendis Scripturis,  
 cap. 4. colam. 1885. At hoc Pontificiorum do-  
 ctrinæ directè repugnat, dicunt enim neminem posse  
 certò scire, Scripturam esse DEI Verbum, nisi prius  
 audiat Ecclesiæ testimonium, de Scripturæ auctori-

te, illudque ut certum & infallibile amplectatur: ergo, oportet ut firma persuasio de infallibilitate Ecclesie precedat eam fidem qua Verbi DEI auctoritas creditur. Unde Bellarm. Libro 3. de Ecclesia militante, Cap. 10. §. Ad hæc necesse est, sic differit; Nam cum Scripturæ, Traditiones, et omnia planè dogmata ex testimonio Ecclesie pendeant, nisi certissimi simus quæ sit vera Ecclesia, incerta prorsus erunt omnia.

3. Secundo formale fidei objectum, est id propter quod omnia credenda creduntur: at propter testimonium Ecclesie præsentis, Romanæ videlicet (nam eam solam intelligunt hic Adversarii) non creduntur, imò nec credi possunt, ea omnia quæ credenda sunt. Ergo, Ecclesia præsentis testimonium non est formale fidei objectum. Major manifesta est: patet minor; quia Pontificii dicunt hæc omnia esse credenda: Ecclesiam Catholicam esse cætum hominum, ejusdem fidei professione, & eorundem Sacramentorum communione colligatum sub regimine legitimorum Pastorum, ac præcipuè Pontificis Romani: eam deficere, aut errare non posse: ejus notas esse Antiquitatem, Durationē perpetuam, Amplitudinem, Successionem Pastorū, &c. denique has notas soli Ecclesie Romanæ convenire. At hæc præcognoscenda sunt, & credenda, antequam fidem habeamus testimonio Ecclesie Romanæ: nisi enim hæc præcognoscantur, nos certò scire non possumus, Romanæ Ecclesie testimonium, esse veræ Ecclesie

Testim



testimonium, item, ejus testimonium esse certum & infallibile. Ergo, Ecclesie Romanæ testimonium, non est formalis ratio, propter quam hæc creduntur. Ratio manifesta est; quia id quod necessario creditur, antequam fidem habeamus Ecclesie Romanæ testimonio, illud non creditur propter Ecclesie Romanæ testimonium.

Tertio formale fidei objectum, est id propter quod omnes credunt; hoc est, est id quo nititur 4. fides omnium credentium. At fides omnium credentium non nititur testimonio Ecclesie; hoc est, testimonio Pontificis & Episcoporum in Concilio congregatorum. Ergo, horum testimonium non est formale fidei objectum. Prob. assumptum: Fides ipsius Pontificis & Episcoporum qui hoc Testimonium dederunt, proprio ipsorum testimonio non nititur, & proinde omnium fides illo testimonio non nititur. Si dixeris cum Gregorio de Valentia, tom. 3. disput. 1. quæst. 1. punct. 1. §. 5. et cum Gretsero, in defensione, cap. 10. lib. 3. de Verbo, colum. 1438. fidem Pontificis & Episcoporum nisi proprio ipsorum testimonio, vel ut loquitur Valentia; veritate à se manifestata; statim quæram, quo fundamento nitebatur eorum fides de illis articulis, antequam de iis publicè in Concilio suum testimonium exhibuerunt, aut etiam tunc quando illud exhibebant. Singuli Episcopi cum suffragia ferebant, veram esse suam sententiam credebant. At quo fundamento tum nitebatur eorum fides? Non publico istius

eo istius Concilii testimonio: quia cum suffragia ferebant, Concilii decretum non erat formatum, nec per Pontificis approbationem firmatum: non prioris aliqujus Concilii decreto, quia res de qua agitur, fortassis ab Ecclesia prius definita non fuit. Denique non nitebatur Scriptura, aut Traditione divina non scripta, quia tunc sequetur fidem Laicorum, & fidem Episcoporum esse habitus fidei specie diversos, quod est contra Apostolum dicentem, unam esse fidem, EPHES. 4. vers. 5.

5. Hoc autem sic declaratur & probatur: habitus & assensus mentis essentialiter distinguuntur, per diversa principia, & objecta formalia, hoc est, illi habitus & assensus mentis specie differunt, qui nituntur diversis principiis & fundamentis. Ita docet Aristoteles, Libro 1. Poster. Cap. 23. Aquinas, prima secundæ quæst. 54. Artic. 2. ad secundum. Ferrariensis, 2. contra Gentes, Cap. 4. Paulus Venetus, Tract. de syllogismo demonstrativo, Cap. 12. Masius, in Cap. 23. poster. quæst. 1. conclusione quarta. Smiglecus, parte secunda Logicæ, disput. 17. quæst. 2. conclusione 3. Ruuius, in Logica Mexicana, disp. de Habitibus, tractat. 5. quæst. 1. numero 19. & 40. & Conimbricenses, in Cap. 26. 1. Poster. quæst. 1. artic. 2. At fides Laicorum, & fides Pastorum Ecclesiæ, ex Pontificiorum sententia nituntur diversis principiis, & fundamentis: nam fides Laicorum
- nititur

nititur testimonio Pastorum ut principio, & fundamento suo principali: Fides verò Pastorum ante formatum Concilii decretum, nequaquam proprio ipsorum testimonio nititur, sed aliquo alio fundamento, Scriptura videlicet, aut Traditione divina non scripta.



# REPLICATIO TURNEBVLLI,

Quam præcedentibus sectionibus opposuit CAP. 7. & 8.

## CAPVT VII.

*Supremam Ecclesie definitionem esse infallibile DEI Verbum audacter affirmat Turnebullus, sed neutiquam probat.*



IBI alitè, mihi non satis profundè sapis, Minister Baro, quando prima parte tuæ disputat. sectio 7. Scriptores Catholicos, qui Ecclesiæ testimonium spectantes, non quasi verbum hominum, sed ut est verè, quasi Verbum

DEI, dicunt DEVM per Ecclesiam nobis loqui, & ita loquendo esse formale objectum totius



Fidei Catholicæ, vocas *Obscuros, infimæ conditionis homines, quorum sententia, inquis, insigniter absurda est, & doctorum, ac bonorum virorum patrocinio planè indigna*. Et quam iterùm pluribus impugnas 2. parte tuæ Disput. quæst. 1. Si tamen sapere potuisses ad sobrietatem, debuisses nobiscum in Ecclesia ut à Spiritu Sancto animata distinguere duplicem auctoritatem, unam increatam D E I dirigentis, alteram creatam Ecclesiæ sic directæ, sed D E I munere pariter infallibilem, quarum sola prior in proprietate sermonis est formale objectum Fidei, posterior est materia quædam credita, & simul regula credendi res cæteras revelatas, ut satis ante jam declaratum est. Si quid præterea superest controversiæ, respondeo, & primò hanc conclusionem contra te, omnesque totius mundi Sectarios pariter defigo.

2. Suprema Ecclesiæ de rebus Fidei definitio est infallibile D E I Verbum, & cum veteri revelatione facta Prophetis, & Apostolis, integrat unum objectum Fidei Catholica credendum. Neutram partem hujus assertionis fas est negare, vel vertere in dubium. Et prior quidem ejus pars probatur ipsidem tum Scripturis, tum rationibus, quibus ante ostendimus Ecclesiā esse ultimā regulā Fidei. Nec enim esse potest vera regula Fidei, nisi credentibus D E V M per eam, & in ea nobis loqui, nec in ulla re alia tam verum esse illud C H R I S T I mittentis Apostolos. *Qui vos audit, me audit; & qui vos spernit, me spernit. Qui autem me spernit, spernit & eum qui me misit.* Luc. 10. quam in hac de qua disputamus. Quando nempe in supremo Ecclesiæ

defixæ Senatu generalis Vicarius CHRISTI Apostolicam sententiam pronuntiat, vel generalis Concilii definitionem confirmat. Qui enim post huiusmodi confirmationem, vel definitionem non vult audire Ecclesiam, habendus est tanquam Ethnicus, & Publicanus, ut idem CHRISTIVS monuit Matth. 18. Altera verò pars, quâ dicimus ex suprema Ecclesiæ definitione, & veteri revelatione facta Prophetis & Apostolis integrari unum obiectum Fidei sequitur necessario ex priorē. Nam ubi veritas veteris revelationis nobis proponitur per infallibilem Ecclesiæ declarationem, idem assensus qui præbetur uni, præbetur etiam alteri, nec altera sine altera fundat assensum. Quod non debet sic intelligi, quasi dicamus Ecclesiam in suis definitionibus expectare, vel recipere novas revelationes. Constat enim omnem Fidem, quam vocamus Catholicam, niti fundamento veteri Prophetarum, & Apostolorum, id est, Prophetis, & Apostolicis revelationibus, *Quarum veritas & disciplina*, ut loquitur Concilium Tridentinum, Sess. 4. in Decreto de canonicis Scripturis, *continetur in libris scriptis, & sine scripto traditionibus, quæ ipsius CHRISTI ore ab Apostolis acceptæ, aut ab ipsis Apostolis, Spiritu Sancto dictante, quasi per manus traditæ, ad nos usque pervenerunt.* Sed sensus est DEVM coelesti sua providentia, lumineque gratiæ indeficientis CHRISTI precibus Petro impetratæ ita Ecclesiam regere, ut non patiatur eam in supremo suo Tribunali quidpiam definire, tanquam dogma Fidei, quod non continetur in veteri Prophetarum, & Apostolorum doctrinâ, partim scripta, partim tradita, saltem tanquam in principio,

pio, ex quo per necessariam consequentiam deducitur.

3. Ceterum, quando præterea hic quaeritur, utrum vel vetus revelatio, vel nova Ecclesiae definitio, vel utraque simul sit formale objectum Fidei? Respon-  
sio patet ex dictis Cap. 2. Neutra enim sumpta pro temporali signo, quo DEVS nobis loquitur, est in recto, & in proprietate sermonis formale ob-  
jectum, sed ratio tantum applicans, & veluti uniens formali objecto rem principaliter revelatam. In integro enim objecto Fidei distinguenda sunt tria, DEVS revelans, res principaliter revelata, & tem-  
porale signum, quo revelantis auctoritas applicatur rei revelatae, tanquam formalis ratio materiae credibili. Ex quibus tribus solus DEVS princi-  
paliter, & in proprietate sermonis, connotato ta-  
men temporali signo, est formale objectum, ut cita-  
to loco probatum est. Temporale verò signum, quia est velut medium vinculum inter materiam credibilem principaliter revelatam, & formalem rationem credendi, sub diversa consideratione spec-  
tatur, ut aliquid nunc hujus, nunc illius, quia utramque simul repræsentat mentibus fidelium. Ad materiam tamen credibilem spectat non tantum ut conditio, vel intentionalis ratio applicans rem principaliter revelatam, sed etiam ut pars quaedam integrans totam materiam credibilem. Siquidem inter cæteras propositiones credibiles percensentur, quibus dicimus DEVM hoc vel illud revelasse.

Verum quicquid sit de nominali controversia utrum temporale signum, quo DEVS nobis loquitur, spectet ad formale objectum Fidei aliter quam modo explicato; Certe ad realem controversiam



Catholicorum cum omnibus Sectariis, de infallibili auctoritate Ecclesiae in rebus Fidei explicandis est perinde, utrumvis modum loquendi sequamur. Nam utrovis dato unanimiter nos, quotquot sumus Catholici, contra te, omnesque tuae sectae socios

Defigimus primò, Supremam Ecclesiae definitionem de rebus Fidei esse infallibile DEI Verbum. Quia quando eam accipimus à definitioribus, non eam accipimus ut verbum hominum, sed sicut est Verbum D & I. Sic enim de doctrina Ecclesiae, suaeque praedicationis dixit Apostolus, 1. Thessal. 2. nondum scripta.

Vnde praeterea concludimus secundò, DEVM ita per Ecclesiam sic definientem nobis loqui, ut increatam suam auctoritatem applicet, obligetque rebus definitis non minùs quam per Scripturam rebus scriptis. Nam omne DEI Verbum est in se paris auctoritatis, & certitudinis, parique modo DEVM obligat, ne vel mentiatur, vel nos fallat. Vnde Sanctus Gregorius, ut in ejus vita refertur, eundem honorem jussit haberi quatuor Conciliis generalibus, qui habetur quatuor Evangelistis. Quia nempe utrobique spectavit DEVM nobis loquentem.

Postremò concludimus, utrumque DEI Verbum, tum quod vocatur Scriptura, vel Traditio non scripta; tum quod vocatur Ecclesiae definitio, pertinere ad formale objectum Fidei modo explicato. Quia utroque increata DEI loquentis auctoritas pariter applicatur reb<sup>9</sup> credendis. Vtrumque ergo comparatur ad objectum formale, tanquam instrumentum intentionale ad rationem principaliter specificam.

Ceterum, quia fortasse dices tuo scopo esse perinde

inde, siue definitio Ecclesiæ dicatur esse formale obiectum Fidei, ut non concedimus; siue alterius nominis fundamentum, tanquam aliquid in obliquo spectans ad hoc obiectum, sensu à nobis iam concessio; tuaque proinde argumenta pariter procedere contra hanc concessionem, ac si amplius concederemus; videamus quibus tu arietibus columnam hanc, & firmamentum veritatis conaris demoliri prima parte tuæ Disput. sect. 7. & iterum 2. p. q. 1. & iterum in utraque quæst. appendicis.

## CAPVT VIII.

*Adversarius solvere conatur argumenta  
ab Authore proposita sect. 7.*

I. **P**RIMA tua obiectio adversus doctrinam præcedentis capitis est huiusmodi: *Ut Ecclesiæ testimonium sit fundamentum Fidei, requiratur non tantum ut in se divinum sit, & infallibile, sed etiam ut certò nobis constet illud esse tale.* At unde, inquis, hoc connotare potest? Vbi longa inductione conaris remove omnia principia, ex quibus in ordine ad nos hæc certitudo habeatur. Et exempli loco ponis Canonem primum Sessionis 4. Concilii Tridentini, de quo ita fere disputas: Canon iste per se non potest nos de divina sua auctoritate certos reddere, cum nō sit efficacior Canone  
Scripse

*Scripturæ. At Canō Script. ut volunt Pōtificii, nō suffi-*  
*cit per se ad nos faciēdos certos de divina sua auctori-*  
*tate, ergo multò minùs novus iste Canō Concilii de sua,*  
*Confirmatio Pontificis Pii IV. nobis non satisf-*  
*ciet: nam eadem de hac confirmatione quæstio redi-*  
*bit: Unde, &c. Denique istius Canonis infallibili-*  
*tas non creditur, inquit, propter testimonia Scriptu-*  
*ræ, et Traditionis docentis testimoniū Ecclesiæ esse in-*  
*fallibile, quia sic Ecclesiæ testimonium erit materia-*  
*le quoddam non formale objectum, quando non prop-*  
*ter se, sed propter aliud creditur, supponeretque*  
*Scripturam & Traditionem aliunde quàm ex testimo-*  
*nio Ecclesiæ creditam, at hoc Pontificiorum doctrinæ*  
*repugnat.*

Verùm totam vim hujus objectionis, & indu- 2.  
 ctionem, quā nititur, jam prævenimus, ostensa  
 tum necessitate regulæ vivæ, per modum visibilis  
 Iudicis nobiscum semper viventis, tum distinctio-  
 ne hujus regulæ à formali objecto. Nam ex iis-  
 dem principiis responderetur præsentī tuæ quæstioni.  
*Unde hoc constat?* Cæterum quando de Canone  
 Concilii Tridentini à te allato, ais: Ille non potest  
 per se nos facere certos de sua auctoritate, particu-  
 la *per se*, potest intelligi bifariam, vel exclusa com-  
 paratione cum auctoritate decernentis, vel suppo-  
 sita hac comparatione, sed exclusa tantum ulterio-  
 ri regulā. Si priori sensu loquaris, abs re loque-  
 ris, sensus enim hic nec tibi prodest, nec nobis ob-  
 stat, nullum enim decretum sive divinum, sive hu-  
 manum, sine respectu ad decernentem, vel confir-  
 mantem, dicitur à nobis esse firmum. Si autem  
 postea



posteriori sensu loquaris, propositionem enunciās apertè falsam, & jam à nobis satis refutatam. Nam quando comparatur decretum cum Ecclesia, quæ illud per suos Pastores primùm tulit, & etiamnum ratum habet, semperque habebit, comparatur cum regula viva, & omnium regularum ultima, semperque parata pro se respondere dubitantibus de ejus mente.

Vnde non est simile, quod adversus hoc objicis de inanimato Canone Scripturæ, qui nec est ultima regula, nec potest ad omnem de verò ejus sensu controversiam respondere. Nec proinde in ordine ad nos tam est efficax, sicut nec tam universalis, & sufficiens.

3. Iure, fateor, optimo posse similem interrogationem, sed sine spe probabilis responsi opponi vobis, qui adoratis latebras Ecclesiæ invisibilis, nec potestis ostendere mundo legitimam missionem vestrorum Pastorum continuato filo ab Apostolis descendentium. Nobis autem quibus Ecclesia est conspicua civitas, supra montem posita, viva, ultimaque regula totius verbi, quod ab ea proponitur, & qui possumus ordinatam à CHRISTO Pastorum nostrorum seriem sine interruptione retexere ab Urbano VIII. qui nunc foeliciter CHRISTI vices in terra gerit, usque ad Apostolos, otiosæ sunt illæ quæstiones, unde constat lucem diurnam esse à Sole illustrante nostrum Hemisphærium? Vnde cognoscunt agni vultum & balatum maternum? Vnde oves vocem sui Pastoris? Nam Ecclesia est mulier amicta Sole, ultimaque regula omnium credibilium, cujus proinde dictamen in omni credito tanquam diurnum Solis lumen, id est, ipsius DEI Verbum est omnibus CHRISTI tam agnis, quàm  
ovibus

vilibus primùm cognitum.

Quam prerogativam non posse Sacre Scripturæ attribui, jam ante satis probavimus.

Secunda obiectio. Tam formale obiectum, quàm principale fundamentum Fidei est id propter quod omnia creduntur. At propter testimonium Ecclesiæ præsentis, præsertim Romanæ, non creduntur, nec credi possunt omnia, quæ credenda sunt: ergo, &c. Majorem supponis claram. Minorem probas. Quia Pontificii dicunt hæc omnia esse credenda, Ecclesiam Catholicam, esse cætam hominum ejusdem Fidei professione, & eorundem Sacramentorum communione colligatum, sub regimine legitimorum Pastorum: eam deficere, aut errare nō posse: ejus notas esse Antiquitatem, Durationem perpetuam, Amplitudinem, Successionem Pastorum, &c. denique hæc notas soli Ecclesiæ Romanæ convenire. At hæc præcognoscenda sunt & credenda antequam Fidem habeamus testimonio Ecclesiæ Romanæ, nisi enim hæc præcognoscantur, nos certò scire non possumus Romanæ Ecclesiæ testimonium, esse veræ Ecclesiæ testimonium. Item ejus testimonium esse certum & infallibile: ergo, Ecclesiæ Romanæ testimonium non est formalis vel fundamentalis ratio, propter quam hæc creduntur. Ratio est manifesta, quia id quod necessario creditur antequam Fidem habeamus Romanæ Ecclesiæ, non creditur propter ejusdem Ecclesiæ testimonium.

Hanc tu objectionem iterum repetis in appendice quæst. 2. sed quàm inutiliter mox patebit.

Respond

5. Respondeo igitur testimonium Ecclesiæ tanquam fundamentalem regulam credendi, aliter applicari accedentibus ad Fidem, aliter fidelibus jam habitis, & generatim omnia revelata credentibus. Primò enim accedentibus non est opus applicare unum, vel alterum particulare decretum de aliquo dogmate prius inter Christiani nominis Professores controverso: (talis enim applicatio sæpè aptior esset ad impediendum, quàm promovendum accessum venientium primò ad Fidem) sed sufficit, quod & magis expedit ostendere ipsam Ecclesiam tanquam civitatem coelitus dimissam, & universam ejus doctrinam, tanquam divinitus acceptam generatim proponere quoad præcipuos ejus articulos, qui Symbolo Apostolorum continentur. Supposita enim teli ostensione, tum Ecclesiæ cum suis notis characteristicis, tum doctrinæ ab ea creditæ, non est necesse Fide divina & Theologica prius credi veritatem Ecclesiæ, quàm doctrinæ ab Ecclesia propositæ; ubi simul, & semel generalis præbetur assensus utrique propter ejusdem revelantis authoritatem sic propositam, & generale præcedit in pia voluntate imperium credendi omnia taliter proposita, tanquam à D E O dicta. Prima enim conversio ad Fidem duobus his actibus integratur, altero voluntatis, generali nempe proposito credendi, quod credit Ecclesia sic ostensa, altero in intellectu generatim judicantis omnia talis doctrinæ capita esse tum à DEO dicta, tum in se vera.

Dixi signanter Fide divina, & Theologica, quia non nego quod postea patebit per modum præviæ dispositionis præcedere Fidem inferioris ordinis in humanis, ut plurimum, & creatis motivis fundatam, quæ prius ex suis notis æstimatur Ecclesia, quàm



quàm ejus doctrina universè admittatur. Sed hinc nihil promovetur tua caussa, ut per se patet. Si autem sit sermo de fidelibus jam habitu, & implicite omnia credentibus, quibus aliquod Ecclesiæ decretum est applicandum, tanquam regula credendi explicitè aliquod particulare dogma, quod prius implicite tantum credebant, & fortasse nondum didicerant esse revelatum, fateor à talibus semper prius præcognoscendam, credendamque etiam Fide divina veram Ecclesiam cum suis notis, quàm ejusdem Ecclesiæ testimonium esse possit regula noviter aliquid credendi ex eadem Fide. Nec in hac subordinatione ullum est incommodum, sed processus tantum Theologicus, vel Catechisticus ab uno credito tanquam à principio generali ad Theologicè, vel Catechisticè concludendum aliquid aliud in particulari pariter credendum esse.

Tertia objectio. *Formale objectum, vel principale fundamentum Fidei est, quo nititur Fides omnium credentium. At Fides omnium credentium non nititur testimonio Ecclesiæ, hoc est, testimonio Pontificis, & Episcoporum in concilio congregatorum: ergo, horum testimonium, nec est formale objectum, nec principale fundamentum Fidei. Probatum assumptum. Fides ipsius Pontificis, & Episcoporum, qui hoc testimonium dederunt, proprio ipsorum testimonio non nititur. Si quis hic cum à Valentia respondeat, Fidem, quam post Concilium conclusum habent Pontifex, & Episcopi de veritate à se manifestata, niti proprio* 6.

prio eorum testimonio. Statim infra & queritur Quo fundamento nitebatur eorum Fides de iisdem articulis nondum in Concilio definitis, vel tum quando in Concilio nondum concluso, singuli Episcopi suffragium dabant, & testimonium? Non publico testimonio ipsius Concilii nondum firmati, nec prioris alienius Concilii decreto, quia res de qua agitur fortassis ab Ecclesia definita non fuit. Denique non nitebatur Scriptura aut Traditione, quia sic sequeretur Fidem Laicorum, & Fidem Episcoporum esse habitus Fidei specie diversos, contra Paulum, EPHES. 4. una Fides. Nam habitus & assensus mentis distinguuntur essentialiter per diversa principia, & obiecta formalia. Si ergo Fides Laicorum nititur testimonio Pastorum, eorum autem Fides ante formatum Concilii decretum nititur aliquo alio principio diverso, ut Scriptura, & Traditione, alterius rationis erit Fides Laicorum, & Fide Pastorum.

7. Respondeo, & dico tria: primum, Si cupis in Ecclesie decreto invenire obiectum formale Fidei, debere te illud spectare non ut est verbum hominum. sed sicut est verè Verbum DEI, & in ipso DEI Verbo distinguere temporale signum, quo res à Concilio, vel Pontifice definita applicatur primæ, & increatæ veritati, ab ipsa prima veritate. Nam ut sæpius ante notatum est, nihil creatum, vel temporale est in proprietate sermonis formale obiectum Fidei Theologicæ, sed increata duntaxat primæ veritatis auctoritas, quæ

per omnia temporalia signa quantumvis materialiter diversa, quibus homini loquitur, representatur semper eadem in se, non tantum specie, sed etiam numero, tanquam specifica ratio Fidei Theologicę. Nullatenus ergo sequitur diversam esse Fidem Laicorum, à Fide Pastorum, esto hi ex priori aliqua regula Fidei prius credant quod in Concilio definitur, quàm verè definiatur, siquidem per novam Ecclesię definitionem applicatur mentibus fidelium eadem numero increata veritas, tanquam ratio objectivè specifica, quę per priorem aliquam regulam applicabatur mentibus Theologorum illud in aliquo principio revelato animadvertentium esse pariter revelatum.


8. Dico deinde; Si cupis in Ecclesię decreto invenire universalem, principalem, ultimamque regulam Fidei, debere te distinguere personam testantis, vel decernentis, quę semper est eadem CHRISTI Sponsa, Materque credentium, uniformiter de Fide respondens, ab ipso ejus responso, quod varium, & multiplex datur pro varietate dogmatum, quę in controversiam adducuntur. Ad uniendam autem Fidem eorum, qui præcedunt aliquam novam Ecclesię definitionem, cum Fide subsequenti in communi regula credendi, sufficit unitas testantis, & definientis Ecclesię, quę nunquam moritur, & cujus aliquod prius testimonium semper supponitur à Pastoribus ante creditum, quàm hi ex aliquo Fidei principio quicquam noviter definiant, siquidem nec Scriptura possunt uti tanquam principio, nisi ab Ecclesiā prius didicissent, quę sit Scriptura canonica, & quis verus ejus sensus.



- Dico denique tertio : Quamvis darentur
9. Physicam aliquam heterogeneiam in assensibus Fidei pro diversitate rerum credibilium , regularumque credendi , quarum illi sunt totidem signa formalia , & vitales imagines , verbaque mentalia , non propterea cogeremur ullam , vel in infuso habitu Fidei , vel in principali ejus motivo agnoscere varietatem specificam . Nam habitus infusi Theologicarum virtutum imitantur potius naturam vitalium potentiarum animæ , quam habituum à nostris actibus trahentium originem . Vnde potest eorum unus confortare obedientialem facultatem animæ ad plures actuum species in eodem increato motivo conspirantes . Sed hujus doctrinæ subtilitas est fortasse tibi , tuisque nimis . Quare à pleniori ejus declaratione abstinerebo .



AUTHOR



## AUTHORIS DUPLICATION.

## CAPUT I.

Petulantem & audacem Adversarii assertionem de suprema Ecclesiæ definitione, quod videlicet infallibile DEI Verbum sit, &c. non nisi Scripturæ autoritate.



D tuam assertionem de Ecclesiæ definitione confirmandam, duo tantum hoc Cap. profers Scripturæ testimonia; videlicet dictum CHRISTI, Lvc. 10.

*Qui vos audit, me audit, & qui vos spernit, me spernit; et dictum Apostoli, I. THESS. 2. Cum accepissetis à nobis verbum auditus DEI, accepistis illud non ut verbum hominum, sed (sicut verè est) ut Verbum DEI, &c. Ex his testimoniis nunquam tuam assertionem sufficienter probabis; nam prius intelligendum est,*

est, primariò & principaliter de ipsis Discipulis quos CHRISTVS, Lvc. 10. alloquitur, secundariò verò de omnibus eorum successoribus, hoc est, est Ecclesiæ Pastoribus, non tantum quatenus simul congregati fidei controversias definiunt (sic enim hoc præceptum non obligaret nos ad obedientiam præstandam Pastoribus seorsum existentibus, & Verbum DEI prædicantibus, quod nimis absurdum est) sed etiam quatenus soli & separati munere pastoralis tanquam Legati DEI funguntur. Hoc patet ex verbis Anacleti Papæ, Dist. 21. Cap. In novo, ubi ait; *Qui recipit Episcopos & verba eorum, DEVM recipit, qui autem eos spernit, eum à quo missi sunt & cuius legatione funguntur spernit.* Idem etiam docent Pontificii interpretes moderni, videlicet Toletus, Stella, Iansenius, & alii in suis annotationibus, in 10. Cap. LVCÆ.

2. Sicut igitur non obstante hoc dicto CHRI-  
STI, Pastores seorsum existentes in suis Dio-  
cesibus aut Parœciis, non sunt absolutè & in  
omnibus audiendi & sequendi, sed quatenus  
preferunt nobis faciem Verbi DEI, quæ pu-  
ra & perfecta lucerna est pedibus, & lux iti-  
neri nostro, Psal. 119. 105. Ita etiam non  
obstante hoc dicto CHRISTI, Pastores &  
Episcop



Episcopi in unum congregati, & definientes fidei controversias, non sunt simpliciter & in omnibus audiendi & sequendi, sed cum deinum cum eorum decreta, & decisiones Verbo DEI non repugnant. Item sicut ex hoc dicto colligi nequit infallibilitas Pastorum seorsum existentium & prædicantium, ita etiam ex eodẽ colligi nequit infallibilitas Pastorum in concilio congregatorum ad definiendas fidei controversias.

Posteriorius testimonium quod citas ex cap. 2. prioris Epist. ad THESS. nihil omnino 3.  
pro vobis facit. Nam primò Apostolus illic non loquitur de obedientia aut reverentia quam Thessalonicenses ipsi præstiterunt tanquam Apostolo & infallibili veritatis præconi, sed de obedientia fidei quam præstiterunt doctrinæ Evangelii ab ipso annunciatæ. Unde Nicolaus de Gorran interpret Pontificius hoc dictum Apostoli sic explicat: *Hic ostendit de quo gratias agit, videlicet, de hoc quod Verbum DEI dignè susceperunt; & infra, Hic ostendit quod Verbum DEI credendo susceperunt.*

Secundò quamvis Apostolus hic loqueretur de reverentia sibi exhibita ut Apostolo 4.  
& infallibili veritatis testi; nihil tamen hoc vestram causam juvaret. Nam primò qui


apud vos fidei controversias definiunt non sunt Apostoli aut Apostolica authoritate praediti; immò ipse Papa non succedit PETRO ut Apostolo, ut docent Bellarm. Lib. 4. de Pontifice, Cap. 25. §. *Respondeo magnum esse discrimen*, &c. Staplet. Lib. 6. princip. doctrin. Cap. 7. et Hartus in Colloquio cum Rainoldo, Cap. 6. sect. 4. pag. 432. Secundo, hoc testimonium non probat vestros controversiarum definidores esse infallibiles veritatis testes, sed hoc supposito quod sint tales (sicut olim erant APOSTOLI) probat eorum definitionem aut decretum non accipiendum esse ut verbum hominum, sed ut Verbum DEI ipsius.

3. At (inquis) supra Cap. 3. §. 7. probavi supremum Controversiarum definitorum in terris, id est Papam esse infallibilem veritatis testem, argumento sumpto à judiciaria potestate Apostolorum. *Quando enim CHRISTVS dedit Ecclesiae ab initio Apostolos dedit pariter cum Apostolatu judicariam potestatem decidendi futuras omnes lites tam de fide, quam de moribus, eamque non ad breve tempus, sed quamdiu Ecclesia in terris per fidem ambulabit, usque salis potestatis indigebit, EPHE S. 4.*  
*Donec*

Donec occurramus omnes, &c. Sicut ergo Apostoli ex spirituali suo principatu super omnem terram fuerunt constituti iudices controversiarum de fide, fateri oportet eos in quibus post mortem Apostolorum remansit idem principatus, retinuisse pariter potestatem hanc judicariam tanquam vivam credendi regulam. Respond. Distinguendum est inter Apostolorum judicariam potestatem, & infallibilitatem judicandi isti potestati annexam, cujus respectu Apostoli *viva seu animata credendi regula* merito dici poterant. Ipsa potestas judicandi de controversiis fidei, non ad breve tempus, sed usque ad consummationem sæculi Ecclesiæ data est ut tuum argumentum probat. At longè aliter sentiendum est de infallibilitate judicandi Apostolis concessa, deque eorundem *divina et canonica* autoritate in tradendis fidei dogmatis. Ea enim Apostolorum sæculo necessaria erat, quia videlicet tunc *fidei canon condendus erat et super Apostolorum fundamentum* superstruenda erat Ecclesia CHRISTI, EPHES. 2. 20. At nunc post fidei canonem ab Apostolis consignatum et Ecclesiæ traditum, hoc est postquam Apostoli *Evange-*



lium quod primūm praconiaverunt ( ut loquitur Irenaeus, Libro 3. Cap. 1. ) per DEI voluntatem in Scripturis tradiderunt, fundamentum & columnam fidei nostrae futurum, non necessario in Ecclesia requiritur viva aliqua seu animata et infallibilis fidei regula : hoc est, non est necessarium ut illi quorum est de fidei Controversiis judicare, eam habeant Sancti Spiritus assistentiam ut in iudicando errare non possint. Habent enim infallibilem fidei regulam, videlicet, Prophetarum et Apostolorum scripta, quam si diligenter scrutentur & fideliter sequantur, errare non possunt.



## CAPVT II.

Eandem non niti perpetua Ecclesiae traditione.

I.



T neque perpetua Ecclesiae traditione nititur haec tua assertio: Non enim in modum adferre potes, vel trium aut quatuor Patrum tecum sententiarum, clara et manifesta testimonia. Ci-

tas quidem pro te dictum Gregorii Magni  
 asserentis *quatuor prima Concilia genera-*  
*lia esse recipienda sicut quatuor Evan-*  
*gelia.* At prin<sup>o</sup> dico cū Nicolao de Cleman-  
 gis, in Disput. per scriptum habita super ma-  
 teria Concil. general. si cuncta universalis  
 Concilia sunt ejusdem aut æqualis authorita-  
 tis, quare de solis quatuor dicit Gregorius, se  
 illa venerari & suscipere sicut quatuor Evan-  
 gelia? Si enim (inquit) *indiscreta authori-*  
*tatis universa credidit, quam ob causam*  
*sola illa quatuor pro cultu venerationis no-*  
*minatim expressit, dubiam de aliis suspi-*  
*cionem in animis hominum relinquens.*  
 Secundò, respondeo cum Gulielmo Occam,  
 parte 3. Dialog. Lib. 3. Cap. 13. *quod hoc*  
*intelligendum est de generali Concilio ri-*  
*tè justè & catholicè celebrato, ita tamen,*  
*quod hoc vocabulum Sicut omnimodam*  
*similitudinem nequaquam importet; sicut*  
*nec MATTH. 5. cum dicit CHRISTVS,*  
*Estote perfecti, sicut Pater vester.*  
*Quamvis enim Generale Concilium ali-*  
*quid ritè & catholicè definiat, & deter-*  
*minet: & ideo sit sicut Sanctum Evan-*  
*gelium suscipiendum; Sanctum tamen Evan-*

*gelium cum majori reverentia & devotione suscipiendum est, quam Concilium Generale quodcunque.* Hæc Occamus: cui astipulatur Bellarm. Lib. 2. de Conciliis, Cap. 12. *Ad Gregorium* (inquit) *respon.* *de illud* Sicut sonare similitudinem non aequalitatem: ut illud MATTH. 5. Estote perfecti, sicut Pater vester coelestis perfectus est.

At DEO adjuvante infra evidenter probabo antiquiores Ecclesie Patres, immo multos scriptores Pontificios, istam sententiam quam tu, tam audacter contra me omnesque Catholicos desigis, aut ignorasse, aut damnasse, & rejecisse. Optatus Milevitanus, & Vincentius Lyrinensis, novam hanc & leuiticam Theologiam ignorarunt. Augustinus eam damnavit: et post Augustinum multi Theologi & juris canonici Doctores ac Professores; videlicet, Occam, Camera-censis, Panormitanus, Antoninus Florentinus, Nicolaus de Clemangis, & alii.



## CAPIT. III.

Nam non niti ulla definitione aut  
decreto Ecclesiæ.



Enique quod ad Ecclesiæ de-  
finitionem attinet, Pontifi-  
cii communiter docent,  
*nullam partē Verbi DEI*  
*posse à nobis ut Verbum*  
*DEI acceptari, nisi ab*  
*Ecclesiæ Pastoribus approbetur, & per in-*  
*fallibile ipsorum testimonium commende-*  
*tur*: vide vestrorum Theologorum dicta à  
me citata Tract. præced. Cap. 1. §. 2. vide  
etiam Stapletoni, Lib. 9. de princip. do-  
ctrin. item tres ejus Libros de autoritate  
Ecclesiastica contra Whittakerum: nec non  
Triplicationem inchoatam adversus eundem.  
Vide denique Gretser. append. 1. ad 1. Lib.  
de Verbo, col. 386. ubi impiam et blasphe-  
mam sententiam Stapletoni asserentis in Tri-  
plicatione contra Whittakerum, Cap. 17.  
non solum Scripturæ autoritatem, sed etiam

*ipsam*

*ipsam divinitatem DEI & CHRISTI pendere, à judiciaria potestate Pontificis Romana, sic defendit; At si quis (inquit) ipsum Stapletonum legat, rectè hoc ab eo asseri comperiet; addit enim Staplet. divinitatem CHRISTI & DEI pendere à testimonio. & judiciaria potestate Pontificis quoad nos, non in se & à parte rei.*

3.

Hoc autem fundamento polito sic argumentor: Ecclesia nondum in generali aliquo Concilio statuit, decrevit, aut definivit, suas definitiones & decreta esse infallibilis & divinæ authoritatis. Ergo, non possumus certò & infallibiliter scire, definitiones Ecclesiæ esse tales. Antecedens patet, quia vestri Scriptores hætenus proferre non potuerunt, ejusmodi aliquid decretum aut definitionem, in qua videlicet statuitur, omnes Ecclesiæ definitiones de rebus fidei, esse divinæ & infallibilis authoritatis. Si in hoc tibi videntur peccasse, quæso eorum peccatum corrige, & dic in quo Concilio, aut à quo Pontifice hoc definitum sit? Consequentia etiam manifesta est, nam id quod in se divinum & infallibile est, non potest à nobis ut tale acceptari, seu pro tali haberi (secundum Adversariorum doctrinam) nisi ab Ecclesiæ Pastoribus ut tale approbetur, & per eorum infallib

infallibile testimonium, hoc est, definitionem aut decretum nobis commendetur. Similiter sic argumentor: Infallibilis Ecclesiæ propositio, id est, Papæ vel per se, vel unâ cum Concilio fidei controversias definientis est conditio requisita ad credendum sine qua ordinariè assensus fidei non elicitur, ut docet VALENTIANVS, Tom. 3. Disputat. 1. Quæst. 1. puncto 1. Sect. 6. Col. 19. At hæc doctrina de divina et infallibili auctoritate decretorum Ecclesiasticorum nondum sic ab Ecclesia proposita est: ergo, non potest, quoad nos esse certa certitudine fidei divinæ. Item, quamdiu doctrina aliqua ab Ecclesia non est definita, tamdiu sine periculo hæreseos possunt Christiani de ea dubitare, immò eam negare, ut patet ex BELLARM. Lib. 4. de Pontifice, Cap. 14. §. *Respondeo imprimis*. SVAREZ. Tract. de Fide, Disp. 19. Sect. 2. §. 13. et aliis multis. At hæc doctrina quam tu tam audacter hic contra me omnesque Catholicos defigis, non sic ab Ecclesia est definita: ergo, sine periculo hæreseos eam negare possumus.



## CAPUT IV.

Confutantur responsiones aliquot, aut  
potius effugia, quibus Adversarius  
uti poterit ad eludendum argumen-  
tum superiori Cap. propositum.



**A**D ea quæ superiori CAP.  
dicta sunt, respondebis  
fortassis primò, quamvis  
nulla exister Ecclesiæ defi-  
nitio, de divina et infalli-  
bili authoritate suorum de-  
cretorum aut canonum, ta-  
men consensum omnium Christianorum, qui  
decreta Ecclesiæ Catholicæ, id est, Romanæ,  
pro DEI ipsius Verbo habent nobis in hoc  
negotio satisfacere debere. Sed hæc respon-  
sio nulli viro prudenti aut docto satisfacere  
potest. Primò, Enim Christiani innumeri,  
ut GRÆCI, ARMENI, ABASSINI, &c. item  
Protestantes hic in Occidente, negant decreta  
Romanæ Ecclesiæ esse infallibile DEI Ver-  
bum. Secundò, Quo fundamento nititur  
iste consensus Pontificiorum acceptantium  
decreta Eccles. Romanæ tanquam infallibile  
DEI

DEI Verbum? Non enim nititur Scriptura aut Traditione, immò quod caput rei est, non nititur ullo decreto aut definitione Ecclesiæ. Tertiò, Vnde constabit de consensu omnium qui in Ecclesiis Romano Pontifici subjectis vivunt? Vnde sciam, non esse aliquos etiamnum in Romana Ecclesia, qui cum Occamo, Cameracensi, Panormitano, Antonino Florentino, Cusano, et aliis, putant decreta Pontificum et Conciliorum non esse infallibilia.

Denique consensus ille fidelium nihil aliud est quam *acceptatio Ecclesiæ*, quæ definitiones Pastorum Ecclesiæ ut divinas et infallibiles acceptat. At *acceptationem* fidelium, quibus authoritas definitionum Ecclesiasticarum promulgatur et commendatur, necessario præcedit *approbatio Pastorum*: nam id quod in se divinum et infallibile est, non potest à multitudine credentium ut tale acceptari, nisi ex Ecclesiæ approbantis iudicio & authoritate, tanquam medio externo, ordinario, & necessario, ut loquitur Stapl. in defens. authorit. Eccl. Libro 3. Cap. 15. Sect. 15. Vnde idem author docet, Pontificios cum asserunt Scripturæ authoritatē quoad nos pendere ab Ecclesiæ testimonio nomine Ecclesiæ intelligere, non totam fidelium

*delium multitudinem, sed solos Ecclesi-  
rū Pastores ac prepositos, in Defens. author.  
Eccles. Lib. 1. Cap. 1. §. 10. Et in Triplicatio-  
ne adversus Whittakerum, Cap. 10. Hoc  
etiam tu fateris, cum Cap. 3. tui libri, §. 6.  
diciſ Ecclesiam esse regulam prudenti ne-  
cessariam, ut cautè non temerè, ut reli-  
giosè non supersticiosè velit possitque  
quis credere: et infra, §. 7. aperte ostendis  
te per Ecclesiam intelligere eos, quibus  
CHRISTVS dedit judiciariam potesta-  
tem decidendi futuras omnes lites, tam de  
fide, quam de moribus. Ex his patet  
ad prudenter credendam auctoritatem defi-  
nitionis Ecclesiasticæ necessariò, secundum  
vestrā Theologiam, requiri testimonium, de-  
cretum, aut definitionem Pastorum Eccle-  
siæ; imprimis autem ipsius Papæ ex Cathe-  
dra definiētis (nam tunc demum est infal-  
libilis) et statuentis omnia Ecclesiæ decreta  
legittimè facta esse quoad auctoritatem et  
certitudinem paria Sacris Scripturis.*

3. Dices secundò, Quamvis ad Ecclesiam  
pertineat omnia alia fidei dogmata definire,  
et sua auctoritate confirmare, non tamen ne-  
cesse est immò non expedit, ut de auctori-  
tate sua in definiendis fidei controversiis decre-  
tum aliquod faciat, aut promulget, idque  
quia



quia Ecclesiæ authoritas in definiendis fidei  
 controversiis, tanquam primum fidei Chri-  
 stianæ principium ab omnibus accipitur, qui  
 Christianorum nomen uspiam profitentur.  
 Respondeo primò, Sic Scripturæ authori-  
 tas *ut axioma seu primum principium*  
*fidei ab omnibus Christianis accipitur.*  
 Suarez, Disput. 5. de Fide, sect. 3. §. 1. At-  
 tamen hoc non obstante vos Scripturam pro  
 plena et perfecta fidei regula habere non vul-  
 tis, nisi illius authoritas ex ea ipsa sufficien-  
 ter proberetur. Secundò, Si Ecclesia est regu-  
 la ad prudenter credendum, simpliciter ne-  
 cessaria; nihil omnino, et proinde nec ipsius  
 authoritas absque ejus infallibili testimonio  
 credi potest. Tertiò, Staplet. lib. 8. princip.  
 doctrin. cap. 21. et in relect. controvers. 4.  
 quæst. 3. art. 2. fuisse probat non esse absur-  
 dum ut Ecclesia sibi testimonium perhibeat.  
*Nam (inquit) & necessarium hoc nobis*  
*erat (ut ex se patet) nec erat ipsi Eccle-*  
*sie inconveniens ut multis exemplis osten-*  
*ditur.* 4. Denique dogma de Ecclesiæ  
 authoritate non est primum fidei principium  
 ut infra patebit.

Dices tertio, Patres in Concilio congre-  
 gatos satis apertè declarare sua decreta esse 4.  
 infallibilia, cum eos omnes anathematizant,

qui non assentiuntur iis quæ in Concilio definita sunt. Resp. primò, Si firmum & validum esset hoc argumentum, sequeretur Conciliorum decreta esse certa et infallibilia ante confirmationem Papæ: nam etiam ante confirmationem Papæ dicunt anathema contradicentib⁹. Secundò, dico, Patres in Concilio, cum anathematizant cōtradicentes, non respicere suorum decretorum auctoritatem, sed potius eorum actualē veritatem, et consonantiam cum Scripturis, et Patrum scriptis.

5. Hic obiter, Turnebulle, ex te quero undenam sit quod Ecclesia Romano-Catholica, ad quam (secundum vos) pertinet fidei canonem consignare, et omnes fidei regulas quæ verè divinæ et infallibiles sunt, populo Christiano commendare; undenam inquam sit, quod in hac re officio suo non satisfecerit? Nam primò, Decreta Ecclesiæ sunt (ex te) divina et infallibilis fidei regula. At nihil à Romana Ecclesia de eorum auctoritate definitum est. Patres Tridentini decretum pronunciarunt, de divina auctoritate traditionum non scriptarum, easque Sacris Scripturis exæquarunt: cur igitur simile decretum, de divina et infallibili auctoritate Papæ et Conciliorum non pronunciarunt? Cur non statuerunt et decreverunt, ut Scripturæ, Traditiones,

ditiones, et Ecclesiæ definitiones *p*ari *p*ietatis affectu suscipiantur? Secundo, Numerus librorum canonicorum à Concilio Tridentino definitus est: cur igitur similiter, non definiverunt numerum earum Traditionum non scriptarum, quæ revera divinæ et infallibiles sunt. Respondebis fortassis sicut Stapletonus, lib. 1. de defensione auctorit. Eccles. Cap. 2. sect. 5. ad similem quæstionem respondit, Ecclesiam nondum determinasse hanc quæstionem, de numero Traditionum non scriptarum, vel quia omnes Traditiones divinas nō expendit, vel quia occasio id faciendi data non fuit, vel quia aliis intenta doctrinis, aut afflictata molestiis de ea re seriò cogitare non potuit. At hæc quidem nullæ omnino causæ sunt, ut rectè observavit Whittakerus, in sua Duplicatione ad istum locum Stapletoni. Nam Ecclesia (inquit) debet DEI Verbum expendere, aut à peccato excusari non potest: neque sufficiet dixisse aliis se rebus intentam fuisse, aut molestius exercitam aut vexatam, ut ea de re non licuerit seriò cogitare. Et intra: Nihil (inquit) horum dici potest, nam occasionibus & otio abundavit,



davit, & vel expendit satis, vel potuit  
expendere, ut pratermissi officii ra-  
tio nulla nisi insignis negligentia afferri  
possit.

## CAPVT V.

Pontificiorum fidem, qua credunt su-  
premae definitionis Ecclesiasticae in-  
fallibilitatem, varia & multiplici in-  
certitudine laborare.

I.



VI legunt CAP. secundum  
tui libelli, in quo non se-  
mel, contra me omneque  
orthodoxos, intrepide deli-  
gi supremam Ecclesiae de-  
finitionem esse infallibile

DEI Verbum, & cum  
veteri revelatione Prophetis & Aposto-  
lis facta, integrare unum objectum fidei  
Catholica credendum, putarent illud dog-  
ma de divina & infallibili autoritate defini-  
tionis Ecclesiasticae, esse apud vos ita cer-  
tum, exploratum, & omni ex parte defini-  
tum,

tum, ut nulla prudenti super sit ratio dubitandi, aut de veritate, aut de sensu hujus propositionis Iesuiticæ: *Suprema Ecclesie definitio est infallibile* D E I Verbum. At certè is in vestrorum Theologorum scriptis parum veritatus est, qui non advertit vestram fidem, qua hanc propositionem creditis, varia & multiplici incertitudine laborare.

Primò enim multi Pontificii olim de veritate hujus propositionis dubitarunt, immo multi eam apertè damnarunt, & rejecerunt, ut postea patebit; nec ulla hætenus facta est definitio ab Ecclesia de ejus veritate: ergo, plenam fidei certitudinem de ea habere non potestis. Stapler. in relect. controvers. 3. quæst. 4. conclus. 3. dicit eam sententiam quæ asserit Papam posse judicialiter errare, non videri esse *hereticam*, propter multos Catholicos qui eam sustinuerunt: ergo, neque sententia Protestantium dicentium Ecclesie definitionem esse errori obnoxiam, proprie est *heretica*: quia scilicet multi Catholici, eam olim sustinuerunt.

Secundo dicis supremam Ecclesie definitionem *de rebus fidei* esse infallibile D E I Verbum. At cur non asseris supremam Ecclesie definitionem, *tam de fide, quàm de*

*moribus*, esse infallibile DEI Verbum, sicut asserit Suarez, disp. 5. de Fide, sect. 7. & 8? Fortassis hoc fecisti, quia sciveras multos eosque non obscuros Theologos in ea esse sententia, quod Ecclesia in definitionibus seu decretis circa morum doctrinam errare possit: atque adeo quod possit judicialiter præcipere vitia & prohibere virtutes. Ex huiusmodi autem pravis et impiis definitionibus circa morum doctrinam necessario sequitur error in fide. Nam ut docet Bellarm. lib. 4. de Pontifice, Cap. 5. *Si Papa erraret præcipiendo vitia & prohibendo virtutes, teneretur Ecclesia credere vitia esse bona, & virtutes esse malas, & proinde teneretur errare*. Hoc posito sic argumentor: Qui dicunt Ecclesiam posse errare in præceptis morum, illi id dicunt, unde necessario sequitur Ecclesiam errare posse in fide. At multi Pontificii dicunt Ecclesiam posse errare in præceptis morum: ergo, multi Pontificii id dicunt, unde necessario sequitur Ecclesiam posse errare in fide. Major patet ex Bellarm. loco jam citato.

- Minor probatur, primò, ex Melchiore  
 4. Cano, Lib. 5. Cap. 5. Quæst. 5. pag. 275. *His (inquit) argumentis quidam auctoritatem Ecclesiasticam infirmare pergunt*  
 tantum



*tantum in iudicio morum, nam in fidei decretis firmam esse nobiscum etiam consentiunt. Secundo, ex Nicolao de Cleman-  
gis, nam is in disput. cum Scholastico Pari-  
sienli super materia Concil. gener. aperte as-  
serit Ecclesiam posse errare in praeceptis mo-  
rum: Ecclesia (inquit) militans, saepe (ut  
nostri) & fallit & fallitur: non dico in his  
quae fidei sunt, sed in aliis quae vel facti  
sunt, vel morum, vel iudiciorum. Si igitur  
aut moralia sunt, aut judicialia illa  
Concilii acta, cum in talibus falli possit  
Ecclesia non absurdum videtur, &c. Ter-  
tiò, Omnes Pontificii fatentur (nam res ita  
manifesta est ut negare non possint) Ste-  
phanum VI. & Sergium III. Pontifices Ro-  
manos rem admodum impiam ac illicitam  
in Concilio Episcoporum definivisse, & prae-  
cepisse, videlicet ut iterum ordinarentur  
qui à Formoso Papa ordinati fuerant. Est  
enim res illicita eos iterum ordinare qui à  
quolibet Episcopo semel ordinati sunt.*

Similiter possumus sine periculo hare-  
seos, ipsis Adversariis fatentibus, dicere Ec- 5.  
clesiam, aut Papam qui Ecclesiae praest, posse  
errare in Sanctorum canonizatione, iubendo  
ut hunc vel illum colamus tanquam sanctum

& beatum, qui revera non est talis. Ergo, fa-  
 tentibus Adversariis possumus sine periculo  
 hæreseos dicere Ecclesiam posse errare in  
 præceptis morum. Nam si in canonizatione  
 Sanctorum erraret Ecclesia, in moribus quoque  
 graviter falleretur, ut docet Canus, Lib. 5.  
 Cap. 5. Quæst. 5. Pag. 281. Pater antece-  
 dens: primò, ex Valent. Tom. 3. Disput. 1.  
 Quæst. 1. punct. 7. §. 41. & Cano loco ci-  
 tato, qui dicunt, eos non esse hæreticos, qui  
 Ecclesiæ in canonizatione Sanctorum fidem  
 detrahunt. Secundo, ex Thoma, Quodlibe-  
 to 9. art. ultimo, & Antonino parte 3. titulo  
 12. Cap. 8. §. 2. qui non aiunt *certò* &  
*firmiter*, sed *piè* credendum esse Ecclesiam  
 in Sanctorum canonizatione non errare.  
 Tertiò, Cajetanus opusculo, de Indulgen-  
 tiis, Cap. 8. sententiam eam quæ asserit Ec-  
 clesiam aut Pontificem posse errare in San-  
 ctorum canonizatione, non solum putavit  
 non esse hæreticam, sed etiam ut veritati con-  
 sonam amplexus est.

6. Tertiò, non certò constat, quænam sit  
 suprema Ecclesiæ definitio; utrum videlicet  
 sit definitio Concilii Generalis, an verò sit  
 sententia Papæ judicialiter & ex Cathedra  
 controversias fidei definientis. Vestri qui-  
 dem nunc communiter docent supremam  
 Eccl

Ecclesie definitionem esse Papæ judicialem & definitivam sententiam, eamque solam per se esse infallibilem: attamen primò, fatentur hanc suam sententiam non esse *de fide*. Secundò, dicunt eos qui oppositam tuentur sententiam non esse *hæreticos*. Tertiò, expressè testantur quætionem de hære usque ad hunc diem superesse etiam inter Catholicos. Vide Stapler. in relect. controvers. 3. quæst. 4. conclus. 3. Bellarm. lib. 2. de Conciliis, Cap. 13. §. *Doinde cum*, & cap. 17. §. *Ad hunc locum*: et Wihringtonū, in discussione discussionis decreti, magni Concilii Lateranensis, parte 2. sect. 4. §. 12. & parte 3. sect. 2. §. 5. Novi equidem Suarezium, disput. 5. de fide, sect. 8. §. 4. asserere omnes Catholicos nunc amplecti sententiam Papæ etiam per se & sine Concilio generali controversias fidei definientis, ut divinam & infallibilem. At hoc esse apertè falsum, patet ex Wihringtono, loco proximè citato, videlicet, parte 3. sect. 2. §. 5. *Ex quo* (inquit) *necessariò consequitur, opinionem Parisiensem*, (qui non Papæ, sed Concilii sententiam pro suprema Ecclesie definitione habent) *non solum tolerari & permitti, id est, non puniri, verum etiam ut probabili-*

*lem*



lem, & qua absque ullo hareseos, erroris, temeritatis, alteriusve peccati lethalis periculo defendi possit, ab Ecclesia approbati. Item, Hac sententia (videlicet de superioritate Concilii supra Papam) apud plurimos verissima, & fidei Catholica proxima censetur.

7. Quarto, quamvis in genere constaret Papæ ex Cathedra docentis sententiam esse supremam Ecclesiæ definitionem, non tamen constat in particulari sententias MARTINI V. aut EVGENII IV. aut LEONIS X. aut PII IV. Pontificum Romanorum, qui duobus superioribus sæculis Conciliorum decreta confirmarunt, nō (inquam) constat eorum sententias aut definitiones, esse sententias summorum Pontificum, hoc est, esse pronunciatas ab iis, qui erant veri Pontifices, & PETRI Successores. Vnde necessario sequitur nos plenam & firmam fidei certitudinem de auctoritate Constantiensis, Basileensis, Lateranensis, & Tridentini Conciliorum non habere. Quis enim mortalium omnium certus est aut esse potest MARTINUM V. EVGEN. IV. LEONEM X. & PIVM IV. verè Episcopos, immò vel Sacerdotes, vel baptizatos fuisse, vel ullum unquam Sacramentum aut recepisse, aut aliis ministrasse? Sacramenta

menta apud vos *pendent ab intentione ministri*, hoc est, nullum Sacramentum verè conficitur, nisi Minister cum Sacramentum administrat, intendat id facere, quod facit Ecclesia. At de intentione Ministri conjectare & benè opinari possumus, sed firmam & plenam certitudinem fidei habere non possumus. Vnde BELLALMINVS, Lib. 3. de Iustificatione, Cap. 8. §. Dicent: *Non potest (inquit) quis esse certus certitudine fidei se percipere verū Sacramētū: cū Sacramētū sine intētionē Ministri nō cōficiatur, & intentionē alterius nemo videre possit.* Cum igitur nemo certò scire possit MARTINVM V. EVGEN. IV. &c. fuisse Christianos seu Baptizatos, item fuisse Sacerdotes aut Episcopos, necessariò sequitur neminem certò scire posse, eos fuisse summos Pontifices, seu veros PETRI Successores. Nam qui non est Sacerdos aut Episcopus, & multò magis qui non est Baptizatus, is summus Ecclesiæ Christianæ Pontifex esse nequit.

Quintò: Vestri Theologi in explicanda 8. judiciaria autoritate Papæ & Conciliorum ea docent, quæ infallibilitatem & Conciliorum & Papæ ipsius funditus evertunt, ut patebit ex CAP. sequentibus.

## CAPVT VI.

Ostenditur Iesuitarum doctrinam de Conciliorum infallibilitate esse lubricam, ambiguum, incertam, immo apertè ridiculam & absurdam: & ut hoc manifestum fiat, aliquot assertiones Iesuiticæ de Conciliorum infallibilitate examinantur.

1.



Atet hoc primò, quia strenuè admodum pugnare videntur pro Cōciliorum generalium infallibilitate, dicentes *Spiritum Sanctum assistere Episcopis in Concilio congregatis, eosq; omnem veritatem docere;* & nobis objicientes illa Scripturæ testimonia quæ pro Conciliorum infallibilitate facere videntur, *Vbi sunt duo aut tres in Nomine meo congregati, illic sum in medio eorum. MATTH. 18. Spiritus veritatis docebit vos omnem veritatem. IOAN. 16. Visum est nobis & Spiritui Sancto. ACT.*

15. ACTUM



15. Attamen revera nihil omnino Concilio generali tribuunt, sed hæc et similia Scripturæ testimonia, non ad Conciliorum, sed ad Papæ auctoritatem stabiliendam afferunt. Non dicunt enim Concilium generale, ne à Papa quidem convocatum, & ipsius Legatis præsentibus celebratum non posse errare, sed *errorem Concilii generalis, non posse à Papa confirmari*. Hoc autem ex eorum sententia æquè affirmari potest de Concilio Diocæsano, ut patet ex Bellarm. Lib. 2. de Concil. Cap. 5. aut iudicio unius alicujus Doctoris. Nam error privati Doctoris, aut Concilii Diocæsani non potest à Papa ex Cathedra definiente confirmari.

Secundò, ridicula admodum est hæc ipsorum assertio: *Concilia generalia à Papa confirmata errare non possunt*. Bellarm. Lib. 2. de Concil. Cap. 2. Istius enim assertionis hic est sensus: Concilia generalia postquam omnia sua decreta ediderunt (tunc demum enim à Papa confirmantur Concilii decreta) atque adeo postquam Concilia esse desierunt, non possunt in edendis decretis errare. Ab hac assertione Bellarmini non multum abludit Valentiani positio de modo quo providentia D E I adest Patribus in Concilio congregatis: *Dicam (inquit) equidem*  
*catenus*

*eatenus Concilii Patribus CHRISTVM  
sua providētia adesse, ut eorū doctrina atq;  
definitio per Pontificē confirmetur si vera  
fuerit, sin autē falsa per eundē corrigatur,*  
Tomo 3. Disp. 1. Quæst. 1. punct. 7. §. 45.  
Colum. 274. Quasi diceret: CHRISTVS  
sua providentia adest Patribus Concilii non  
quidem cum decernunt aut definiunt, sed  
postquam decreta sua ediderunt, & Papæ ob-  
tulerunt: item CHRISTVS non aliter  
adest Conciliis generalibus quam privatis  
Doctoribus, imò ipsis hæresiarchis: nam Do-  
ctoribus quibuscunque, imò ipsis hæresiar-  
chis ita adest (ex Pontificiorum sententia)  
ut eorū doctrina à Pōtifice cōfirmetur si ve-  
ra sit, sin autem falsa per eundem corrigatur.

3. Tertiò, non minus ridicula & absurda est  
hæc assertio: *Concilia generalia errare  
non possunt, quando Patres in definiendo  
Papæ instructionem sequuntur.* Bellarm.  
Lib. 2. de Conciliis, Cap. 11. Suarez, Tract.  
de Fide, Disp. 5. Sect. 7. §. 10. Valentia, to-  
mo 3. Disput. 1. Quæst. 1. punct. 7. §. 45.  
colum. 273. Dico hanc assertionem esse ridi-  
culam, quia isto modo quodlibet Concilium  
Provinciale, quilibet Doctor aut Pastor, imò  
quilibet futor aut sartor infallibilis erit: nimirum  
si sequatur Papæ instructionem seu ju-  
dicialem

judicalem decisionē, quæ ut illi docent infallibilis est. Dico etiam eam esse absurdā et apertè falsam, quia ex ea apertè sequitur Patres in Concilio, non esse *judices*, sed *Papæ consiliarios* tantum. Quomodo enim possunt illi judices haberi, qui in definiendo non propriam, sed alienam, id est, Papæ sententiam sequi tenentur. Absurdum autem est Patres in Concilio non esse judices, sed Consiliarios tantum ut ipsi fatentur, videlicet, Bellarm. Lib. 1. de Concil. Cap. 18. Canus Lib. 5. de locis Theologicis, Cap. 5. quæst. 2. Valentia, Tom. 3. Disp. 1. quæst. 1. punct. 7. §. 45. Col. 274. et alii.

Respondet aliquis Episcopi in Concilio possunt quidem sequi definitionem aut instructionem Papæ: ac non tenentur hoc facere nec peccant si Papæ judicio se opponant. Hoc disertè asserit Bellarm. Lib. 2. de Concil. Cap. 11. §. Quartò potest. Nam (inquit) non tenentur Episcopi in Concilio sequi illam Papæ instructionem, alioqui non essent judices, nec essent libera suffragia. At hæc responsio evertit ipsorum doctrinam de judiciaria infallibilitate Papæ: si enim sententia Papæ cum totam Ecclesiam docet in his quæ ad fidem pertinent, ut loquitur Bellarm. Lib. 4. de Pontif. Cap. 4.



Cap. 3. in initio, si inquam ea infallibilis est, si pro ipsius Sancti Spiritus voce habenda est, si denique ipsius Vicarii CHRISTI definitio aut determinatio est, proculdubio eam rejicere aut non amplecti insignis audacie imò insolentissimæ insanix est. Præterea, illa Papæ instructio aut definitio vel fallibilis, vel infallibilis est; Si fallibilis est, Episcopi in Concilio errare possunt, quamvis eam sequantur, & sic falsa erit Adversariorum assertio in propositione proposita. Si infallibilis est, cur non tenentur Episcopi eam sequi, præsertim cum eorum sententia ex se, & ante Papæ confirmationem infallibilis non sit? quis enim negaverit, hoc æquum esse & refectioni consentaneum, *ut illi qui in definiendo gravissimè errare possunt, ejus judicio se subjiciant qui ab omni errore immunis est.*

5. Merito igitur hîc miramur, quod Iohannes de Turrecremata qui infallibilitatē de rebus fidei non in Ecclesia sive Concilio Generali, sed in Papa constituit, tam ingenuè fateatur Lib. 2. Summæ Cap. 64. *potius standum esse judicio totius Concilii, quam judicio Rom. Pontificis, quando contingit Patres in materia fidei à Papa vel ejus Legato dissentire.* Huic astipulatur Andradus

dius, in Defens. Fidei Tridentinæ, lib. I. pag. 86. At si Papæ judicium de rebus fidei sit longè certius eorum judicio, quia videlicet infallibile est, præferre eorum judicium judicio Papæ non error, sed furor est.

~~~~~

CAPUT VII.

Duæ aliæ Pontificiorum assertiones de Conciliorum infallibilitate exami-  
nantur & confutantur.



VARTO, ridiculè etiam dicunt  
Ecclesiam in singulis mediis  
quibus utitur ad dubii dog-  
matis determinationem, non  
habere infallibilem & pecu-  
liarem Sancti Spiritus as-  
sistentiam; ac nihilominus  
in conclusione fidei semper esse certissimam  
& infallibilem. Item doctrinam Ecclesiæ es-  
se in mediis *discursum*, in ipsa autem con-  
clusionem esse *Propheticam & Divinam*: ita  
Stapler. relect. contr. 4. quæst. 2. in ex-  
plicatione articuli, notabili 2. 3. & 4. Cui  
etiam astipulatur Valentia, Tomo 3. Disp. 1.

punct. 1. §. 5. in explicatione secunda difficultatis.

Stapletonum hinc pugnancia dicere asserit  
2. & probat Rivetus noster in Isagoge ad Sacram Scripturam, Cap. 20. §. 8. Argumentari ( inquit ) & uti discursu ad conclusionem eliciendam, & tamen non elicere conclusionem per argumentationem, sed eam aliundè expectare, est velle argumentari, & nolle argumentari. Et planè inutilis est, & nugatorius discursus, ex quo nulla expectatur conclusio, nec umquam fando auditum est media posse esse discursiva, & conclusionem quæ ex dispositione medii sequitur, à discursu non pendere. Si propositio aliqua immediatè inspiretur sine discursu quæ sit Prophetica & Divina, certè non erit conclusio, sed axioma, aut oraculum. Pugnat igitur ut diximus, immò est repugnantia in adjecto, dicere doctrinam quæ per conclusionem ex mediis sequitur non esse discursivam.

3. Idem etiam ibidem, §. 9. Bellarminum et decretum Universitatis Parisiensis Stapleto opponit. Bellarm. ( inquit ) de Concilio Lib. 2. Cap. 12. etsi multum tribuat conclusionibus Conciliorum à Papa approbatis, concedit tamen, in Conciliis ex Verbo. DEL



per ratiocinationē deduci cōclusiones, i. non esse Propheticas, item decreta Cōciliorum & Pontificum de fide pertinere ad fidem, *non quoad verba, sed quoad sensum solummodo*: nec esse hæreticum dicere, in Canonibus Conciliorum, aliquod verbum esse supervacuum, aut non rectè positum: cum contra in Prophetis & Apostolicis scriptis, non solum sententiæ, sed etiam verba omnia & singula ad fidem pertineant. Ita non convenit inter fratres istas Cadmeos. Ille vult conclusiones omnes & Canones Conciliorum sine exceptione verborum, continere doctrinam Propheticam & Divinam. Hic verò fatetur divinas & Propheticas literas, à Canonibus Conciliorum, & Pontificum Decretis multum discrepare. Hic vult sensum Canonum illorum aut Decretorum per discursum ex mediis ita colligi, ut conclusio ex præmissis sequatur. Ille contra, doctrinam illam non esse discursivam, & mediorum in conclusione rationem non haberi, & eam esse causam, cur in Decretis Conciliorum argumentorum mentio non fiat: hæc cum antea scripsissemus, postea, cum huc usque progressus esset Typographus, allatum est nobis

Lutetia Parisiorum Decretum Vniuersitatis, emissum tertio Decembris 1626. quo improbat, & publicè damnatur tanquam à veritate aliena THESIS ad disputandum proposita per Ioannem Testefort Dominicanum, his verbis concepta; *Dices meriò Sacram Scripturam esse eam quæ continetur partim in Bibliis Sacris, partim in Epistolis decretalibus Pontificum Maximorum, quatenus explicant Scripturam Sanctam.* Quæ thesis ad Staplet. sententiam accedit, & à Bellarmino discedit. Viderunt tamen Vniuersitatis Rector, Decani, &c. tali conclusione, Sacræ Scripturæ adæquari Bullam BONIFACII VIII. in qua scèdè abutitur quibusdam Scripturæ locis, ut se evehat supra id omne quod dicitur DEVS, & similes aliorum Pontificum decretales addi Scripturarum canoni; quam blasphemiam etsi ferre non potuerint, suos tamen habuit fautores, inter Ecclesiasticos, quorum arte factum est, ut os occluderetur renitentibus. Hactenus Riverus.

4. Præterea hujus doctrinæ absurditas patet ex iis quæ à Suarezio dicuntur de distinctione Prophetiæ à fide, Disput. 8. de Fide, Sect. 5. §. 4. *Quare (inquit) non quilibet actus fidei ad Prophetiam spectat, sed actus*

*actus Prophetiae addit peculiarem modum, videlicet ut fundetur in revelatione immediate facta ipsi Prophetae per DEVM vel Angelum.* At DEVS non immediate revelat dogmata fidei Episcopis in Concilio, aut Pontifici ex Cathedra definienti; sed per Spiritus sui assistentiam, efficit ut ex iis quæ in Sacris Scripturis revelata sunt, conclusiones fidei ad determinandas controversias deducant & colligant. Ergo, eorum determinatio seu definitio non est Prophetica. Paret assumptum ex communi Adversariorum confessione. Nam Concilia & Pontificem non habere aut scribere immediatas revelationes, docent Bellarm. Lib. 4. de Verbo, Cap. 9. §. 1. et Lib. 2. de Concil. Cap. 12. §. Dicuntur igitur: Canus, Lib. 2. de Locis, Cap. 7. §. *Qua in re*, pag. 39. Alphonsus à Castro, Lib. 1. adversus Hæreses, Cap. 8. Waldensis, Lib. 2. doctrin. fidei, Cap. 22. & 23. Valentia, Tomo 3. Disp. 1. Quæst. 1. punct. 6. Becanus, Tract. de Fide, Cap. 2. Quæst. 5. §. 4. Qui plura de absurdissimo hoc Stapletoni errore videre cupit, consulat Authorem eruditissimæ & accuratæ istius responsionis ad Fischeri Jesuitæ relationem de tertio suo Colloquio.

Quintò, dicunt authoritatem Sacrarum 5.



Scripturarum, & decretorum Ecclesiasticorum esse ejusdem naturæ & non differre essentialiter: nam licet istarū ita etiam horum auctoritatem dicunt esse *divinam per assistentiam, divinam per participationem, & humanam divinitus inspiratam*. Bellarm. Lib. 3. de Verbo, Cap. 10. Respons. ad argum. 15. Gretf. in Tract. de agnoscendis Scripturis, Cap. 7. Col. 1908. Valent. Tomo 3. Disp. 1. quæst. 1. punct. 7. §. 2. et 3. Arramen primò, *simpliciter & sine ulla adjectione*, dicunt Scripturæ testimonium esse *divinum*, item esse *DEI Verbum*: Ecclesiæ verò testimonium, dicunt esse *aliquo tantum modo DEI Verbum*. Bellarm. loco jam citato. Item esse *suo modo divinum*. Staplet. controuv. 4. quæst. 3. artic. 1. Secundò, dicunt *Verbum DEI ministratum per Prophetas & Apostolos esse fundamentum primum fidei, testimonium verò Ecclesiæ esse tantum fundamentum secundarium*. Bellarm. Lib. 3. de Verbo, Cap. 10. Resp. ad argum. 13. Tertiò, quamvis putent Ecclesiæ definitionem esse humanam divinitus inspiratam, & ad quoddam genus Prophetiæ pertinere quatenus controversiarum definitio, *DEI afflatu veritas*.

Veritatem infallibiliter testatur; nihilominus ingenuè fatentur, Ecclesiæ definitiones non esse Scripturis auctoritate pares, & Libros qui Decretales Pontificum Epistolas & Conciliorum decreta continent, non esse Sacris & Canonicis Scripturis, annumerandos.

Certè hæc non benè coherent, sed apertè sibi invicem repugnant. Si enim Ecclesiæ decreta sunt infallibilia, sique ad genus quoddam Prophetiæ pertinent (quo nihil præclarius de ipsis Scripturis dici potest) non video cur dicendum sit, Ecclesiæ testimonium tantum esse *suo modo divinū, aut esse aliquo modo Verbum DEI*, cum nemo de Sacris Scripturis ita loqui soleat: non item video, cur negandum sit Conciliorum & Pontificum decreta Sacris Literis annumeranda esse. Novi equidem vestros Theologos, inter Scripta Canonica, et Conciliorum ac Pontificum Decreta, quasdam differentias agnoscere. Sed primò, illæ extrinsecæ et accidentales sunt; non igitur impediunt quo minus definitio Ecclesiastica Scripturæ exæquetur, præsertim cum utriusque eadem sit auctoritas *essentialiter*. Secundò, Inter ipsas Scripturas Canonicas ejusmodi differentie observari possunt; quod sane facile ostenderem, si his immorari liceret. Atque

Q 6

hinc

Hinc est quod Valentia, tomo 3. disp. 1. q. 1. p. 7. §. 43. tam jenuñe et frigide de his differentiis loquatur: dicit enim, *si ad utriusque authoritatis quendam quasi modum respiciamus, majoris cujusdam dignitatis esse Scripturae authoritatem.* Item habet (inquit) *ille modus Scriptoris canonici nescio quid majoris divinitatis.* Hinc est quod Ioannes Testefort Dominicanus (cujus audax assertio à Parisiensibus condemnata est, ANNO 1626.) dixerit *Sacram Scripturam contineri partim in Sacris Bibliis, partim in Epistolis Decretalibus Pontificum Maximorum.* Hinc denique est, quod quidam Theologus Pontificius vir apprimè doctus qui (teste MELCHIORE CANO, Lib. 5. Cap. 5. Quæst. 3.) tantos habebat in Theologia progressus ut cum excellentibus Theologis compararetur, non veritus sit præsentem MELCHIORE CANO dicere definitiones Conciliorum ad Sacram Scripturam pertinere.



## CAPUT VIII.

Pontificios plerosq;, & nominatim Iesu-  
suitas, minus honorificè sentire de  
authoritate Ecclesiæ Catholicæ, &  
Conciliorum Oecumenicorū quam  
Evangelicos.



Propter hoc primò, quia Evan-  
gelici pluris æstimant au-  
thoritatem Ecclesiæ Catho-  
licæ propriè et principaliter  
acceptæ [pro toto cœtu  
Christianorum qui à pri-  
ma Evangelij prædicatione  
usque ad hunc diem fidem Christianam pro-  
fessi sunt] quam authoritatem Ecclesiæ præ-  
sentis, id est, in terris nunc degentis, quæ  
tantum pars quædam est Ecclesiæ Catholi-  
cæ propriè et principaliter sic dictæ. Præci-  
puum enim fundamentum quo fidei nostræ  
certitudo nritur, post Sacræ Scripturæ Divi-  
nam et Canonicam authoritatem, est perpe-  
tua totius Ecclesiæ traditio, seu consensus  
omnium orthodoxorum, qui aut superiori-  
bus

bus sæculis exstiterunt, aut etiam hodie exi-  
stunt; juxta celebrem illam regulam Vincen-  
tii Lyrinensis, lib. contra Hæreses, cap. 3.  
*In ipsa item Catholica Ecclesia magnope-  
re curandum est ut id teneamus, quod  
ubique quod semper, quod ab omnibus cre-  
ditum est: hoc est, etenim verè propriè  
Catholicum, etc.*

At Iesuitę pluris æstimant authoritatem  
Ecclesię præsentis, quæ ut supra monui tan-  
tum pars est Ecclesię Catholicę propriè sic  
dictę. Dicunt enim omnem certitudinem  
quam habent de doctrina aut fide eorum qui  
superioribus sæculis exstiterunt, simpliciter et  
absolutè pendere ab infallibili testificatione  
præsentis Ecclesię: et proinde primas partes  
in stabilienda fide tribuunt testimonio præ-  
sentis Ecclesię. Nam in id tanquam in ulti-  
mam et supremam fidei regulam resolvunt  
omnem certitudinem quam habent de per-  
petua Ecclesię traditione. Pater hoc quia  
profiterentur neminem certò scire posse, aut  
quid antiqui Patres crediderint, aut quęnam  
dogmata à Conciliis Generalibus et legiti-  
mis definita sint, nisi ex testimonio præsentis  
Ecclesię: et proinde nolunt doctrinam præ-  
sentis Ecclesię, exigì aut examinari à fide-  
libus ad perpetuam Ecclesię traditionem, sed

contra ex præsentis Ecclesiæ testimonio iudicandum esse de perpetua Ecclesiæ traditione. Vnde BELLARM. lib. 3. de Eccles. cap. 10. §. Ad hac necesse est, de præsenti Ecclesia loquens dicit, *Scripturas, Traditiones, & omnia planè dogmata, pendere ex ejus testimonio*: & lib. 2. de Sacram. cap. 25. *Præterea (inquit) omnium Conciliorum veterum, & omnium dogmatum firmitas pendet ab authoritate præsentis Ecclesiæ: non enim habemus testimonium infallibile, quod Concilia illa fuerint, & legitima fuerint, & hoc aut illud definierint, nisi quia Ecclesia quæ nunc est, & errare non potest, ita sentit & docet. Patet similiter ex eo quod de traditionibus docent Valentia, tom. 3. disp. 1. q. 1. p. 7. §. 12. Gretl. tract. de agnoscendis Script. Canonicis, col. 1888. & alii; videlicet, earum & authoritatem & sensum, non posse nobis sufficienter innotescere nisi per infallibilem præsentis Ecclesiæ testificationem.*

Ex his patet quam absurda & ridicula sit fidei Pontificiæ resolutio. Credunt enim Pontificii, Ecclesiæ suæ doctrinam esse verè Catholicam quia S. Script. sententiis, Conciliorum Decretis, & scriptis Patrum in omnibus



bus consona est & conformis. Esse autem iis consonam credunt propter varia testimonia ex S. Scriptura, Patrum scriptis, & Conciliorum decretis deprompta, quæ doctrinæ Pontificiæ favere videntur. Hæc autem testimonia, nō in speciem tantum, sed revera iis favere credunt, non quia ex contextu verborum, ex proprietate linguæ, ex scopo Authorum, aut ex aliorum locorum collatione ipsi hoc percipiunt (hoc enim esset ut illi aiunt privato spiritui fidere, & privatis hominibus iudicium de veritate doctrinæ committere) sed quia præsens Ecclesia Romana hoc dicit, docet, & profitetur; ergo a primo ad ultimum credunt Ecclesiæ suæ doctrinam, esse verè Catholicam & Apostolicam, quia ipsa dicit, eam esse talem.

4. Secundo, Evangelici totam præsentem Ecclesiam per terrarum orbem diffusam præferunt cuilibet parti aut membro ejusdem Ecclesiæ, & proinde eam anteponunt Ecclesiæ Romanæ. Nam in controversiis fidei non multi faciunt iudicium hujus aut illius Ecclesiæ particularis. At plurimum tribuunt iudicio totius Ecclesiæ præsentis, id est, consensui omnium fidelium: juxta præscriptum Vincentii Lyrinensis, loco citato: *Sequemur* (inquit) *universitatem hoc modo, si hanc*  
*unam*

nam fidem veram esse fateamur quam tota per orbem terrarum confitetur Ecclesia. Iesuitæ verò solius Ecclesiæ Romanæ, & Papæ judicium in rebus fidei sequuntur: aliarum verò Ecclesiarum (quæ sanè plurimæ & amplissimæ sunt in ÆTHIOPIA, ASIA, GRÆCIA, RUSSIA, et Septentrionalibus EUROPE partibus) sententiam de rebus fidei nihil morantur: et ut cum ratione insanire videantur ab inferis revocarunt et interpolarunt Donatistarum errorem, aut potius furorem, qui dicebant Ecclesiam CHRISTI, apud se solos in AFRICA esse. Sic enim Pontificii jus omne Vniversitatis ad se traxerunt, et Ecclesiæ Catholicæ appellationem sibi propriam fecerunt, reliquas omnes Ecclesias quæ ulla in re à se dissentiant ad Catholicam Ecclesiam non pertinere audacter affirmantes.

Tertiò, Evangelici Concilia antiqua (quæ dogmata fidei contra hæreticos ex Scripturis et ex sensu antiquæ nondumque corruptæ Ecclesiæ stabilierunt, quorumque decreta tanquam pia, sana, et orthodoxa ab universa Ecclesia semper approbata sunt) tanti faciunt, ut eos pro Hæreticis habeant, qui serio & obfirmato animo contra eorum definitiones de rebus fidei insurgunt; utque illorum auctoritatem nullo modo præsentis Ecclesiæ iudicio subi-

subjiciant, sed contra doctrinam præsentis Ecclesiæ ad ea exigendâ et examinandam esse sentiant. At Pontificii nolunt doctrinam præsentis Ecclesiæ ad ea examinari sed contra subjiciunt authoritatem veterum Conciliorum Iudicio præsentis Ecclesiæ dicuntq; eorum firmitatem pendere ab authoritate præsentis Ecclesiæ, & speciatim præsentis Pontificis Romani, ut patet ex ipsorum testimoniis supra a me citatis § 2.

6. Quartò, Evangelici docent Concilium generale et legitimum Ecclesiam Catholicâ representans, in se & seclusa Papæ approbatione, esse supremum in terris controversiarum Iudicem *proprie sic dictum*, ejusque *censura decisionibus & decretis*, omnes fideles *cujuscunq; status aut dignitatis et si papalis existant*, (ut Constantiensis et Basileensis Conciliorum phrasi utar) *neccessariò subjici adeoq; se submittere debere*. Dico autem Concilium esse in terris supremum Iudicem *proprie sic dictum*, quia Scriptura Sacra ejus sententia de rebus fidei simpliciter et absolute suprema est, et ad quam Conciliorum decreta examinanda sunt, *proprie non est Iudex sed Regula vel jus scriptum* (ut recte observant Chamierus tom. 1. lib. 1. cap. 13.



Rivetius in summa controvers. tom. 1. tract. 1. q. 8. §. 16. Meisnerus parte tertia Philosophiæ sobriæ, cap. 4. quæst. 6. etc. ) nostrique Theologi dum cōtra Pontificios contendunt Scripturam esse supremum controversiarum judicem, nihil aliud volunt quam eam esse *supremi judicis, id est, DEI sententiam de rebus fidei*, secundum quam tanquam perfectam regulam tum fidei, tum morum, et judices Ecclesiastici judicare, et inferiores seu privati, eorundem judicia vel decreta examinare debent. Si enim Adversarii hoc nobis concederent (ut sanè concedere debent) non amplius in Ecclesia audiretur illa controversia de controversiarum judice.

At contra Iesuitæ docent supremam potestatem judicandi de rebus fidei non esse in Concilio Generali Ecclesiam Catholicam representante, sed in Papa, qui Ecclesiæ membrum est. Item Papam *simpliciter & absolute esse supra Ecclesiam universam, & supra Concilium Generale, ita ut nullum in terris supra se iudicium agnoscat*. Item eum nō posse se subicere sententiæ coactivæ Concilii Generalis: vide Bell. lib. 2. de Concil. cap. 17. et 18. Valent. tom. 3. disp. 1. q. 1. p. 7. §. 45. Suarezium disp. 5. de Fide, sect. 7. §. 11. et disp. 10. sect. 6. §. 10.

8. Quintò, quia plenam et absolutam fidei certitudinem de Conciliorum infallibilitate non habemus, ideo Conciliorum decreta ad Scripturam sacram tanquam ad *supremam seu principalem fidei regulam*, et ad antiquioris Ecclesiæ doctrinam, tanquam ad *regulam inferiorem seu secundariam* examinare solemus. Quam in re Iesuitæ nobis quodamtenus consentiunt. Nobiscum enim dicunt Conciliorum decreta ex se non esse certa et infallibilia: item ea indigere externa aliqua authoritate, ut de eorum veritate infallibiliter constet. Tota dissensio in eo est posita, quod illi ex unius particularis hominis, id est, Papæ testimonio, nos verò ex DEI solius in Scriptura loquentis testimonio, de veritate decretorum Synodicorum primariò et principaliter constare posse dicamus. Item quod illi Conciliorum decreta Papæ iudicio, nos verò ea DEI Verbo, tanquam supremæ regulæ fidei subjiciamus. Denique quod illi voci Matris suæ, id est, Ecclesiæ Catholicæ, præferant vocem Papæ, qui filius aut membrum Ecclesiæ est; nos verò voci Matris nostræ, nihil omnino anteferramus, præter Verbum Patris nostri, id est, Scripturam Sacram.

C A P V T IX.

De Pontificiorum arrogantia in labefactanda Conciliorum antiquissimorum & celeberrimorum autoritate.



**D**E Pontificiorum audacia in spernendis et rejiciendis iis Conciliorum generalium decretis, quæ ipsis displicent, insignis est confessio Lodovici Vivis, in Scoliis in 2<sup>o</sup>. lib. AUGUSTINI, de Civitate DEI, Cap. 26. *Itaque* (inquit) *illa demum eis videntur edicta & Concilia quæ in rem suam faciunt, reliqua non plus æstimant quam conventû muliercularum in tetrina vel thermis.*

Præterea non desunt, mi Turnebulle, clara et illustria indicia seu argumenta vestræ audaciæ in rejiciendis et spernendis Conciliorum etiam generalium et legitimorum decretis: ego ex multis pauca in medium afferam. In Concilio Cōstantinopolitano primo (quod fuit secundum Concilium generale) statuitur, ut Cāstantinopolitanz civitatis Episcopus, habeat



habeat primatus honorem post Rom. Episcopum, propterea quod Constantinopolis sit nova Roma. Vnde sequitur causam cur Rom. Episcopus primatum habeat ante reliquos Patriarchas esse, quod antiqua Roma sedes esset imperii. De hoc Canone dicit Binius in notis super idem Concilium, *Hunc canonem ab Ecclesia Rom. minimè receptum fuisse constat.* De eodem dicit BARONIUS ANNO 381. numero 35. *Hic canon inter acta Concilii furtivè relatus est.* In Concilio Chalcedonensi, act. 15. exstat Canon qui asserit primò, Rom. Eccles. non à CHRISTO, sed à *Patribus* accepisse primatum. Secundò, rationem hujus Primatus non esse quod Papa sit Vicarius CHRISTI, aut Successor PETRI, sed quia Roma fuit sedes Imperii. Tertiò, Episcopum novæ Romæ, id est, Constantinopoleos, ita debere esse secundum à Romano Pontifice, ut tamen habeat *aqualia cum eo privilegia.* Hunc Canonem Binius, Baronius, & alii, dicunt non esse à Concilio compositum, sed instigante ANALOLIO Episcopo Constantinop., Iudicibus & Papæ Legatis absentibus, ad Cōcilium clanculum & furtim additum. De sexta Synodo generali quæ Honorium Papam damnavit Hæreticum, dicunt *eam vel corruptam esse,*

vel per errorem Honorium damnasse. Bel-  
 larm. libro 4. de Pontif. cap. 11. §. *Ad*  
*tertium respondeo.* De septima Synodo  
 dicunt, *Patres istius Concilii deceptos fuisse*  
*ex sexta Synodo.* Bell. ibidem. In Conci-  
 lio generali quinisexto habetur hic Canon:  
*Quoniam intelleximus Romanam civita-*  
*tem in sanctis quadragesima diebus in*  
*ejus sabbatis jejunare prater traditam Ec-*  
*clesiae consuetudinem, sancta Synodo visum*  
*est ut in Romanorum Ecclesia Canon in-*  
*concussè vires habeat, &c.* De hoc Can. ita  
 loquitur Caranza in summa Concil. pag. 340.  
*Propter hunc Canonem aliqui Romani non*  
*recipiebant hanc Synodum tanquam uni-*  
*versalem.*

Digressio de Concilio Chalcedonensi, deque insigni  
 Adversariorum audacia in deprimenda il-  
 lius authoritate.

**Q**Uoniam Concilii Chalcedonensis præ-  
 cedenti paragrapho mentionem feci-  
 mus, ut omnes sciant quam apertè in  
 eo Concilio Rom. Pontif. suprematus dam-  
 natus sit, quamque superbè Pontificii hujus  
 Concilii authoritatem spernant, non alienum  
 à proposito existimavi, si, de actione 15. &

16. istius Concilii ea observarem quæ notatu maximè digna sunt.

- In actione 15. istius Concilii, Canone 28.
4. & in actione 16. tria præcipuè considerata sunt. Primò, id quod sanctissimi illi Episcopi dicunt aut narrant. Secundò, id quod statuunt seu decernunt. Tertiò, eorum concertatio cum Rom. Pont. Legatis. Primò igitur dicunt *Patres dedisse privilegia antiqua Romæ throno propter imperialem dignitatem civitatis illius*. Ex quo duo colligi possunt. Primò, Papæ primatum non esse à DEO aut CHRISTO, sed à Patribus, id est, ab Ecclesia, *Patres* (inquiunt) *dederunt privilegia antiqua Romæ throno*. Secundò, rationem hujus Primatus non esse, quod Papa sit Vicarius CHRISTI, aut Successor Petri, sed *διὰ τὸ βασιλευῖν τὴν πόλιν ἐκείνην*, seu *propter imperium civitatis illius*; ut vertit Garanza.

- Secundò, statuunt & decernunt ut Episcopus novæ Romæ, id est, Constantinop. ita sit à Rom. Pontif. secundus, *ut paria habeat privilegia & eandem majestatem in Ecclesiasticis negotiis*.

6. Tertiò, Legati Rom. Pontif. cum Canon ille conderetur interesse noluerunt, sed sese de industria è Concilio subdlexerunt: postero quide m



quidem die adfuerunt, et huic decreto inter-  
 cesserunt, Papæ causam strenuè agentes. Sed  
 nihil profecerunt; quamvis enim coram ju-  
 dicibus conquesti sunt, decretum hoc non esse  
 factum sine circumventionem & coactione,  
 quamvis etiam protulerunt commissionem  
 Papæ Leonis primi huic decreto reclaman-  
 tis, tamen efficere non potuerunt, quo minus  
 obtineret decretum. Illis enim dicentibus  
 Episcopos fuisse coactos subscribere, *Episco-  
 pi clamaverunt: Nemo coactus est.* Idē cum  
 contra eos sententia prolata esset à judicibus,  
 reverendissimi Episcopi, id est, omnes Patres  
 istius Concilii clamaverunt: *Hæc justa sen-  
 tentia, hoc omnes dicimus, hæc omnibus  
 placent: Quæ constituta sunt valeant: Om-  
 nia rectè decreta sunt.*

Ad hoc argumentum tribus ferè modis  
 respondere solent Adversarii. Primò, Gretf.  
 in Defens. præfat. Bell. in lib. de summo Pon-  
 tif, dicit Græcos Patres in Chalced. Synod.  
 nihil aliud fecisse, *quam quod Papa socium  
 primatus dederunt: quo (inquit) aperte  
 præ se tulerunt se non aversari primatum,  
 sed optare ut eo etiam Constantinop. Epif-  
 copus potiatur.* Hæc responsio absurdissi-  
 ma est. Nam dare alicui socium Primatus, est

Primatum ejus Monarchicum penitus tollere. Monarchica potestas nullum admittit parem: ubi enim plures imperant potestate pares, illic non Monarchia, sed Polyarchia viget.

8. Secundo, Fidelis Annosus, lib. 2. Monarchiæ Eccles. cap. 6. §. 28. dicit Concilium Chalcedonense, nihil dicere vel statuere quod Monarchiæ Romanæ deroget: *Imprimis* (inquit) *non dicit primatum Rom. Pontificis institutū fuisse à Patribus: non enim dicit quod Patres concesserunt privilegia Rom. Pontifici, sed urbi Romæ. Romano enim Pontifici, nihil potestatis vel Patres, vel Concilia contulerunt.* Secundo, *Cum statuunt* (inquit) *ut nova Roma paria privilegia habeat cum Roma veteri, nihil aliud intelligūt, quam Patriarchatū, ut nimirū ipsius Episcopus Patriarcha sit sicut Romanus, &c.* Hunc respondendi modum amplecti videtur Suarez, disp. 10. de Fide, sect. 2. §. 9. Hæc responsio Annosi ridicula, absurda, & veritati apertissimè contraria est. Primo enim, Legati Pontificis publicè in Synodo profitentur *Romanam sedem* per hunc Canonem *humiliari* seu *deprimi*, & insigni *injuria* affici. Verba eorum hæc sunt: *Sedes*

*Apostol*

*Apostolica nobis presentibus humiliari non debet: item, contradictio nostra his gestis inhereat, ut noverimus quid Apostolico viro universalis Ecclesia Papa referre debeamus, ut ipse, de sedis sue injuria, ut de Canonis everfione ferre possit sententiam.* Secundò, doctissimi scriptores Pontifici fatentur hunc Canonem derogare Romanæ Monarchiæ, videlicet, Bell. lib. 2. de Pontif. Cap. 17. §. *Quid quod*, et §. *Alterum quod*. Binius in notis in Concilium Chalcedonense, ad illa verba, *Sanctorum Patrum decreta*. Baronius ad annum 451. §. 141. Tertiò, impudentissime mentitur An- nosus, cum affirmat Concil. Chalced. non dicere quod Patres concesserunt privilegia Rom. Pontif. sed tantum urbi Romæ: aperte enim dicit Concilium actione 15. Canone 28. & rursus, actione 16. *Patres dedisse privilegia primatus*, τῶ Ἱερῶν τῆς πρεσβυ- τερίας ἐκ μὲν; id est, Cathedræ Episcopali seu sedi veteris Romæ.

Tertiò, Bell. Baronius, Binius, et Becanus aliter respondent: fatentur enim hunc Canonem Romanæ Monarchiæ derogare, ut jam dictum est, negant tamen argumentum nostrum ab hoc Canone petatum esse validū.



Bell. enim lib. 2. de Pontif. Cap. 17. dicit decretum illud *magni quidem esse Concilii, sed non legitime factum*, & proinde nullius esse roboris vel authoritatis. Hanc Bellarm. responsionem tuerur ac approbat Gretserus in Defensione istius Cap. Binius verò in notis in Concil. Chalced. act. 15. et 16. Baronius ad annū 451. §. 134. et 135. et Becanus in Apologia pro iudice controversiarum, Cap. 3. §. 86. dicunt hunc Canonem non esse ab ipso Concilio compositum, sed clanculum et furtim ab Orientalibus Episcopis, instigante Anatolio Cōstantinopolitano, decretis Concilii additum esse, idque absentibus iudicibus et Legatis Romani Pontificis.

10. Hæc responsio nulli docto aut prudenti viro satisfaciet. Primò enim quam splendide mentiantur hic Adversarii facile est percipere ex verbis Aetii Archidiaconi Constantino-  
politani, quæ habentur in actione 16. istius Cōcilii, *Rogavimus (inquit) dominos Episcopos de Roma ut cōmunicarent iis gestis*, (id est, ut interesse dignarentur, cum Canon iste conderetur) *illi verò recusarunt dicentes se talia non suscepisse mandata* (nempe à Pontifice) *Retulimus & ad vestram magnificentiam* (iudices alloquuntur) *& iussis, ut præsens sanctum Concilium hoc*  
ipsum

*ipsum inspiceret; id est, ut controversiam illam de privilegiis sedis Constantinopolitanae determinaret: et infra, Adsunt hic Episcopi qui poposcerunt hanc actionem celebrari, neque in occulto gestum est, neque furtim sunt haec gesta, sed consequenter & canonicè facta.*

Hæc Aetii oratio quam publicè habuit 11.  
in magno illo Concilio, et cui neque iudices, neque Legati Rom. Pontif., nec ullus Episcoporum qui aderant contradixerunt; hæc (inquam) oratio omnes Adversariorum criminationes diluit. Primò, enim ex ea patet Legatos Rom. Pontif., sponte discessisse, idque invitis Patribus qui obnixè eos rogarunt ut gestis adessent. Secundò, Concilium controversiam illam de privilegiis sedis Constantinop. non sine autoritate iudicum determinasse. Tertiò, totam illam actionem *consequenter & canonicè celebratam esse.*

Secundo, quamvis verum esset quod Adversarii dicunt, viz. hunc Canonem clanculum et furtim primò editum esse, non tamen negare possunt, controversiam hanc denuò, coram iudicibus, idque præsentibus Rom. Pontif. Legatis, agitaram esse, et legatorum Romanorum objectionibus eventilatis, ac à toto Concilio rejectis, prædictum Canonem ab  
12.  
omn

omnibus Episcopis in Concilio illo congregatis approbatum et confirmatum esse, ut patet ex iis quæ supra dicta sunt.

13. Tertiò, ex hac Adversariorum responsione multa colligi possunt, quæ observatione dignissima sunt; Primò, Adversarios, quamvis profiteantur se *quatuor Concilia Oecumenica tanquam quatuor Evangelia venerari*, revera tamen eorum decretis nihil tribuere, cum doctrinæ aut sententiæ ipsorum adversantur.

14. Secundò, 630. Patres in hoc Concilio Oecumen. congregatos nobiscum sensisse Rom. Pontif. primatum non nisi jure divino, sed Ecclesiastico, et proinde eum non esse à DEO constitutum CHRISTI Vicarium in terris; item ejus primatum non esse jurisdictionis aut potestatis, sed ordinis tantum. Constantinopolitanum enim Patriarcham paria seu eadem cum eo habere privilegia, expressè definiverunt; quod sanè verum non esset si Papa jurisdictionem haberet in Episcopum Constantinop.; hoc est, si Episc. Constantinop. ei tanquam principi, subditus esset. Denique rationem primatus illius quem habet Papa, non esse quod Papa sit Successor PETRI in Monarchia Ecclesiastica, sed quod Roma olim fuerit sedes Imperii.

Tert



Tertio, eos nobiscum sensisse decreta Conciliorum vim habere posse quamvis à Romano Pontif. non approbarentur. Si enim putassent decreta Conciliorum nullius esse roboris aut auctoritatis nisi à Romano Pontif. confirmarentur, proculdubio audita sententia legatorum huic Canoni se opponentium, et ipsius Papæ per mandatum suum (quod publicè in Concilio lectum est) ei reclamantis, decretum illud statim abrogassent, et incepto destitissent.

Hinc patet quomodo respondendum sit Pontificiis objicientibus decretum illud non esse à Papa approbatum et proinde nullius esse roboris aut auctoritatis. Neganda enim est consequentia, et negationis nostræ ratio petenda est a praxi istorum 630. Patrum, qui senserunt decretum suum de paritate aut æqualitate Patriarchæ Constantinop. cum Rom. Pontif., posse vim legis Ecclesiasticæ obtinere, etiam invito et reclamante Pontifice.


Denique ex hac Adversariorum sententia sequetur sanctissimos illos Patres graviter in fide errasse, et unum ex primariis fidei articulis funditus evertisse; idque quia non solum negarunt Rom. Pontif. primatum suum habere ex jure divino, aut ex PETRI successionem, sed etiam Monarchiam ipsius penitus sustulere, ex æquo ei Episcopum Constantinop.

tinopolitanum. Quam gravis autem sit hic error ex Adversariorum sententia, patet ex Bell. verbis in præfat. in libros de summo Pontifice, ubi sic disserit, *Etenim* (inquit) *de qua re agitur cum de primatu Pontificis agitur? brevissimè dicam: de summa rei Christiana. Id enim quaritur debeátne Ecclesia diutius consistere, an verò dissolvi & concidere?*

18. Hanc meam illationem neque negare possunt Adversarii, neque eam admittere audent. Non possunt negare, quia ex Adversariorum sententia, dogma de Monarchia Papæ divinitus instituta, est primarium et principale Christianæ fidei dogma: sed Concilium generale dogma illud negavit seu sustulit. Ergo gravissimè in fide erravit.

19. At neque eam admittere audent, quia Leo Papa approbavit Concil. Chalced. *in fidei causa*, seu in iis quæ ad fidem pertinent, vide Baronium ad annum 451. §. 3. et 4. Bell. lib. 2. de Pontif. Cap. 22. et Binium in notis in Concil. Chalced. verbo *approbatum*. Ergo hoc Concilium in fide non erravit. Secundò, si Concilium hoc generale et legitimè erravit in fide, sequetur Concil. generalia et legitima in fide errare posse: quod sanè ridicule admodum cōcedit Bellarm. immemor sent

sententiæ suæ de infallibilitate Conciliorum  
quàm contra nos tuetur: *Respondeo* (inquit)  
*Concilium legitimum posse errare in his*  
*quæ non legitime agit*: lib. 2. de Concil.  
Cap. 7. Tertiò, quia si hoc Concilium tam  
perniciosè in fide errasset, Patres istius sæcu-  
li et Concilia post Chalcedonense Concilium  
celebrata, hunc errorem, immò hæresin (ex  
Adversariorum sententia) proculdubio nota-  
sent et damnassent.



## CAPVT X.

Papæ iudicium de quæstionibus fidei  
non esse infallibile, & Adversarios  
in explicanda infallibilitate iudicii  
Papalis non consentire inter se.



ic primò explicabo distin-  
ctiones aliquot, quibus  
Adversarii in hac disputa-  
tione utuntur. Secundò,  
varias et discrepantes Ad-  
versariorum sententias re-  
feram, de Papæ infallibili-  
tate in quæstionibus fidei. Tertiò, ostendam  
ipsos Adversarios (qui infallibilitatem iudi-  
cii non



cii non in Concilio, sed in Papa constituunt) fateri Papam judicialiter errare posse.

2. Quod ad primum attinet, distinguunt hîc Adversarii, primò, inter *errare*, & *hæreticū esse*. Nam *hæreticum esse* est aliquid majus quam *errare*: unde Gretserus in Defensione Cap. 6. lib. 4. de Pontif. *Aliud* (inquit) *est errare, aliud hæreticum esse, & pertinaciter in errore persistere*.

3. Secundò, distinguunt inter *errorem manifestum*, & *non manifestum*: error manifestus, est error contra exploratam Ecclesiæ fidem, ut loquitur Valentia, tomo 3. disput. 1. quæst. 1. punct. 7. §. 41. Col. 233. id est, contra communem et receptam totius Ecclesiæ doctrinam, aut etiam contra expressam ejus definitionem. Error non manifestus, est cum quis errat in quæstione aut controversia aliqua nondum definita ab Ecclesia, seu ut loquitur Valentia loco citato, cum quis errat in rebus alioqui omnino cōtroversis, hoc est, non satis expressè in Ecclesia definitis et determinatis.

4. Tertiò, distinguunt inter errorem *personalem* seu privatum, & *judicialem* seu publicum: unde Stapletonus controversia 3. q. 4. conclus. 1. *Romanum* (inquit) *Pontifi-*  
cem

sem errare in fide, potest dupliciter intelligi, primum quod ut persona particularis possit male sentire de fide, & esse hareticus: altero modo, quod erroneam & hereticam doctrinam possit publice sustinere & Ecclesiae decernendo tradere. Hac Stapletonus. Alii hanc distinctionem sic explicant, Pontifex personaliter, seu ut privata persona errat, quando non vult alios obligare ad recipiendam falsam suam assertionem, sed tantum privatim apud se, veram esse reputat: errat verò judicialiter quando publice & ex Cathedra pronunciat id quod falsum est verum esse, obligando alios ad id recipiendum tanquam verum.

Ad secundum quod attinet Pontificii illi qui infallibilitatem iudicii non in Concilio, sed in Papa constituunt, nequaquam inter se consentiunt. Primum enim quamvis omnes Pontificii, ut monet Bellarm. lib. 4. de Pontif. Cap. 2. in eo conveniant quod Papa personaliter & ex ignorantia errare possit, quidam tamē eorū negāt eum ullo modo posse esse hareticū, id est pertinaciter in errore persistere. Hanc sententiam Pighius defendentis coram lib. 4. Hierarchiae Ecclesiast. Cap. 8. b. Bellarm. dicit eam defendi posse ut probabilem et piā, lib. 4. de Pontif. cap. 6. An Sta-

plet. Controv. 3. q. 4. Conclus. 2. Canus lib. 6. de locis, Cap. 8. Respons. ad argum. 11. et multi alii eam rejiciunt, ut aperte falsam: immò ipse Bellarm. lib. prædicto. Cap. 11. Respons. ad arg. 4. fatetur tria Concilia generalia, videlicet 6. 7. & 8. credidisse Papam posse esse hæreticum, seu personaliter errare posse, hæresin profitendo.

6. Secundo, alii dicunt Papam ut privata persona est, tam in fide esse defectibilem, quam in moribus peccabilem, atque adeo posse esse hæreticum; sed ut publica persona est, id est, quando de fide consultus, ex officio respondet & decernit, non posse tradere hæreticum aliquod dogma. Ita loquitur Staplet. Controv. 3. q. 4. Conclus. 2. cui astipulantur ANGLO-RHEMENSES, in Lvc. 22. 31. et Hartus, in Colloq. cum Rainoldo, Cap. 7. sect. 3. dicentes Papam errare non posse cum sententiam pronunciat in suis Consistoriis, Curiis, Cōciliis, deliberationibus aut consultationibus initis pro decidendis illis controversiis quæ ei proponuntur. Hic modus explicandi Papæ infallibilitatem vix satisfactus ipsis Adversariis videtur. Vnde quidam ex illis non affirmant absolutè & sine ulla limitatione Papam quandocunque de fide consultus ex officio respondet & controversiam



siam judicialiter definit errare non posse: sed hanc limitationem expressè addunt, *cum totam Ecclesiam docet, & ad sententiam suam recipiendam obligare vult universam Ecclesiam*; quib<sup>9</sup> verbis aperte innuunt Papam etiam judicialiter, id est in decidendis controversiis errare posse quando non totam Ecclesiam, sed aliquam ejus partem docet. Ita docent Bellarm. lib. 4. de Pontif. Cap. 3. §. 1. Suarez. tract. de Fide, disp. 5. sect. 8. §. 4. et Valent. tom. 3. disp. 1. q. 1. p. 7. §. 40. Col. 226. & 227.

Tertio igitur Bellarm. Valent. Suarez, et alii dicunt, Papam errare non posse, *quando totam Ecclesiam docet, & ut Suarez loco citato loquitur, quando aliquid authenticè proponit universæ Ecclesiæ tanquam de fide divina credendum*. At neque hic modus explicandi satis tutus est. Primò, quia antiqui Patres putarunt Papam posse errare cum totam Ecclesiam docet, ut patebit ex Capite 12. Secundò, Papam docentem totam Ecclesiam de facto errasse probabitur Cap. 14. Tertio, Turrecremata qui ut supra monui, infallibilitatem judicii non in Concilio, sed in ipso Papa constituit, is inquam lib. 2. summæ de Ecclesiâ Cap. 12. respondens ad argumentum 7, quo obiciebatur Papam posse  
7.  
incide.

incidere in errorem manifestum, seu in hæresin antea damnatam, eamque definire in iudicio cum complicibus suis; dicit primò, quosdam dicere, non esse possibile, ut Papa definiat hæresin. Deinde hac responsione rejecta suam proponit: *Nobis (inquit) aliter videtur dicendum, &c.* Item lib. 4. part. 2. Cap. 16. *Decimus septimus (inquit) modus convincendi specialiter Papam de pertinacia in heretica pravitate est si errorem definit solenniter & à Christianis asserit tanquam Catholicum esse tenendum.* Pro hac etiam sententia Valentia loco prædicto citat Sylvestrum in summa, verbo opinio eamque dicit non esse penitus improbabilem.

3. Quamobrem quartus modus explicandi infallibilitatem Papæ est quem ex Turrecremata et Sylvestro proponit Valentia loco proxime citato Col. 233. videlicet, Papam posse incidere in errorem manifestum seu hæresin antea damnatam, item eum posse quantum in se est conari errorem illum manifestum Ecclesie obtrudere, nimirum solenniter eum definiendo, ut loquitur Turrecremata, fieri tamen non posse ut solenniter definiat errorem non manifestum, seu
- ut de

ut de re aliqua controversa, nec apud Catholicos satis explorata judicialiter errorem definiat: ratio hujus assertionis, quam ibidem affert Valentia est, quia si Papa conetur errorem manifestum Ecclesiae obtrudere, id faciet sine ullo periculo Ecclesiae utpote quae cognoscens hujusmodi Papam non pastorem sed lupum et pseudoprophetam esse, facile sibi à falsa ejus doctrina cavebit. At si in rebus controversis, nec satis expressè in Ecclesia antea determinatis Papa errorem contra fidem definiret, tunc Ecclesia teneretur Papam sic definientem pro Pastore suo agnoscere, (quia videlicet nondum hæresi manifesta notatus est) eumque omnino audire, id est sententiam ejus amplecti: & sic Ecclesia universa, non solum posset sed etiam teneretur errare. Concludit igitur Valentia, *Romanum Pontificem quando aliquid novi in controversiis fidei definiendum est errare non posse.*

Ex his quæ jam dicta sunt patet multos 9.  
ex iis qui pro Papali infallibilitate strenuè pugnant concedere Papam posse non solum *personaliter*, sed etiam *judicialiter* errare definiendo *errorem manifestum*. Ridiculum autem est commentum quo Adversarii hoc excusare conantur dicentes *Papam hæresi manifesta notatum desinere esse Pa-*



*pam, seu ipso facto propter hæresin privari Papali dignitate, & proinde si contingat eum hæresin definire, falsam illam definitionem non Papæ aut sedis Apostolicæ, sed talis privati hominis definitionem dicendam esse: meritò enim eos qui sic respondent ridet Alphonsus à Castro, lib. 1. adversus Hæreses. Cap. 4. Quod autem (inquit) alii dicunt eum qui erraverit in fide obstinatè jam non esse Papam, ac per hoc affirmant Papam non posse esse hæreticum, est in re seria verbis velle joculari. Ad hunc enim modum posset quis citra impudentiam asserere nullum fidelem posse in fide errare, nam cum hæreticus fuerit jam desinet esse fidelis.*

CAPVT XI.

Papæ judicariam infallibilitatem neq;  
ex Scriptura, neque ex Traditione  
non scripta, sufficienter probari pos-  
se.

EVANG



VANGELICI non credunt Papā cū ex Cathedra 1.  
totam Ecclesiam docet ab  
errore immunem esse: Id-  
que quia nusquam in Sacra  
Scriptura dicitur Papam ju-  
dicialiter errare non posse. Nam quod locus  
ille Lvc. 22. *Rogavi pro te, ne fides tua  
deficiat*, pro judiciaria infallibilitate Roma-  
ni Pontificis non faciat, variis rationib<sup>9</sup> osten-  
dere possumus. Primò enim nihil illo loco di-  
citur *de docendo*, nihil *de tota Ecclesia do-  
cenda*, nihil *de questionibus fidei aut mo-  
rum*, nihil *de Papa Romano*.

Secundò, Bellarm. lib. 4. de Pontif. Cap. 3. probat CHRISTVM hic non orare pro 2.  
Ecclesia universali, quia illa verba, *Et tu con-  
versus, confirma fratres*, non possunt con-  
venire Ecclesie universali, nisi dicamus to-  
tam Ecclesiam esse aliquando, pervertendam  
ut possit converti. Eodem modo nos proba-  
mus CHRISTVM non orasse pro omnibus  
Episcopis Romanis, quia illa verba, *Et tu  
conversus*, &c. iis convenire non possunt  
nisi dicamus eos omnes esse aliquando per-  
vertendos ut possint converti.

Tertiò, obficientibus negationem Petri, 3.  
etiam

etiam postquam CHRISTVS rogavit ut non deficeret fides ejus, ac propterea non Successores ejus esse immunes a lapsu, respondet Bellarm. tunc Petrum nōdum summum Pontificem esse cōpisse. Ex hoc ego sic infero; Si Petrus quando CHRISTVM negavit, nondum erat summus Pontifex, profecto multo minus erat summus Pontifex, quando CHRISTVS pro eo rogavit. Igitur rogavit pro Petro, & non pro summo Pontifice. Quid ergo beneficii potest habere summus Pōtifex ex oratione quæ pro Petro nondum summo Pontifice susa est siquidem ille succedit Petro, non ut Petrus est, sed ut summus Pontifex est.

4. Quartò, Pontificii hunc locum, nunc de Petro, nunc de Pontifice Romano, nunc de Ecclesia Romana interpretantur. Vide Bellarm. lib. 4. de Pontif. Cap. 3. §. Respondeo primo. Et aliter de Petro, aliter de Pontifice, aliter de Eccl. Romana. Ajunt enim CHRISTVM hac sua oratione impetrasse. primo, ut Petrus nec personaliter, nec judicialiter erraret. Secundo, ut Petri Successores etsi errare possint personaliter tamen judicialiter nunquam errarent. Tertiò, ut Romana Ecclesia ne personaliter quidem erraret. Quis non perspicit meras has esse verborum prestigias. Unus enim locus tam varias & con-



trarias expositiones admittere non potest.

Quintò, si DOMINVS orando pro Petro, & Petro & ejus Successoribus judicariam infallibilitatem impetravit, tunc etiam orando pro reliquis Apostolis, & rogando Patrem suum *ut eos sanctificaret sua veritate*, IOAN. 17. VERS. 17. etiam illis & eorum Successoribus privilegium judicariæ infallibilitatis impetravit. At falsum est posterius ut ipsi Adversarii fatèntur ergo et prius. Assumptio manifesta est: probatur propositio, quia nulla firma & solida ratio afferri potest cur vis & efficacia orationis CHRISTI pro Petro ad Successores Petri se extendat, vis vero aut efficacia orationis CHRISTI pro Apostolis ad eorum Successores se non extendat.

Præterea hæc judicaria infallibilitas Rom. Pontificis Patribus incognita fuit & proinde ex Traditione non scripta probari nequit. Hoc patet primò, quia nusquam in eorum scriptis invenitur hoc axioma Iesuiticum, *Papa in definiendis controversiis fidei cum totam Ecclesiam docet errare non potest*. Legat qui vult Patrum testimonia à Bellarm. allata lib. 4. de Pontif. Cap. 3. ad Papæ judicariam infallibilitatem probandam: & facile percipiet nihil in iis dici de judiciali &

publica controversiarum decisione, nihil de  
Rom. Pontificis infallibilitate in decidendis  
controversiis fidei, nihil de illa limitatione  
quam ipsi addunt, *cum Papa totam Eccle-  
siam docet, & ad credendum obligare vult.*  
Ergo illa testimonia non probant Adversariorum positionem.

7. Secundò, in disputationibus contra Hæreticos nunquam utuntur hac argumentandi forma; *hoc dogma judicialiter à Rom. Pontifice definitum est, ergo est verum: item, hoc Concilium à Papa approbatum est, ergo ejus decreta sunt infallibilia.* Ac si vera sit hæc Adversariorum sententia, non potuerunt uti magis evidenti & efficaci demonstratione ad hæreticos confutandos. Cur igitur hujusmodi argumentis nunquam utuntur? Cur August. lib. 3. cōtra Maximinum Arrianum Cap. 14. autoritate Concilii Ariminensis pressus non respondet illud Concilium à Rom. Pontifice non esse approbatum, & proinde esse nullius autoritatis.

CHAPTER XVII.

Papae judiciariam infallibilitatem an-  
tiquae

tiquæ et sanæ Ecclesiæ cognitam non fuisse, variis exemplis ostenditur.



Robatur hoc primò, ex Historia secundi sæculi nam Victor Papa circa Annum 198. judicialiter determinavit controversiam de celebratione Pascharis, ut docent Bellarm. lib. 3. de Verbo, Cap. 6. & Baronius Anno 198. at nihilominus Polycrates et Asiatici Episcopi ei constanter restiterunt, ergo putarunt ejus judicialem decisionem non esse infallibilem.

Secundo, ex Historia tertii sæculi: Cornelius enim Papa cum Nationali Concilio omnium Episcoporum Italiæ statuit, definiuit, et decrevit (ut fatetur Bellarm. loco jam citato et lib. 4. de Pontif. Cap. 7. et lib. 2. de Conciliis, Cap. 5. item Gretserus in Defens. lib. 3. de Verbo, Cap. 6. Col. 1326.) Baptisma Hæreticorum esse validum, et ab iis baptizatos, non debere rebaptizari. Eandem etiam approbavit Stephanus Papa, et jussit ut Hæretici non rebaptizarentur. At nihilominus Sanctus Firmilianus, et Sanctus Cyprianus, cum multis Episcopis Asiæ & Africæ, contrarium



rium senserunt, & mordicus defenderunt, etiam post definitionem Stephani & Cornelii, quod proculdubio non fecissent si purassent Papæ sententiam judicalem esse infallibilem. Nec satisfacit quod dicit Bellarm. istos Pontifices non definivisse illud dogma, tanquam de fide: quod ex eo probat, quod Stephanus Papa non excōmunicaverit Cyprianum et alios contrarium sentientes, sed tantum excommunicationem comminatus sit.

3. Nam contrā; primò, si excōmunicationem comminatus est, ergo, dogma illud definivit tanquam de fide: quis enim rebus incertis, & dogmate adhuc dubio ac nondum definito audeat minari cuiquam separationem ab Ecclesia. Deinde cum judicialiter damnatur aliquis error vix solet ulla esse pœnæ pronuntiatio, sed tantum comminatio. Denique impudens est illud Bellarm. mendacium. Stephanus enim Papa actu excommunicavit Firmilianum et Asiaticos Episcopos cum eos sentientes, ut patet tum ex Epistola Firmiliani ad Cyprianum, tum ex Baronio Anno 258. numero 15. & 16. & Spondano in Epitoma Baronii, eodem Anno, numero 5. & 9.

4. Tertiò, in Concilio Generali quarto, hoc est in Concilio Chalcedonensi, quod quoniam seculo celebratum est, iudicium Leonis I. Papæ Romani, contra Eutychetem Hæreticum fuit

fuit Synodice repetitum et examinatum, ut patet ex actione 4. istius Concilii. Ergo, Patres in illo Concilio Congregati aperte ostenderunt Pontificem Romanum non esse supremum & infallibilem controversiarum iudicem. Supremi enim & infallibilis iudicis sententia non debet retractari aut examinari ab inferiori iudice. Stapletonus Controv. 6. q. 3. art. 5. responder sententiam Papæ Leonis non fuisse relectam per modum examinis, sed prorsus per modum sententia iudicialis, cui ceteri Episcopi parere suasq. sententias accommodare debebant. At hujus responsionis falsitas patet tum ex prædicta actione 4. istius Concilii, tum ex Concilio Generali 5. Collatione 6.

Nam quod ad actionem 4. Concilii Chalcedonenſis attinet, Iudices illic jubent ut Patres sententiam suam de Epistola decretali Papæ Leonis proponant, doceantque utrum ea Symbolis, Actis, & Decretis, priorum Conciliorum consentanea sit, an verò non sit? Huic mandato Iudicum Patres obtemperantes, respondent eam esse priorum Synodorum actis consentaneam, & ideo profitentur se ei subscribere. Verbi causa, Anatholius Episcopus Constantinop. dixit: *Epistola sanctissimi, & DEO amicissimi Archi-*  
*episcop*

episcopi Leonis consonat Symbolo Patrum qui apud Nicaam, & qui apud Constantinopolim collecti sunt: & etiam iis qui in Epheso sub beatissimo & sanctissimo Cyrillo gesta sunt ab universali & sancto Concilio. Quapropter consensi & eidem Epistole libenter subscripsi. Similiter Marinianus Episcopus Synnadorum dixit: Consentire novi Epistolam in omnibus Sanctissimi Romanorum Archiepiscopi Leonis expositioni 318. Patrum, & 150. in Regis Constantinopoli cōgregatorum. Ideo etiam subscripsi ei. Et Onesiphorus Episcopus Iconii dixit: Cum Epistolam Sanctissimi Romanorum Archiepiscopi Leonis nulla in re dissentire videam ab exposita fide Sanctorum Patrum. Subscripsi eidem Epistole Papæ Leonis. Reliqui etiam Episcopi de eadem Epistola dixerunt, Consonat & subscripsi ei. Ex his patet Chalcedonenses Patres subscripsisse Epistolæ decretali Leonis Papæ non propter infallibilem ipsius auctoritatem, sed propter ejus consonantiam cum doctrina tradita & definita in tribus prioribus Conciliis, id est, in Nicæno, Constantinopolitano, & Ephesino.

Idem



Idem etiam patet ex Quinto Generali Concilio, Collat. 6. Nam cum in eo Concilio sententia Patrum Chalcedonensium de Epistola Leonis Papae deque ejus consonantia cum priorum Synodorum decretis publice recitaretur essent, *Sancta Synodus dixit: Ex his quae recitata sunt manifestum factum est, quomodo Sancta Synodi ea quae apud eas proferuntur probare solent. Cum enim illi Sanctissimi Viri qui recitatas Epistolas scripserunt, (videlicet, Leo Papa & Cyrillus) sic splenduerunt, tamen Epistolarum earum probationem non simpliciter, nec sine inquisitione fecerunt, nisi per omnia cognovissent consonare eas expositioni & doctrinae Sanctorum Patrum, ad quam & collatio facta est. Hæc vide apud Binium tomo 2. Concil. parte 1. act. 4. Concil. Chalced. pag. 218. et parte 2. in Actis Concilii Generalis 3. Collat. 6. pag. 101. Vide etiam Collat. 8. ejusdem Synodi, ubi Patres dicunt se ex gestis Concilii Ephesini et Chalcedonensis circa Epistolas Cyrilli et Leonis Papae percepsisse, quod non aliter oportet suscipi quæ ab aliquo scribuntur nisi prius rectæ fidei Sanctorum Patrum consonare demonstrentur.*

Quarto

7. *ilic* Quarto, iudicialia infallibilitas Romanorum Pontificum incognita fuit illis. 169. Episcopis in prædicto Concilio s. Generali (quod sexto seculo celebratum est) congregatis, ut patet tum ex iis quæ præcedenti s. dicta sunt, tum quia iudicalem Vigilii Papæ sententiam, seu Cōstitutum de tribus Capitulis (quod ad Imperatorem & Synodum transmiserat, & in quo Synodali sententiæ de condemnandis tribus Capitulis planè contradicebat; ut docet Binius in Notis in illud Concilium) damnaverunt. Imò ipsum Vigilium omnesque alios qui Theodorum Mopsuestenum damnare volebant, una generali sententiâ anathematizarunt. *Si quis* (inquiunt) *defendit eundem Theodorum qui talia blasphemavit, non anathematizatur eum, talis anathema sit.* Vide Collationē 8. istius Synodi, Can. 12. Ad hoc argumentum respondent Baronius, Binius, et alii quæstionem in illo Concilio definitam non fuisse quæstionem de Fide, sed tantum de personis, id est, de Ecclesiastica quorundam hominum damnatione post ipsorum obitum: in quo genere quæstionum omnes farentur Pontificem posse errare. At contrā in hoc Concilio definitum est, *Hereticos etiam post mortem ab Ecclesia posse damnari*, ut diserte docet

Binus, in Historia 5. Synodi, et patet ex Col-  
latione 8. pag. 113. §. *Et quid oportet?*  
Hæc controversia de Hæreticorum excom-  
municatione post mortem, est ex earum nu-  
mero quas Adversarii vocant *controversias*  
*morum*, et in quibus non minus quam in  
quæstionibus Fidei Pontificem infallibilem  
esse contendunt: vide Bellarm. lib. 4. de  
Pontif. Cap. 5. et Suarezium disp. 5. de Fide,  
sect. 8. §. 7. Attamen hoc definiverunt Pa-  
tres, contra judicalem Vigilii Papæ senten-  
tiam, quam in suo *Constituto*, Concilio ex-  
hibuit, et cui universam Ecclesiam parere vo-  
luit, Ergo non putarunt Papæ judicalem sen-  
tentiam esse infallibilem. Vide *Constitutum*  
Vigilii apud Binium, tomo 2. parte 2. pag.  
25. §. *Quibus omnibus*, & pag. 26. §.  
*His omnibus*; ubi judicialiter & ex Cathe-  
dra, hanc sententiam pronunciat: *His om-*  
*nibus* (inquit) & hujusmodi blasphemis  
ita à nobis abdicatis atque damnatis hac  
presentis Constitutionis dispositione  
quam maximè providemus, ne (sicut su-  
pra diximus) personis quæ in pace & com-  
munione universe Ecclesie quieverunt,  
sub hac damnati à nobis perversi dogmatis

T

occa-




*occasione aliquid derogetur. Et infra: Illis Sacerdotibus qui in pace Catholica Ecclesia sunt defuncti nulla contumelia genere-  
tur.*

8. Iam perpende, mi Turnebulle, quantum prædicti 165. Patres, Apostolico supremi cui Iudicis decreto tribuant Collat. 8. pag. 113. *Et quoniam (inquiunt) post hæc omnia impietatis illius defensores injuriis contra Creatorem suam dictis gloriantes, dicebant non oportere eum post mortem anathematizare; licet cognosceremus Ecclesiasticam de impiis traditionem, quod & post mortem Hæretici anathematizantur: tamen necessarium putavimus & de hoc perscrutari, & fertur in gestis quomodo diversi hæretici & post mortem anathematizati sunt, & per multa manifestatum est apud nos, quod qui hæc dicunt (videlicet, Vigilius Papa, et alii) nullam curam DEI iudicatorum faciunt, nec Apostolicarum pronuntiationum, nec paternarum traditionum.*

9. Quintò, si Patres putassent Papam in definiendis Controversiis errare non posse, eum consulissent non tantum ut priyatum Do-  
ctorem

ctorem, sed ut supremum & infallibilem Iudicem: eumque obnixè rogassent ut iudicialiter et ex Cathedra cum intentione totam Ecclesiam docendi, et omnes obligandi ad credendum, obortas in Ecclesia Controversias determinaret. At hoc non fecerunt nec ullum huiusmodi petitionis exemplum hactenus in medium adferre potuerunt Adversarii. Ergo, Patres non crediderunt Papam esse infallibilem Controversiarum de Fide Iudicem.



## CAPUT XIII.

Idem ex eo probatur quod Ecclesia antiqua sæpius canones condidit Romano Episcopo refragante.



Ontificii id quod paragra- I.  
pho ultimo præcedentis Cap-  
pitis dictum est confutare  
conantur argumento petito  
à praxi Conciliorum anti-  
quorum quæ à Romano  
Pontifice decretorum suo-  
rum confirmationem petierunt. Nam pete-  
re decretorum confirmationē à Rom. Pon-  
tifici

tifice est eum consulere tanquam supremum et infallibilem Iudicem, et rogare ut iudicialiter et ex Cathedra controversias determinet: hic enim est actus maximè judicialis circa Controversias Fidei. Respondeo, illa confirmatio quam illi petebant à Pontifice, nihil aliud fuit, quam ejus consensus aut approbatio: at non tantum ejus assensum expetiverunt, sed et etiam aliorum Episcoporum, quos pro supremis et infallibilibus Iudicibus non agnoverunt. Ergo petere Rom. Pontificis confirmationem non est eum consulere tanquam supremum et infallibilem Iudicem.

2. Instabit aliquis, Pontificis consensus singulari quodam modo expetebatur à Patribus: credebant enim decreta sua irrita esse, nullumque robur aut momentum habere absque ejus approbatione. At hoc de aliis Episcopis non credebant. Ergo, &c. Respond. primò, non verisimile est illos Patres hoc credidisse, cum ne ipsi Pontifici qui post Cōcilium Tridentinum scripserunt, hoc crediderint, ut patet ex Andradio, qui in defensione Fidei Tridentinae, lib. 1. pag. 76. dicit Conciliorum decreta omni etiam confirmatione (Papali videlicet) destituta esse firmissima; & pag. 75. dicit viros doctissimos in ea esse sententia quod vis & autoritas canonum  
Synod



Synodicorum non necessario pendeat à Papæ confirmatione. Secundò, si Patres hoc credidissent non condidissent Canones invito et refragante Episcopo Romano. At condiderunt Canones eo invito, ut patet, primò ex Decreto Concilii Chalcedon. de æqualitate Episcopi Constant. cum Rom. Pontifice; de quo vide Cap. 9. hujus Tractatus.

Secundò, ex Actis Concilii Generalis quinifexti, quod Canones addidit sextæ Synodo & ob id, etiam sexta Synodus vocari solet. Quamvis enim prædictum Concil. Chalcedonensis decretum à Leone Papa pluribus Epistolis damnatum & reprobatum sit; nihilominus tamen 227. Patres, qui in hoc Concilio quinifexto convenerunt, illud renovaverunt & confirmaverunt Canone 36. Non conabor absolutam omnibus ac singulis hujus Synodi canonibus authoritatem vindicare: verumtamen hoc obiter moneo Adversarios non facilè posse hujus Synodi authoritatem defugere: idque primò quia in Concil. Nicæno 2. (quod iis septimum Generale est) sæpius vocatur *Sancta & universalis Synodus Sexta*. Secundò, Tarasius Patriarcha Constantinop. ibidem Act. 4. dicit neminem de Canonibus hujus Synodi dubitare debere. Tertiò, ibidem actione 8. Can. 1.

judicialiter & definitivè approbantur Canones non solum quinque primarum Synodorum, sed etiam Canones sextæ Synodi, id est, Canones à Concilio quinisexto, editi nomine Sextæ Synodi: nam sexta Synodus nullos canones edidit. Quartò, Adrianus Papa in Epistola ad Tarasium (quæ extat act. 2. prædictæ Synodi Nicænæ 2.) judicialiter & ex Cathedra hæc verba (secundùm versionem Anastasii, quæ Binio maximè probatur) pronunciat: *Et easdem Sanctas sex Synodos suscipio cum omnibus regulis quæ jure ac divinitus ab ipsis promulgatæ sunt. Inter quas continetur,* (citat Canonem 82. Conc. quinisexti) *In quibusdam venerabilium, &c.* Hic Adrianus canones Concilii quinisexti ad sextam Synodum refert eosque non minus quam præcedentium Synod. can. amplectitur. Nā illa verba, **IURE AC DIVINITUS** (in quib⁹ nōnulli subterfugiū quærunt) laudantis potius quam hæsitantis speciem præ se ferunt: nec magis coarctant & limitant sententiam Papæ, de canonibus sextæ Synodi, quam de canonibus priorum Synodorum. Sed hæc missa facio, & hoc unum urgeo (quod ad rem præsentem maximè facit) videlicet, hos 227. Orthodoxos & Cathol

tholicos Patres non cum Pontificiis sensisse, Canonum Ecclesiasticorum auctoritatem à Papæ approbatione simpliciter, pendere. Si enim in hac sententia fuissent, non renovassent & confirmassent illud Conc. Chalcedonensis decretum, quod à Romana sede sæpius damnatum esse sciebant.

Tertiò idem datet ex Historia 5. Concilii Generalis, in quo contra expressam Vigiliæ 4. Papæ sententiam, immò contra Apostolicum ejus decretum, seu *Constitutum*, ut illic vocatur, quod ad Imperatorem & Concilium transmiserat damnatur tria Capitula, omnesq; trium Capitulorum defensores; et proinde ipse Vigilius Papa ( qui pertinaciter tria Capitula defendebat ) anathematizatur Collatione 8. vide acta hujus Synodi apud Binium, item apud Baronium, ANNO 553.

Quartò, ex actis Concilii Francofurdien- 5. sis, quod ipso Baronio fatente annalium tomo 9. Anno 794. numero 1. fuit plenarium & universale Concilium: in eo enim contra Synodum Nicænam secundam ab Hadriano Papa confirmatam, atque adeo cōtra expressam Papæ sententiam definitum est, ( idque Legatis Papæ contradicentibus ) *Imagines non esse adorandas*. Nec verisimile est quod dicit Bellarm. lib. 2. de Concil. Cap. 8. Patres il-  

T 4

lius



lius Concilii putasse Papam Hadrianum isti decreto Concilii Nicæni, de adorandis Imaginibus, non assensisse: idque primò, quia res tanti momenti non potuit esse incognita tot Episcopis, qui teste Baronio, loco citato, ex Italia, Germania, & Gallia, frequentes Francofurti convenerunt. Deinde Legati Pontificis Rom. ut narrat Baronius eodem anno, numero 28. et adfuerunt, et vehementer contradixerunt iis quæ adversus Synodum Nicænam secundam ibi decreta sunt. Proculdubio igitur indicarunt Patribus Francofurtensibus Synodum illam à Papa esse cōfirmatam: item Papæ sententiam, de adorandis Imaginibus iis exposuerunt. At illi ea spreta et rejecta contrarium definierunt, videlicet Imagines non esse adorandas. Ergo non putarunt aut Papæ iudicium, de rebus Fidei, esse infallibile, aut Concilii Nicæni secundi decreta ob Papæ confirmationem esse certa et indubitata, aut ipsorum decreta fore irrita si Papæ displicerent. Si enim in ea fuissent sententia, non edidissent decreta Papæ iudicio adversantia.

9. Quintò, ex actis Concilii Parisiensis celebrati anno 825. in quo decretum secundæ Synodi Nicænæ pro cultu Imaginum, et Hadriani Papæ confirmatio et defensio istius decreti, examinantur, dijudicantur, et reprehendunt

henduntur, et sic *judex totius mundi judi-*  
*catur*, ut loquitur Bellarm. in Appendice ad  
Traët. de Imaginibus, Cap. 3. Hoc patet ex  
Epistola à Patribus istius Concilii ad Lodovi-  
cum et Lotharium Imperatores missa, in qua  
non procul ab initio hæc verba habentur :  
*Et ideo primùm Epistolam Domini Ha-*  
*driani Papæ quam pridem pro Imaginibus*  
*erigendis Constantino Imperatori & Irene*  
*matri ejus ad eorum deprecationem in*  
*transmarinis partibus direxit, coram no-*  
*bis legi fecimus : & quantum nostræ par-*  
*vitati res patuit, sicut justè reprehendit il-*  
*los qui Imagines Sanctorum temerario au-*  
*su in illis partibus confringere & penitus*  
*abolere præsumpserūt, SIC INDISCRETE*  
*NOSCITVR FECISSE QVOD SV-*  
*PERSTITIOSE EAS ADORARI IVS-*  
*SIT. Pro quarum etiam causa Synodum*  
*congregari præcepit, & sua authoritate*  
*sub jurejurando censuit vt erigerentur &*  
*adorarentur, & sanctæ nuncuparetur, cum*  
*eas erigere licitum, adorare verò nefas sit.*  
Hanc Epistolam lege apud Baronium Anno  
825. §. 5. De eadem vide Bell. in Appendice  
ad tractatum de cultu Imaginum : et ne pu-  
tes horum Conciliorum Francos. videlicet,

et Parisiensis decreta piis et doctis Viris displicuisse quod Papæ iudicio adversarentur, consule Baronium, qui Anno 794. à numero 39. ad 42. docet multos viros eruditione conspicuos et magni in eo seculo nominis, videlicet, Ionam Aurelianensem, Walfredum, Hincmarum, et alios scripsisse contra Imaginum cultum, et secundæ Synodi Nicænæ à Papa confirmatæ adversarios fuisse.



## CAPVT XIV.

Papam de facto judicialiter errasse demonstratur.



I.

Rimò hîc nobis occurrit Liberius Papa, qui cum Arianis communicavit, & confessioni ab iis editæ in Conc. Sirmienti subscriptæ; unde sic argumentor: Errare in approbâdis Conciliorû Generalium Actis, Cōfessionibus, aut Decretis, est judicialiter errare: nam inter omnes actus qui Rom. pontifici ascribi possunt, hic maximè judicialis est. At papa sic errare potest, imò de facto sic erravit, ut patet



ex hoc exemplo Liberii papæ. Primò enim sententiam Concilii Sirmiensis, contra Athanasium Orthodoxæ Fidei professorem pronunciatam *suo suffragio comprobavit*, ut loquitur Binius in Notis in 7. Epist. Liberii, Tomo 1. Conciliorum, parte 1. pag. 470.

Secundò, primam fidei confessionem ab Arrianis in Concilio Sirmiensi editam *approbavit tanquam Catholicam*, ut loquitur Binius in Notis in 7. Epistolam Liberii Papæ. At ea revera non est Catholica, & graviter errant qui eam Catholicæ veritati consentaneam esse affirmant, videlicet, Bellarm. lib. 4. de pontif. Cap. 9. Baronius Anno 357. §. 9. Binius in Notis in Concilium Sirmiense, & alii. Primò enim edita fuit ab hæreticis Arrianis. Secundò fuit ambiguè proposita ad palliandâ hæresin, seu ut Binii verbis utar loco citato, *veteratorie & per summâ simulatione edita fuit*. Tertio, nomē CONSUBSTANTIALIS in magna Synodo Nicæna probatū, quod ut loquitur Baronius Anno 344. §. 5. solidum fidei robur est, de industria omisit, illudque omittēdo tacitè negavit consubstantialitatem CHRISTI cum PATRE. Vnde Binius in notis in Conc. Sirmiense, pag. 480. dicit hoc nomen *ad fidem Nicenam explodendam omissum esse*. Quartò, ipsi Adversa-

rii dicunt Athanasium & Occidentales Episcopos hanc confessionem & alias ei similes, *ut fuitiles erroneas & hereticas meritò abdicasse, & rejecisse, quia consubstantialitatem Filii cum Patre dolosè reticebant.* Vide Binium, in Notis in Conc. Mediolanense primum, sub Iulio Papa, pag. 422. & in tertiam confessionem Conc. Sirmiensis; Baronium Anno 344. §. 4. & 359. §. 10. & Spondanum Anno 344. §. 2. & 359. §. 4. Ex his patet Liberii error & turpissimus lapsus in actu maximè judiciali. Si enim Athanasius primam Confessionem Concilii Sirmiensis, *ut hereticam meritò abdicavit,* (verba Binii sunt) quo pacto potuit Liberius eam ut Catholicam approbare. Sique Occidentales Episcopi in Conc. Mediolanensi congregati Confessionem secundi Conc. Antiocheni, *sapientissimè rejecerunt ut futilem sive superfluum & erroneam* (verba Baronii sunt) quia nomen **CONSUBSTANTIALIS** non fuit in ea expressum; proculdubio Liberius debuit primam Confessionem Conc. Sirmiensis rejicere, ut futilem & erroneam, quia videlicet illud ipsum nomen in ea non fuit expressum. Quintò, Patres illà fidei formulā cui Liberius subscripsit *heresin* vocant, ut disertè fateretur

Bellarmin. lib. 4. de Pont. Cap. 9. *Athanasius verò ( inquit ) & Hieronymus locis citatis aperte dicunt eum tadio exilii inflexum tandem fuisse ad subscriptionem hæreseos. Sextò, cum controversia inter Catholicos & Hæreticos agitur de nomine CONSUBSTANTIAEIS, utrum videlicet in Confessionibus Fidei exprimi debeat; illæ Confessiones in quibus illud nomen de industria omititur, simpliciter & absolute repudiari debent ut hæreticæ. Ergo non debent simpliciter & absolute approbari, & multo minus debent omninò, seu omni ex parte approbari, ita videlicet ut in nullo iis contradicamus. Ac Liberius hoc modo approbavit Concilii Sirmiensis Confessionem, ut patet ex 7. ejus Epistola ad Episcopos Arianos: Itaque ( inquit ) amoto Athanasio super quo statuta omnium vestrum à me cum sede Apostolica suscipienda sunt; dico me cum omnibus vobis, & cum universis Episcopis Orientalibus, pacem & unitatem habere. Nam ut verius sciatis me veram fidem per hanc Epistolam meam proloqui: Dominus meus & communis frater Demophilus, qui dignatus est pro sua benevolentia, fidem veram*



veram & Catholicam exponere qua  
*Sirmii à pluribus fratribus & Coepiscopis*  
*nostris tractata exposita & suscepta est;*  
*hâc ego libenti animo suscepi* IN NUL-  
 LO CONTRADICENS. Hic Liberius  
 cum dicit se *in nullo contradicere*, aperte  
 profitetur se nihil in ea Confessione damnare,  
 & per consequens, non damnare omissionem  
 vocis *Consubstantialis*, quæ ut loquitur Bi-  
 nius, *ad fidem Nicenam explodendam*  
*omissa est.*

3. Secundò, Vigilius Papa decretum Quin-  
 ti Conc. Generalis, de Hæreticis post mor-  
 tem excommunicandis damnavit, ut ex ipsis  
*Constituti* verbis supra citatis patet. Ergo ju-  
 dicialiter erravit in reprobatione decreti Sy-  
 nodici ad mores pertinente. Ratio consequen-  
 tiæ est quia hoc decretum fuit pium & or-  
 thodoxum, ut patet primò ex rationibus &  
 argumentis quibus Patres in Collatione 8. id  
 confirmant. Secundò, quia multi Pontifices  
 Romani hanc Synodum approbarunt v. c.  
 Pelagius, Gregorius I, Adrianus I, imò ipse  
 Vigilius tandem abrogato seu revocato suo  
*Cōstituto*, eam sua auctoritate Pōtificia cō-  
 firmavit, ut loquitur Binius in Notis in Cō-  
 cil. 5. Oecumenicum.

Tertiò,

4.  
Tertiò, Honorius Papa errorem suum Monotheliticum ob quem in duobus Conciliis Generalibus damnatus est, non privatim dūtaxat tradidit, sed apertè et publicè professus est, eundemq; fidelibus sequendū tradidit. Stapletonus Controv. 3. quæst. 4. Conclus. 2. dicit Papam judicialiter sententiā suam proponere, *quando de fide consultus ex officio respondet*: idem etiam docet Hartus, in Colloquio suo cum Rainoldo, Cap. 7. sect. 3. pag. 471. editionis latinæ: unde sic argumentor; Sergius Patriarcha Cōstantinopolitanus consuluerat Honorium, non ut privatam personam, sed *ut Papam Romanum*, ad quem imprimis tanquam primarium Patriarcham pertineret cura conservandæ veritatis & pacis in universali Ecclesia. Idcirco ait Sergius in Epistola sua ad Honorium Papam, (quæ publicè lecta est in Conc. 6. Act. 12. apud Binium tomo 3. parte 1. pag. 143.) *se rationabile simul & necessariū judicasse*, ut eum de illa controversia rerumque statu certiores redderet, expetens ejus judicium & rogans, *ut si quid imperfectè ab ipso dictū sit, id per datam sibi à DEO gratiam supplere dignetur*: quibus verbis, ut monet Binus in Notis in Epistolas Honorii, tomo 2. parte 2. pag. 339. *se suaq; omnia censura Ecclesia*

*Ecclesie & Sedis Apostolicae subiecit.* De hac gravissima questione consultus à Sergio Honorius qua Papa Romanus, eidem qua Papa respondit, & *impia eius dogmata confirmavit*, ut loquitur prædicta Synodus 6. act. 13. Ergo, non tantum erravit personaliter, sed etiam judicialiter. Ratio consequentiæ perenda est ex Stapletoni verbis supra citatis, quia quando Papa de Fide consultus ex officio respondet, tunc judicialiter et ex Cathedra sententiam suam pronunciat. Hic quidam ex Adversariis Actis publicis Conciliorum, & Decretalibus Epistolis Pontificum, fidem derogant, corruptiones ac imposturas Hæreticorum causantur, & ut uno verbo dicam, omnia subvertunt, ne Honorium hæreseos damnatum esse concedant. At licet arant, nam ut monet Staplet. Controv. 3. quæst. 4. Resp. ad argumentum 7. *de damnato Honorio quæ scribuntur maxima authoritatis & fideles sunt.* Alii verò (inter quos est Stapletonus loco citato) fatentur quidem hanc Historiam, de damnatione Honorii verissimam esse; sed dicunt Patres sextæ Synodi ex falsa informatione, et non intellectis Honorii Epistolis, Honorium hæreticis immeritò connumerasse, et proinde in eo iudicio errasse. At primo Adversarii præcipitem et immanem suam audaciam



daciam nimis manifestè produnt, cum eorum scriptorum defensionem suscipiunt, quæ à legitimis et Orthodoxis Conciliis Occumenicis ex matura diuturnaquæ deliberatione, cum totius orbis Christiani unanimi et constanti per tot secula applausu damnata sunt. Secundò, non parum Conciliorum Generalium, et Summorum Pōtificum auctoritatem elevant, cum dicunt eos errare posse in dammandis vel approbandis eis scriptis, in quibus fidei dogmata tractantur. Hinc enim sequitur eos posse ea scripta ut orthodoxa fidelibus commendare quæ revera pestiferis et detestabilibus hæresibus scarent: sequitur item Pontificem posse errare in approbandis vel reprobandis eis scriptis in quibus Concilii alienius Canones vel Decreta proponuntur. Non minus enim possibile est ut malè intelligat Conciliorum Canones, quam ut malè intelligat prædecessorum suorum Decretales Epistolas.

Quartò, Stephanus VI. & Sergius III. non solum errarunt in præcepto ad mores pertinente, jubendo eos iterum ordinari qui à Formoso Papa ordinati fuerant, ut supra docui hoc ipso Tractatu Cap. 5. §. 4. sed etiam decreverunt ordines sacros quos ille contulerat non esse ratos (quia videlicet à Papa Iohanne VIII, depositus ac degradatus  
fuit)

fuit) qui est error manifestus contra Fidem ut omnes fatentur. Bellarm. lib. 4. de Pontif. Cap. 13. nimis impudenter negat eos tale decretum edidisse. Nam primò, non poterant jubere eos iterum ordinari quos Formosus ordinaverat nisi prius judicialiter declarassent ordines ab eo collatos non esse ratos. Secundò, clarissimi historici contrarium restantur. Verbi causa: Sigebertus in Chronico, pag. 74. Anno 902. ea de re sic loquitur: *Hic (supple Stephanus) primum à Formoso Papa Episcopus Anagnina Ecclesia ordinatus, ipsum Formosum persequitur, & ordinationis ejus omnes irritas esse debere decernit.* Martinus Polonus in Supputationibus, pag. 158. Anno 898. *Hic (inquit) à Formoso Papa Episcopus Anagnina ordinatus, ipsum Formosum persequitur, & omnes ordinationes ipsius irritas esse debere decrevit.* Platina in vita Iohannis X. de Stephano Papa sic loquitur; *Qui (supple Stephanus) censuit eos iterum ordinandos esse quos Formosus Papa ad sacros ordines asciverat.*

6. Quintò, de errore Cœlestini Papæ, circa Matrimonii dissolutionem per heresin, sic describit Alphonsus à Castro, lib. 1. adversus hæreses,

refes, Cap. 4. *Neque hic Cælestini error talis fuit qui soli negligentia imputari debeat: ita ut illum errasse dicamus velut privatam personam, & non ut Papam: quoniam huiusmodi Cælestini definitio habebatur in antiquis decretalibus in Capite Laudabilem, titulo de Conversione Infidelium, quam ego ipse vidi & legi.*

~~~~~

## CAPUT XV.

Ex eo quod Papa potest errare personaliter evidenter probatur eum errare posse judicialiter.



1.  
Vppono quæstionem illam in qua Pontifex privatim et personaliter errat, esse in Ecclesia determinandâ et definiendam iudicio et authoritate Romani Pontificis: et quæro quid in

hoc casu facturus sit Pontifex, seu qualem sententiam sit publicè & ex cathedra pronunciaturus? Vtrum videlicet publica & judicialis Papæ personaliter errantis sententia futura sit



conformis propriæ & privatæ ipsius sententiæ? An verò futura sit ei contraria, ita videlicet ut Pōtifex aliud loquatur, aliud sentiat? An denique, DEO intus mentem ipsius illustrante, subito cum cathedram conscēdit sententiam mutaturus sit, ita videlicet ut non solum publica et judicialis, sed etiam privata et personalis ejus sententia sit vera.

2. Si primum dixeris ( quod sanè reliquis duobus probabilius est ) apertè sequetur Papam judicialiter errare posse. Nam qui personaliter errat, et secundū privatum seu personale suum errorem sententiam judicialiter pronunciat, is etiam judicialiter errat.


3. Secundum dici non potest: qua enim ratione adduci poterit Pontifex, ut id quod privatim apud se putat esse falsum publicè et judicialiter dicat esse verum. Respondent Pontifici: *Quemadmodum Caiphas prophetauit, nesciens quid diceret, cum esset Pontifex illius anni: ita summus Pontifex hereticus, quamdiu fungitur officio Pontificis poterit definire veritatem contra propriam sententiam ex instinctu Spiritus Sancti: immò summus Pontifex hereticus intelliget id quod definit, esse contrarium propriæ sententiæ, & nihilominus definiet illud ordinante*

*dinante Spiritu Sancto, qui assistit officio summi Pontificatus.* Sed qui sic respondent insigni injuria afficiunt Spiritum Sanctum, eumque mendacii, & proinde peccati auctorem faciunt. Qui enim in re maxime seria dicit id esse verum, quod putat esse falsum, is mentitur: nam mentiri est contra mentem ire: item is reluctante & contradicente conscientia controversiam definit, & proinde in ea definienda graviter peccat. ROM. 14. 23.

Si tertium dixeris, sequetur Papam in casu hæreseos non debere ab Ecclesia deponi & in ordinem redigi. At absurdum est posterius & apertè contrariū Canonis *Si Papa*, distinct. 40. et sermoni 2. Innocentii de consecratione Pontificis: item sententiæ Hadriani Papæ, & Concilii Romani sub eo celebrati; & quod majus est, sententiæ Concilii 8. Generalis: vide Bellarm. lib. 2. de Pontif. Cap. 30. §. *Tertia opinio.* Ergo etiam absurdū est prius.

Probatur propositio major: quia ridiculum, immo impium & charitati Christianæ contrarium est, eum ob hæresin deponere qui facillimè ab hæresi revocari potest, ut patet ex dicto Apostoli, in Epist. ad TIT. cap. 3. v. 10. At nemo mortaliū rā facillè ab errore revocari potest quā Papa. Si enim de illa ipsa cōtroversia in qua errat ab Ecclesia cōsuletur, si ro-

getur ut sententiam suam de ea judicialiter et ex cathedra pronunciet statim errorem suum deponet, et veritatem amplectetur. Quæ sane est facillima et expeditissima ratio revocandi Pontificem ab errore.



## CAPIT. XVI.

Confutatur responsio Gregorij de Valentia, ad argumentum superiori capite propositum.

I.



Gregorius de Valentia, Tomo 3. Disp. 1. Quæst. 2. Punct. 7. §. 41. hoc ipsum argumentum proponit, & ad illud respondere conatur; verba ejus hæc sunt; *Rursus sicut liberè potest (ut admittunt Turrecremata & Sylvester locis paulò superius citatis) velle quantum in se est obtrudere Ecclesiæ privatū errorem suum manifestum: ita etiam videtur posse eadē libertate velle ipsi obtrudere errorem aliquem non manifestum. Fieri igitur potest*



test aliquo casu, ut de re alioqui controver-  
sa, nec satis apud Catholicos explorata, er-  
rorem definiat.

Atque id rursus ea re confirmatur. 2.  
Nam potest accidere, ut quo tempore Pon-  
tifex errore non manifesto imbutus esset,  
eodem tempore necesse esset in Ecclesia de-  
terminari controversiam circa materiam  
illius erroris. Quo casu ut apparet, Ponti-  
fex erroneam sententiam suam definiret.

Respondeo ad hoc argumentum, fidelita-  
tem DEI, qua is ex promissione tenetur 3.  
communem Ecclesiam errorem impedire,  
tunc ob stare, quo minus Pontifex errore  
non manifesto imbutus vellet Ecclesiam ad  
illum recipiendum obligare: teneretur  
enim illa tunc errorem ejusmodi recipere,  
si res esset planè controversa; atque ita te-  
neretur errare, quod est absurdissimum.

Ad confirmationem autem illius argu-  
menti respondeo, similiter ad fidelitatem 4.  
DEI erga Ecclesiam spectare, ut impedi-  
ret in eo casu quo minus per Pontificem il-  
lum controversia falsò definiretur. Id quod  
facere DEVS posset, aut Pontificem de  
medio

medio tollendo, ne ipse, sed successor potius rem decerneret: aut interna mentis illustratione, vel alio aliquo modo Pontificem ab errore revocando. Neque verò huiusmodi providentia DEI in similibus casibus miraculosa esset censenda, sed esset potius quidam effectus ejus legis ordinaria, qua DEVS per promissiones de veritate factas, sese obstrinxit Ecclesia.

5. Ac sanè huius rei exemplum illud proferri potest, quod cum Ioannes 22. existimaret, Sanctorum animas ante diem iudicii divinam essentiam non videre, idque eo tempore, quo in Ecclesia (sicut Canus etiam lib. 6. de locis Theologicis, cap. ult. ad 1. argum. notavit) nondum erat satis explicata hac controversia, & ad rem definiendam sese compararet; priusquam id faceret, è vita excessit. Quod & illius successor Benedictus XI. refert in Extravaganti BENEDICTVS, de qua Extravag. lege Alphonsus à Castro, lib. 3. adversus Hæreses, verbo BEATITUDO, Hæres. 6.

6. Hæc Valentiani responsio multis modis peccat

peccat, primò enim principium petit cum dicit Ecclesiam in re nondum judicialiter definita teneri recipere sententiam Papæ judicialiter errantis. Sunt miserrima Papæ mancipia, qui hoc statuunt, et Papa qui hoc sibi arrogat profitetur palam et præ se fert diabolicam tyrannidem.

Secundò, DE I providentia & fidelitas erga Ecclesiam passa est multos Põtifices Romanos Rempublicam & Ecclesiam turbare, & ut habetur Dist. 40. Can. *Si Papa*, innumerabiles populos catervatim secum ad Gehennam ducere. Item passa est Marcellinum Papam sacrificare Idolis, Liberium communicare cum Arrianis & Hæreticam fidei confessionem ab iis editam suo suffragio confirmare, ut patet ex iis quæ dicta sunt Cap. 14. Denique providentia DE I passa est Arrianam hæresin ita universum orbem occupare, ut scriberet Hieronymus in Dialogo adversus Luciferianos, *ingemuisse totum orbem, & se Arrianum esse, miratum esse*. Vide Staplet. lib. 2. princip. doctrin. Cap. 18. ubi fatetur non prorsus à veritate aberrare dictum LUTHERI asserentis, *vix quinque toto orbe Catholicos Episcopos reliquos fuisse, eosq. suis sedibus pulsos, regnantibus ubique Arrianis publico nomine & officio Ecclesie*.



Cum igitur summa DEI fidelitas erga Ecclesiam suam passa sit hæc fieri quæro ex Valentiano, unde sciat ad DEI fidelitatem erga Ecclesiam suam spectare ut impediret in casu prædicto quo minus per Pontificem illum controversia falsò definiatur.

8. Tertiò, multi Scholastici Doctores (ut infra patebit) affirmant DEVM salva omnium suarum promissionum veritate quibus Ecclesie se obstrinxit, permittere posse ut tota Ecclesia representativa, id est Papa & Episcopi omnes cum eo in Concilio Generali congregati in definiendis fidei controversiis errent.

9. Quartò, quod dicit Valentianus de interna mentis illustratione qua Pontifex ab errore revocari potest id supra à me confutatum est.

10. Quintò, ridiculè etiam dicit DEVM tollendo Papam hæreticum de medio impedire quo minus in definiendis controversiis judicialiter erret. Frustra enim is de medio tollitur ne judicialiter erret qui eam habet Sancti Spiritus assistentiam ut nunquam judicialiter errare possit. At Papa ex Adversariorum sententia hanc Spiritus Sancti assistentiam habet. Ergo is frustra è medio tollitur. Propositio manifesta est, quia frustra adhibentur media præsertim extraordinaria et violenta ad id impediendum quod planè impossibile est.

Ineptè

Ineptè et absurdè quis dixerit aliquem de medio tolli ne in aere volet, aut super aquas ambulet, aut montes transferat: idque quia hæc impossibilia sunt. Ineptè etiam quis dixerit PETRUM aut PAVLUM, aut aliquem alium ex Apostolorum numero repentina morte extinctum esse ne schismata faceret, aut hæreses disseminaret, aut pacem Ecclesiæ turbaret, idque quia omnes norunt Apostolos hoc modo in DEVM & Ecclesiam peccare non potuisse. Ergo pari ratione absurdum & ineptum est dicere Papam qui judicialiter errare non potest è medio tolli ne judicialiter erret.

Sextò, hoc Valentiani effugium de Papa hæretico è medio tollendo ne hæresin suam judicialiter & ex Cathedra Ecclesiæ obtrudat, Papæ judiciariam infallibilitatem funditus evertit. Quicumque enim judicialiter erraret si diuturnior lucis hujus usura ei concederetur is judicialiter errare potest, at Papa personaliter errans si diuturnior lucis hujus usura ei concederetur ex Valentiani sententia judicialiter erraret. Ergo is judicialiter errare potest. Major manifesta est: patet etiam minor nam Valentianus dicit Papam de medio tolli ne judicialiter erret. Ergo si non de medio tolleretur, sique sententiam pronunciare permetteretur procul dubio judicialiter erraret.

Sepe

82.

Septimò, Pontificii egregiam Sancti Spiritus assistentiam Papæ ascribunt & divinum Papalis infallibilitatis privilegium pulcherrimè explicant cum dicunt Papam personaliter errantem à DEO percuti & occidi ne judicialiter erret. Hocine est privilegiū aut donū quod CHRISTVS oratione sua LUCÆ 22. Vicariis suis impetravit, ut videlicet si privatos suos errores Ecclesiæ obtrudere conentur, violento & tragico mortis genere in medio dierum suorum abripiantur.

83.

Concludo igitur hoc commentum de Papa hæretico è medio tollendo, esse ridiculum & absurdum, immò æternæ & inevitabili contradictioni obnoxium. Quam enim dissona et repugnantia sunt hæc dogmata: Ne tota Ecclesia erret Papa Romanus cum suprema authoritate & judicandi infallibilitate Ecclesiæ toti præficitur. Et rursus: Ne tota Ecclesia erret, à Papa videlicet seducta, Papa cum tota sua authoritate & infallibilitate è medio tollitur. Item, Papam habet Sancti Spiritus assistentiam ut judicialiter & in Cathedra errare non possit: et rursus: Papa si diutius inter homines ageret, non obstante speciali illa Sancti Spiritus assistentia, judicialiter & in cathedra erraret.

CAPVT



## CAPUT XVII.

Consideratur Parisiensium Doctorum  
sententia de autoritate Concilii  
Generalis, & quatenus ea admitti  
possit docetur.

**S**uperioribus sectionibus con-  
futati Iesuitarum doctrinam  
de autoritate Ecclesiastica,  
& sufficienter demonstravi  
Papæ judicalem sententiam  
(quam Turnebullus supremam Ecclesiæ de-  
finitionem appellat) non esse infallibile DEI  
Verbum. Nunc consideranda venit sententia  
Parisiensium Doctorum, qui de autoritate  
Ecclesiastica cautiùs & prudentiùs loqui vi-  
dentur. Dicunt enim supremam potestatem  
judicandi de controversiis fidei non esse in  
Papa, sed in Ecclesia, sive Concilio Generali:  
item sententiam Concilii Generalis ex se &  
ante Papæ cōfirmationem esse infallibilem.  
Hanc sententiam sicut omni ex parte non  
damnamus, ita simpliciter & absolute pro-  
bare non possumus.

Primò enim fatemur supremam potesta-

tem Ecclesiasticam iudicandi de cōtroverſiis  
fidei eſſe in Concilio Generali & legitimo:  
quæ quidem poteſtas quamvis non ſit ex ſe  
infallibilis, nec à DEO inſtituta ſit, ut ſit ſu-  
prema & principalis fidei noſtræ regula, &  
proinde non poſſit per ſe & ſua authoritate  
obligare fideles ad id credendū quod in Cō-  
cilio definitum eſt, valet tamē ad eum finem  
conſequendum in quem inſtituta eſt: hoc eſt  
ad vitandam conſuſionem & Eccleſiarum di-  
lacerationem. Patet hoc primò, quia Con-  
cilium poteſt eos, qui ipſius decretis palā con-  
tradiciunt ex cōmunicationi & alijs cenſuris  
Eccleſiaſtaſticis ſubjicere. Secundò, Cōcilio-  
rum legitimorum auctoritas inſignē vim &  
efficaciam, præ multis alijs fidei motivis, ha-  
bet ad perſuaſionem de veritate doctrinæ in  
Concilio definitæ, hominum animis ingene-  
randa. Nam (ut rectē monet doctiſſimus no-  
ſter Camero, Tom. 1. Præleſt. de Eccl. Tract.  
de infallibilitate Eccleſiæ) quoties aliquid de-  
cretum eſt à cœtu quodam hominum, qui in  
aliqua authoritate conſtituti ſunt in Eccleſia,  
facit hoc ut ne temere, et non adhibita accu-  
rata et gravi obſervatione id rejiciatur.

3. Ex iis quæ dicta ſunt pater, Scriptores  
Pontificios impudenti calumnia petere Ec-  
cleſias Reformatas, cum dicunt eas Cōcilio-  
rum utilitatem non agnoſcere, et nō pluriſ facere  
decret

decretum Conc. generalis, quam sententiam privati alicujus Doctoris. Non tam inique de Concil. generalibus judicamus. Nam in iis agnoscimus, 1. Autoritatem divinitus datam definiendi controversias fidei, quam nemo sanę mentis privatis Doctorib<sup>9</sup> tribuet. 2. Potestatem subjiciendi omnes, qui ipsius decretis repugnant, censuris Ecclesiasticis. 3. Assistentiam Spiritus S. peculiarem, atque adeo majorem ea, quę Doctoribus seorsum judicantibus competit. 4. Certiora etiam media investigandi veritatem, viz. præcipuorū pastorum totius Ecclesię orationes, jejunia, disputationes, etc. 5. Meliorem rationem cognoscendi, quę sit de orta aliqua quæstione totius Ecclesię sententia, et quā traditionem servant Ecclesię, ut loquitur Bell. Lib. 4. de Pont. Cap. septimo. 6. Faciliorem rationem reducendi Ecclesię decreta et constitutiones ad praxin. Nam, ut monet Bell. loco citato, *quando fit generale Concilium omnes Episcopi subscribunt, & profitentur se amplecti illud decretum, & sic deinceps in suis Ecclesiis predicaturos: quando autem non fit generale Concilium, non est tam facile reducere ad praxin decretum de fide factū.*

Deniq. potest quivis palam contradicere 4.  
sententię privati alicujus Doctoris, si vel de



ea dubitet, vel ob leves et probabiles rationes eam falsam esse putet. At longe aliter sentimus de Conciliorum generalium decretis. Nam qui dubitant de veritate sententiarum à Synodo pronunciarum, aut ob leves et probabiles rationes eam falsam esse putent, atque adeo non certo sciunt eam esse talem, tenentur decreto Synodico præstare obedientiam quandam *imperfectam*, quæ, distinctionis causa, *obedientia congrua*, id est, ordini & decoro in tali casu consentanea appellari potest: quæque nihil aliud est, quam Christianæ humilitatis et modestiæ obsequium, quo fideles in huiusmodi casu abstinere à publica seu aperta, tum professione suæ sententiæ, tum damnatione vel confutatione sententiæ à Synodo pronunciarum: et interim, sollicitè scrutando Scripturas, veritatem indagant, Deumque orant ut veritatem suam hominibus manifestet, et Synodi lapsus seu errores deregat iis, quibus Ecclesiæ cura commissa est, ut, illis agnitis, contraria doctrina in alio saniore Concilio stabiliatur. Hanc obedientiam probant et fidelibus commendant, Occam Part. 3. Dial. Tract. 1. Lib. 3. Cap. 6. Gerson Part. 1. Tract. de Exam. Doct. Sect. 1. Conf. 2. Item doctissimi quidam Theologi Ecclesiæ *ANGLICANÆ*, quorum laboribus

ribus plurimum debet universa Ecclesia Re-  
formata. Vide Doctorem RICHARDUM  
FIELD, Lib. 5. de Eccles. Cap. 51. Pag.  
666. Authorem Responl. ad Relationem  
FISHERI Jesuitæ de tertio suo Colloq.  
Pag. 47. & IACSONUM Lib. 2. Comment.  
in Symb. Sect. 1. Cap. 4. 5. & 6.

Vt autem hæc melius intelligantur; No-  
randum est in decretis Ecclesiæ duo respi-  
cienda esse, videlicet, *veritatem & autho-  
ritatem*: *veritatem divinam*, et *authori-  
tatem humanam seu Ecclesiasticam*. Præci-  
puè quidem respicienda est *veritas*. Nam  
1. ei non solum debetur *obedientia exte-  
rior*, sed etiam *interior* illa quam Aposto-  
lus *obedientiam fidei* vocat, ROM. 16. 26.  
2. Veritatem manifestam recipere et ample-  
cti tenemur quamvis sit sine autoritate Ec-  
clesiastica, immò quamvis sit Ecclesiasticæ  
authoritati contraria. At authoritati Eccle-  
siasticæ, si sit manifestè contraria veritati, ne-  
quaquam debetur obedientia: Vnde Panorm.  
in Cap. Significasti, de Electione, dicit,  
*unius privati sententiam, preponendam  
esse sententiæ Papæ si iste privatus movea-  
tur melioribus autoritatibus Testamenti  
Veteris & Novi*: & Gerson, Part. 1. de Exam.

Doct. Sect. 1. Cōf. 5. *asserit quemcunq. hominem doctū posse & debere toti Concilio resistere, si videat illud ex malitia vel ignorantia errare.*

6. At suo loco et gradu etiam respicienda est authoritas. Nam primò semper et in omni casu debemus ei *reverentiam*, etiam quando falsa et impia decernit: tunc enim pius Ecclesie filius non perperam ei insistit, sed ab ea reverentiali quodam pudore percussus abscedit, ut loquitur Waldensis, Tomo 1. Lib. 2. Cap. 27. Secundò, debemus illi etiam *obedientiam externam*, nisi quando evidenti aliquo argumento percipimus eam falsa et impia præscribere vel definire: tunc enim sequenda est illa aurea regula quæ habetur Act. 5. 29. *DEO potius quam hominibus obediendum est.* Dixi nisi quando evidenti aliquo argumento, &c. quia non licet ob leves aut probabiles rationes iudicio Pastorum Ecclesie refragari.

Patet hoc. Primò, quia, quando ut obediamus decrevis Ecclesie suadet certa et manifesta authoritas, cui, Deo ipso iubente, obtemperare debemus, ut verò nisdem adversemur suadent conjecturæ et incertæ vel probabiles rationes, tunc communis regula est sequend



equenda, *Tene certum, relinque incertum.*  
 Vide Gerardum Tom. 6. Part. 2. §. 399. Sec-  
 cundò, qui putant laicos et privatos docto-  
 res posse ob probabilia et minus evidenti-  
 argumenta decretis Ecclesiæ palam refraga-  
 ri, illi effrænem iis dant et infinitam licen-  
 tiam contradicendi quibuscumque decretis Ec-  
 clesiasticis. Nam nullum ferè est decretum  
 Ecclesiæ contra quod non possint adferri  
 argumenta aliquam probabilitatis speciem  
 habentia.

Quæret aliquis quid hic intelligamus  
 per argumentum evidens, cum dicimus *obe-*  
*dictiam externam* deberi authoritari Ec-  
 clesiasticæ, nisi quando evidenti aliquo argu-  
 mento constat eam falsa et impia præscribere?  
 Resp. Argumentum evidens (definiendo  
 Valent. Tom. 3. Disp. 7. Quæst. 3. Punct. 2.)  
 est *non quod ipsi soli subdito ex passione*  
*forte videbitur, sed quod iudicio aliorum*  
*prudentium, & proborum, & peritorum,*  
*judicabitur, aut judicari poterit esse tale.*  
 Si igitur aliquis quærat, quis de isto argumē-  
 to, ejusque evidentiā & pondere judicare de-  
 beat, Respondeo ex Valentiano, alios pios et  
 doctos viros de eo judicare debere, qui si  
 privatim & apud se censeant illud argumen-  
 tum magnam evidētis veritatis speciem præ-

se ferre, summa ope niti debent, ut in alio prius auctoritatis Concilio illa ipsa controversia quæ prius definita est diligentius tractetur & dijudicetur. Nam, ut rectè monet Augustinus, Lib. 2. contra Donatistas, Cap. 3. Concilia plenaria priora posteriorib<sup>9</sup> emendari possunt.

7. Secundo, non damnamus simpliciter et absolutè id, quod Parisienses de Conciliorum infallibilitate docent. *Piè* enim et *probabiliter* credi potest Concilia verè generalia et legitima, hoc est, legitimè convocata, et procedentia, ita gubernari et dirigi à Spiritu S. ut non errent in dogmatibus fundamentalibus. Vide doctissimi Episcopi Norwicensis librum, qui inscribitur *Orthodoxa fides & via ad Ecclesiam*, Cap. 3. §. 1. Item Respons. R. B. ad Fischeri Jesuitæ relationem de tertio suo Colloq. Pag. 52. Dico hoc *credi posse*, quia certò constat talia Concilia nunquam hæcenus errasse in dogmatibus fundamentalibus. Dico hoc *piè* et *probabiliter* credi posse, quia plena et perfecta fidei certitudo de Conciliorum infallibilitate in ejusmodi rebus ex S. Scriptura haberi non potest.

8. Tertiò, id etiam in Parisiensem sententia probamus & laudamus, quod dicant decretis Concil

Conciliorum suam apud omnes constare debere auctoritatem, sive à Papa confirmentur, sive non. Item quod asserant CHRISTVM peculiarem Spiritus sui assistentiam in determinandis fidei controversiis, non Papæ, sed Ecclesiæ seu Concilio Generali promississe. Quam enim absurdum est, omnium dogmatum firmitatem à Romani Pontificis auctoritate et iudicio arcessere, et ultimam fidei analysin in unius hominis pectus facere?

Verumtamen in eorum sententia, prout à modernis Pontificiis concipitur, hæc damnamus. Primò, quod per Concilium Oecumenicum seu Generale intelligant Concilium ex solis Episcopis Romano Patriarchæ subiectis conflatum, excludentes reliquos omnes Patriarchas et Episcopos iis subiectos; cum tamen plenarium seu universale Concilium ex quinque Patriarchalibus sedibus colligatur, ut loquitur Cardinalis Cusanus, lib. 2. Concordiæ Catholicæ, Cap. 3. Secundò, quod asserant Concilium Generale in nulla controversia, vel fidei, vel morum errare posse. Tertio, quod hoc dogma de Conciliorum infallibilitate teneant tanquam dogma certum certitudine fidei, et consequenter dicant determinationem Concilii Generalis per se et sua auctoritate obligare nos ad id credendum fide divina quod à Concilio definitum est.



## CAPVT XVIII.

Conciliorum infallibilitatem non esse de fide ex eo probatur, quod Patres eam aut ignorarunt, aut apertè negarunt.



At et hoc primò, quia Patres in suis disputationibus contra Hæreticos in Conciliis Generalibus & legitimis damnatos, nunquam eos nuda illorum Conciliorum authoritate premunt, sed argumentis ex Scriptura & perpetua Ecclesie traditione petitis eorū hæreses semper confutant. Quæro igitur cum nihil à sanctissimis & doctissimis Patribus prætermisum sit, quod ad rem faceret ut hæreticos ad sanam mentem revocarent, cur nunquam in tot libris & scriptis polemicis de infallibili & divina Conciliorum authoritate ullum verbum faciunt? Cur item hoc principium Pontificium, *Concilium generale & legitimum errare non potest*, nunquam apertè & in ipsis terminis proponunt? Cur denique non clam

clamant Conciliorum decreta esse Spiritus Sancti oracula, iisque non minus quam Sacrae Scripturae credendum esse? Certè si hoc dogma tunc temporis passim in orbe Christiano receptum fuisset, Patres id subinde ad hæreticorum audaciam comprimendam inculcassent: nam nulla aut brevior, aut faciliior via seu ratio confutandi hæreses excogitari potest, si vera sit adversariorum sententia de Conciliorum autoritate.

Secundò, hoc etiam patet ex eorum scriptis, nam Athanasius libro de Synodis sic dis- 2.  
serit contra Arianos: *Frustra igitur circumcursitantes prætexus ob fidem se Synodos postulare, cū sit divina Scriptura omnibus potentior. Quod si ad hanc rem usus Synodi desideratur, supersunt acta Patrum: nam neque in hac parte negligentes fuere qui Nicææ convenerunt, sed ita accuratè scripserunt, ut qui sinceriter eorum scripta legat, facile reminiscatur ejus in CHRISTVM religionis quæ à Sacris Literis annuntiatur.* Hic Athanasius, primò, peculiarem Scripturae usum in stabilenda & fundanda fide agnoscit, eamque hac in re, id est, in determinandis controversiis de fide, omnibus Conciliis potentiorē esse dicit. Se-  
cundò,

cundò, non urget auctoritatem Concilii Nicæni tanquam divinam et infallibilem, sed illud hoc uno nomine commendat, quod diligenter, accuratè, & conformiter Sacris Literis primariam illam de CHRISTI Deitate controversiam definiverit.

3.

Optatus Milevitanus contra Parmen. lib. 5. sic disputat adversus Donatistas qui Catholicos ad se venientes rebaptizabant: *Vos dicitis licet: nos non licet. Inter licet vestrum, & non licet nostrum, mutant & remigant animi populorum. Nemo vobis credat, nemo nobis: omnes contentiosi homines sumus. Querendi sunt iudices: si Christiani, de utraque parte dari non possunt, quia studiis veritas impeditur. De foris querendus est iudex: si Paganus, non potest nosse Christiana secreta: si Iudeus, inimicus est Christiani baptismatis. Ergo in terris nullum de hac re reperiri poterit iudicium: de Cælo querendus est iudex. Sed ut quid pulsamus ad Cælum, cum habeamus hîc in Evangelio testamentum. Hîc Optatus primò dicit nulli hominum ceteri, sive Catholicorum, sive hæreticorum, propter se, propriamve ipsorum auctoritatem, credend*



dendum esse: *Nemo* (inquit) *vobis* Donatistis; *nemo nobis* Catholicis credat. Longè alia hodie Pōtificiis mens est, qui quamvis Ecclesiæ Catholicæ tantum pars sint, eaque exigua & morbis gravissimis affecta, volunt tamen omnes credere ea esse vera quæ ipsi docent, ob hanc præcipuè rationem, quia ipsi sic docent. Secundo, ut omnes sciant eum nulli Concilio Episcoporum, infallibilem auctoritatem ascribere, apertè asserit, nullum in Ecclesia haberi posse istius controversiæ judicem, supple *infallibilem & irrefragabilem*, cui videlicet ab ipsius auctoritatem sine ulteriori examine credendum est, ut patet ex illis verbis præcedentibus, *Nemo vobis credat, nemo nobis*: & ex ratione ei addita, *omnes contentiosi homines sumus*, quam hic repetit illis verbis, *quia studiis veritas impeditur*.

Ex his patet quam inepta sit Gretseri cavillatio, qui in Defensione Cap. 10. lib. 3. de Verbo, Col. 1460. dicit Optatum hoc dixisse non assertivè, et ex sua sententia, sed per modum concessionis, *ob mores, genium, & conditionem adversariorum*, qui jam olim à Melchiade Romano Pontifice, quamvis injustissimè, ad alios iudices appellarant.

Primò enim qui dicit aliquid per modum concessionis, et ex adversariorum sententia, non solet id probare quod asserit. At Optatus probat id quod asserit, & probationem suam ingeminat: imò verbis immediatè sequentibus omnes ingenii sui nervos intendit in peculiari Scripturæ Sacræ tum utilitate, tum necessitate præ omni iudicio Ecclesiastico, ad determinandas fidei controversias explicanda per egregiam et pulcherrimam similitudinem quam his verbis proponit: *Quia hoc loco rectè possunt terrena cælestibus comparari; tale est quod quivis hominum habens numerosos filios. His quamdiu pater præsens est, ipse imperat singulis: non est adhuc necessarium testamentū. Sic & CHRISTVS quamdiu præsens in terris fuit (quamvis nec modo desit) pro tempore quidquid necessarium erat Apostolis imperavit. Sed quomodo terrenus pater, cum se in confinio senserit mortis, timens ne post mortē suam, rupta pace, litigent fratres, adhibitis testibus, voluntatem suam de pectore morituro transfert in tabulas diu duraturas. Et si fuerit inter fratres contentio nata, non itur ad tumulam, sed quaritur testamentum. Et qui*

qui in tumultu quiescit, tacitis de tabulis loquitur vivus. Cujus est testamentum, in Cælo est. Ergo voluntas ejus velut in testamento, sic in Evangelio inquiratur. Ecce hîc confirmat id quod supra dixerat, docens CHRISTI voluntatem, atque adeo dogmatum fidei veritatem, non in definitionibus judicum ecclesiasticorum, sed in CHRISTI testamento, in Evangelio inquirendam esse. Quis tam impudens est, ut dicere audeat Opratum hæc omnia ex adversariorum sententia dixisse?

Deinde id etiam parum satisfacit quod dicit Gretserus de moribus et genio Donatistarum, qui jam olim à Melchiade Papa appellarant. Quamvis enim Papæ judicio non acquieverunt, non tamen à Concilio aliquo Generali (cujus determinatio est supremum judicium Ecclesiæ) appellaverant. Vnde Augustinus, Epist. 162. de hac ipsa Donatistarum causa sic scribit: *Putemus illos Episcopos qui Roma judicarunt, non bonos judices fuisse; restabat adhuc Ecclesiæ universæ Concilium ubi etiam cum ipsis iudicibus causa posset agitari, ut si malè judicassent convicti essent, eorum sententiæ solverentur.* His verbis August. innuit sententiam

Concil



Concilii Generalis non solum esse *medium evidentius & illustrius ad compescendos importunos hereticos, quam unius supremi Pastoris decretum* (ut loquitur Stapletonus, Controv. 6. quæst. 3. artic. 5. Resp. ad 4. argumentum) *sed etiam esse simpliciter & absolute superiorem iudicio Papæ.* Apertè enim dicit, *sententiam Papæ posse solvi à Concilio Generali, si male iudicasse convincatur.* Potuit igitur Optatus suadere Donatistis ut quamvis à Papa olim appellassent, tamen definitioni Concilii Generalis, tanquam supremæ & infallibili fidei regulæ, se suamque fidem subjicerent: imò hoc procul dubio fecisset, si Conciliorum decreta esse ipsius Spiritus Sancti oracula putasset.

6. Sufficiunt, ut opinor, ea, quæ dicta sunt, ad insignem hunc locum Optat. Milevitani, ab adversariorum cavillis vindicandum: progredior ad Augustinum, qui plurimis in locis dicit solas Scripturas Sacras esse divinæ et infallibilis authoritatis: unde manifestè sequitur infallibilem illam authoritatem neque Papæ, neque Conciliis Generalibus competere. Ego (inquit) *solis eis scriptorum quæ jam Canonici appellantur, didici hunc timorem honoremque deferre, ut nullum eorum*  
scrib

*scribendo errasse audeam credere, alios autem ita lego, ut quantalibet sanctitate doctrinaq. polleant, non ideo verum putem quia ipsi ita senserunt, sed quia mihi vel per illos authores Canonicos, vel probabili ratione, quod à veritate non abhorreat, persuadere potuerunt. Hæc August. Epist. 19. ad Hieronymum.*

Tannerus, et reliqui Collocutores Pontificii in Colloquio Ratisbonensi, Sessione 8: item Gretserus, in Defensione, Cap. 10. lib. 1. de Verbo, Col. 189. ad hoc Augustini testimonium respondent, eum hoc loco non conferre Scriptores Canonicos, cum Cœcilio Generali, aut cum Pontifice Romano; sed cum scriptoribus non canonicis, hoc est, cum singulis Patribus et Doctoribus seorsum scribentibus. Hæc Adversariorum subtilitas facillimè retunditur. Primò enim Augustinus confert Scriptores Canonicos non cum quodam genere scriptorum non canonicorum, hoc est, cum Patribus seorsum et per se scribentibus; sed cum scriptoribus non canonicis quibuscunque, ut patet ex particula exclusiva *solis*: Ego (inquit) *solis eis scriptoribus qui Canonici appellantur*, etc. At Papa decretalem Epistolam scribens cum intentione totam Ecclesiam obligandi, item

Episcopi in Concilio cum decreta sua scripto tradunt; seu ut loquitur Vincentius Lerinensis contra Hæreses Cap. 32. *cum ea posteris per scripturæ chirographum consignant*, sunt Scriptores; et non sunt canonici. Ergo honor ille infallibilis authoritatis, de quo loquitur Augustinus, eis tribuendus nō est. Og-gannit Gretserus loco citato, Concilium Generale definiendo non obtinere locum scriptoris, sed definitoris aut judicis. Resp. ridiculè admodum ea hīc opponuntur, quæ non repugnant: nam esse scriptorem, & esse controversiarum definitorem, non magis repugnant, quam esse scriptorem & Prophetam, vel esse scriptorem & Apostolum. Concilium igitur Generale habere potest, imò revera habet rationem utriusque: nam cum controversias definit, sententiam suam per Scripturæ chirographum posteris consignat, ut ait Lerinensis.

8. Secundo, Augustinus non solum Scriptores Canonicos, cum non canonicis, sed etiam Scripturam Sacram, cum omnibus aliis scriptis, sive Patrum, sive Pontificum, sive Conciliorum confert, dicitque se nullum omnino scriptum, præter Scripturam Sacram, tanquam infallibilem fidei regulam sequi. Hoc patet ex ejus verbis eadē Epist. 19. Cap. 3.



*Quamquam (inquit) sicut paulò ante dixi, tantummodo Scripturis canonicis hanc ingenuam debeam servitutem, qua eas solas ita sequar, ut conscriptores earum nihil in eis omnino errasse, nihil fallaciter posuisse non dubitem. Idem etiam patet ex aliis ejus operibus; nam lib. 2. contra Cresconium, Cap. 31. dicit, nos secundum scripturas de ceteris libris, vel fidelium (quales sunt libri continentes Conciliorum decreta, & Pontificum rescripta) vel infidelium, liberè judicare posse. Item lib. de Natura et Gratia, Cap. 61. dicit, se esse liberum in quorumlibet hominum scriptis: & hanc rationem addit; quia (inquit) solis Canonicis debeo sine ulla recusatione consensum. Libro etiam 11. contra Faustum, Cap. 9. dicit, opuscula posteriorum quae innumerabilibus libris continentur, nullo modo sacratissima canonicarum Scripturarum excellentiae coequari: item sublata Scriptura ejusque authoritate, nullam esse paginam qua humana imperitia regatur infirmitas: hoc est, nullam remanere regulam scriptam, quae ex se infallibilis sit: quod sanè non dixisset,*  
*si Conc*

si Conciliorum decreta esse infallibilia p̄tēsser. Denique Epist. 112. asserit, nulla testimonia esse certa & infallibilia, præter ea quæ ex scriptura petuntur: *Si (inquit) divinarum Scripturarum, earum scilicet quæ Canonice in Ecclesia nominantur, perspicua aliquid firmatur auctoritate, sine ulla dubitatione credendum est.* Aliis verò testibus vel testimoniis quibus aliquid credendum esse suadetur, tibi credere vel non credere liceat, &c. Hic non loquitur August. de solis privatis testibus eorumque testimoniis (ut fingit Gretserus loco supra citato) nam verba illa, *aliis verò testibus vel testimoniis* generalia sunt, et suo ambitu complectuntur omnia testimonia quæ ex Scripturis non petuntur.

9. Tertiò, quod August. locis supra citatis generaliter dixit de omnibus testimoniis & scriptis præter Scripturas Sacras, id aliis in locis speciatim & nominatim dicit de Conciliis. Nam libro ad Donatistas post collationem Cap. 15. dicit Concilia non esse scripturis comparanda: *Quasi (inquit) Episcoporum Concilia Scripturis Canonicis aliquando fuerint comparata.* Item lib. 3. contra Maxim

Maximinum sic scribit: *Sed nunc nec ego Nicenum, nec tu debes Ariminense, tanquam præjudicaturus, proferre Concilium; nec ego hujus autoritate, nec tu illius detineris: Scripturarum autoritatibus, &c.* Similiter lib. de Unitate Ecclesie, Cap. 18. & 19. sanctissimus hic Pater, non ex hæreticorum quos oppugnabat sententia, aut ob eorum genium & mores, (ut aiunt Theologi Pontifici in Colloquio Ratisb. Sessione 8.) sed manifestissimè ex sua sententia, dicit gravissimam illà quæstionem, *Vbi & quanam sit vera Ecclesia*, neque ex Conciliis, neque ex Patribus, sed ex sola Scriptura determinandam esse. Patet hoc primò, quia Cap. 18. instàter petit à Donatistis ut Ecclesiam suam demonstrent *non in sermonibus & rumoribus Apherorum, nò in CONCILIIS Episcoporum suorum, non in literis quorumlibet disputatorum, non in signis & prodigiis fallacibus, &c.* sed in præscripto Legis, in Prophetarum prædictis, in Evāgelistarum predicationibus & laboribus, hoc est, in omnibus Canonis Sanctorum Librorum autoritatibus. Secundo, quia Cap. 19. hanc suam petitionē repetit, eamque



hac ratione confirmat: *Quia* (inquit) *ne*  
*nos propterea dicimus nobis credi oportere,*  
*quod in Ecclesia CHRISTI sumus, quia*  
*ipsam quam tenemus commendavit Mi-*  
*levitanus Optatus, vel Mediolanensis*  
*Ambrosius, vel alii innumerabiles nostra*  
*communione Episcopi, aut quia nostrorum*  
*collegarum CONCILIIIS ipsa predicata*  
*est, aut quia per totum orbem in locis san-*  
*ctis quae frequentat nostra communio tanta*  
*mirabilia vel exauditionum, vel sanita-*  
*tum fiunt, &c.* Postea ad Scripturae testimo-  
 nia accedens, de eis sic loquitur: *Hac sunt*  
*causae nostra documenta, hac fundamenta,*  
*hac firmamenta.* Quasi diceret: non ea de  
 quibus supra loquebar, id est, Patres, Conci-  
 lia, Miracula; sed sola Scriptura, fidei nostrae  
 in hac & in aliis controversiis primum  
 fundamentum esse debet.

10. Denique nusquam magis perspicuis &  
 disertis verbis Conciliorum infallibilitatem  
 negat, & Scripturae Canonicae peculiarem emi-  
 nentiam praedicat, quam celebri illo loco qui  
 habetur lib. 2. de Bapt. contra Donatistas, Cap.  
 3. *Quis autem* (inquit) *nesciat Sanctam*  
*Scripturam Canonica, tam Veteris, quam*  
*Novi*

Novi Testamenti, certis suis terminis con-  
 tineri, eamq; omnibus posterioribus Episco-  
 porum literis ita preponi, ut de illa omni-  
 no dubitari & disceptari non possit, utrum  
 verum vel rectum sit, quicquid in ea scrip-  
 tum esse constiterit. Episcoporum autem  
 literas (observet hîc, Lector, August. senten-  
 tiam de Episc. Romani decretalib<sup>9</sup> Epistolis)  
 que post confirmatum canonem vel scripte  
 sunt, vel scribuntur, & per sermonem forte sa-  
 pientiorē cujuslibet in ea re peritioris, et per  
 aliorū Episcoporū graviorē authoritatem,  
 doctioremq; prudētiam, & per Concilia lice-  
 re reprehendi, si quid in iis forte à verita-  
 te deviatum est. Et ipsa Concilia que per  
 singulas regiones vel provincias fiunt,  
 plenariorum Conciliorum authoritati, que  
 fiunt ex universo orbe Christiano, sine ul-  
 lis ambagibus cedere: ipsaq; plenaria se-  
 pè priora posterioribus emendari, cum ali-  
 quo experimento rerum aperitur quod clau-  
 sum erat (quod fit in quæstionibus facti) &  
 cognoscitur quod latebat, (quod in contro-  
 versis fidei evenire solet) sine ullo typho sa-  
 crilegæ superbiæ, sine vlla inflata cervicē  
 arrogantia, sine vlla contentione livida in-

*vidia, &c.* Tria hic notanda sunt : primum est quod Augustinus comparans Scripturæ authoritatem, cum omni alia authoritate cui aliquid in controversiis fidei tribui solet, non facit specialem aliquam mentionem authoritatis Papalis : quod argumento est Papæ iudiciariam authoritatem de rebus fidei ei incognitam fuisse. Secundum est quod dicat *Episcoporum literas quæ post confirmatum canonem vel scriptæ sunt, vel scribuntur, corrigi & reprehendi posse.* Vnde sequitur ipsius Episcopi Romani decretales Epistolas reprehendi posse, nam & hæ post confirmatum canonem scriptæ sunt. Tertium est quod asserat ipsa Concilia plenaria seu Oecumenica priora emendari à posterioribus.

II. Hic locus Augustini tam apertè Conciliorum Generalium infallibilitatem tollit ut Adversarios non leviter pungat, idèoque Bellarm. lib. 2. de Conciliis, Cap. 7. & Stapler. Controv. 6. quæst. 3. art. 4. Resp. ad argumentum primum, omni contentione cum nobis eripere conantur. Primò igitur Bellarm. ait fortè loqui Augustinum de Conciliis illegitimis. Sed hæc responsio est conjecturalis & incerta, imò & parum probabilis. Primò enim scopus Augustini loco citato, ut ex ejus verbis patet, est distinguere authoritatem Scriptæ



Scripturæ, ab omni alia authoritate, sive Patrum, sive Conciliorum; & peculiarem quandam dignitatem Sacræ Scripturæ tribuere: idque ut ostendat Donatistarum argumētum ab authoritate Cypriani et Concilii Carthaginensis peti- tum, non esse validum. Secundo, cum loquitur de Episcopis eorumque litteris, loquitur generaliter, et non de solis hæreticis: item cum loquitur de nationalibus Conciliis, loquitur generaliter, et non de solis illegitimis. Ergo etiam cum loquitur de plenariis Conciliis, loquitur generaliter et illimitatè. Tertiò, cum dicit in præcedenti membro gradationis, Concilia nationalia cedere plenariis, præcipuè intelligit plenaria legitima. Ergo in hoc membro immediatè sequenti loquitur etiam de Conciliis plenariis legitimis.

Secundò, Bellarm. et cum eo Stapletonus dicunt Augustinum loco citato, non loqui de quæstionibus fidei, sed vel de quæstionibus facti, vel de quæstionibus circa eos ritus & mores qui ex natura sua indifferentes sunt, et juxta temporum, locorum, et personarum mutationes, mutari possunt: nam in his solis Concilia legitima errare concedunt. Bellarm. hanc responsionem (quam ipse in duas partes dividit) duplici ratione confirmat. Prior est quod præcipua quæstio Augustini & aliorum

127

Catholicorum cum Donatistis fuerit de Cæciliano, libros ne sacros tradidisset hostibus fidei, an non? Posterior est, quod August. dicat tunc emendari Cocilia priora à posterioribus, quando experimento aliquo aperitur, quod clausum erat. *Experimento enim* (inquit) *aperiuntur quæstiones de facto, vel de moribus, non quæstiones juris universales.* Sed hæc responsio facillimè confutatur. Primò enim, prior illa ratio qua Bellarm. eam confirmat apertè falsa est: nam quæstio quam tunc Augustinus habuit cum Donatistis, erat quæstio fidei seu dogmatica, non verò ritualis, aut de facto. Donatistæ asseriebant apud Hæreticos, non esse verum Baptismum, & proinde baptizatos ab hæreticis, cum ad Ecclesiam veniunt, esse in Ecclesia baptizandos: atq; hanc suam sententiam confirmabant auctoritate Cypriani, et Concilii Carthaginensis, quod cum Cypriano hunc errorem definivit, ut patet ex eodem hoc libro 2. de Bapt. contra Donat. Cap. 1. Ad hæc respondens Augustinus, ut ostenderet eorum argumentum ab auctoritate Cypriani, et Concilii Carthaginensis petatum non esse validum, docet Sacram Scripturam esse præponendam omnibus scriptis, tum Patrum, tum Concilio- rum: idque ob hanc rationem, quia de veri-  
tate

tate eorum quæ in Scriptura traduntur, *dubitari aut disceptari non potest*; cum tamen scripta Patrum, & Conciliorum tum nationalium tum plenariorum decreta reprehendi ac emendari possint. Secundò, posterior ratio qua Bellar. suam responsionem confirmat, parum solida est: nam Augustinus dicit Concilia plenaria priora emendari à posterioribus, non solum quando *experimento aliquo aperitur quod clausum erat*, quod fit in quæstionibus facti, sed etiam *quando cognoscitur quod latebat*, quod in quæstionibus fidei evenire solet, ut rectè observat Stapler. Controv. 6. quæst. 3. art. 4. ad 1. argum. Tertiò, si Augustinus hîc docet Concilia esse errori obnoxia tantummodo in quæstionibus facti, & in constitutionibus de rebus adia- phoris, non appositè respondet, nec satisfacit Donatistis, qui in controversia dogmatica (ut supra monui) cum premebant authoritate Cypriani, & Concilii Carthaginensis. Objicere enim potuissent, Patrum & Conciliorum authoritatem, quamvis in quæstionibus facti, aut de ritibus, minoris momenti sit, non tamen in quæstionibus fidei defugiendam esse.

Tertiò, Stapletonus loco citato prædi- 131  
ctæ responsionis infirmitatem percipiens,



Catholicorum cum Donatistis fuerit de Cæciliano, libros ne sacros tradidisset hostibus fidei, an non? Posterior est, quod August. dicit tunc emendari Cœcilia priora à posterioribus, quando experimento aliquo aperitur, quod clausum erat. *Experimento enim* (inquit) *aperiuntur quæstiones de facto, vel de moribus, non quæstiones juris universales.* Sed hæc responsio facillimè confutatur. Primò enim, prior illa ratio qua Bellarm. eam confirmat apertè falsa est: nam quæstio quam tunc Augustinus habuit cum Donatistis, erat quæstio fidei seu dogmatica, non verò ritualis, aut de facto. Donatistæ asserebant apud Hæreticos, non esse verum Baptismum, & proinde baptizatos ab hæreticis, cum ad Ecclesiam veniunt, esse in Ecclesia baptizandos: atq; hanc suam sententiam confirmabant auctoritate Cypriani, et Concilii Carthaginensis, quod cum Cypriano hunc errorem definivit, ut patet ex eodem hoc libro 2. de Bapt. contra Donat, Cap. i. Ad hæc respondens Augustinus, ut ostenderet eorum argumentum ab auctoritate Cypriani, et Concilii Carthaginensis petatum non esse validum, docet Sacram Scripturam esse præponendam omnibus scriptis, tum Patrum, tum Conciliorum; idque ob hanc rationem, quia de veritate

tate eorum quæ in Scriptura traduntur, *dubi-  
tari aut disceptari non potest*; cum tamen  
scripta Patrum, & Conciliorum tum natio-  
nalia tum plenariorum decreta reprehen-  
di ac emendari possint. Secundò, posterior  
ratio qua Bellar. suam responsionem confir-  
mat, parum solida est: nam Augustinus dicit  
Concilia plenaria priora emendari à postero-  
ribus, non solum quando *experimento ali-  
quo aperitur quod clausum erat*, quod fit  
in quæstionibus facti, sed etiam *quando cog-  
noscitur quod latebat*, quod in quæstioni-  
bus fidei evenire solet, ut rectè observat Sta-  
pler. Controv. 6. quæst. 3. art. 4. ad 1. argum.  
Tertiò, si Augustinus hîc docet Concilia esse  
errori obnoxia tantummodo in quæstionibus  
facti, & in constitutionibus de rebus adia-  
phoris, non appositè respondet, nec satisfacit  
Donatistis, qui in controversia dogmatica  
(ut supra monui) eum premebant autori-  
tate Cypriani, & Concilii Carthagenensis.  
Objicere enim potuissent, Patrum & Conci-  
liorum auctoritatem, quamvis in quæstioni-  
bus facti, aut de ritibus, minoris momenti  
sit, non tamen in quæstionibus fidei desu-  
giendam esse.

Tertiò, Stapletonus loco citato prædi-  
ctæ responsionis infirmitatem percipiens,  
131

allam excogitavit. Dicit enim verborum Augustini sensum esse, *quod Concilia plenaria posteriora emendat, id est, perfectius explicant fidem in semine antiqua doctrina latentem quam priora*: ut verbi gratia, Concilium Ephesinum, Chalcedonense, & Constantinopolitanum tertium ( quod fuit sextum Generale ) perfectius & explicatius proposuerunt doctrinam de persona & naturis CHRISTI, quam Concilium Nicaenum 1. Putat igitur Stapletonus verbum *emendari* illo loco, non significare *corrigi*, sed *explicari*, aut *illustrari*. Hæc etiam responsio absurda est, & tanto Doctore indigna. Primò enim violenta est, & peregrinam ac impropriam significationem verbo *emendari* affingit. Secundò, scopus Augustini est ostendere omnia scripta, exceptis Canonicis, siue ea sint Patrum, siue Conciliorum, esse errori obnoxia, & proinde argumentum Donatistarum, ab autoritate Cypriani, & Concilii Carthaginensis petitur, non esse validum. Tertiò, Augustinus dum assignat discrimen inter auctoritatem Canonicam Scripturæ, & auctoritatem Ecclesiasticam Patrum, & Conciliorum omnium, id est, & nationalium & plenariorum, hoc privilegium Scripturæ attribuit tanquam quid ei proprium & peculia-



re, quod de veritate eorum quæ in ea tradun-  
tur omnino dubitari & disceptari non pos-  
sit. Ergo putavit hoc privilegium neq; Pa-  
tribus, neque ulli Concilio comperere; & pro-  
inde per eum dubitare & disceptare licet de  
veritate eorum quæ à Conciliis etiam plena-  
riis definita sunt: quod sanè non *explicatio-*  
*nem tantum*, sed & *emendationem* propriè  
dictam importat. Quartò, cum Augustinus  
in primo membro gradationis dicit, *Episco-*  
*porum literas per Cōcilia posse reprehendi*,  
intelligit eas esse errori obnoxias: item cum  
in secundo membro dicit, *Concilia natio-*  
*nalìa plenariis cedere*, indicat Concilia  
nationalia errare posse. Ergo etiam cum in  
tertio gradationis membro dicit, *plenaria*  
*Concilia priora à posterioribus emendari*  
*posse*, intelligit, errata priorum à postero-  
ribus corrigi posse. Nam alioqui gradatio  
hæc non erit uniformis, ejusque membra non  
cohærebunt. Quintò, si *emendari* hîc acci-  
pitur pro *explicitari*, sequeretur unam Scriptu-  
ræ partem ab alia ejusdem parte emendari, &  
per consequens Scripturam in hoc non dif-  
ferre à Conciliis plenariis, quod & in se ab-  
surdum est, et scopo Augustini contrarium.  
Nam verbi causa, Novum Testamentum hoc  
sensu

sensu emendat Testamentum verus, vel ut Stapletoni verbis utar, *perfectius explicat fidem in semine doctrine* veteris Testamenti *latentem*. Præterea ex puerili hac et ridicula glossa Stapletoni, sequetur ipsam Scripturam à Patribus et Conciliis *emendari*, quia quod obscurius in Scripturis proponitur, id perfectius ab eis explicatur.

14.

Ex iis quæ dicta sunt patet Augustini sententia, de infallibilis authoritatis honore, quod videlicet *solis scriptoribus Canonicis* defendendus sit. Patet item quod per scriptores *alios*, seu *non Canonicos*, intelligat, non solum privatos Doctores, ( ut Tannerus, Gretserus, & alii in Colloquio Ratisbonensi, Sessione 8. opinantur ) sed etiam Romanos Pontifices, et Episcopos in Concilio congregatos, quatenus sententiam suam, de rebus fidei, scripto ad posteros transmittunt. Hoc jam tribus argumentis ( quæ ob Adversariorum pervicaciam paulò altiùs prosecutus sum ) efficaciter demonstravi: eis Lectoris gratia coronidis loco addam Gulielmi Ockam Nominalium Scholasticorum Principis sententiam de hoc ipso Augustini dicto: *Notandum autem* ( inquit ) *quod Augustinus in auctoritate illa loquens de scriptoribus aliis*  
*à script*

à scriptoribus *Biblie*, inter hos scriptores non *Canonicos*, & illos, non distinguit. Et ideo siue fuerint summi Pontifices, siue alii; siue scripserint aliquid in Concilio Generali, siue extra; consimile de eis iudicium est habendum, ut in his quæ scientiæ vel juris sunt, non ideo aliquid putetur certitudinaliter modo prædicto esse verum quia ipsi ita scripserunt, nisi id vel per *Scripturam divinam*, vel rationes irrefragabiles, aut operationem miraculorum, aut per approbationem universalis Ecclesiæ persuadere valuerint. Hæc ille parte 3. Dial. tract. 1. lib. 3. Cap. 24.

Solent Adversarii quædam ex Augustino pro Conciliorum infallibilitate testimonia adducere: sed ea multum discrepant à tumore et grandiloquentia styli Pontificii (non enim dicunt Conciliorum decreta esse Spiritus Sancti oracula, aut quoad authoritatem & certitudinem esse sacræ Scripturæ æqualia) & revera nihil probant præter ea quæ nos libenter concedimus: videlicet primò, sententiam Concilii Generalis esse totius Ecclesiæ sententiam, Lib. 1. de Baptismo, contra Donatistas, Cap. 18. & lib. 2. Cap. 1. et 4. quod quo sensu verum sit docet Spalatensis Lib.



Lib. 7. de Rep. Ecclesiastica. Cap. 3. §. 62. Secundò, Conciliorum Generalium *saluber-  
rimam esse in Eccles. authoritatē*, Epist. 218. Tertiò, Cyprianum ab hæresi excusan-  
dum esse quia ejus error de rebaptizatione  
Hæreticorum (qui certè fundamentalis non  
fuit) nondum erat in Concilio plenario dam-  
natus, lib. 1. de Bapt. contra Donat. Cap. 18.  
Quartò, se audacter sentire contra Cypria-  
num aliosque Africanos *propter universa  
Ecclesie concordissimam authoritatē*: ibi-  
dem lib. 2. Cap. 4. Quintò, *Non esse tutum  
in ea progredi aliqua temeritate sententia,  
qua nullo in Catholico regionali Concilio  
cepta, nullo plenario Concilio terminata  
sunt*; ibidem lib. 7. Cap. 53. quod procul du-  
bio intelligēdum est de iis quæstionibus quæ  
sunt circa res ad salutem minus necessarias, et  
in Scripturis non satis apertè revelatas: tales  
enim sunt illæ quæstiones de quibus ibi dis-  
serit Augustinus ut ex principio istius Capitis  
patet. Sextò, supremum Iudicium Ecclesie  
non esse Papæ, sed Concilii Generalis senten-  
tiam, Epist. 162. ad Donatistarum Episcopos.  
Hæc omnia nostræ doctrinæ, de Cōciliorum  
authoritate optimè consonant: & tamen hæc  
sunt præcipua, imò nisi fallor, omnia testimo-  
nia quæ Bellarm. lib. 2. de Conciliis, Cap. 2.  
&

De 3. et Staplet. Controv. 6. quæst. 3. art. 4.  
adversus nos ex Augustino proferre potuerunt.

Ab Augustino ad Vincentium Lirinensem  
me conféro, qui in libello suo verè aureo contra Hæreses, Cap. 1. hanc quæstionem ex professo tractandam proponit, quonam modo possit Christianus Catholicus, certa quadam & quasi generali via, Catholica fidem veritatem ab heretica pravitate falsitate discernere: dicitque se hanc quæstionem, quamplurimis sanctitate & doctrina præstantibus viris proposuisse, & huiusmodi semper responsum ab omnibus ferè retulisse: quod sive ipse, sive quis alius vellet exurgentium hereticorum fraudes deprehendere, duplici modo munire fidem suam Domino adjuvante deberet. Primò scilicet divina legis auctoritate: tum deinde Ecclesie Catholica traditione. Hic neque Pontificis Romani, neque Concilii Generalis ulla mentio facta est. Ergo Vincentius, et quamplurimi illi sanctitate & doctrina præstantes Patres quos ipse se sæpè consuisse affirmat non putarunt Papæ et Conciliorum auctoritatem pertinere ad certam illam

lam et *generalem viam* discernendi fidei veritatem ab hæresi. Vt autem insignis hic locus Vincentii melius intelligatur, et ab Adversariorum cavillationibus vindicetur, duæ quæstiones hîc explicandæ sunt. Prior est; Quid hîc *per Ecclesiæ Catholicæ traditionem* intelligat Vincentius? Posterior est, quo sensu eam addat divinæ legi, seu Sacræ Scripturæ?

- ¶ 7. Ad priorem quæstionem respondeo, Vincentium per Ecclesiæ Catholicæ traditionem, non intelligere definitionem novi alicujus Concilii Generalis, aut Pontificis pro tempore sedentis, sed partim universalem omnium membrorum præsentis Ecclesiæ consensum, partim constantem & perpetuam antiquæ ac sanæ Ecclesiæ doctrinam, vel professionem. Pater hoc primò, ex ipsis verbis hujus Authoris. Cap. 3. *In ipsa item* (inquit) *Catholica Ecclesia magnoperè curandum est, ut id teneamus, quod ubique, quod semper, quod ab omnibus creditum est: hoc est eternum verè proprièq; Catholicum, quod ipsa vis nominis ratioq; declarat, quæ omnia verè universaliter comprehendit. Sed hoc ita demû fit. si sequamar Universitatē,*  
*Antiq*



## Antiquitatem, Consensionem.

Sequemur autem Vniversitatem hoc modo, si hanc unam fidem veram esse fateamur, quam tota per orbem terrarum confitetur Ecclesia. Antiquitatem verò ita, si ab his nullatenus sensib<sup>o</sup> recedamus, quos sanctos Majores ac Patres nostros celebrasse manifestum est. Consensionem quoque itidem, si in ipsa vetustate, omnium vel certè penè omnium Sacerdotum pariter & Magistrorum definitiones sententiâsque sectemur.

Secundò idem patet ex Cap. 4. ubi quæstionem proponit, de ratione discernendi novarum hæresewn falsitatem à fidei Catholice veritate, et ad eam respondens, neque Romanæ Ecclesiæ, neque Papæ pro tempore sedentis, neque novi Concilii universalis meminit, sed ad Patrum sententias recurrendum, & antiquitati inherendum esse docet: Quid (inquit) si novella aliqua contagio non jam portiunculam tantum, sed totam pariter Ecclesiam commaculare cõvetur? Tunc item providebit ut antiquitati inhereat, qua prorsus jam non potest ab ulla novitatis fraude seduci. Similiter

cap. 41. Deinde (inquit) si qua novum  
 exurgeret questio, ubi id (videlicet, anti-  
 quæ Ecclesiæ de ea questione decretum) mi-  
 nimè reperiretur, recurrendum est ad san-  
 ctorum Patrum sententias, &c. Observa  
 hic (candide Lector) quam rudis sit Vincen-  
 tius Lirinensis, & Theologiæ Pontificiæ pe-  
 nitus ignarus. Si enim quætas ex Theologo  
 aliquo Pontificio; Quæ sit tutissima, & cer-  
 tissima ratio discernendi novarum hæreseon  
 fallitatem? aut quo pacto infallibiliter quis  
 scire possit, quid credendum & tenendum sit  
 in quætionibus seu controversiis recens or-  
 tis? is procul dubio responderet, solam præ-  
 sentis Ecclesiæ definitionem in hoc casu no-  
 bis plenè satisfacere posse: item id solum fir-  
 miter credendum esse quod præsens Eccle-  
 sia Romana docet, quod præsens Pontifex  
 credendum proponit, aut quod novum Con-  
 cilium Oecumenicum ad illas controversias  
 determinandas celebratum, definit. At hic  
 modus respondendi Vincentio Lirinensi, &  
*quamplurimis illis sanctitate & doctrina*  
*præstantibus Patribus,* quos ipse consuluit,  
 nunquam in mentem venit. Nam de infalli-  
 bilitate præsentis Ecclesiæ, Concilii, aut Pon-  
 tificis in determinandis ejusmodi controver-  
 siis alcu apud eum est silentium: nec unquam  
 fide

fideles ablegat ad definitiones seu decreta illius regulæ, quam Turnebullus Cap. 4. & 5. *animatam* vocat, quamque esse supremam seu principalem fidei regulam sæpius affirmat.

Quæro igitur ex Adversariis undenam sit, quod doctissimus & sanctissimus hic Pater, ex professo per totum hunc aureum libellum differens de recta ratione discernendi veram doctrinam à falsa, illam rationem quæ ex sententia Pontificiorum omnium certissima & tutissima est alto silentio prætermiserit? Gretserus in Defensione, Cap. 8. lib. 3. de Verbo, Col. 1396. audacter respondet, rationem illam non esse à Vincentio Lirinensi prætermittam, idque confirmat quia Vincentius Cap. ultimo sui libelli, Xysti & Coelestini Romanorum Pontificum meminit, eorumque edicta contra Hæreticos recitat, & probat: quia item palam scribit per *Apostolica definita*, hoc est, per Romanorum Pontificum sanctiones, & per *Ecclesiastica decreta*, supple Conciliorum, cunctos semper hæreticos damnatos esse. Sed frigida et jejuna est hæc cavillatio: nam ex verbis Vincentii loco citato id tantum colligi potest quod in confesso apud omnes est, videlicet Pontifices et Concilia controversias definivisse, et hæreses

Z

damn



damnasse. Loquitur enim de Pontificum, et Conciliorum decretis: at de eorum infallibilitate in decernendo ne verbum quidem apud eum inveniet oculatissimus Lector. Nusquam dicit Papalia & Synodica decreta de rebus fidei esse ex se aut per se infallibilia: nusquam dicit firmam et plenam certitudinem de veritate doctrinæ ex iis haberi posse. Sed contra, cum de *generali* illa et *regulari via* discernendi veram doctrinam à falsa verba facit, solam Scripturam et perpetuam Ecclesiæ traditionem nobis commendat. Vide Cap. 1. 2. 38. 39, et 41. istius libelli.

20. At dicit aliquis, commendat etiam nobis Conciliorum decreta suadetque ut *unius, sive paucissimorum temeritati, primum omnium generalia, si qua sunt, universalis Concilii decreta preponamus*, Cap. 38. Respondeo; Quæ à Vincentio dicta sunt, de Conciliorum universalium decretis, ea Pontificiorum doctrinam de præsentis Ecclesiæ infallibilitate in definiendo, manifestissime evertunt. Primò enim, non commendat nobis Concilia præsentis Ecclesiæ, neque Papæ pro tempore sedentis judiciale definitionem; sed *Cōcilia Catholicorum Sacerdotum antiquitus celebrata*, Cap. 39. Secundò, ea nobis commendat non ob infallibilem ipsorum

ram authoritatem ( nihil enim tale ex ejus  
 verbis colligi potest ) sed quia ex eis facillimè  
 percipimus, quznam fuerit Patrum istius se-  
 culi communis et recepta sententia: eam enim  
*unius sive paucissimorum temeritati* ( qui  
 videlicet isto seculo aliter senserunt ) *præpo-*  
*nere* debemus, ut ipse docet Cap. 38. sub fi-  
 nem: quia item eorum authoritas eò major  
 est quod constantem et perpetuam totius Ec-  
 cles. orthodoxæ approbationē per tot secula  
 consecuta sint. Terriò, hunc solū eorum usum  
 esse dicit, ut *hæreses prophanitates anti-*  
*quitas convictas damnatasque vitemus*,  
 Cap. 39: et proinde non vult ea valere ad no-  
 varum hæreses falsitatē detegendam. Quar-  
 tò, novas igitur hæreses alia ratione detegen-  
 das esse docet, dumque hoc explicat, neque  
 Pontificis pro tempore sedentis, neque Con-  
 cillii Oecumenici ab eo confirmati, vel confir-  
 mandi, meminit; sed ad sanctorum Patrum  
 sententias recurrendum esse asserit Cap. 41.  
 Vnde evidenter sequitur, eum Papæ et Con-  
 ciliorum infallibilitatem ignorasse, nihilque  
 de eis accepisse à *quam plurimis illis sancti-*  
*tate & doctrina præstantibus viris*, quos  
 de gravissima hac quæstione consuluit.

Ne autem hæc temerè de Vincentio dixis- 21  
 se videar, et quia hic libellus omnibus ad ma-

num non est, ex locis citatis in medium affe-  
ram verba ipsius auctoris, qui Cap. 38. sic  
scribit: *In ipsa item vetustate, unius  
sive paucissimorum temeritati, primum  
omnium generalia, si qua sunt, universa-  
lis Concilii decreta preponant. Tunc dein-  
de, si id minus est, sequantur quod proxi-  
mum est, multorum atque magnorum con-  
sentientes sibi sententias Magistrorum.*  
Item Cap. 39. *Atque ideo quascunque  
illas antiquiores, vel schismatum, vel  
hæresum prophanitates, nullo modo nos  
oportet, nisi aut sola, si opus est, Scriptura-  
rum auctoritate convincere, aut certè jam  
antiquitus universalibus Sacerdotum  
Catholicorum Conciliis convictas damna-  
tasque vitare.* Et Cap. 41. *Item diximus,  
in ipsa Ecclesia vetustate, duo quedam ve-  
hementer studiosèque observanda, quibus  
penitus inherere deberent, quicunque hæ-  
retici esse nolint. Primum si quid esset an-  
tiquitus ab omnibus Ecclesie Catholica  
Sacerdotibus universalis Concilii auctori-  
tate decretum. Deinde, si qua nova exur-  
geret questio, ubi id minimè reperiretur,*



recurrendum ad sanctorum Patrum sententias eorum duntaxat, qui suis quique temporibus & locis in unitate communionis & fidei permanentes, Magistri probabiles extitissent. Et quidquid uno sensu atque consensu tenuisse invenirentur, id Ecclesie verum & Catholicum absque ullo scrupulo judicaretur.

Ad posteriorem quaestionem breviter respondeo, illam *Catholica Ecclesie traditionem*, quam ad Scripturarum canonem ad-  
22.  
jungi debere affirmat Vincentius, non esse ex numero earum Traditionum, quas adversus nostram sententiam de Scripturae perfectione propugnant Pontificii. Illi enim tuentur, & propugnant Traditiones *perfectivas canonis*, id est complentes & perficientes fidei canonem: dicunt enim regulam fidei, quatenus Sacris Scripturis continetur, esse imperfectam & *partialem*, quia videlicet non continet totam doctrinam necessariam sive de fide, sive de moribus, & ideo ad complendum fidei canonem, unamque regulam *totalem* seu integram constituendam, Scripturae adjiciunt Traditiones non scriptas, hoc est dogmata de fide & moribus diversa ab eis quae in sacro codice proponun-  
tur.

tur. At Vincentius Scripturarum canonem perfectum esse affirmat, docetque traditiones illas quas fidelibus commendat, non esse *perfectivas*, sed *explicativas canonis*, eique subservientes ad verum ejus sensum manifestandum; hoc est, docet eas non esse dogmata de fide aut moribus diversa ab eis quæ Sacris Literis continentur, sed esse explicationes vel expositiones eorum quæ obscurius illis proponuntur. Hoc aperte patet ex ejus verbis Cap. 2. *Hic* ( inquit ) *forſitan requirat aliquis: cum ſit perfectus Scripturarum canon, ſibi que ad omnia ſatis ſuperque ſufficiat, quid opus eſt ut ei Eccleſiaſtica intelligentia jungatur authoritas? Quia videlicet Scripturam Sacram pro ipſa ſua altitudine non uno eodemque ſenſu uniuerſi accipiunt, &c.* Et Cap. 41. hanc ipſam reſponſionem repetens, *Non quia* ( inquit ) *canon ſolus ſibi ad uniuerſa non ſufficiat, ſed quia verba diuina pro ſuo plerique arbitrato interpretantes, varias opiniones erroresque concipiant.* Idem etiam patet ex Gretſero in Deſenſ. Cap. 11. lib. 4. de Verbo DEI, col. 1837. ubi ad hunc locum reſpondere conatur, ſed reuera ita reſpondet, ut cōcedat

Vin

Vincentium nobiscum dicere, fidei canonem quatenus Sacris Literis continetur, non indigere ullius traditionis ope ad sui constitutionem, sed sibi ad hoc satis superque sufficere.

## CAPUT XIX.

Idem ex Pontificiorum Theologorum scriptis probatur.



Doctrinam presentis Ecclesie Romanæ, de Concilio-  
rum infallibilitate, nō fuisse  
cōmunem & receptam  
totius Ecclesie doctrinam  
eo seculo quo scripsit Gu-  
lielmus Ockam, manifestè

patet ex ejus verbis prima parte Dialogi, lib. 5. Cap. 1. ubi sic scribit: Nunc autem postquam quesivi, quomodo potest convinci quis esse hæreticus, indagare propono qui possint pravitate hæretica maculari. Et quia omnes Christiani sentire videntur quod tota multitudo Christianorum



*hereticari non potest: quidam autem secundo quod nec Concilium generale: aliqui verò tertio quod nec Rom. Ecclesia: nonnulli autem quarto quod nec Collegium Cardinalium: aliqui verò quinto quod nec etiam Papa potest heretica pollui pravitate. Ideo de istis quinque, &c. Hic dicit inerrabilitatem (ut ita loquar) totius multitudinis Christianorum credi ab omnibus fidelibus, Conciliorum verò inerrabilitatem seu infallibilitatem tantum à quibusdam defendi. Præterea Cap. 25. ejusdem libri asserit duas esse assertiones seu opiniones contrarias de generali Concilio, Una (inquit) est quod hereticari non potest; alia est, quod heretica potest labe aspergi. Hanc posteriorem sententiam ipse amplectitur: ut patet partim ex isto Capite 25, item ex 26 & 28 ejusdem libri; partim verò ex libro tertio primi tractatus tertie partis, ubi 23 Capitibus, hoc est, à Cap. 4. ad finem libri, hanc sententiam explicat & confirmat: omnesque rationes quæ pro Conciliorum infallibilitate afferri solent doctè & perspicuè diluit.*

3. Multa eaque notatu dignissima contra Conciliorum infallibilitatem ex locis citatis istius Dialogi in medium adferri possunt: ego  
 brev

brevitatis causa unum tantum aut alterum ex istis locis testimonium proferam. Libro quinto, primæ partis, Cap. 25, docet hic Author, infallibilitatis privilegium non competere Concilio generali, sed tantum toti multitudini fidelium. *Vna* (inquit) *sola est Ecclesia militans quæ contra fidem errare non potest; quia de sola universali Ecclesia militante invenitur in Scripturis authenticis, quod errare non potest. Concilium autem generale licet sit pars Ecclesie militantis universalis, tamen non est Ecclesia universalis. Igitur temerarium est dicere, quod Concilium generale contra fidem errare non potest. Similiter parte 3. tract. 1. lib. 3. Cap. 4. Est quadam (inquit) opinio quæ viam eligens mediam prædictis omnibus in aliquo adversatur: tenens quod Scriptura divina contenta in Biblia, & ejusdem Sacra Scriptura scriptoribus, & universali Ecclesie, atque Apostolis, absque vlla dubitatione in omnibus est credendum. Nullis verò aliis, quantacunque doctrina vel sanctitate præpolleant, est in omnibus absq. omni exceptione fides necessario adhibenda. Ita quod nec in Concilio generali, si esset*

*congregata universalis Ecclesia, nec decretis aut decretalibus vel assertionibus summorum Pontificum, nec Doctorum dictis, (sive fuerint ab Eccl. approbati, sive non fuerint approbati) est necessario credulitas in omni dicto & casu absque omni exceptione prestanda, &c. Item Cap. 9. ejusdem libri; Et (inquit) si queratur quis habet judicare, an Concilia fuerint Catholicè celebrata? Respondetur, quod quia non definirent aliquid nisi quod potest elici ex Scripturis divinis, ideo periti in Scripturis, & habentes aliarum sufficientem intelligentiam scripturarum, habent judicare per modum firmæ assertionis, quod definita ab iis sunt Catholicè definita.*

3. Petrus ab Alliaco Cardinalis Camera-censis, non solum testatur contrarias fuisse suo seculo Theologorum sententias, de Conciliorum autoritate, sed ipse eam sententiam quæ Concilia etiam generalia esse errori obnoxia asserit, ut probabiliorem amplectitur. Prius patet ex quæstione Vesperiarum, art. 3. ad litteram O, ubi dicit *omnes fideles in eo communiter consentire videri, quod tota Ecclesia, sive multitudo omnium Christianorum*



*norum haereticari non potest, siue contra fidem errare. At de Conciliorum autoritate utrum videlicet infallibilis sit, an verò non sit, contrarias esse assertiones affirmat. Et infra sic scribit: Octava assertio est, quod etiam Concilium generale potest contra fidem errare, quia ipso sic errante, adhuc staret aliquos extra Concilium non errare, & per consequens fidem Ecclesiae non deficere.*

Posterior etiam patet primò, quia in praedicta quaestione Vesperiarum, art 3, ad litteram P, hanc assertionem proponit: *Ex Sacra Scriptura (inquit) non convincitur, quod sit aliqua Ecclesia particularis quae regula legis CHRISTI semper conformetur, hoc est, quae errori obnoxia non sit. Et infra docet se per Ecclesiam particularem intelligere quamcunque Ecclesiam seu Christianorum multitudinem distinctam ab Ecclesia universali, seu à tota multitudine fidelium. At Concilium generale est multitudo Christianorum distincta à tota multitudine fidelium. Ergo secundum Cameracensem ex Scriptura non convincitur Concilium generale esse infallibile. Secundò, idem manifestius patet ex quaestione sequenti, quae inscrib*

4.

scrib

scribitur, *Questio de resumpta*, ubi à litera Q, ad finem quæstionis, has tres assertiones tueretur. Primò, *Concilium generale* potest difformari legi CHRISTI; hoc est, potest errare. Secundò, *Ecclesia Romana* quæ distinguitur à tota Congregatione fidelium sicut pars à toto, potest hereticari. Tertiò, *Tota multitudo Clericorum & Laicorum virorum* potest à vera fide deficere. Et in fine istius quæstionis sententiam suam proponit apertissimè his verbis: *Intentio autem mea cōclusionis, sicut patuit ex dictis meis, erat, quod data quacunque Ecclesia particulari certa denominationis quæ non sit toti cōgregationi fidelium generalis, verbi causa, Ecclesia Clericorum, (quæ est, tota multitudo Episcoporum et Presbyterorū) Ecclesia Italicorum, Ecclesia Gallicorum, &c. ex Scriptura Sacra non convincitur quod semper sit aliqua talis, sive consimilis denominationis, quæ regula legis CHRISTI conformetur.*

5. Thomas Valdensis multa de Ecclesiæ auctoritate tradit, ex quibus facillimè colligi potest eum isto errore quem jam impugno neutiquam imbutum fuisse. Primò enim is
- tomo

tomo 3. doctrinalis fidei, qui est de Sacramentalibus, titulo 7, Cap. 63. dicit Ecclesiæ authoritatem esse multò inferiorem authoritate Scripturæ. *Hæc ipsa (inquit) fides & authoritas Ecclesiæ, quantum hominum supergreditur rationem, tantum fateor divinæ legis authoritati succumbit.* Et infra: *Media ergo est inter supremam auctoritatem Scripturæ, & infimam rationem, fides Ecclesiæ Scripturas venerabiliter attollens & exhibens, & rationem vagam hominis ad hanc geminam auctoritatem quasi alligans zona Pauli.* Secundò, docet præsentem Ecclesiam non habere authoritatem approbandi et determinandi Sacræ Scripturæ libros, tomo 1, doctr. Fidei, lib. 2, Cap. 19, 20, et 21. Vnde graviter de eo conqueritur Melchior Canus, lib. 2, de Locis, Cap. 7, quia videlicet hæc ejus assertio nimium deprimat authoritatem præsentis Ecclesiæ infra authoritatem primæ seu Apostolicæ Ecclesiæ quæ Scripturas canonicas consignavit, & à non canonicis discrevit. *Ad Concilium (inquit) universale præcipuè pertinet definire qui liber sit canonicus. Quam quidem propositionem a quo animo paterer ab hæreticis non admitti. Sed illud tamen doleo*



leo vehementer quod eam nonnulli fideles inficiantur, in quibus Thomas Valdensis esse videtur, lib. 2, Doctrinalis fidei antiquæ, cap. 19. Tertiò, docet (quod maxime notandum est) Ecclesiam eam quæ infallibilis regula fidei est, non esse præsentem Ecclesiam, sive in Concilio, sive extra Concilium dogmata fidei proponentem; sed esse seriem Patrum omnium & fidelium ab Apostolis usque ad nostra tempora succedentium. Sic enim scribit tomo 3, de Sacramentalibus, doctrina 3, folio 5, de hac fidelium serie: *Hæc est sola machina Christiana, quæ cunctas hæreses semel abolevit: ipsa scilicet professio concors sanctorum Patrum, secundum suorum temporum intervalla reddentium testimonium CHRISTI Verbis, & consuetudini primitivæ.* Similiter Tomo 1, Lib. 2, Cap. 19: *Ecclesia universalis (inquit) habet fidem indefectibilem, non quidem in generali Synodo congregata quam aliquoties errasse percepimus, etc.*

6. Nicolaus Archiepisc. Panormitanus, super 1 parte 1 libri Decretalium, tit. *De electione*, cap. *Significasti*, dicit Ecclesiam quæ non potest errare, non esse Concilium gener

generale, sed totam collectionem fidelium. Puto tamen (inquit) quod si Papa moveretur melioribus rationibus & authoritatibus, quam Concilium, quod standum esset sententiae suae. Nam & Concilium potest errare, sicut alias erravit super matrimonium contrahendum inter raptorem & raptam. Et infra: Nam & in concernentibus fidem, etiam dictum unius privati esset praefendum dicto Papa, si ille moveretur melioribus rationibus veteris & novi Testamenti, quam Papa. Nec obstat si dicatur quod Concilium generale non potest errare, quia CHRISTVS oravit pro Ecclesia sua ut non deficeret, etc. Quia dico quod licet Concilium generale representet totam Ecclesiam universalem, tamen in veritate ibi non est verè Ecclesia universalis, sed representativè, quia universalis Ecclesia constituitur ex collectione omnium fidelium: unde omnes fideles orbis constituunt istam Ecclesiam universalem, cujus caput & sponsus est ipse CHRISTVS. Et infra: Et ista est Ecclesia quae non potest errare. Unde possibile est quod vera fides CHRI-

STI

*STI remaneret in vno solo: ita quod verum est dicere quod fides non deficit in Ecclesia: sicut ius vniuersitatis potest manere in vno solo aliis peccantibus.*

7. Antoninus Archiepiscopus Florentinus, in Summa Summarum, parte 3, Tit. 23, de Cōciliis generalib<sup>9</sup>, Cap. 2, § 6, hæc omnia quæ à Panormitano dicta sunt de Papa, Conciliis, et Ecclesia universali, amplectitur ejusque verba prout à me citata sunt fideliter in suum librum transcribit.

8. Cardinalis Cusanus, in Conciliis generalibus, ad hoc ut eorum decreta à nobis acceptentur tanquam certa et infallibilia, quasdam condiciones requirit, ex quibus apertè sequitur decreta Concilii Tridentini, et aliorum Conciliorum quæ nunc à Pontificiis pro verè generalibus habentur, non esse certa et infallibilia. Primò enim requirit *ut ex 5. Patriarchalibus sedibus plenum universale Concilium colligatur* Lib. 2, de Concordantia Catholica, Cap. 3. Secundò, ut ritè et legitimè celebretur: hoc est (ut ipse explicat) *ut palam non clandestinè celebretur*, et ut in eo *quisque liberam habeat loquendi facultatem*: ibidem. Tertiò, in decretis Cōciliorum hoc requirit, *ut ex concordantia,*

*& com*



& *communis omnium consensu* (nulla videlicet contradicente) *pronunciatur*: ibidem Cap. 4. Hoc rarissimè, et ut putat Bellarm. Lib. 2, de Conciliis, Cap. 11. §. *At obijciunt*, nunquam contingit: unde sequitur paucissima admodum decreta Conciliorum etiam generalium et legitimorum esse ex se certa et infallibilia. Quarto, in eisdem requirit ut Sacra Scriptura & antiquorum Conciliorum decretis consona sint; & tum demum dicit ea esse certa & infallibilia. Verba ejus notatu dignissima sunt: *Debet* (inquit) *sacrum Concilium universale regulis Sancti Spiritus apertis jam in canone, Sacra Scriptura, ac prateritis Conciliis dirigi, maxime in negotio fidei, & tunc definitio ex allegatis sumpta absque errore erit. Unde si ea non servantur, maxime libera omnium audientia, ac ubi aliqua attentarentur in Synodis quæ obviarent fidei Romanae Ecclesiae, protestatio justè, ac simul & appellatio ad aliud futurum Concilium fieri potest.* Hæc ille Lib. 2 Concor-  
 dant, Catholicæ, Cap. 4. Quintò, quia hæc non semper in Conciliis observantur, ideo Cap. 5. ejusdem libri ex celebri illa Augustini sententia, *ipsa Concilia plenaria priora*

*posteriores emendari possunt, hanc observationem colligit: Similiter est notandum experimento rerum, Concilium universale plenarium posse deficere: quomodo etiam varia talia Concilia fuerunt quae iudicando errarunt.*

9. Nicolaus de Clemangis in disput. cum Scholastico Parisiensi, quaedam etiam tradit quae cum doctrina Pontificiorum de Conciliorum infallibilitate, manifestè pugnant. Primò enim dicit, Concilium generale errare posse in controversiis morum, Collatione priori, pag. 61, & posteriori, pag. 66 & 67. Secundò, dicit *CHRISTI* assistentiam per directionem, seu internam in agendis instructionem, quae promittitur illis verbis *MATTHAEI 18, Vbi duo vel tres, &c.* pertinere ad solos Sanctos: item illam promissionem quae habetur *IOHAN. 16, Spiritus veritatis docebit vos omnem veritatem*, pertinere ad solos spirituales, seu ut ipse se explicat, ad eos qui non sunt in carne, sed in spiritu, Collat. poster. pag. 67. Ex hac positione Nicolai de Clemangis maxima oritur perplexitas & incertitudo de authoritate decretorum Synodicorum: idque quia de Episcoporum sanctitate qui ea ediderunt,
- null

nullam certitudinem habere possumus. Tertiò, non obscurè innuit eam persuasionem seu fiduciam de Conciliorum infallibilitate qua multi tumescunt, esse Ecclesie admodum perniciosam. Sic enim loquitur Collat. priori, pag. 64: *Non debent insuper, ut videtur, qui Concilium agunt, pro fiducia ac libertate agendi quacumq; libuerit, nimis inniti illi aestimationi, GENERALE CONCILIVM SVMVS, FIDENTER AGAMVS, ERRARE NON POSSVMVS.* Et pag. 73, Collat. poster. *Solebant antiqui Patres Cöcilium celebraturi, jejuniorum abstinencia, orandi instantia, lachrymarum inundantia, &c. sancti Spiritus assistentiam suffragiumque implorare, &c. quid autem necessaria erat tanta diligentia, si exploratum habebant se non posse falli aut deficere in his propter quæ fuerant congregati.*



## CAPVT XX.

An rectè dicat Bellarminus omnes Pontificios in eo convenire, quod Papa cum Concilio generali errare non possit.

1.



Vidam Pontificii iique ferè rudes & laici, neque Iesuitarum sententiam qui in solo Pontifice, neque Parisiensium qui in solo Concilio generali infallibilitatem iudicii de rebus fidei constituunt, defendere audent; sed id solum se firmiter credere profitentur in quo omnes Catholici ( ut ait Bellarm. Lib. 4, de Pontif. Cap. 2 ) conveniunt, videlicet quod Papa cum Concilio generali errare non possit. Vt igitur sciamus num Adversarii qui huc confugiunt, fidum & tutum hîc receptum habeant, duo nobis consideranda sunt. Prius est, num Adversarii verè & perfectè consentiant in generali illo dogmate de infallibilitate *totius Ecclesie representativæ*, quæ non solum Concilium generale, sed etiam summ

summum Pontificem in se complectitur.  
 Nam si in eo non consentiunt, nulla planè inter eos est consensus circa ipsam supremam fidei Pontificiæ regulam, à qua Romanæ Ecclesiæ unitas (quam tam insolenter jactant Adversarii) necessariò pendet. Posterius est; num generale illud dogma, in quo Bellarminus omnes Pontificios convenire asserit, sit certum & de fide? Nam si de eo plena & perfecta fidei certitudo haberi non potest, nemo negabit vastam illam fidei Pontificiæ molem fundamento parum stabili inniti.

Ad quæstionem priorem tribus assertio-  
 nibus respondebo. Prima sit hæc; Pontifi- 2.  
 cii ne verbo quidem tenus in generali illo dogmate consentiant. Nam testimonia ex eorum scriptis à me citata capite præcedēti, manifestè docent totam Ecclesiam repræsentativam, imò quod majus est, totam multitudinem Clericorum errori obnoxiam esse: item Ecclesiam illam quæ infallibilis fidei & morum regula est, non esse Ecclesiam repræsentativam, sed Ecclesiam universalem propriè sic dictam: id est, totam multitudinem fidelium. Vnde patet Authores istos quorum testimonia in medium attuli, videlicet, Gulielmum Ockam, Petrum ab Alliaco, Valdensum, Panormitanum, Anton. Florentinum, Cardinalem Cusanum, & Nicolaum

de Clemangis in quæstione hac de infallibilitate iudicii Ecclesiastici ab aliis Ecclesiæ istius Theologis dissensisse.

3. Secunda assertio sit hæc: Plerique Pontificii illudant orbi Christiano, cum dicunt se credere quod Papa cum Concilio errare non possit. Non enim putant subiectum infallibilitatis iudiciariæ esse totam Ecclesiam representativam, id est, Papam simul cum Concilio, ira videlicet ut firmitas decretorum Ecclesiasticorum sit & à Papa, & à Concilio, vel partim à Papa, & partim à Concilio; sed contrà, Iesuitæ volunt infallibilitatis illius subiectum esse Pontificem solum, Parisienses verò Concilium solum: & hi à solo Concilio, illi verò à solo Pontifice decretorum Ecclesiasticorū firmitatem esse asserunt. Hoc patet ex Bellarm. qui Lib. 4 de Pontif. Cap. 3, disertè affirmat totam firmitatem Conciliorum legitimorum esse à Pontifice: non partim à Pontifice, partim à Concilio. Item ex Stapletono, qui Controv. 6, quæst. 3, art. 5, in explicatione articuli, dicit Papam adjuncto Concilio nullam potestatem, vel auctoritatem, vel etiam certitudinem in iudicando novam acquirere. Et Valentia Tomo 3, Disp. 1, quæst. 1, puncto 7, § 45, dicit *munus infallibiliter definiendi* esse



*esse solius potestatis in Ecclesia suprema; id est, Papalis potestatis: & Conciliorum auctoritatem ut est quidem infallibilis, non esse aliam quandam auctoritatem per se distinctam ab auctoritate Pontificis, sed eandem planè; quia nimirum totam eorum infallibilitatem à Papali confirmatione esse putat. Non minus igitur verum est ex Iesuitarum sententia, Papam cum Georgio Turnebullo errare non posse, quam, Papam cum Concilio generali errare non posse. Item ex Parisiensium sententia non minus verum est, Concilium generale cum Episcopo Rhemensi errare non posse, quam Concilium generale cum Papa errare non posse.*

Quare sicut illi nos riderent, si dicere-  
mus Concilium cum Scriptura, cum Pro-  
phetis, cum Apostolis errare non posse:  
ita meritò, sed non sine stomacho, ridemus,  
cum audimus eos dicentes Papam cum Con-  
cilio errare non posse. Concludo igitur,  
consensionem illam Pontificiorum, de qua  
loquitur Bellarm. Lib. 4. de Pont. Cap. 2,  
non esse firmam & solidam, imò non esse ve-  
ram & realem: nam hoc modo non solum  
inter Iesuitas & Parisienses, sed etiam inter

nos & omnes Pontificios de infallibili controversiarum iudice convenit. Omnes enim fatemur Papam cum Scriptura & Concilio generali errare non posse. Imò si Iesuitis sic nugari placet, dicere possunt se cum Mahometanis in hoc consentire quod Papa cum Alcorano, aut Alcoranum cum Papa, errare non possit.

5. Tertia assertio: Quamvis consensus illa, de qua loquitur Bellarminus, firma, vera, & realis esset, non tamen in omni casu sufficeret ad conservandam illam Romanæ Ecclesiæ unitatem, de qua tantopere gloriantur Adversarii. Quid enim si in decisione alicujus controversiæ Papa à Concilio dissentiret? quod sanè non solum est possibile, sed etiam sæpius accidit. Quid hîc facerent Pontificii qui cum Bellarmino Lib. 4, de Noris Ecclesiæ, Cap. 10, dicunt in *Ecclesia Catholica esse certam regulam componendarum controversiarum*? Profectò non solum circa ipsam rem controversam, sed etiam circa regulam componendarum controversiarum dissentirent & digladiarentur inter se. Quidam enim ex iis iudicio Pontificis, alii verò iudicio Concilii standum esse dicerent: et sic, ut verbis Suarezii utar disp. 5, de Fide, sect. 7, § 11, magna esset perplexitas, & mag-

*num scandalum Ecclesie, si Pontifex & Concilium inter se dissentirent.*

## CAPVT XXI.

An certum sit & de fide, Papam cum Concilio generali errare non posse?



Espondetur negativè ob has rationes: primò, quia id neque apertè est revelatum in Scripturis, neque ex iis quæ apertè revelata sunt evidenter colligi potest. Secundò, quia nihil tale in

Patrum scriptis habetur: imò Patres, ut patet ex Cap. 18, infallibilitatem iudicii Ecclesiastici, aut ignorarunt, aut apertè negarunt, nullamque infallibilem fidei regulam agnoverunt præter Sacram Scripturam & perpetuam Ecclesiæ traditionem. Tertio, multi Theologi Pontificii putarunt totam Ecclesiam representativam, imò quod majus est, totam multitudinem Clericorum errori obnoxiam esse. Vide Guliel. Ockam, parte 1 Dialogi, Lib. 5, Cap. 29, & 31; ubi hanc conclusionem ponit & tuetur; *Tota multitudo Clericorum potest contra fidem Catholicam er-*



rare, & per consequens totus Clerus non est illa Ecclesia qua contra fidem errare non potest. Vide etiam Cameracensem Quæst. de resumpta, Conclus. 3, à litera S, ad litteram T; ubi istam assertionem Gulielmi Occam de tota multitudine Clericorum, proponit & defendit. Quartò, variæ hodie sunt & olim fuerunt opiniones de authoritate totius Ecclesiæ repræsentativæ, nec adhuc de ea re ulla habetur Ecclesiæ definitio. Ergo infallibilitas totius Ecclesiæ repræsentativæ non est de fide. Hoc argumentum est ad hominem ut loquuntur: nam Adversarii docent dogmata controversa nondumq; ab Ecclesia definita non esse de fide. Quintò, Liberius Papa cum generali Concilio Sirmientiensi erravit, ut patet ex iis quæ dicta sunt Cap. 14. Ergo Papa cum Concilio errare potest.

2. Denique Papa judicialiter errare potest, ut supra fusè probavi. Ergo errare potest in approbandis Conciliorum generalium decretis, & per consequens approbare potest errorem à Concilio definitum: & sic simul cum Concilio errabit. Confirmatur hæc nostra illatio, quia fieri potest ut Pontifex personaliter erret cum Concilio; hoc est ut privatim in mente sua illum ipsum errorem foveat qui à Concilio definitus est: accedente igitur
- Con

Concilii definitione magis in eo errore obfirmabitur: & sic procul dubio eum publicè definiet, & cum Concilio judicialiter errabit. Non habent hinc Adversarii quod respondeant nisi fortè cum Valentiano tomo 3, disp. 1, quæst. 1, punct. 7, § 41, ad arcana providentiæ divinæ confugiant, dicentes fidelitatem DE I qua is ex promissione tenetur communem Ecclesiæ errorem impedire, in ejusmodi casu obstare, quominus Ecclesia repræsentativa propriè & simpliciter sic dicta erret: hoc est quominus Pontifex erroneæ sententiæ a Concilio pronuntiæ assensum præbeat, & sic unà cum eo erret. Sed gratis hoc asserunt: nam nihil tale vel ex promissionibus Ecclesiæ datis, vel ex aliis quibusvis Scripturæ testimoniis evidenter colligi potest.

Patet hoc primò, quia Patres ex iis Scripturæ testimoniis quæ Adversarii pro infallibilitate Ecclesiæ repræsentativæ adferre solent nunquam eliciunt hanc conclusionem, *Papa cum Concilio errare non potest, aut Concilia à Papa confirmata sunt infallibilia.* 3.  
 Secundò, Theologi Pontificii qui duobus aut tribus ab hinc seculis scripserunt, dilucidè et perspicuè ostendunt, Ecclesiæ repræsentativæ infallibilitatem neq; ex dicto illo CHRI-  
 STI

STI, MATTH. 18; *Vbi sunt duo aut tres in Nomine meo congregati, illuc sum in medio eorum;* neque ex promissione illa quæ exstat 28 ejusdē EVANGELII, *Ecce vobiscum sum usque ad consummationem seculi;* neque ex illis Apostolorum verbis ACTORVM 15; *Visum est Spiritui Sancto & nobis,* sufficienter probari posse. Vide Guilielm. Ockam, parte 3 Dialogi, Tract. 1, Lib. 3, Cap. 9; et Cardinal. Camerac. Quæst. de Resumpta, tit. R. Docent etiam infallibilitatem Ecclesiæ repræsentativæ non posse colligi ex iis Scripturæ testimoniis quibus Theologi probare solent Ecclesiam Catholicam, seu totam multitudinem fidelium, non posse errare. Vide Panormitanum, 1 parte 1 libri Decretalium, tit. *De Electione*, CAP. *Significasti*; et Antoninum Florentinum, romano 3, titulo 23, CAP. 2, § 6. Tertiò, quidam scriptores moderni Ecclesiæ Romanæ jugulant et destruunt præcipua argumenta quæ alii ex prædictis Scripturæ locis adferre solent: ne autem temerè hoc asserere videar ipsorum verba hîc in medium afferam.

4. Ex iis Scripturæ locis quæ probare videntur Ecclesiam non posse errare, neque in credendo, neque in docendo: qualia sunt illa,

*Super*



Super hanc Petram adificabo Ecclesiam  
meam, & portæ Inferi non prævalebunt  
adversus eam, MATTH. 16: Ego vobis-  
cum sum usque ad consummationem seculi,  
MAT. 28: Ecclesia DEI vivi est colum-  
næ & firmamentum veritatis, 1 TIM. 3, ex  
iis inquam Bellarm. Lib. 2, de Conciliis, Cap.  
2, sic argumentatur: Concilium generale  
representat Ecclesiam universam, &  
proinde consensum habet Ecclesia univer-  
salis: quare si Ecclesia non potest errare,  
neque Concilium Oecumenicum legiti-  
mum & approbatum potest errare. Hanc  
consequentiam seu illationem sic evertit  
Canus, Lib. 5, de locis Theologicis, Cap. 5,  
quæst. 1, pag. 259: Nec contraria argu-  
menta quicquam efficiunt: nam primum  
sic refellitur. Fateor equidem quodcunque  
Cōcilium generale universalem Ecclesiam  
representare: sed dum vrges Ecclesiam  
errare non posse, verum est id in eo sensu  
qui à fidelibus accipitur. Intelligimus  
enim TOTAM SIMVL ECCLESIAM,  
HOC EST FIDELIS OMNES, NON  
ERRARE. At nihil obstat cur major  
Eccl

*Ecclesie pars non erret. Sic igitur non ego admitto ut totum Concilium cum legatis errare possit. At errare potest major pars Concilii. Similiter Valentianus, tomo 3, disp. 1, quæst. 1, punct. 7, § 45: Deinde (inquit) si maximè concederemus Concilium ἀνιψαλον Ecclesiam simpliciter representare, tamen ex ea re solum consequetur, omnes Patres Concilii ad unum usque errare non posse, SICVT NEC ERRARE POSSVNT SIMVL OMNES FIDELIS. At posset tamen nihilominus errare major illorum pars, atque adeo ipsum etiam Concilium, quippe cum ex sententia maioris partis congregatorum decreta Concilii confici soleant.*

5. Ex his verbis Cani et Valentiani patet quam infirmum sit hoc Adversariorum argumentum: Cætus ille iudicum Ecclesiasticorum qui ex Papa & Episcopis in Concilio congregatis constat, Ecclesiam Catholicam perfectè representat. Ergo errare non potest. Facile enim respondeo negando consequentiam, meæque negationis rationem afferendo ex verbis Melch. Cani, & Gregorii de Valentia. Nam sicut major pars
- Ecc

Ecclesiæ Catholicæ errare potest, ita major pars istius cœtus qui ex Papa et reliquis Episcopis in Concilio congregatis constat, errare potest: et per consequens istius cœtus decreta (quæ ex sententia majoris partis congregatorum confici solent) non sunt certa et infallibilia. Ex eo igitur quod Papa et Episcopi in Concilio congregati Ecclesiam Catholicam repræsentant, solum consequitur esse aliquem aut aliquos in eo cœtu qui rectè de rebus controversis sentiunt, sicut semper in Ecclesia Catholica sunt aliqui Orthodoxi. At non sequitur Papam cum majori parte Concilii rectè sentire, ut manifestè patet ex istorum Authorum verbis.

Solent etiam Adversarii Conciliorum infallibilitatem probare ex illa promissione 6.  
**CHRISTI** quæ exstat **MATTH. 18. Vbi sunt duo vel tres congregati in nomine meo, ibi ego in medio eorum sum.** At Stapletonus Controv. 6, quæst. 3, art. 4, apertè asserit Conciliorum firmitatem propriè non inniti iis verbis: *Ad tertium* (inquit) *dicendum quod firmitas Conciliorum illis CHRISTI verbis propriè non innititur; quia nec CHRISTVS ibi de Conciliis Episcoporum loquitur, sed de quavis fidelium unanimi congregatione; nec etsi*  
**CHRIST**



*CHRISTVS* adsit in medio talium, tamen ad omnem effectum adest, aut ad hunc qui est iudicare de fide. Valentia etiam tomo 3, disp. 1, quæst. 1, puncto 7, § 45, de eisdem Apostolorum verbis sic loquitur: Hoc argumentum facillimè expeditur. Non enim ad infallibilem certitudinem alicujus sententiæ, in quam plures in Nomine *CHRISTI* consentiant locus hic *Evangelii* propriè accommodari debet, sed ad efficaciam consensionis plurium ad id impetrandum, quod unanimiter in *CHRISTI* Nomine petunt, si id quidem ad eorum salutem expediat. Secus enim, non modo ex illo loco probabitur, infallibilem esse sine Pontificis assensu definitionem Concilii universalis, sed etiam provincialis, imò & Episcopalis, imò & aliorum quorumcunque duorum aut trium in Nomine *CHRISTI* convenientium ad aliquid statuendum.

7. Stapletonus loco citato dicit Conciliorum firmitatem præcipuè inniti exemplo primi Concilii Apostolici, seu verbis illis Apostolorum, *Visum est Spiritui Sancto & nobis, Act. 15.* At Ferus in explicatione istius capitis docet exemplum Concilii Apostol

solici ineptè adhiberi ad eorum Conciliorum  
quæ in Ecclesia Romana celebrari solent fir-  
mitatem demonstrandam. *Vides igitur (in-*  
*quit) quomodo conveniunt Apostoli.*  
*Simpliciter conveniunt, nihil nisi DEVM*  
*quærent, & aliorum salutem expetunt: de-*  
*nique omnia prudenter perpendunt. Quid*  
*igitur mirum si in hoc Concilio fuerit Spi-*  
*ritus Sanctus, &c. Nos aliter conveni-*  
*mus, nempe cum magna pompa, nosque*  
*ipsos quærimus, atque nobis pollicemur, ni-*  
*hil nobis nõ licere de plenitudine potestatis.*

**Et quomodo Spiritus San-**  
**ctus eiusmodi conventus**  
**probare possit? Hæc ille.**

Vides jam (candide Lector) quam mani-  
festè quidam Pontificii moderni evertant &  
destruant ea argumenta quæ ex Scripturis  
adferri solent ad demonstrandam Ecclesiæ  
representativæ infallibilitatem: vides etiam  
quam variæ & discrepantes hac de re senten-  
tiæ inter Scholasticos olim fuerint. Id enim  
apertè patet ex Ockami, Cameracensis, &  
aliorum testimoniis à me citatis Cap. 19, qui-  
bus coronidis loco hîc adjiciam verba Ioan-

nis Francisci Pici Mirand., qui sæpius in libro Theorematum testatur nihil certi suo seculo definitum fuisse de infallibilitate iudicii Ecclesiastici. Sic enim scribit in Expositione Theorematis 4: *Theologorum MULTI, etiam juris interpretum PLERIQUE*, (non dicit hanc sententiam esse omnium, sed multorum) *voluerunt Concilium ipsum, si una cum Pontifice Maximo in iis controversiis, quæ aut ad essentiã fidei, aut ad necessarios benè Christianèque vivendi mores pertinent, sententiam ferat, nullo pacto errare posse* ————. *Restiterunt alii affirmantes errare posse Concilia & jam errasse* ————. Quod autè Pontifex ipse errare in iudicando possit asseverantissimè à plerisque pronuntiatur: aiunt enim notissimum esse, Pontificem summum hæreticum fieri posse & deponi à sede. Et infrà: *Authoritatem verò illam Evangelii* (quæ videlicet habetur *Lucæ 22, 32*) *multipliciter interpretantur: de fide primum eam intelligi debere aiunt quam Petrus confessus est, inquiens, Tu es CHRISTVS, Filius DEI vivi: de vltima quoq; ipsius Petri fide, qui quanquã negatu-*



vus CHRISTVM fuerat, ad eum tamen  
 rediturus erat, & in eius gratia stabilien-  
 dus. Et quamvis de perseverantia fidei in  
 Ecclesia Romana intelligi posse non negent,  
 propriorem nihilominus hunc Evangelii  
 sensum credunt, cum ob alia, tum ob id  
 quod **A PLERISQVE NEGATUR**  
 ex Scripturis divinis colligi, fidem CHRI-  
 STI necessario in Ecclesia Romana, ut par-  
 ticularis Ecclesia est ab universali distin-  
 cta, ad usq; finem seculi perpetuandam. Et  
 qui hoc asserunt, sententias quoque illas  
 quae in Decretorum libro ad hoc ipsum con-  
 firmandum ponuntur, nihil adstruere pu-  
 tant. Inter quos Petrus Alliacensis in qua-  
 estione Vesperiarum hoc sensit. Abbas quoq;  
 Panormitanus primae ferè auctoritatis in-  
 ter professores Pontificii juris, super titulo  
 De sententia excommunicationis, in Ca-  
 pitulo eo cuius initium est, **A nobis asseve-**  
 rat universalem duntaxat Ecclesiam in  
 fide & ejus articulis errare non posse

————— Ex quibus omnibus  
 liquet varias de firmitate judicii Concilio-  
 rum & Pontificis sententias à Doctōribus

ferri, nec adhuc aliquid (quod sciam) promulgatum est cuius vi ad alterutrum credendum obstringamur. Idem etiam Theoremate 8, dicit, determinationibus quæ a Concilio vel Pontifice summo fiunt, super iis dubitationibus quæ substantiam fidei concernunt, quoad dum universalis Ecclesia non reclamaret, necessario credendam esse. Et in expositione istius Theorematis sic loquitur, Dixim<sup>us</sup> in Theoremate quoad dum universalis Ecclesia non reclamaret, quam particulam ob eorum opinionem addidimus qui credunt posse fieri ut Pontifex summus & Concilium aberret. Et infra, Sed esto, inquires, reclamabunt aliqui adversus Pontificem, Conciliumve, aut utrumque, &c. Ibidem etiam de Panormitano sic scribit, Panormitanus Abbas affirmat solā universālē Ecclesiam (nō repræsentativā) non posse errare in fide aut ejus articulis. Et de Cardinale Cameracensi idem asserit, Sed multa alia (inquit) quoque ad propositum afferri possent: præsertim Cardinalis Cameracensis qui putavit solā universalem Ecclesiam in fide errare non posse.

## CAPUT XXII.

Quod Ecclesiæ testimonium non sit formale fidei objectum, ubi argumenta ad hoc probandum allata sectione 7, à Turnebulli cavillis vindicantur.



X iis quæ præcedentibus capitibus de Papæ & Conciliorum autoritate dicta sunt, facile percipere potes, Iesuita Turnebulle, nimis audacem & temerariam esse istam tuam asser-

tionem qua affirmas Cap. 7, § 6, veterem revelationem in Sacris Literis nobis manifestatam, & definitiones Papæ ac Conciliorum ab eo confirmatorum pariter pertinere ad formale objectum, seu principale fundamentum fidei. Probavimus enim auctoritatem Ecclesiæ fidei controversias definiens non esse *divinam*, aut *humanam divinitus inspiratam*, sed humanam simpliciter, & errori obnoxiam, nisi quatenus Sacræ Scripturæ actu conformis est, nam tunc ejus definitio dici potest Verbum DEI, seu Testimonium *divinum*.



vinum. Vnde evidenter sequitur Ecclesie definitionem simpliciter & absolute non pertinere ad formale objectum fidei. Idem etiam patet ex argumentis ad hoc probandum allatis sect. 7, quam Lectori exhibui initio hujus Tract. à pag. 193, ad 200. Quia autem in Replicatione tua ad sectionem illam 7, argumenta illic proposita diluere conaris, ideo à tuis cavillationibus ea vindicabo priusquam extremam huic tractatui manum admoveam.

2. Quærebam in confirmatione primi argumenti, unde constet primum canonem quartæ Sessionis Concilii Tridentini esse infallibile DE I Verbum? et primò probabam istum canonem non posse *per se* nos certos reddere de divina sua authoritate; deinde removebam omnia alia principia fidei, ex quibus Adversarii dicunt, vel dicere possunt, certitudinem de infallibilitate hujus canonis haberi. Respondes Cap. 8, § 2, afferendo duas acceptiones particulæ *per se*, & earum una rejecta, alterâ admittis, dicisq; hunc canonem *per se*, id est, *non per aliam ulteriorem regulam* nos de divina sua authoritate certos reddere. Sed dum hoc explicas, aperte tibi contradicis: dicis enim Ecclesiam quæ istum canonem condidit, quæque semper parata est respondere dubitantibus de suorum canonum

num sensu & auctoritate, nos certos reddere de istius canonis divina & infallibili auctoritate. Dico te hîc apertè tibi contradicere, quia si certitudo de hujus canonis infallibilitate habetur non ex ipso hoc canone, sed ex Ecclesia quæ eum condidit, evidenter sequitur te ineptè dixisse hunc canonem *per se* nos certos reddere de infallibili sua auctoritate: sequitur item certitudinem de ejus infallibilitate haberi per *ulteriorem regulam*, hoc est, per regulam ab ipso hoc canone distinctam. Nam Ecclesiam esse quid distinctum à quolibet decreto Ecclesiastico & res ipsa clamat, & tu etiam fateris Cap. 8, § 8, ubi dicis *nos distinguere debere personam Ecclesie testantis vel decernentis qua semper est eadem CHRISTI sponsa, materq. credentium, uniformiter de fide respondens, ab ipso ejus responso seu decreto quod varium & multiplex datur pro varietate dogmatum qua in controversiam adducuntur.*

Præterea manifestè principium petis cum 3. dicis Ecclesiam quæ istum canonem condidit nos certos reddere de illius veritate. Nam initio primi hujus argumenti quæsi vi primò generaliter unde constet Ecclesie testimonium esse infallibile, seu Ecclesiam in testifi-

cando esse infallibilem? Deinde speciatim  
quæsiui unde constet illud particulare testi-  
monium Ecclesiæ, videlicet primum cano-  
nem quartæ Sessionis Concilii Tridentini,  
esse infallibile DEI Verbum? Ad priorem  
illam quæstionem nihil omnino respondes;  
sed ad posteriorem statim accedis, & ad eam  
respondes per id quod prima quæstione in  
dubium vocatum est, id est, per authoritatem  
infallibilem ipsius Ecclesiæ *qua decretum  
illud per suos Pastores primum tulit, &  
etiamnum ratum habet, semperq; habebit.*  
Nondum igitur sublata est argumenti nostri  
difficultas. Primò enim, quamvis Ecclesia  
ratum habeat illud decretum, non tamen in-  
de sequitur decretum illud ex se, & sua, ut ita  
dicam, natura esse infallibile: potest enim Ec-  
clesia approbare & ratum habere scriptũ ali-  
enjus privati Doctoris: non tamen inde se-  
quitur scriptum illud ex se esse infallibile. Se-  
condò, quamvis Ecclesia aliud decretum pro-  
nunciaret quo testaretur prius istud decretum  
esse infallibile, nondum tamen dubitantibus  
satisfaceret. Nam etiam de posteriori illo de-  
creto quæri potest, unde constet illud esse  
divinum & infallibile? & sic dabitur pro-  
gressus in infinitum, si videlicet semper opus  
est posteriori aliquo decreto ad authoritatem  
prio



prioribus decretis conciliandam. Hanc rationem, aut saltem aliam huic simillimam, proposui parte 1 disp. sect. 7, § 2, & parte 2, quæst. 1, § 9; sed tu data opera eam transiliisti. Tertiò, quamvis Ecclesia millies diceret aut doceret sua decreta esse infallibilia, nemo tamen ei fidem adhibebit, nisi prius credat Ecclesiam ipsam esse in testificando infallibilem. At unde hoc constare potest? seu quo fundamento nititur hæc persuasio de Ecclesiæ infallibilitate? Ad hanc quæstionem nondum respondere potuisti, Turnebulle, quod sanè maximo argumento est fidem tuam qua credis Ecclesiæ infallibilitatem parum firmam & certam esse.

At (inquis) otiosa est hæc quæstio quæ 4.  
quæritur, unde constat Ecclesiam esse infallibilem: *nam Ecclesia est mulier amicta sole, ultimaq; regula omnium credibilium, cujus proinde dictamen in omni credito tanquam diurnum solis lumen, id est ipsius DEI Verbum est omnibus CHRISTI tam agnis, quam ovibus primum, cognitum.* Resp. primò: hinc aperte principium petis. Dicis enim Ecclesiam esse ultimam credendi regulam, ejusque dictamen esse D E I ipsius Verbum & *primum cognitum*, seu primum principium fidei Christianæ: et proinde otio-  
B B § sam

sam esse prædictam quæstionem. At hæc omnia controversa sunt, & nunc quæstio de iis movetur, unde videlicet constet ea esse vera. Secundo, quæro quid intelligas per *Ecclesia dictamen* cum dicis id esse *primum cognitum*, seu primum fidei principium? An communem doctrinam seu consensu omniū Pastorum Ecclesiæ? At neque ea est Christianis omnibus primum cognitum, (nam multi Christiani, præsertim laici, neq; sciunt, neque explicitè & certò scire possunt, quænam sit communis doctrina omnium Pastorum Ecclesiæ, ut patet ex iis quæ dicta sunt tractatu 1, Cap. 3) neque ad præsentem quæstionem pertinet: nunc enim non de communi Ecclesiæ consensu, sed de ejus infallibilitate in determinandis fidei controversiis disputamus. An *particulare decretum de aliquo dogmate prius inter Christiani nominis professores controverso*, ut tu loqueris, Cap. 8, § 5? At id te ipso fatente non potest esse Christianis primū cognitum: dicis enim loco citato, à *fidelibus jam habitu & generatim omnia revelata credentibus semper prius præcognoscendam, credendamque etiam fide divina veram Ecclesiam cum suis notis, quam ejusdem Ecclesiæ testimonium esse* possi

*possit regula noviter aliquid credendi ex eadem fide.* Præterea Ecclesiæ testimonio aut decreto de quacunque re creditur propter ipsius Ecclesiæ in testificando infallibilitatem: nam (ut sæpius monui in disputatione mea) nos non possumus assentiri Ecclesiæ decretis tanquam certis & infallibilibus testimoniis, nisi prius saltem ordine naturæ credamus Ecclesiam in decernendo errare non posse. Ergo ante dictamen Ecclesiæ creditur ejus infallibilitas, & per consequens dictamen seu decretum Ecclesiæ non est Christianis primum cognitum. An denique per dictamen Ecclesiæ intelligis non ipsum decretum Ecclesiæ, sed ejusdem in decernendo auctoritatem, ita ut fidei Christianæ primum principium, seu primum credibile sit, *Ecclesia in definiendo errare non potest*, seu *DEVS per Ecclesiam definientem semper & immutabiliter loquitur*. At hoc asserendo tuam vel inscientiam vel impudentiam apertè prodis.

Primo enim falsò asseris Ecclesiæ in decernendo infallibilitatem esse primum fidei Christianæ principium: nam infra tract. de primo credibili contrarium fusè probabitur. Secundo, id non potest esse primum Christianæ fidei principium quod multi Catholici & Orthodoxi, tum Patres, tum Pontificii Theolog



logi, aut negarunt, aut in dubium vocarunt: nam prima principia certa & indubitata esse debent. At Ecclesie in definiendo infallibilitas est talis, ut patet ex hoc ipso tractatu, à capite 10, ad hoc 22 caput. Ergo ea non est primum fidei principium. Tertiò, tu cum reliquis tuæ societatis Theologis, cum dicitis Ecclesiam in definiendo errare non posse, per Ecclesiam intelligitis Papam Rom., nam in eo solo & non in corpore Concilii infallibilitatem judicandi constituitis. At de infallibilitate Papali in definiendo usque ad hunc diem quæstio inter ipsos Pontificios superest, ut patet ex Bellarm. lib. 4, de Pontif. Cap. 2. Ergo ea non potest esse primum fidei principium. Quartò, vel creditis DEVM per Ecclesiam loqui quia ipsa Ecclesia hoc de se restatur, vel quia in decretis & definitionibus Ecclesie sunt clara et manifesta divinitatis indicia, vel quia communia fidei motiva hoc suadent, vel denique quia in alia aliqua ulteriori regula fidei, infallibilitas Ecclesie revelata est. At neque ex ipsius Ecclesie testimonio, neque ex iis divinitatis indiciis quæ insunt aut inesse videntur decretis Ecclesie, neque ex communibus fidei motivis, haberi potest certitudo fidei de veritate istius propositionis, *DEVS per Ecclesiam loquitur*. Ergo oportet ut probetur ex alia ulteriori re-

guli

gula, id est ex Scriptura vel Traditione: et per consequens, non est primum cognitum in Theologia, seu primum fidei principium. Nam in primo credendi principio fides sistit et acquiescit, nec ad aliud ulterius principium progreditur, ut ex eo de veritate primi principii certitudinem acquirat. Pater major, quia isti propositioni assentiri non possumus nisi aliquo modo ejus veritas nobis manifestetur. At nullus modus excogitari potest quo veritas ejus manifestetur, præter eos quos in majore propositione expressi. Nam quod Cap. 14, § 5, dicis te credere Ecclesiam esse columnam et firmamentum veritatis propter increatam DEI revelantis auctoritatem, id nullo modo meæ quæstioni satisfacit. Cum enim nuda DEI auctoritas absque externa revelatione non sufficiat ad fundandum fidei assensum, ut ipse fateris Cap. 2, § 11, docere debes quomodo, vel per quid, DEVS revelet Ecclesiam esse columnam, etc. Ecce jam tuum tibi eripui subterfugium, et necessitatem tibi imposui respondendi ad quæstionem illam quam dicis esse otiosam. Quod ad minorem nostri syllogismi attinet, ea fuscè probabitur in Tractatu *de primo Credibili*, Cap. 5 et 6. Quintò, denique si otiosa est quæstio qua quæritur unde constet DEVM per Ecclesiam loqui, seu Ecclesiæ testimo-

gium

nium esse DEI ipsius Verbum, multò magis otiosa est quæstio vestra, qua ex nostris Theologis quærere soletis, unde cõstet Scripturam esse DEI Verbum. Ratio manifesta est, quia Scriptura (ut ipse fateris Cap. 4, § 4) est *divinitus inspirata, & tot tum miraculis, tum vaticiniorum adimpletionibus confirmata, & sanctissimis institutis atque doctrinis* per se ita illustris, *ut de infallibili ejus authoritate nulla prudenti supersit ratio dubitandi.* Præterea de infallibilitate Ecclesiæ in definiendo multi Catholici dubitarunt, imò multi eam apertè negarunt. At de infallibili authoritate Sacræ Scripturæ, nemo unquam Catholicus seu Orthodoxus dubitavit. Ergo tolerabilior est nostra quæstio de authoritate Ecclesiæ, quam vestra de authoritate Scripturæ. Tergiversaris igitur, mi Turnebulle, vestræque causæ te diffidere ostendis, cum quæstionem de ratione credendi infallibilitatem Ecclesiæ, tanquam otiosam & superfluam declinas. Multa aliâ tuæ responsionis vitia hîc notare & confutare possum, sed me cohibeo, tibi que parco, ne in fatiscentem & prostratum hostem scire videar.

6. Progredior ad secundum argumentum Sect. 7 à me propositum, in cujus confirmatione probabam doctrinam de natura, notis



& auctoritate Ecclesie in genere, non credi propter Ecclesie Romane testimonium, quia hæc necessariò creditur antequam fidem habeamus Ecclesie Romane testimonio, ut ibidem probavi § 3. Cum ad hoc argumentum respondes Cap. 8, § 5, primò distinguis inter accedentes ad fidem seu credere incipientes & fideles jam habitu & generatim omnia revelata credentes: dicisq; non opus esse ut accedentibus ad fidem applicetur unum vel alterum particulare decretum de aliquo dogmate prius inter Christianos controverso, sed sufficere ut ostendatur ipsa Ecclesia tanquam civitas coelitus dimissa, & universa ejus doctrina saltem quoad præcipuos fidei articulos tanquam divinitus accepta proponatur. At si infallibilis Ecclesie propositio est *conditio simpliciter necessaria ad credendum*, ut vestri communiter docent, siq; *prudens & Catholica fides Christianorum, nec stare, nec concipi potest sine conformatione cum judicio Ecclesie, tanquam cum exemplari causa fidei Catholice*, ut ipse asseris Cap. 8, § 13, necesse est ut etiam accedentibus ad fidem proponatur aliquod iudicium seu testimonium Ecclesie cui fidem suam conformare possint. Quod autem dicis sufficere ut incipientibus credere proponatur Ecclesia tanquam civitas coelitus dimissa, id parum solidum est, Quæro enim ex te utrum

Pastores Ecclesiæ qui proponunt Ecclesiâ Romanam tanquam veram CHRISTI Ecclesiâ & infallibilem fidei regulam, tantum debeant asserere seu affirmare eam esse talem, an verò debeant ex generali doctrina de natura, notis, & autoritate Ecclesiæ, in Verbo DEI revelata, demonstrare seu ostendere eam esse talem? Si prius dixeris sequetur eos qui apud vos credere incipiunt, non ad prudentem & Catholicam, sed ad brutam & cæcam fidem accedere: sequetur etiam fidem eorundem qua credunt Romanæ Ecclesiæ & veritatem & autoritatem, nullo fundamento nisi, præter asseverationem paucorum Sacerdotum qui id asserunt, sed non ex Verbo DEI demonstrant. At asseveratio Sacerdotum seorsum prædicantium non est infallibilis, ut vestri Theologi communiter docent. Vide etiam quæ à me dicta sunt Tract. 1, Cap. 3. Si posterius dixeris, sequetur eos proponere Romanæ Ecclesiæ infallibilitatem non tanquam supremam fidei regulam, et primum in Theologia principium, sed tanquam regulam inferiorem ab alia superiori regula in esse credibilis pendentem, hoc est ab alia superiori regula, quæ prius natura credi debet, autoritatem suam emendicantem; & sic habemus propositum.

7.  
 Secundò dicis veritatem ( adde, & infalli-  
 bilitatem ) Ecclesiæ Romanæ non necessario  
 credi antequam assentiamur Ecclesiæ Roma-  
 næ testimonio & doctrinæ quam ea se crede-  
 re profiteretur, idque quia fidelium intellectus  
*simul & semel generalem præbet assensum*  
*utrique propter ejusdem revelantis auctori-*  
*tatem, &c.* At primò hîc falsò asseris eos  
 qui credere incipiunt simul tempore assentiri  
 omnibus credendis. Pastores Ecclesiæ non  
 simul, sed successivè proponunt credenda.  
 Neophyti & Catechumeni successivè ea dis-  
 cunt: Denique, DEVS successivè hominum  
 intellectum de credendis illuminat interna  
 operatione Spiritus sui ut fusè probabitur  
 Tract. sequenti Cap. 6. Ergo non simul tem-  
 pore, sed successivè credunt ea quæ iis cre-  
 denda proponuntur, primusque actus fidei  
 quem eliciunt non est generalis assensus quo  
 omnibus credendis ob DEI revelantis aucto-  
 ritatem confusè assentiuntur; sed est specialis  
 assensus quam præbent huic vel illi dogmati  
 cujus veritas ex Verbo DEI primò iis mani-  
 festata est. Quod autem addis primum fidei  
 actum præsupponere in pia voluntate gene-  
 rale imperium credendi omnia quæ à DEO  
 ad nostram salutem revelata sunt, id minimè  
 sufficit ad tuam sententiam de simultate cre-  
 dendi stabiliendam. Quamvis enim in vo-  
 luntate



luntate ejus qui credere incipit, sit pius quidam credulitatis affectus, seu inclinatio non solum ad id credendum quod jam actu credit, sed etiam ad credenda ea omnia quæ similiter à DEO ad nostram salutem revelata sunt, quàm primùm scire poterit ea esse talia, hoc est, esse à DEO revelata; quia tamen objecta fidei non simul, sed successivè, & cum quadam temporis mora ei proponuntur, & manifestantur ut divinitus revelata, quia item is *successivè discit quid sit credendum*, ut ipse loqueris eodem Cap. 8, § 11. ideo dicendum est voluntatem ejus non simul & semel determinare seu movere ejus intellectum ad omnia fidei dogmata actu credenda, sed primò eum inclinare ad hoc dogma credendum, deinde ad illud, & sic deinceps.

8. Secundò, quamvis id verum esset quod asseris de simultate credendi, negare tamen non potes, inter objecta fidei esse aliquem ordinem naturæ, seu dependentiæ *in esse credibilis*, ita videlicet ut unum fidei dogma prius natura credatur, quam aliud quod ab eo dependet *in esse credibilis*. Sic igitur, ad vitandam omnem ambiguitatem, tuumq; subterfugium tibi eripiendum, argumentum meum propono. Quod secundum naturæ ordinem necessariò creditur antequam fidē habeamus Ecclesiæ Romanæ testimonio, illud non creditur propter Ecclesiæ Romanæ testimonium.

At generalis doctrina in Verbo DEI expresse  
 revelata, de natura, notis, & authoritate Eccle-  
 siæ in genere, et illa specialis doctrina de  
 veritate & infallibilitate Ecclesiæ Romanæ,  
 secundum naturæ ordinem necessario credun-  
 tur antequam fidem habeamus Ecclesiæ Ro-  
 manæ testimonio. Ergo non creduntur prop-  
 ter ejus testimonium. Pater Major, quia ea  
 credibilia quæ natura priora sunt, non depen-  
 dent *in esse credibilis*, ab iis quæ ordine na-  
 turæ posterius creduntur; hoc est non cre-  
 duntur propter ea: nam si propter ea crede-  
 rentur fide divina, tunc præsupponerent ea  
 ut prius credita fide divina, juxta generalem  
 illam regulam; *Propter quod aliquid scimus  
 aut credim⁹, illud ipsū prius à nobis sciri  
 credi oportet*: & sic ea quæ sunt posteriora  
 creditu, essent priora & contra priora essent  
 posteriora. Minor etiam manifesta est, quia  
 propter generalem doctrinam in Verbo DEI  
 revelatam de natura, notis, & authoritate  
 Ecclesiæ, Pontificii fide divina (ut ipsi opi-  
 nantur) credunt Romanam Ecclesiam esse ve-  
 ram, imò unicā CHRISTI Ecclesiam, eamq;  
 in definiendis dogmatibus fidei errare non  
 posse: item quia Romana Ecclesia est vera  
 Ecclesia, & in definiendo errare non potest  
 firmum et plenum fidei assensum ejus testi-  
 monio præbent. Ergo utraque hæc doctrina  
 prius

prius secundum naturæ ordinem creditur, ut patet ex prædicta illa regula, *Propter quod aliquid credimus, illud ipsum prius credi oportet.*

Tertiò asseris inter Credibilia esse aliquem ordinem etiam temporis respectu fidei, non quidem divinæ, sed alterius quæ *inferioris ordinis* est, et *in humanis ac creatis motivis fundatur*: dicis enim *Ecclesiam hac fide prius ex suis notis æstimari, quam universa ejus doctrina admittatur.* Sed primò malè assertionem tuam restringis ad fidem illam inferioris ordinis: nam ut ex dictis patet, et ex Tractatu sequenti magis patebit, inter objecta fidei, etiam quatenus fide divina creduntur, datur ordo cum temporis, tum naturæ. Secundo, quæro quas notas Ecclesiæ intelligas, cum dicis Ecclesiam ex suis notis æstimari fide illa inferioris ordinis priusquam universa ejus doctrina admittatur? Vtrum videlicet intelligas notas Ecclesiæ à vobis ipsis excogitatas, an verò in Verbo DEI revelatas? Si prius dixeris, sequetur illam præviam æstimationem Ecclesiæ de qua loqueris esse incertam & fallacem: non enim possumus certò judicare de Ecclesiæ alicujus veritate, nisi ex notis Ecclesiæ in Verbo DEI revelatis. Si posterius dixeris, tunc malè il-



lam præviam æstimationem ad fidem inferioris ordinis refers: nam ex notis Ecclesiæ in Verbo DEI revelatis, certitudo fidei divinæ de hujus aut illius Ecclesiæ veritate habetur, immò ea aliunde nunc haberi non potest, ut patebit ex Tractatu de primo Credibili.

Quartò, rectè fateris à fidelibus jam habitu & implicitè omnia credentibus veram Ecclesiam cum suis notis necessariò credi, antequam novo alicui decreto istius Ecclesiæ fidem habeant. At primò non minus rectè dixisses fideles jam habitu & implicitè omnia credentes, prius saltem ordine naturæ credere Ecclesiæ & veritatem, & auctoritatem, quam ulli decreto aut testimonio Ecclesiæ (sive illud verus, sive novum sit) fidem habeant. Nam quicumque apud vos intrepidè, & sine prævio examine, testimonio Ecclesiæ Romanæ assentiuntur, illi hoc faciunt quia credunt Romanæ Ecclesiæ in testificando infallibilitatem. Ergo illa Romanæ Ecclesiæ infallibilitas prius vel tempore vel natura creditur, quam ejus testimonio fides adhibeatur. Secundò hinc sequitur, Ecclesiam definiendo controversiam de infallibitate judicii Ecclesiastici (quæ inter Catholicos & Pontificios agitur) non posse istam litem dirimere, aut de Ecclesiæ auctoritate dubitantibus satisfacere. Cum enim Ecclesiæ infallibilitas in de-

finiendo præcognoscenda & credenda sit, priusquam novæ alicui definitioni Ecclesiasticæ fides adhibeatur, manifestè pater eos qui hac præcognitione & prævia persuasione de judiciaria infallibilitate Ecclesiæ nondum imbuti sunt, non posse iudicio Ecclesiæ hanc controversiam definientis intrepidè acquiescere. Hæc difficultas vobis est inexplicabilis, nec habetis quod respondeatis: nam neque dicere potestis hanc controversiam per novam aliquam Ecclesiæ definitionem componi posse, ut jam probavi; neque dicere audeatis eam aliter posse dirimi, quia de dogmatibus fidei, præsertim si dubia & controversa sint, nulla fidei certitudo, secundum vos, haberi potest nisi per Ecclesiæ definitionem aut infalibile testimonium ut fusè probavi Cap. 4. hujus Tract. § 1, 2, & 3.

10. In confirmatione tertii argumenti asserēbam fidem Episcoporum in Cōcilio definientium quæstionem de fide nunquam antea definitam, nullo Ecclesiæ testimonio aut decreto niti, quia videlicet nullum ea de re præcessit Ecclesiæ decretum: & inde colligebam primo, Ecclesiæ testimonium non esse adequatum fidei fundamentum, quia videlicet fides omnium credentium eo non nititur. Secundò, fidem istorum Episcoporum in Concilio, specie differre à fide eorum qui postea prop

propter Concilii definitionem credunt id verum esse quod à Concilio definitum est: idque quia fides horum nititur Ecclesiae testimonio ut principio & fundamento suo principali. At illorum fides non hoc, sed alio credendi principio nititur.

Ad posterius hoc consequens primò respondes, dicisque fidem Laicorum & aliorum qui propter Concilij definitionem credunt, non differre specie à fide Episcoporum definiientium quæstionem nunquam antea definitam: idque quia & horum, & illorum fides nititur increata Primæ Veritatis autoritate tanquam integra formali ratione credendi. Vt autem hoc confirmes, audacter repetis tuum delirium de *temporali signo*, hoc est, de externa revelatione per quam increata Veritas mentibus fidelium applicatur, & asseris eam per se non pertinere ad formalitatem objecti fidei. Sed quam falsa et absurda sit hæc tua assertio, satis superque patet ex Tract. 3 hujus operis, ideoque eam nunc iterum confutare non dignabor.

Secundò respondes ad prius consequens, & asseris, *unitatem Ecclesie definiientis & testantis sufficere ad fidem eorum qui præcedunt novam aliquam Ecclesie definitionem, cum fide subsequentium in communi* regula



*regula credendi uniendam.* At certè non video quo pacto fides Iudicum Ecclesiasticorum quæ præcedit ipsorum decretum, in regula autoritatis Ecclesiasticæ uniri possit, cum fide eorum qui postea isti decreto assentiuntur. Horum enim fides Ecclesiæ iudicio tanquam regulæ et causæ exemplari credendi conformis est: eorum verò fides non Ecclesiæ iudicio, sed alia aliqua credendi regula nititur, videlicet Scriptura, aut Traditione non scripta.

13. At (inquis) *semper aliquod Ecclesiæ testimonium supponitur à Pastoribus ante creditum quam hi ex aliquo fidei principio quidpiam noviter definiant.* Siquidem nec Scriptura possunt uti tanquam principio, nisi ab Ecclesiâ prius didicissent, quæ sit Scriptura Canonica, & quis verus ejus sensus. Respondeo: Quamvis generale aliquod Ecclesiæ testimonium ab iis supponatur non tamen ideo dicendum est eorum fidem infallibili Ecclesiæ testimonio niti, aut ejus iudicio tanquam exemplari causæ credendi conformari. Primò enim generale ejusmodi Ecclesiæ testimonium ab iis supponi potest qui graviter in materia fidei errant, aut saltem vobis errare videntur, ut, verbi gratia, ab iis qui docent Papam judicialiter errare posse.

posse. At nemo dixerit horum fidem niti infallibili Ecclesiæ præsentis testimonio, aut ei tanquam regulæ conformari. Secundò, niti Ecclesiæ testimonio, aut ejus judicio tanquam exemplari causæ credēdi conformari, est hoc, vel illud dogma credere quia Ecclesia id credit, et nobis id ipsum speciatim credendum proponit: specialis enim hæc propositio Ecclesiæ, qua credenda speciatim proponit, ex vestra sententia est conditio necessario ad credendum requisita, ut patebit ex § sequ. At cum Pastores Ecclesiæ judicant de dogmate dubio, nondumque ab Ecclesia definito, nulla datur talis Ecclesiæ propositio. Ergo eorum fides (si modò fides dicenda sit) non nititur Ecclesiæ testimonio, nec ei tanquam regulæ conformatur.

Tertiò, posteriori consequenti iterum occurris et dicis, *quamvis daremus physicam aliquam heterogeniam in assensibus fidei pro diversitate rerum credibilium regularumq; credendi, non propterea cogeremur ullam, vel in infuso habitu fidei, vel in principali ejus motivo agnoscere varietatem specificam.* Hæc tua observatio difficultatem qua premeris non tollit. Si enim fides Catholica sit ad unam aliquam regulam, ut verbi gratia, ad Ecclesiam ita alligata

14.


ut Catholica esse nequeat, nisi ei conformetur ejusque auctoritate nitatur, necessario sequitur assensum illum qui istius regulæ auctoritate non nititur, non esse actum fidei Catholicæ, sed ad aliam speciem fidei, aut saltem ad aliam speciem assensus referendum esse. Et sic pro diversitate regularum credendi, variabitur species assensus. At ex communi et recepta vestræ Scholæ doctrina, fides Catholica ita est ad Ecclesiæ testimonium alligata ut nihil certò [certitudine fidei Catholicæ] credi possit, nisi ab Ecclesia quæ infallibilis fidei regula est, credendum proponatur. Patet hoc ex vestrorum Theologorum scriptis: nam Valentia Tomo 3, Disput. 1, Quæst. 1, punct. 1, § 6, hanc assertionem proponit: *Secundum Legem DEI ordinariam ut quis per habitum fidei Christiana alicui veritati revelata assentiatur, præter ipsam revelationem necesse est ejusmodi veritatem ab Ecclesia proponi, &c.* Stapler. in Defensione authorit. Eccl. lib. 1, Cap. 10, § 3, dicit articulum de existentia DEI, seu *DEVM esse*, non credi à Pontificiis nisi propter Ecclesiam. Et in Triplicatione adversus Whitakerum Cap. 17, asserit *Ecclesiæ judicium circa omnem fidem esse prorsus necessarium*, videlicet ad certitudinem fidei. Græserus



serus in Append. 1, ad 1 Lib. Bell. de Verbo DEI, dicit Stapletonum recte asseruisse, etiam ipsam divinitatem DEI & CHRISTI quoad nos pendere à judiciaria potestate Pontificis : nimirum quia secundum Papisticam Theologiam nulla certitudo ex Scripturis haberi potest de divinitate DEI & CHRISTI, sine judiciaria definitione Pontificis. Tannerus in Examine Relationis Hunnianaë dicit, sine interpretatione & testificatione Ecclesiæ impossibile fore credere ex sola Scriptura, DEVM esse unum. Hanc ejus sententiam tuetur & approbat Gretserus loco citato. Denique tu ipse Cap. 3, § 6, asseris Ecclesiæ judicium esse necessarium, ut cautè, non temerè, ut religiosè, non superstitiosè, velit possit quis credere. Et Cap. 8, § 13, dicis fidem divinam quatenus pius & prudens assensus est nec stare, nec concipi posse sine conformatione cum judicio Ecclesiæ. Ibidem etiam § 19 asseris, Ecclesiæ magisterium non esse nudam conditionem accidentariam fidei Catholicæ qua Catholica est, sed principium essentialiter presuppositum toti laudi & significationi hujus epitheti.

15. Ex iis quæ dicta sunt patet assensum quem Episcopi in Concilio præbent veritati nunquam antea ab Ecclesia definitæ, non esse assensum fidei Catholicæ, ( quia ei deest conditio nece sariò requisita ad certitudinem fidei Catholicæ, videlicet infallibilis Ecclesiæ propositio ) & per consequens non materiali tantum & physica, sed etiam formali & specifica differentia differre à fide Catholica qua alii postea ob Concilii decretum veritati definitæ assentiuntur. Cum igitur Episcoporum definientium assensus, non sit actus fidei Catholicæ, vel dicendum est eum esse speciem fidei Theologicæ distinctam à Catholica, vel asserendum est cum Valentiano Tomo 3, Disput. 1, Punct. 1, § 5 eum non esse actum elicitum ab habitu fidei, sed ad quoddam genus Prophetiæ potius pertinere, quatenus Definidores, hoc est, Episcopi definientes, D E I afflatu veritatem infallibiliter testantur.





## TRACTATUS SEXTUS, De Ordine Credendi.

### CAPVT I.

In quo ostenditur Adversarii subterfugia, absurdasque, & sibi invicem repugnantes assertiones de Credibilium ordine, hunc tractatum Auctori extorsisse.



N mea Disputatione de formali fidei objecto, sæpius vestram fidei analyfin confutavi, argumentis ab ordine credendi petitis. Hæc ut declines, omnem credendi ordinem sustulisti, aut si alicubi cum admittere videaris, statim tui oblitus, cum negas, et turpissimè tibi contradicis, immemor vulgaris illius proverbii, *Oportet mendacem, esse memorem.*

Dicis



2. Dicis quidem alicubi, videlicet Cap. 8, § 5, pag. 76, & 11, pag. 84, necnon Cap. 15, § 3, pag. 153, dicis inquam, omnia credenda, id est, formale objectum fidei, & regulam credendi, id est, Ecclesiam, & ea quæ per regulam illam credenda proponuntur, hoc est doctrinam Ecclesiæ, simul & semel credi, à primò accedentibus ad fidem, id est, ab iis qui incipiunt credere, & actus fidei divinæ elicere: immò audacter asseris, nunquam horum unum, prius tempore credi, quam credantur reliqua, quod planè, idem est ac si dixisses horum unum non posse credi ante alterum, secundùm ordinariū modum quo fides operationes suas exercet.

3. At contra Cap. 14, § 6, pag. 146, dicis Ecclesiam ejusque infallibilitatem posse à nobis credi propter DEI auctoritatē, adeoque fide divina, ante dogma de Scripturæ auctoritate quod ab Ecclesia credendum proponitur, & rursus dogma de Scripturæ auctoritate posse fide divina credi, ante Ecclesiæ infallibilitatem: agnosciſque realem progressum intellectus ab uno horum credibilium ad alterum, intellectus inquam incipientis credere: nam fideles jam habitu, et generatim omnia credentes, ex vestra sententia neque de Verbi DEI auctoritate, neque de Ecclesiæ infallibilitate dubitant, et proinde non necesse

esse est ut progrediantur ab uno horum ad  
acquirendam fidem alterius.

Similiter quamvis locis à me primò cita-  
tis, omnem credendi ordinem tollere videa-  
ris, adeo ut inter credenda secundum tuam  
sententiam nihil sit prius aut posterius, tamen  
aliis in locis agnoscis esse aliquod *primum  
creditum* in Theologia, et illud nunc dicis es-  
se Ecclesiæ doctrinam, Cap. 8, § 3, pag. 74:  
nunc verò dicis esse generale principium in  
quo et Scripturæ veritas et Ecclesiæ infallibi-  
litas uniuntur, hoc est, *DEI veracitatem*,  
CAP. 15, § 3, PAG. 153.

## CAPVT II.

An inter credibilia sit aliquis ordo? Et  
primò an inter objectum fidei for-  
male & materiale sit aliquis ordo na-  
turæ, seu dependentiæ in esse credi-  
bilis?



res distinctiones hinc premit-  
tenda sunt. Prima est *cre-  
dibilium*: vel enim quæ-  
ritur, an inter *materia-  
le & formale fidei obje-  
ctum*,

*Etum, sit aliquis ordo? vel an inter materia-  
lia fidei objecta sit aliquis ordo? vel denique  
an sit aliquis ordo inter regulam fidei prin-  
cipalem, & ea quæ propter illius regula au-  
thoritatem creduntur.*

2. Secunda distinctio est inter ordinem tem-  
poris & naturæ, vel enim est ordo inter Cre-  
dibilia, quia unum eorum prius tempore  
creditur quam alterum, vel quia unum eorum  
prius natura creditur quam alterum: ita vi-  
delicet ut posterius à priori per se, & neces-  
sario dependeat in esse credibilis, hoc est ut  
pendeat ab eo, vel tanquam à causa propter  
quam creditur, vel tanquam ab eo quod ne-  
cessario prius credi debet.

3. Tertia distinctio est qua Credibiliū priori-  
tas naturæ distinguitur in prioritatē causa-  
lē, & prioritatē secundū subsistendi conse-  
quentiam. Prioritas causalis est, quando  
unū credibile, est causa objectivè determinans  
aut movens intellectū ad assentiendū alteri;  
verbi gratia, hoc principium *DEVS* hos ar-  
ticulos revelavit, objectivè mover intellectū  
meum ad assentiendū illis articulis, ut infra  
patebit. Prioritas secundum subsistendi con-  
sequentiam est, quando unum credi potest,  
non credito altero, illud verò alterum credi



non potest, nisi hoc prius credatur, adeo ut valeat consequentia, à fide unius credibilis ad fidem alterius; non contrâ. Hoc modo prius natura creditur mors CHRISTI, quam ejus resurrectio, & lapsus generis humani, quam ejusdem redemptio, ut etiam infra patebit.


His positis prima assertio sit hæc: *Inter objectum fidei materiale & formale est aliquis ordo naturæ seu dependentiæ in esse Credibilis*: nam objectū formale fidei, prius natura creditur quam materiale, idque prioritate causali. Hanc assertionem bene explicat & defendit Suarez, Disp. 2, de Fide, Sect. 4, § 5, ad finem. Eandem etiam tuetur Becanus Tract. de Fide, Cap. 8, Quæst. 3, § 6; et Vasquez Tomo 1, Disp. in primam part. Thomæ Disp. 5, Cap. 3: & cum his illi omnes qui tuentur habitum fidei esse discursivum. Probatur hæc assertio, quia medium quod objectivè movet intellectum ad assentiendum, necessariò debet præcognosci ab intellectu: nam intellectus non movetur nisi media cognitione, ut loquitur Suarez loco citato, § 9; hoc est non movetur nisi ab objecto quod percipit & cognoscit: & proinde ipsum medium debet prius percipi & cognosci ab intellectu. Quare cum objectum

4.

DD

form

formale fidei moveat & trahat intellectum ad assentiendum objecto materiali, necessario debet ab intellectu præcognosci, seu prius percipi lumine fidei, quam materiale objectum. Prius ergo credo *DEVM* hoc revelasse, quam credo *hoc verum esse*, quia *DEVM* hoc revelasse, seu revelatio divina, est formalis ratio propter quam credo hoc verum esse.



## CAPVT III.

An inter regulam fidei & ea quæ propter authoritatem regulæ creduntur sit aliquis ordo dependentiæ in esse Credibilis?

I.



Secunda assertio. *Divina authoritas regula principalis fidei, prius natura creditur, quam illa dogmata, quæ propter illius regulæ authoritatem creduntur: prius (inquam) prioritatem causali.* Hæc assertio & in se manifesta est, (quomodo enim credere possumus aliquid ob hujus regulæ authoritatem, nisi prius de hujus regulæ au-  
chor

thoritate constet, vide Bellarm. Lib. 4, de Verbo DEI, Cap. 4, Argum. 4, et Gretf. in Tract. de Agnoscendis Scripturis Canonicis, Cap. 4, Col. 1885) et ex præcedenti assertione quæ jam confirmata est, evidenter colligitur. Nam divina autoritas regulæ est formalis ratio, seu formale objectum propter quod ea creduntur quæ in illa regula continentur. Dico divinam autoritatem regulæ esse formalem rationem, etc. quia ut sæpius monui, non *ipsa regula*, sed *divina autoritas regulæ* est formale objectum fidei. Aliquis igitur actus fidei versatur circa ipsam regulam, priusquam iis assentiamur quæ in ea regula continentur, nimirum actus ille quo credimus DEVM per illam regulam nobis revelare, ea quæ credenda sunt. Hoc tu disertè fateris Cap. 6, § 3, ubi dicis *regulam credendi quodam sensu esse credibiliorem rebus quæ per eam innotescunt*: et Cap. 7, § 2, *Neque enim (inquis) Ecclesia esse potest regula nisi credentibus DEVM per eam & in ea nobis loqui*. Idem etiam asserunt Bellarm. & Gretf. locis jam citatis, et Stapler. Controv. 4, Quæst. 3, Art. 2, Respons. ad 3 Arg. Scholasticorum.



## CAPVT IV.

An inter objecta fidei materialia sit Ordo dependentiæ in esse Credibilis?

1.



**I**ertia assertio: *Etiam inter objecta fidei purè materialia datur aliquis ordo: hoc est eorum alia prius natura creduntur, alia posterius: et hæc à prioribus dependent in esse Credibilis.* Ut autem hæc assertio planè et distinctè confirmetur, nota duplicem institui posse collationem materialium objectorum fidei. Vel enim ea quæ immediatè, distinctè, et per se revelata sunt, possunt inter se conferri; vel possunt conferri cum aliis, quæ implicitè et virtualiter revelata sunt, quæque per necessariam consequentiam ex iis colliguntur quæ immediatè revelata sunt: et sive hoc sive illo modo conferantur dari potest inter ea aliquis ordo.

2. Si priori modo conferantur: assero inter ea dari ordinem naturæ, quicquid contradicant Suarez, Becanus, et alii ex vestra familia: nam pluralitas Personarum in DEITATE prius natura creditur, quàm Incarnatio secundum

cundæ Personæ: lapsus generis humani, quam  
ejusdem redemptio: mors CHRISTI, quam  
ejus resurrectio: hæc inquam prius credun-  
tur *secundum subsistendi consequentiam*.

Nam à fide incarnationis, ad fidem pluralita-  
tis personarum, à fide redemptionis ad fidem  
lapsus, & à fide resurrectionis CHRISTI, ad  
fidem mortis CHRISTI valet consequen-  
tia, non contrà. Si enim credis secundam  
personam Trinitatis esse incarnatam, credis  
plures esse personas; si credis redemptionem,  
credis lapsum; & si credis resurrectionem  
CHRISTI, credis ejus mortem: nam im-  
possibile est, & contradictionem implicat, ut  
quis credens incarnationem secundæ Perso-  
næ, non credat pluralitatem Personarum, &  
credens redemptionem, non credat lapsum,  
aut credens resurrectionem CHRISTI, non  
credat ejus mortem. At non contrà valet  
consequentia: nam potest quis credere plura-  
litatem personarum, & dubitare de incarna-  
tione secundæ Personæ, potest credere lap-  
sum generis humani, & dubitare de redemp-  
tione, potest credere mortem CHRISTI,  
& dubitare de ejus resurrectione. Atque hinc  
est quod Suarez, quamvis Disp. 2, de Fide,  
Sect. 4, § 5, oppositam tueatur sententiam  
tamen Disp. 12, Sect. 4, § 11, fatetur cog-  
nitionem DEI esse fundamentum aliarum

cognitionum, quas videlicet de reliquis fidei articulis habemus: unde colligit, eum qui incipit credere necessario incipere a cognitione DEI.

3. Si posteriori modo collatio instituat, longè manifestius est inter ea esse aliquem ordinem, hoc est, eorum alia esse aliis priora creditu, non tantum *secundum subsistendi consequentiam*, sed etiam *secundum prioritatem causalem*; quis enim non videt ea, quæ immediatè & explicitè revelata sunt, esse priora creditu, quam ea quæ implicitè & virtualiter in iis revelata sunt, quæque per necessariam consequentiam ex iis colliguntur? quis non videt dogmata ista quæ immediatè & explicitè revelata sunt credi à nobis posse nondum creditis dogmatibus illis quæ per necessariam consequentiam ex iis colliguntur, (quando videlicet dubitamus de dogmatibus illis an contineantur implicitè in iis quæ immediatè revelata sunt, & an per necessariam consequentiam ex iis colligantur) cum tamen contrà fieri non possit ut credamus dogmata illa implicitè & mediatè revelata nondum creditis dogmatibus explicitè revelatis ex quibus colliguntur. Hoc enim esset dicere, assensum conclusionis haberi posse, ab eo qui nondum assensum præbet præmissis.

Exemp




Exempli gratia, hæc dogmata sunt immediate & explicitè revelata, *Peccator pœnitens & fidelis est in statu gratia. Peccator impœnitens & infidelis est in statu miseria: Cœtus habens has notas & proprietates, (quæ videlicet in Verbo DEI proponuntur) est vera Ecclesia.* Et (ut ex vestra Theologia exemplum proferam) *Quicumque est Successor Petri, est Caput & Monarcha Ecclesia.* Hæc verò dogmata sunt mediata & implicitè revelata; *Hic homo est in statu miseria*, quia videlicet impœnitens est. *Hic in statu gratia est*, quia pœnitens & fidelis est: *Hic cœtus est vera Ecclesia; Hic homo, ut URBANVS VIII. est Caput Ecclesia.* Possum credere illa dogmata his non creditis, quia videlicet dubito fortassis an virtualiter in iis contineantur, & an necessario ex iis colligantur? Vt enim hæc ex prioribus colligantur opus est assumptione aliqua cujus veritas fortassis mihi nondum est evidens: verbi gratia, ut credam hunc cœtum esse veram Ecclesiam non satis est ut credam generalem illam propositionem, *Cœtus habens has notas & proprietates, (quæ videlicet in Verbo DEI Ecclesie attribuntur) est vera Ecclesia:* sed etiam oportet

me certò scire hunc cœtum illas notas habere. At contrà non possum credere hæc dogmata implicite & confuse revelata, nisi credam ea quæ immediatè revelata sunt, & ex quibus hæc colliguntur.

5. Paret igitur dogmata immediatè revelata credi prius natura *secundum subsistendi consequentiam*, quam dogmata quæ virtualiter in iis continentur. Sed addo etiam ea prius credi *prioritate causali*: nam assensus fidei quem præbemus dogmatibus virtualiter & implicite revelatis, vel nititur discursu, ut docent Canus & Vega, vel saltem præsupponit discursum quo dogmata hæc ex iis quæ implicite revelata sunt, per necessariam consequentiam colliguntur, ut docent Suarez, Vasquez, Valentia, Becanus, & alii. Si nititur discursu, tunc assensus quem præbemus dogmatibus explicitè & immediatè revelatis, est causa effectiva assensus, quem præbemus iis dogmatibus quæ ex illis per necessariam consequentiam colliguntur. Nam in omni discursu assensus quem præbemus præmissis, est causa effectiva assensus, quem præbemus conclusioni. Si tantum præsupponit discursum, tunc dogmata immediatè revelata habent rationem causæ objectivæ remotè saltem moventis & disponentis intellectum ad assentiendum dogmatibus implicite & virtual

tualiter revelatis. Quis enim negaverit generalem doctrinam in Verbo DEI revelatam de natura, notis, & autoritate Ecclesie, nos movere & inducere ut credamus hunc coetum esse veram CHRISTI Ecclesiam?



## CAPUT V.

An hæc dependentia quorundam Credibilium ab aliis in esse Credibilis sit mutua, reciproca, aut circularis?



Vjus quæstionis explicatio necessaria est, partim propter ea quæ infra tractabuntur de Circulo Pontificiorum, partim propter absurdissimam illam Stapletoni assertionem, qua in Defensione Autoritatis Ecclesiasticæ, Lib. 3, Cap. 3, affirmat Ecclesiæ autoritatem quoad nos, posse ex Scripturæ autoritate pendere, & vicissim Scripturæ autoritatem quoad nos, posse ex Ecclesiæ autoritate pendere.

Hanc Stapletoni doctrinam, ut falsam & absurdam meritò damnant Whittakerus, in



Duplicatione contra Staplet. Lib. 3, Cap. 3,  
& Chamierus, Lib. 6, de Canone, Cap. 15, à  
66, ad 11. Ut autem illius absurditas mani-  
festius appareat, distinguendum est testimo-  
nium in *necessarium*, & *non necessarium*.

Necessarium testimonium est quando nulla  
certitudo de re testata quoad nos haberi po-  
test, nisi per illud testimonium: seu ut aliter  
dicam, quando certitudo quam habemus de  
re testata, necessariò & per se pendet ab illo  
testimonio. Testimonium non necessarium  
est, quod illustrat aut confirmat rem testa-  
tam, ita tamen ut res testata, sufficienter aliun-  
dè certitudinem suam quoad nos habeat. Hac  
distinctione posita dico duos diversos testes  
posse sibi invicem testimonium perhibere,  
seque mutuo commendare, loquendo de te-  
stimonio, quod vel ex utraque, vel ex altera  
saltem parte necessarium non est; qualia sunt  
mutua illa testimonia CHRISTI de IOHAN-  
NE BAPTISTA, & IOHANNIS BAPTISTÆ de  
CHRISTO; item IOHANNIS Apostoli, de  
Evangelio suo, et Evangelii istius de IOHAN-  
NE, quæ ad suam assertionem confirmandam  
in medium affert Stapletonus loco citato. At  
si loquamur de testimonio necessariò, omnino  
absurdum est, et etiam apertam contradictio-  
nem implicat, dicere duorum testium au-  
thoritatem quoad nos per se et necessariò

pend

pendere à mutuo eorum de se invicem testimonio, aut generaliter dicere dependentiam duorum Credibilium in esse Credibilis esse mutuam et circularem; ut verbi gratia, si quis dicat, authoritatem Scripturæ et Traditionis per se et necessario quoad nos pendere à testimonio Ecclesiæ, quod videlicet Ecclesia de Scriptura et Traditionibus perhibet; et rursus, authoritatem Ecclesiæ per se et necessario quoad nos pendere à testimonio aliquo Verbi scripti, aut non scripti.

Probatur hoc primò, Si Ecclesia perhibeat testimonium quoad nos necessarium de 3. omni verbo DEI, cum scripto, tum non scripto, impossibile est ut fide divina credamus vel hujus vel illius authoritatem nisi propter Ecclesiæ testimonium. Non possumus autem aliquid credere propter Ecclesiæ testimonium, nisi Ecclesia prius apud nos suam obtineat authoritatem, nam propter quod, aliquid scimus aut credimus, illud ipsum à nobis prius sciri et credi oportet, prius inquam, vel tempore, vel saltem natura; idque quia ab ignotis, ut aiunt, nulla sit legitima probatio, omnemque causam aliquo modo suo effectui priorem esse oportet. Ergo necesse est Ecclesiæ authoritatem fide divina credi a nobis ante authoritatem totius verbi DEI, tam scripti, quam non scripti. Si autem creditur  
ante

ante totius Verbi divini auctoritatem, tunc certitudo quam de ea habemus non pendet necessario ab ulla parte verbi DEI. Nam certitudo illius dogmatis, quod prius natura creditur non pendet ab eo quod posterius creditur, ut patebit ex argumento sequenti. Similiter si Scriptura aut Traditio perhibeat testimonium necessarium quoad nos de Ecclesia, impossibile est ut credamus Ecclesie infallibilitatem nisi propter testimonium Scripturæ aut Traditionis: non autem possumus aliquid credere propter Scripturæ auctoritatem, nisi Scriptura (idem de Traditione dicatur) prius apud nos suam obtineat auctoritatem.

4. Secundò: Formale objectum fidei prius natura creditur quam materiale: divina auctoritas regulæ fidei prius creditur quam ea quæ propter re ul æ auctoritatem creduntur & materialia objecta immediatè & explicitè revelata prius quam ea quæ virtualiter in iis continentur. Ergo prius natura habetur certitudo fidei de objecto formali, quam de materiali, de regula quam de regulatis, & de immediatè revelatis, quam de dogmatibus quæ ex iis colliguntur. Si autem certitudo fidei de illis prius natura habetur, non potest fieri ut hæc certitudo, per se & necessario pendeat ab iis quæ posterius natura, & dependen-



dentur ab illis creduntur; nam si ab iis de-  
 penderet, tunc præsupponeret ea, ut prius  
 credita, & sic ea quæ sunt posteriora creditu  
 essent priora, et contra priora essent poste-  
 riora. Hoc argumentum non absimile est  
 primo argumento quo Aristoteles evertit cir-  
 cularem processum in Demonstrationibus  
 Lib. 1, Poster. Cap. 3.

Ex his colligo primò, certitudinem fidei 5.  
 quam habemus de Verbo DE I, (loquor in  
 genere tam de Verbo scripto, quam de Verbo  
 quod ex Pontificiorum sententia est non  
 scriptum) non pendere ab infallibili autho-  
 ritate Ecclesiæ, quæ ut illi volunt in Verbo  
 DEI revelata est, quæque propter authorita-  
 tem alicujus partis Verbi DEI necessariò  
 creditur, et sic est aliquid posterius creditu  
 quam Verbi DEI autoritas. Ratio est, quia  
 certitudo fidei quam habemus de eo quod  
 prius natura creditur non pendet ab eo quod  
 posterius creditur, ut jam dictum est. At  
 Verbi DEI autoritas prius natura creditur  
 quam Ecclesiæ infallibilitas, quæ in Verbo  
 DEI revelata est: est enim formalis ratio  
 propter quam ea omnia creduntur quæ in  
 Verbo DEI revelata sunt. Ergo, etc.

Secundò colligo certitudinem fidei quam 6.  
 Pontificii se habere dicunt, de natura, notis,  
 et infallibili autoritate Ecclesiæ, deque veri-  
 tate

tate horum generalium axiomatum, *Cetus ille cui conveniunt, Antiquitas, Universalitas, Successio, etc. est vera Ecclesia*, item *vera CHRISTI Ecclesia est infallibilis in docendo aut testificando*, non pendere ab his particularibus propositionibus, *Romana Ecclesia est vera Ecclesia*, item *Romana Ecclesia est infallibilis in testificando*. Ratio est, quia generalia illa axiomata immediate, distincte, et per se in DEI Verbo revelata sunt, ut illi affirmant. At particulares illae propositiones non nisi confuse et implicite in iis revelatae sunt. Iam autem probavi ea quae explicitè et per se revelata sunt, prius natura credi, quam ea quae implicite, et virtualiter in iis continentur, et proinde certitudinem quam de illis habemus, non pendere ab his quae implicite in iis continentur.

7. Ex duobus his confectariis patet quam absurdæ et ineptæ sunt tuæ responsiones quas Cap. 8 tui libelli, argumentis meis ab ordine et ratione credendi petitis opposuisti. Nam ex priori confectario, facile percipiet prudens Lector, quam absurdè dixeris in Respons. ad Arg. 5. fidem totius Verbi DEI, hoc est, fidem qua creditur autoritas Verbi tam scripti, quam non scripti, pendere ab Ecclesiae infallibilitate, seu ut tu loqueris, fundari

dari in Ecclesie authoritate, tanquam in universali credendi regula. Ex posteriori vero consecutario manifestissime patet te tergiversari, cum in Respon. ad secundum argumentum (quo probabam quaedam dogmata non posse credi propter Ecclesie Romanae testimonium, quia necessario creduntur antequam fidem habeamus Romanae Ecclesie testimonio) dicis omnia fidei dogmata simul et semel credi. Primò, enim quamvis ea omnia simul tempore crederentur, non tamen simul natura; sed quaedam prius natura creduntur quam alia, et speciatim quaedam prius natura creduntur quam Romanae Ecclesie infallibilis authoritas, unde sequitur ea non credi propter Romanae Ecclesie infallibilem in testificando authoritatem. Secundò, etiam falsum est omnia fidei dogmata simul tempore credi, ut patebit ex Cap. sequenti.

~~~~~

## CAPUT VI.

An in eliciendis fidei actibus sit aliquis ordo & successio temporis? seu an unum credibile prius tempore credatur quam reliqua?

MAJOR





AJOR & difficilior est. quæ-  
stio de ordine temporis in  
eliciendis fidei actibus, ut-  
rum videlicet primò ac-  
cedentes ad fidem, seu illi  
qui primò incipiunt exer-  
cere fidei actus, simul &

semel in uno temporis momento, unoque  
actu credant omnia quæ ab Ecclesiæ Pastori-  
bus credenda esse didicerunt, sive de Eccle-  
sia, sive de Verbo DEI, sive de veritate dog-  
matum quæ in Verbo DEI revelata sunt?  
Tu hæc omnia, Turnebulle, simul & semel,  
unoque actu, à primò accedentibus ad fidem  
fide divina credi affirmas, Cap. 8, § 5 & 11,  
idque ut eludas argumenta quæ ab ordine  
credendi in mea Disputatione allata sunt. At  
primò non animadvertis argumētorum meo-  
rum vim minimè labefactari, aut tolli ne-  
gando ordinem temporis in eliciendis fidei  
actibus: firma enim & inconcussa manent,  
quamdiu verum est inter Credibilia esse ali-  
quem ordinem naturæ, aut dependentiæ in es-  
se Credibilis.

2. Secundò, tu nullo idoneo argumen-  
to assertionis tuæ veritatem demonstrasti:  
quasi scilicet, tua placita, tanquam oracula  
aut Papalia decreta, sine ulla confirmatione,  
vel

vel eo nomine quod tua sint, recipi & admitti debeant.

Tertio, multi Pontificii contrarium asserunt, videlicet Suarez, Disp. 2, de Fide, Sect. 3. 4, § 11, *Existimo tamen* (inquit) *in initio credendi quando generatur fides distinctis actibus id fieri, & prius ad hoc perveniri ut credatur hoc dictum esse a D E O, & deinde credi dictum ipsum*: non igitur in initio credendi, omnia simul unoque actu creduntur, ut tu asseris. Becanus Tract. de Fide, Cap. 8, Quæst. 3, § 6, non solum hoc asserit, sed etiam id probat hoc argumento: *Quando creditur unum propter aliud pos-  
sunt esse duo diversi assensus in intellectu, quorum unus sit via ad alterum. At in fide unum creditur propter aliud, nempe res revelata propter revelationem; ergo possunt esse duo diversi assensus, alter revelationis, alter revelatae. Et intellectus à priori potest progredi ad posteriorem sive ordine temporis, sive ordine naturæ, & causalitatis.*

Quarto, ad verum discursum requiritur pluralitas, vel realis distinctio conceptuum, 4. ut contra SCOTVM docent Vasquez, in primam partem Thomæ, Disput. 222, Cap. 3, & Valentia Tom. 1, Disput. 4, Quæst. 9,

Punct. 2. Item quamvis ad veram rationem discursus, mora aliqua aut successio temporis non necessariò requiratur, tamen certum est discursum ordinariè & frequentissimè fieri, cum aliqua mora aut successione temporis, ut docet Smiglecus, in Disput. Logicis, parte 2, Disp. 13, Quæst. 1, Conclus. 3, idque probat, *quia ob imperfectum nostrum cognoscendi modum prius inharemus uni cognitioni, & in ea immoramur diutius illam penetrando, tum ex ea elicimus aliam. Item, non inferimus (inquit) consequens nisi ex longa penetratione & mora in antecedente.* Quo posito sic argumentor: Discursus ordinariè & communiter, fit cum aliqua mora & successione temporis, semperque requirit pluralitatem vel realem distinctionem conceptuum. At inter actum fidei divinæ quo creduntur ea quæ explicitè, immediatè, ac per se revelata sunt, et ejusdem fidei actum quo creduntur ea quæ mediatè, et implicitè in iis revelata sunt, necessariò intervenit discursus, quo ex iis quæ expressè et explicitè revelata sunt, per necessariam consequentiam colligimus ea quæ virtualiter et implicitè revelata sunt. Ergo hæc ordinariè et communiter non creduntur simul tempore, neque uno et eodem actu. Secundo, *spe-*  
*ciat*



ciatim hoc probatur de fide qua credunt Pontificii Romanam Ecclesiam esse Catholicam CHRISTI Ecclesiam, et in Fide errare non posse: Cum enim Scriptura nusquam expresse et explicitè dicat, hanc certam et individuum hominum congregationem, quæ præsentì Romano Pontifici subiecta est, esse veram et Catholicam CHRISTI Ecclesiam, quæ deficere et errare non potest, sed tantum generaliter proponat doctrinam de natura, notis, et proprietatibus Ecclesiæ; oportet ut dogma de Romanæ Ecclesiæ veritate et infallibilitate priusquam ei assensum fidei præbeamus ex Scriptura colligatur per discursum Tho logicum, applicando generalem illam doctrinam Romanæ Ecclesiæ, ad hunc modum: Coetus ille qui habet has notas, est Catholica CHRISTI Ecclesia, et à vera fide deficere nequit. At sola Romana Ecclesia habet has notas. Ergo Romana Ecclesia est Catholica Ecclesia, etc. Hujus syllogismi major in Scriptura habetur, ut volunt Pontificii: Minoris veritas, in qua notæ veræ Ecclesiæ, Romanæ Ecclesiæ specialiter applicantur, à nobis percipi nequit absque longa et laboriosa disquisitione. Ergo necesse est esse aliquam moram, vel successionem temporis inter assensum quem præbemus majori, et assensum quem præbemus conclusioni

hujus syllogismi : & proinde generalis doctrina de natura, notis, & proprietatibus Ecclesiae, & specialis doctrina de veritate & infallibilitate Romanae Ecclesiae, non creduntur simul tempore & uno actu.

5. Quinto: Tu ipse Cap. 14, § 6, fateris intellectum credentis posse progredi, & pervenire ab uno dogmate credito ad aliud dogma credendum. *Nullum ergo (inquis) periculum inutilis circuli in progressu, quo vel ex infallibilitate Ecclesiae propter DEI auctoritatem credita pervenitur ad assensum fidei praeendum huic veritati Scriptura Canonica est Verbum DEI; vel vicissim ex testimonio Scripturae propter eandem DEI auctoritatem credito pervenitur ad similem assensum fidei praeendum huic veritati, Testimoniū Ecclesiae est infallibile.* Hic non solum agnoscis auctoritatem Scripturae, & infallibilitatem Ecclesiae, diversis fidei actibus credi posse, sed etiam intellectum credentis posse progredi, et pervenire ab uno horum prius fide divina credito, ad alterum posterius eadem fide credendum. Dices fortassis, illud quod prius creditur, & a quo ad aliud credendum progredimur, non credi prius tempore, sed natura

At primò, cur non etiam tempore? Nonne possibile, immò probabile est intellectum credentis propter suam infirmitatem, et in credendo tarditatem, nonnunquam cum aliqua mora aut successione temporis progredi à noto ad ignotum, à credito ad non creditum, & ab uno assensu ad alium qui à priori assensu dependet. Secundò, ipse fateris ibidem, perventionem seu progressum, quo ab uno istorum credito, ad alterum credendum progredimur supponere discursum Theologicum, quo ex uno prius credito, alterum esse consequenter credendum colligimus. Ac impossibile est duos illos fidei actus, quo illa credibilia creduntur, et etiam intervenientem discursum quē præsупponit posterior actus, impossibile inquam est, eos in uno et eodem temporis momento, ab uno intellectu exerceri.

Ecce, Turnebulle, id quod hîc dicis de Scriptura & Ecclesia, deque reali progressu intellectus ab uno horum prius fide divina credito, ad alterum eadem fide divina posterius credendum, apertè contradicit iis quæ à te dicta sunt Cap. 8, § 5 et 11, ubi omnia credibilia simul et semel unoque assensu intellectus credi, immò nunquam aliter rem se habere audacter affirmas. Item repugnat manifestissimè iis quæ à te dicta sunt Cap. 15, §



3, ubi sic differis: *Nam* (inquis) à primò accedentibus ad fidem, utrumq̃, credibile, tum Scripturæ veritas, tum Ecclesiæ infallibilitas simul & semel creditur, quatenus amba simul uniuntur in vno generali principio ad quod tanquam ad primum creditum quis ab infidelitate convertitur. His locis omnino negas illum progressum intellectus quem Cap. 14 concedis ab uno credito, ad aliud credendum. Respondebis fortassis te Cap. 15, § 3, et Cap. 8, § 5, ac 11, loqui de primò accedentibus ad fidem, Cap. verò 14, § 6, non de iis loqui, sed de fidelibus jam habitu & implicite omnia credentibus. Sed ni fallor sic respondere non audes, nam illi qui credunt Scripturæ authoritatem nondum credentes Ecclesiæ infallibilitatem, non possunt secundum vestram sententiam, dici fideles jam habitu credentes, nam ex vestra doctrina, qui infallibilitatem Ecclesiæ non credit, non Catholicus, non Christianus est: unde Cap. 8, § 11, dicis, eos qui jam supponuntur conversi ad fidem, debere pariter supponi conversos ad Ecclesiam, tanquam ad regulam credendi. Vbi innuis neminem posse dici conversum ad fidem nisi qui etiam ad Ecclesiam conversus est. Cum igitur Cap. 14, § 6, loquaris de iis qui nondum credunt Ecclesiæ infallibilitatem, nega-

re non potes te illîc etiam loqui de primò accedentibus ad fidem, et proinde utrobique loqui de uno et eodem hominum genere. Disce igitur, Turnebulle, in posterum cautiùs loqui. Disce nunc tuo exemplo, quam verum sit illud vulgatum proverbium, *Oportet mendacem esse memorem.*

Sextò, quamvis concederem tuam sententiam veram esse de iis, qui in adulta ætate ab infidelitate ad fidem convertuntur, tamen nullo modo concedi potest, eam veram esse de iis, qui in infantia baptizati sunt, quando in adulta ætate incipiunt fidem exercere *retinentes adhuc gratiam baptismalem* (ut loquitur Suarez Disput. 6, de Fide, Sect. 7, § 16) & proinde habitum fidei, qui in baptismo infunditur: illi enim sicut gradatim et successivè, in fide erudiuntur, ita etiam gradatim et successivè, actus fidei exercere possunt. Hoc autem argumentum sic illustratur et confirmatur Pastores Ecclesiæ possunt primò unum dogma proponere, ut verbi gratia, dogma de Sacre Scripturæ divina et canonica autoritate: possunt item secundo loco proponere dogma de natura, notis, et proprietatibus Ecclesiæ: possunt denique singula dogmata deinceps proponere, quæ sunt creditu necessaria ad salutem. An non fides ~~sistere et acquiescere debet.~~ Vnde Vasquez

An non igitur illi qui retinētes fidei habitū in baptismo acceptum incipiunt exercere fidei actus, possunt audita sufficienti explicatione, & confirmatione primi dogmatis ei statim assentiri vi illius habitus, etiam cum secundum dogma non est sufficienter iis propositum: & sic etiam secundo dogmati, cum tertium nō est iis sufficienter propositum, & sic deinceps.


8. Septimò. At neque de adultis primo ad fidem accedentibus, hoc est qui ab infidelitate ad fidem convertuntur, vera est eua sententia: nam illi etiam gradatim & successivè eliciunt actus fidei. Probatur hoc primò, quia cum Catechumeni baptizantur jubentur recitare symbolum, & interrogantur an credant. Ergo ante susceptum baptismum, habent fidei actus: hi autem actus fidei (teste Bellarm. lib. 1. de Baptis. cap. 11. in explicatione propos. quintæ) vt plurimum iudicio gravium Doctorum, non sunt ex habitu fidei, sed ex auxilio speciali DEI intellectum eorum illuminantis, & voluntatem moventis ad credendos fidei articulos. At divina hæc illuminatio fit successivè & cum aliqua temporis mora. Nam (vt verbis Suarezij utar Disput. 12. de Fide, Sect. 4. in fine 11. §.) *non potest cum probabilitate affirmari, simul & in vno momento illuminari hominem de omnibus fidei mysteriis, quia hoc excedit hominis capacitatem.* Possunt ergo adulti, ad fidem ac-



cedentes sicut illuminantur successivè ita etiã successivè credere: hoc est, pro aliquo tempore habere explicitam fidem vnius articuli, cū nondum habent explicitam fidem alterius. Secundo, sicut superiori argumento, cum de iis qui in infantia baptizati sunt, & retinent fidei habitum in adulta ætate verba facerē, probavi eos successivè elicere actus fidei, quia successivè & gradatim in fide erudiuntur, ita etiam Suarez. loco jam citato, §. 12. simili argumento probat Catechumenos nondum baptizatos, quia successivè instruuntur posse successivè elicere actus fidei, & pro aliquo tempore habere explicitam fidem de vno articulo abtq; explicita fide alterius.

Dices fortassis primò, DEVM non dare Catechumenis sufficiens auxilium ad eliciendum vel vnum fidei actum, donec planè sint instructi de omnibus mysteriis credendis. At hanc evasionem Suarez. loco citato dicit nullo modo esse probabilem, eamque duabus rationibus confutat. Dices secundo, te concedere cum Suarezio, vnum dogma fidei posse explicitè credi ante alterum, & nihilominus veram esse tuam assertionem de simultate credendi, quia cum vnum dogma creditur, omnia alia implicitè creduntur. Sed si hoc concedas non potes evitare mea argumenta ab ordine credendi petita, ad quæ respondere conaris  
Cap. 8. Si enim quædam dogmata possunt

explicitè credi, ante Romanæ Ecclesiæ infallibilem in testificando authoritatem, necessario sequitur illa non credi ob infallibilem Romanæ Ecclesiæ authoritatem, nihil enim credi potest ob Rom. Ecclesiæ authoritatem quamdiu ea nobis in se & explicitè cognita non est.



## TRACTATUS SEPTIMUS, De primo Credibili.

### CAPVT I.

An detur aliquod primum fidei principium, & quodnam illud sit?



I.

D quaestionem in titulo propositam, quatuor assertionibus respondebo. Prima sit hæc: *Neceffe est dari aliquod primum Credibile, seu principium complexum, quod primum à fide apprehenditur, & in quo tandem fides sistit, seu acquiescit: velut alii loquuntur, quod primum est in productione fidei, quia nimirum fidei assensus primò ei præbetur, ultimum verò in resolutione fidei, quia fides Christiana in illud ultimò resolvitur. Probat hanc assertio, quia cum inter credibilia complexa sit ordo quidam dependentiæ in esse Credibilis, secundum quem alia Credi-*

abilia sunt aliis priora creditur, alia verò posteriora; aut dicendum est in hac serie & ordine Credibilium dari processum in infinitum, quod ( ut de Scibilibus docet Philosophus, 1. Poster. Cap. 3. ) fieri non potest, quia infinita animo percurrere non possumus: & sic omnis fides divina è medio tolleretur; aut dicendum est hanc dependentiam quorundam Credibilium, ab aliis *in esse Credibilis*, esse reciprocam et circularem: quod etiam fieri non potest, quia inde ( ut patet ex Disput. præcedenti ) sequetur idem respectu ejusdem, esse et notius natura et ignotius; item et prius natura et posterius: quod absurdum est, teste eodem Philosopho, loco citato; aut denique deveniendum est tandem ad aliquod *primum Credibile*, in quo fides nostra listere et acquiescere debet: & sic habemus propositum.

Secunda assertio: *Primum principium fidei simpliciter & absolutè considerata 2. est quodvis principium quo formale objectum fidei exprimitur*: ut verbi gratia hoc principium, *DEVS hoc dixit seu revelavit*. Probatur hæc assertio, quia omnia materialia fidei objecta creduntur propter formale objectum; ipsum verò formale objectum non creditur propter aliud, Ergo in eo fides



fides sistit et acquiescit. Vnde Vasquez, Tomo 1. Commentariorum in Divi Thomæ summā Disput. 5. Cap. 3. sic de ordine credendi differit, *Fides* (inquit) *generatur per discursum, ita ut primū principium cui innititur, sit cōplexum illud DEVS dixit, quod est ratio assentiendi, cuicunq; articulo revelato, &c.* Et Suarez Disp. 3. de Fide, Sect. 12. §. 12. de eodem principio differens, *Dico* (inquit) *principium illud non resolvi in aliud principium à se distinctum, sed seipso credi.* Becanus etiam Tract. de Fide, Cap. 1. Quæst. 2. §. 2. *Credo* (inquit) *DEVM hoc revelasse non propter aliud, sed immediate propter se.*

3. Tertia assertio: *Primum principium fidei quatenus ea ad supremam, & Catholicam fidei regulam est alligata, est principium illud quo formale objectū fidei, id est, DEI revelantis auctoritas illi regula applicatur: ut cum dico, DEVS per hanc regulā perpetuò & infallibiliter docet ac revelat ea quæ credenda sunt.* Hujus assertionis veritas patet ex iis quæ dicta sunt Tract. precedenti, Cap. 3. ubi monuimus nihil omnino credi posse propter auctoritatē alicujus regulæ, nisi prius de illius regulæ auctoritate constet: primò igitur credendum est, ipsam regulam esse divinæ et infallibilis auctoritatis

et deinde propter regulæ authoritatē credenda sunt reliqua credibilia.

Quarta assertio: *Primū cōmunissimū et notissimum principium fidei Christiana, quatenus ea ad regulam fidei supremam et Catholicā est alligata, est propositio illa in qua DEI revelatis authoritas S. Scriptura applicatur: ut cum dico, S. Scriptura est DEI Verbum: vel, tota doctrina Legis et Evangelii quæ sacro codice continetur est divinitus revelata.* Hæc assertio opposita est sententiæ Pōtificiorum asserentium primū principium fidei esse hanc propositionem, *DEVS per Ecclesiā infallibiliter docet, & revelat ea quæ credenda sunt:* vide Malderū Secund. Secundæ q. 1. art. 1. scēt. 6. et Stapl. lib. 8. princip. doctrin. cap. 21. et lib. 9. cap. 3. respons. ad argum. 5. Item in Controversiarum relect. contrōv. 4. q. 3. art. 2. respons. ad arg. ultimum, et in Defens. authorit. Eccl. lib. 3. cap. 16. scēt. 4. Vide etiam ipsum Turnebullum, cap. 6. §. 2. ubi dicit, *Ecclesiam in ordine ad nostrā credendo prudentiam esse Scriptura notiorē: & §. 3. esse credibiliorem rebus quæ per eam innotescunt: & cap. 8. §. 3. ubi ait, doctrinā Ecclesiæ in omni credito tanquam DEI ipsius Verbū esse omnibus CHRISTIANIS agnis, quam ovis primū cognitū.*

## CAPVT II.

Pontificium dogma de Romanæ Ecclesiæ infallibilitate non esse primum Credibile ex eo probatur, quod clara & distincta fide id credi non possit, nisi alia multa fidei Pontificiæ dogmata præcognoscantur & prius credantur.



1.

OSTRÆ sententiæ veritas facile apparebit ex confirmatione oppositæ sententiæ, quam tuentur Adversarii. Eam enim falsam esse et absurdam patet primo.

Quia multa alia dogmata fidei necessario credenda sunt priusquam in principio assentiamur. Ergo principium istud non est primum fidei principium. Consequentia manifesta est: nam primum principium fidei est id cui primo fides assensum præbet, & in quod ultimo resolvitur.

2.

Quod ad antecedens attinet priusquam ad ejus confirmationem progrediamur, notandum est Pontificios in primo illo ipsorum principium



principio, per Ecclesiam intelligere; primò, non totam Ecclesiam CHRISTI, quæ fuit ab initio Christianæ fidei secundum seriem Episcoporum crescens ad hæc usque tempora, quæ ipsum Apostolorum collegium suo ambitu complectitur; sed præsentem Ecclesiam: vide Valent. Tomo 3. Disp. 1. Quæst. 1. Punct. 7. §. 12. Bellarm. Lib. 2. de Sacramentis in genere, Cap. 25. Suarez. Disp. 5. de Fide, Sect. 5. §. 4. Secundò, solam Romanam Ecclesiam, id est, Romano Pontifici subjectam. Tertiò, non totam Romanam Ecclesiam; sed solos Prælatos seu Episcopos. ut patet ex Bell. Lib. 2. de Conciliis, Cap. 2. §. *Ex his enim*. Stapler. Lib. 5. doctrin. principiorum, Cap. 1. et in Relectione, Controversia 2. Quæst. 1. et in Triplicatione adversus Whittakerum, Cap. 11. Suarez, disp. 5. de Fide, Sect. 6. §. 9. Valentia, Tomo 3. Disput. 1. Quæst. 1. Punct. 7. §. 16. Col. 145. et aliis. Quartò, non Pastores seorsum consideratos, sed simul in Concilio congregatos. Bellarm. Lib. 2. de Concil. Cap. 2. §. *Alter locus est*, & §. *Ex his enim*. Quintò, non in quolibet Concilio, sed in Concilio à Papa indicto, sub ejus præsidio celebrato, & ab ipso confirmato; quia nimirum is ex eorum sententia est summus Ecclesiæ Monarcha, CHRIS-

STI Vicarius, & Petri Successor, & quia solus ex se infallibilis in docendo est, Suarez. Disp. 5. de fide, sect. 7. & Disp. 11. sect. 3. Bellarm. Lib. 1. de Conciliis, Cap. 12. & 19. & Lib. 2. Cap. 2.


3. His positis multa alia dogmata fidei credenda esse priusquam assentiamur huic principio patet primò, quia huic principio assentiri non possumus, nisi prius saltem prioritate naturæ (ecce tuum tibi cripio subterfugum Turnebulle) credamus omnia illa dogmata quæ in hoc principio prout illud à vobis concipitur includuntur. Hic enim apud vos est istius principii sensus: *Deus infallibiliter ea quæ credenda sunt docet per solius Rom. Ecclesiæ pastores, non quidem seorsum acceptos, sed simul congregatos in eo Concilio generali, quod a Rom. Pontifice ut Petri successore in Monarchia Ecclesiastica, indictum est, & confirmatum.* Ergo priusquam explicitum & distinctum fidei assentum isti principio præbeamus oportet ut hæc omnia dogmata credantur. Primo, Romanam Ecclesiam esse Catholicam Christi Ecclesiam. Secundò, Christum promisisse Pastoribus hujus Ecclesiæ infallibilem assistentia m Spiritus sui. Tertiò, eos non esse ab errore immunes, nisi cū in Concilio

cilio generali & legitimo congregantur. Quartò, id solum esse Concilium generale & legitimum, quod à supremo Ecclesiæ Monarcha indictum est, & cui is, aut per se, aut per legatos suos præsidet. Quintò, decreta legitime indicti & celebrati Concilii non esse infallibilia antequam supremi istius Monarchæ assensu confirmentur. Sextò, Petrum à Christo summum Ecclesiæ Monarcham constitutum esse. Septimo, Monarchiam Petri non fuisse temporariam & cum ipso morituram, sed perpetuam, & ad successores ejus derivandam. Octavò, Romanos Põtifices esse legitimos Petri successores in Monarchia Ecclesiastica. Nonò, eos non posse judicialiter errare, cum controversias fidei definiunt: & speciatim cum Conciliorum decreta, aut approbant, aut improbant.

Respondebis fortassis explicitam & distinctam hujus principii conceptionem non esse omnibus necessariam qui eo utuntur. At contra primò, si ullum fidei dogma explicitè & distinctè credendum est, proculdubio ipsum primum & præcipuum Christianæ fidei principium explicitè & distinctè à nobis concipi ac credi debet. Secundò, si non omnibus, tamen quibusdam explicita & distincta hujus principii conceptio necessaria est. Ergo eorum saltem respectu non erit pri-



mum fidei Christianæ principium. Tertio,  
 qui utuntur hoc principio, possunt vi illius  
 in graves errores induci, si explicitè & di-  
 stinctè non habeant veram illius concep-  
 tionem. Possunt enim putare Episcopos aut  
 seorsum existentes, aut in Concilio nationali  
 congregatos, aut in Concilio generali contra  
 Papam definiētes, esse infallibiles in defi-  
 niendis fidei controversiis. Si autem in hos  
 errores incidant, existimabunt infallibile, im-  
 mò divinum esse decretum Concilii Con-  
 stantiensis, & Basilensis de authoritate Con-  
 cilii generalis supra Papam; Item, Concilii  
 Francofordiensis sententiam contra cultum  
 Imaginum. Item, Concilii Chalcedonensis  
 sententiam quæ Papæ Rom. principatum  
 Monarchicum evertit.



### CAPVT III.

Variis Scripturæ, Patrum, & ipsorum  
 Pontificiorum testimoniis proba-  
 tur, Romanæ Ecclesiæ veritatem ex  
 Scriptura tanquam ex priori prin-  
 cipio esse demonstrandam.

**S**ecundo Pontificii ex Scriptura tanquam ex priori principio demonstrare debent Romanæ Ecclesiæ & *Veritatem*, quod viz. ea vera Christi Ecclesia sit, et ejusdem *Authoritatem*, seu *Infallibilitatem*, quod videlicet in definiendis fidei controversiis errare non possit: Ergo non Ecclesiæ infallibilitas, sed Scripturæ divina autoritas est primum credendi principium. Cōsequentia ex se manifesta est. Quod ad antecedens attinet illud duabus cōstat partibus: prior est de Ecclesiæ Rom. veritate: posterior de ejusdem infallibilitate. Priorem partem hīc probabo, posteriorem vero cap. 9.

Primò igitur, Sacram Scripturam esse principalem regulam per quam vera Ecclesia à falsa dignoscitur, patet, quia Deus in Scriptura testatur ipsam Scripturam in omnibus fidei controversiis, & proinde etiam in hac quæstione de Ecclesia consulendam esse, tanquam principalem fidei regulam. Esai. 8. versu 20. *Ad legem & testimonium*, &c. Ioh. Cap. 5. v. 39. *Scrutamini Scripturas*, &c. Item Matth. Cap. 7. vers. 15. *Cavete vobis à pseudo-prophetis, --- ex fructibus eorum cognoscetis eos*, &c. Prima Iohan. cap. 4. versu

4. vers. 1. *Probate spiritus an ex Deo sint.*  
 Ex his testimoniis patet normā secundā quam  
 de singulis controversiis judicare debemus  
 esse Scripturam: rem vero ad hanc normam  
 examinandam esse ipsos Ecclesiæ pastores,  
 qui sententiam de rebus fidei pronunciant.

3. Secundò, Patres idem docent: Author  
 operis imperfecti homilia 50. *Qui ergo vult  
 cognoscere veram Christi Ecclesiam, unde  
 cognoscet, nisi tantummodo per Scripturas?*  
 August. Epist. 166. *In Scripturis didici-*  
*mus Christum: in Scripturis didicimus*  
*Ecclesiam, &c.* Item, lib. de unitate Ec-  
 cles. cap. 2. *Inter nos & Donatistas, qua-*  
*estio est ubinam sit Ecclesia? quid ergo*  
*facturi sumus? in verbis Donati eam*  
*quaesituri, an in verbis capitis sui Domi-*  
*ni nostri? Puto quod in illius verbis potius*  
*querere debeamus, qui veritas est & opti-*  
*mè novit corpus suum.* Item, Cap. 3. ejusdē  
 Lib. *Non audiamus, hæc dico, hæc dicis,*  
*sed hæc dicit Dominus. Sunt certe libri*  
*Dominici, quorum authoritati utrique*  
*consentimus, utrique credimus, utrique*  
*servimus: ibi quaeramus Ecclesiam, ibi*  
*discutiamus causam nostram.* Et paulo post

*Nolo*



*Nolo humanis Documentis, sed Divinis Oraculis sanctam Ecclesiam demonstrari. Item, cap. 16. Sed utrum ipsi Ecclesiam teneant, non nisi de divinarum Scripturarum testimoniis ostendant. De his testimoniis Augustini, ita loquitur Stapler. Lib. 1. princip. Doct. Cap. 24. Ecce apertissime dicit Augustinus & in Scripturis quarendam esse Ecclesiam, & ex ipsis demonstrari Ecclesiam. Hoc sanè totum verissimum est, &c.*

At si hoc verissimum est, ut fatetur Stapler. necessariò sequitur Scripturam esse Ecclesia notio-  
 4.  
 rem simpliciter, & absolutè (non aliquando, & ex hypothesi tantum, ut vulg Bellarm. Lib. de notis Eccles. Cap. 2.) nam formalis ratio propter quam credimus hunc vel illum cœtum esse veram Christi Ecclesiam, est autoritas divina Scripturæ, seu autoritas Dei loquentis in Scriptura, & per eam revelantis notas Ecclesiæ, ut docet Augustinus. Ergo ipsa Scripturæ autoritas necessariò prius natura creditur, quam Ecclesiæ hujus vel illius veritas: nam formale objectum fidei necessariò prius natura creditur, & proinde lumine fidei notius est, quam materialia objecta quæ propter illud creduntur, ut præbavi, Tract. præcedenti.

5. Respondebis fortassis, non ex sola Scrip-  
 tura, sed etiam ex Traditione non scripta ve-  
 ram Ecclesiam demonstrari, quia doctrinam  
 de notis Ecclesiae habemus etiam per Tradi-  
 tionem non scriptam, & per consequens fides  
 qua creditur Ecclesiae veritas non nititur sola  
 Scriptura. Respondeo primo, quamvis con-  
 cederemus fidem qua creditur Ecclesiae Rom.  
 veritas niti etiam Traditione non scripta, ta-  
 men haberemus prepositum, & vestra do-  
 ctrina de Romanae Ecclesiae veritate, quod  
 videlicet sit primum fidei principium, cor-  
 rueret. Quod enim nititur alio priori princi-  
 pio siue illud sit Scriptura siue Traditio, id  
 non potest dici primum principium. Secun-  
 do, doctrina de notis Ecclesiae ex qua colli-  
 gunt Pontificii Rom. Ecclesiam esse veram  
 Ecclesiam, non potest dici Traditio non scrip-  
 ta, ut infra patebit. Tertio, August. locus  
 supra citatis manifestè asserit fidem qua hu-  
 jus aut illius Ecclesiae veritas creditur sola  
 scriptura niti debere. Nam Lib. de Unitate Ec-  
 cles. Cap. 3. dicit, *Nolo humanis documentis,  
 sed divinis oraculis Ecclesiam demon-*  
*strari.* Et Cap. 16. *Sed (inquit) utrum*  
*ipsi Ecclesiam teneant non nisi de divi-*  
*narum Scripturarum Canoniciis libri*  
*ostendant.* Hic diserte asserit, nullam esse  
 legitime

legittimam veræ Ecclesiæ demonstrationem aut probationem nisi ex Scripturis. Et hanc fuisse mentem Augustini aperte asserit Michael Baius Professor Lovaniensis, in Epistola ad Antonium Genhart, quam præfixit Apologiæ suæ ad objectiones Sancti Aldegondii: ubi etiam dicit Tiletanum in Apologia pro Concilio Tridentino, Et Tapperum in articulo de Ecclesia eodem modo intellexisse Augustinum.

Tertiò, ipsi adversarii fatentur fidem qua credunt Rom. Ecclesiam esse veram Christi Ecclesiam, nisi Scripturæ autoritate. Staplet, Lib. 1. princip. Doctrin. Cap. 24. dicit Ecclesiæ lucem, splendorem, firmitatem, durationem, authoritatem, ceterasque dotes in Scripturis *apertissimè, plenissimè, & copiosissimè describi*. Et paulo post, *Dicimus ergo (inquit) & libentissime dicimus cum Augustino in Scripturis querendam esse Ecclesiam, id est, qua sint notæ, dotes, & proprietates Ecclesiæ, ex sacra Scriptura Oraculis, non ex humanis documentis investigandum esse*. Item, Cap. 25. dicit, *Scripturam esse Ecclesiæ notio-rem, eaque magis claram, hac una in re, id est, in describenda Ecclesia*. Et in Controversiarum Relectione, Controv. 1.



quæst. 4. Art. 5. *Notæ* (inquit) quibus Ecclesia cognoscitur in ipsa Scriptura fundantur. Et infra: *Non est ergo Scriptura nota Ecclesia simpliciter, id est quoad omnem ejus doctrinam, sed secundum quid, & ex hac parte tantum, quod ejus doctes, qualitatem, & notas, ipsa nobis luculenter describit.*

7. Sic etiam Iohannes Pistorius, Lib. de 14. Articulis, Cap. 4. sub finem Cap. fatetur Scripturam ea parte, qua de Ecclesia ejusque conditionibus, ac privilegiis agit, esse nobis ipsa Ecclesia notio-rem et certio-rem. Et sane hoc negari non potest cum Ecclesia teste August. ex sola Scriptura demonstranda et probanda sit. Omnem enim probationem necesse est esse ex notioribus et clarioribus.

8. Similiter Becan. in Apolog pro Iud, Controvers. Cap. 3. §. 6. et 7. concedit hanc propositionem esse veram: *Sola Scriptura primario & infallibiliter terminat & definit questionem de Ecclesia per modum normæ.* Item: *Ex Scriptura* (inquit) *tanquam ex norma primario & infallibiliter demonstratur Ecclesiam esse toto orbe diffusam, & Christum esse illius caput.*

Collo.

Collocutores etiam pontificii in Collo- 9.  
quio Ratisb. Sess. 8. Respons. ad 10. testi-  
monium Chrysostomi hoc ipsum conce-  
dunt: *Tantummodo igitur (inquiunt) ex*  
*Scripturis religionem Christianam cogno-*  
*scimus, quia tantummodo ex notis in Scrip-*  
*tura declaratis, & non ex aliis cognosci-*  
*mus quæ sit vera Ecclesia, &c.* Et infra  
ad primum Augustini testimonium, *Fate-*  
*mur nos ex Scripturis & Christum, & Ec-*  
*clesiam discere.*

Iohannes Dricdo Lovaniensis Accademiz 10.  
Doctor, hoc ipsum asseruit. Nam Lib. 2. de  
Dogmatibus Ecclesiæ Cap. 3. in solutione  
Argumenti quarti, *Proinde (inquit) fides*  
*non amplius ex personis probanda venit,*  
*sed ex sua fide probantur persone, sicuti*  
*ex Scripturis sacris cognoscitur ea quæ*  
*nunc est Ecclesia.* Ad hanc autem suam as-  
sertionem confirmandam hoc utitur argu-  
mento. *In Ecclesia autem quæ nunc est,*  
*Christus nec sic præsens propria voce lo-*  
*quitur (supple prout loquutus est in Eccle-*  
*sia primitiva seu Apostolica) nec se loqui*  
*ostendit sub attestazione signorum & pro-*  
*digiorum, nec Spiritus Sanctus in ea jam*  
*ita*

ita manifestus apparet in signorum & prodigiorum attestationibus: Et hinc colligit ecclesiam necessario debere aliunde innotescere, videlicet ex Scripturis. Item, Lib. 4. Cap. 4. Super omnibus (inquit) quæ ex Scripturis manifesta sunt, prior, notior, et vetustior est authoritas Scripturæ quam Ecclesiæ quæ nunc est. nam & huiusmodi Ecclesia, quæ nunc est, quemadmodum in superioribus diximus, ex Scripturis sacris querenda est & cognoscenda. Et paulo post, De Ecclesia autem quæ nunc est, intelligendo eam ut precisam & abstractam, seu nudam & absque coherencia in fide & moribus cum Ecclesiis quæ fuerunt in prioribus seculis, diceret Augustinus: Ego hujus Ecclesiæ homines non agnoscerem esse Ecclesiam Christi nisi doceret me quatuor Evangeliorum authoritas. Ego Ecclesiæ non crederem, si aliud Evangelium nobis evangelizaret; si Apostolorum doctrinas non doceret.

11. Sed et ante hos, Henricus Gandavensis in Summa Art. 10. quæst. 1. Sic quotidie apud illos qui foris sint intrat Christus per mulierem, id est, Ecclesiam, & cre-



dunt per istam famam, etc. Et ibidem. Plus verbis Christi in Scriptura credit, quam Ecclesia testificanti, quia propter illam jam credit Ecclesia: & si ipsa quidem contraria Scriptura diceret, ipsi non crederet, &c. Et Art. 9. quaest. 3. Quod autem credimus posterioribus circa quos non apparent virtutes divina, hoc est, quia non predicant alia, quam quae illi in scriptis certissimis reliquerunt; quae constas per medios in nullo fuisse vitata ex consensione concordi in eis omnium succedentium usq; ad tempora nostra.

#### CAPUT IV.

Ratione etiam probatur Rom. Ecclesiae veritatem ex Scriptura esse demonstrandam.



**G**A. P. praecedente nostram sententiam variis testimoniis Scripturae, Patrum, et ipsorum Pontificiorum, confirmavi: Nunc Argumentis à ratione petitis utar. Prima ratio petitur à modo investigandi

gandi veram Ecclesiam. Nam cum certissimis et tutissimis modis investigādi veram Ecclesiam, sit per *Notas & Proprietates* Ecclesiarum, proculdubio certitudo fidei, quam habemus de veritate hujus aut illius Ecclesiarum præcipue pendet ab eo per quod Deus nos, cum veram Ecclesiam investigamus, infallibiliter certos reddit de præcipuis verarum Ecclesiarum notis. At non per Ecclesiam, neque per Traditionem non scriptam, sed per Scripturam nobis notificat et manifestat notas Ecclesiarum, nosque de iis infallibiliter certos reddit. Ergo, à Scriptura præcipue pendet certitudo nostræ fidei de veritate hujus aut illius Ecclesiarum.

2. Major manifesta est: probatur minor: et primò quidem, quod Deus non per ipsam Ecclesiam notificet, seu manifestet nobis verarum Ecclesiarum notas patet, quia *Notam* oportet esse aliunde notam quam à re cujus est *Nota*: etenim medium non potest probari per conclusionē; sed contra medium est argumentū conclusionis, alioqui probabitur ignotum per ignotius. Deinde vera Ecclesia iis qui eam investigant adhuc est ignota: nam est id ipsum de quo dubitatur: Ergo, Ecclesiarum testimonium non potest eos qui ipsam investigant, infallibiliter certos reddere de notis verarum Ecclesiarum.

3. Similiter quod non per Traditionem non scriptam

scriptam revelentur nobis Ecclesie notæ patet, quia ea Doctrina quæ in Scripturis *apertissime, plenissime, & copiosissime* proponitur non potest dici Traditio non scripta. At talis est doctrina de notis Ecclesie, ut disertè fateatur Staplet. locis supra citatis. Ergo, &c.

## CAPUT V.

Alia etiam ratione id probatur, & speciatim ostenditur fidem qua Pontificii credunt Rom. Ecclesiam esse veram & Catholicam Christi Ecclesiam, non nisi communibus fidei motivis.



Alia etiam ratione eadem veritas probatur. Nam fides qua creditur Ecclesie Rom. veritas, vel nititur communibus fidei motivis, vel ipsius Ecclesie præsentis testimonio, quatenus nimirum illud ex adversariorum sententia Dei ipsius testimonium est, aut denique nititur verbo Dei anti-



antiquitus revelato prophetis et Apostolis, ac per eos Ecclesię tradito. At neque nititur communibus fidei motivis, neque testimonio Ecclesię pręsentis: Ergo nititur Verbo antiquitus tradito, et revelato: et proinde ipsum Verbum Dei, aut saltem aliqua ejus pars, necessario prius creditur. Probatur assumptio: et primo, quidē quod ad cōmunia fidei motiva attinet (qualia sunt gloria miraculorum sanctitas vitę, constantia Martyrum, multitudo Professorum, aliaque similia) fatetur Driedo locis supra citatis veritatem et authoritatem pręsentis Ecclesię non satis manifestē et evidenter ex iis agnosci.

2. Secundò, Si ex solis motivis fidei, absque ullo alio argumento, aut fundamento, et speciatim absque Ecclesię infallibili testificatione, habetur sufficiens fidei certitudo de veritate Ecclesię Romanę; cur non etiam ex iis fidei motivis, absque infallibili Ecclesię testificatione haberi potest sufficiens certitudo fidei de veritate totius fidei Christianę, hoc est, de veritate omnium dogmatum fidei quę ad salutem necessaria sint? Nam omnia motiva fidei suadent, immo à Deo instituta sunt, ad suadendam veritatem totius doctrinę Christianę, ut docent Suarez. Disp. 4. de Fide. Sect. 3. §. 12. Valentia Tom. 3. Disp. 1. p. 4. §. 3. Col. 68. et 69. Et Becanus Tract. de fide

de fide, cap. 6. Cur igitur adfirmant aduersarii nullam certitudinem de dogmatis fidei haberi posse nisi infallibilis Ecclesie testificatio accedat?

Tertiò, & speciatim cur dicunt nullam certitudinem de Scriptura facia haberi posse, quod videlicet sit Dei verbum, nisi accedat infallibilis Ecclesie testificatio? Nonne ipse Bellarm. Lib. 1. de Verbo, Cap. 12. demonstrat Scripturam esse Dei verbum ex variis motivis et argumentis, qualia sunt, veritas vaticiniorum, incredibilis eorum conspiratio, singularis providentia Dei Scripturam suam ab humana profanatione defendentis, et infinitus prope numerus divinatorum miraculorum, quæ facta sunt ad comprobanda dogmata in Scripturis comprehensa. Nonne tu ipse Cap. 4. §. 5. dicis Scripturam *tot tum miraculis, tum vaticiniorum adimpletionibus confirmatam, & sanctissimis institutis atque doctrinis per se ita illustrem esse, ut de infallibili ejus auctoritate nulla prudenti supersit ratio dubitandi.* Si hujusmodi motiva per se sufficiunt ad certitudinem fidei habendam de veritate Ecclesie Romanæ, cur non etiam per se sufficiunt ad habendam certitudinē fidei de divina auctoritate Scripturæ? & contra si hæc per se, & absque

absque infallibili Ecclesiæ testificatione non sufficient ad certitudinem fidei habendam de Scripturæ authoritate; tunc neque per se & absq; infallibili Ecclesiæ testificatione sufficient ad certitudinem fidei habendam de veritate ipsius Ecclesiæ.

4. Quartò, ipsi Adversarij fatentur assensum qui nititur communibus fidei motivis, non esse assensum fidei, sed *prudentialia pravia*, quæ viz. fidem præcedit. Item assensum qui nititur illis motivis esse *evidentem*, cum fidei assensus sit *inevidens* & obscurus.

5. Quintò, Paulus Rom. 10. 14. & 17. dicit, *totam fidem nostram niti DEI Verbo*. Ergo nulla ejus pars nititur communibus motivis fidei, quæ sunt quid distinctum a DEI Verbo. Ex his patet crassum & absurdum esse eorum Pontificiorum errorem, qui fidem qua creditur Ecclesiæ veritas ultimò resolvunt in communia fidei motiva: quæ videtur fuisse sententia Maldari in Secundam Secundæ Divi Thomæ, q. 1. art. 1. sect. 6. & Odowardi Westoni lib. 3. de triplici hominis officio.



## CAPUT VI.

Eandem non niti præsentis Ecclesiæ  
Testimonio.



Secundo, quod attinet ad præsenti-  
ris Ecclesiæ testimoniū de seip-  
sa, quo videlicet testatur se es-  
se veram CHRISTI Ec-  
clesiam, id non esse sufficiens

& idoneum fundamentum illius fidei qua  
creditur Ecclesiæ veritas, patet primò, quia  
si homo aliquis, aut cœtus aliquis testimo-  
nium perhibeat de se ipso, nec alio argumen-  
to aut testimonio suam assertionem de se con-  
firmet, testimonium ejus non est legitimum  
nec dignum fide, vt patet tum ex dicto  
CHRISTI Iohan. 5. 31. tum ex exposi-  
tione istius dicti quam adferunt ipsi aduersa-  
rij, videlicet Staplet. lib. 3. de defensione  
authoritatis Ecclesiasticæ Cap. 5. ad Sect. 1.  
Gretf. in defensione Cap. 7. Lib. 3. de verbo,  
Col. 1336. & alij.

Secundò: Si testimonium Scripturæ de  
se ipsa non potest nos certos reddere de di-  
uina authoritate Scripturæ, tunc testimo-  
nium

nium *Ecclesiæ* de se ipsa non potest nos certos reddere de *Ecclesiæ* veritate quod videlicet vera **CHRISTI** *Ecclesia* sit : At prius est verum ex vestra sententia, ut patet ex Bellarm. lib. 4. de Verbo Cap. 4. §. *quarto necesse est*. Gretsero in defens. istius Capitis Col. 1575. & 1576. & aliis. Ergo etiam verum est posterius : Nam par utrobique est ratio. Vos enim dicitis Scripturæ testimonium de se ipsa non posse nos certos reddere de divina authoritate Scripturæ, quia nemo credere potest id verum esse quod Scriptura de se ipsa dicit, nisi prius credat Scripturam esse **DEI** verbum. Ergo pari ratione credere non possumus *Ecclesiæ* testimonium de se ipsa esse verum, nisi prius credamus *Ecclesiam* quæ illud testimonium perhibet, esse & veram **CHRISTI** *Ecclesiam*, & etiam in testificando esse infalibilem. Non igitur propter *Ecclesiæ* testimonium, credimus ejus veritatem, sed contrà ob ejus & veritatem, & authoritatem credimus ejus testimonium esse verum.

3<sup>o</sup> Tertiò, vel credendum est cuilibet cœtui asserenti se esse veram **CHRISTI** *Ecclesiam*, ob nudam ipsius assertionem; vel si non cuilibet cœtui tamen vni præ aliis, videlicet *Ecclesiæ* Rom. asserenti se esse veram, immò *unicam Ecclesiam* credendum est; vel denique

denique si nulli cœtui ob nudam ipsius assertionem credendum est, proculdubio constituenda est aliqua communis regula, ad quam omnes Ecclesiæ, ne Romana quidem excepta examinandæ sunt, ut per eam vera **CHRISTI** Ecclesia investigetur. Primum dici non potest, ut omnes fatentur. At neque secundum dici potest: cur enim credendum est potius Romanæ Ecclesiæ ob nudam ejus assertionem quam aliis Ecclesiis? Respondebis fortassis Rom. Ecclesiæ potius credendum esse quam reliquis Ecclesiis, quia *assertio Rom. Ecclesiæ de se ipsa verior est aliarum Ecclesiarum assertionem aut testimonio.* At utrum in se tantum verior est assertio Ecclesiæ Rom. de se ipsa, an verò etiam fidelibus verior apparet? Si tantum in se verior est, non autem fidelibus verior apparet, proculdubio illi non magis assertioni Ecclesiæ Rom. de se ipsa, quam assertioni aliarum Ecclesiarum de seipsis fidem adhibebunt. Si non tantum in se verior est, sed etiam verior apparet, quæro qua ratione, quove argumento? Respondebis, quia Ecclesia Romana habet certas & indubitatas veræ Ecclesiæ notas. At (inquam ego) unde est hæc vestra, sive persuasio, sive præsumptio? an tantum quia ipsa Rom. Ecclesia



sia hoc de se asserit? Sic etiam alia Ecclesie non minus constanter idem de se ipsis testantur: An quia ex aliqua communi & infallibili regula percipitis eas notas Ecclesie quas assignant Pontificij esse veras & genuinas Ecclesie notas; item eas soli Rom. Ecclesie competere? Ergo dicendum est illud tertium, quod ultimo loco in mea propositione disjuncta positum est: videlicet *aliquam esse regulam communem ad quam omnes Ecclesie ne Romana quidem excepta exigant & examinari debent: nimirum Sacram Scripturam in qua & CHRISTVM & Ecclesiam didicimus*, ut loquitur August. Epist. 166. Ex eo certò scire possumus, quisnam cœtus sit vera CHRISTI Ecclesia: & proinde in hac controversia de Ecclesia, regula fidei non est ipsa Ecclesia, sed Scriptura. Si autem Scriptura sine Ecclesia testimonio potest hanc fidem nostram sufficienter dirigere; cur non etiam in omnibus aliis controversiis religionis?

4. Quartò, fides divina non potest niti, testimonio Ecclesie de se ipsa, nisi certò constet illud Ecclesie testimonium de se ipso esse divinum & infallibile. Ac vnde hoc constabit? An ex Verbo DEI sive scripto sive non scripto? Tunc Verbum DEI prius creditur,

creditur, & sic habemus quod volumus. Nam ut jam sæpius dictum est *propter quod aliquid scimus aut credimus, illud ipsum prius sciri & credi oportet*. An ex alio Ecclesiæ testimonio, quo videlicet testatur suum testimonium de se ipsa esse divinum? Tunc eadem quæstio de illo altero testimonio recurret: & sic dabitur processus in infinitum: An ex ipso hoc testimonio, quia videlicet interna sua luce, virtute & maiestate divinitatem suam prodit, hoc est, ostendit se esse revera DEI ipsius testimonium? Non ut opinor hoc dixeris: nam ex vestra sententia, Sacræ Scripturæ testimonia non manifestant suam divinitatem; ergo multò minus illud Ecclesiæ testimonium hoc præstare poterit. An denique ex communibus fidei motivis? At vos ipsi fatemini, ut supra monui, assensum illum, qui nititur communibus fidei motivis, non esse assensum fidei divinæ, sed præviæ prudentiæ quæ videlicet præcedit actum fidei.

## CAPUT VII.

Concluditur eam niti debere auctoritate Sacræ Scripturæ.

I.



VM igitur fides ea ( si mo-  
dò fides docenda sit ) qua  
creditur Ecclesiæ Rom. ve-  
ritas, quod videlicet sit ve-  
ra CHRISTI Ecclesiæ,  
neque nitatur communi-  
bus fidei motivis, neque  
ipsius Ecclesiæ Romanæ testimonio, neces-  
sariò & inevitabiliter sequitur, eam niti de-  
bere Verbo DEI antiquitus revelato, ac  
per Prophetas & Apostolos Ecclesiæ tradi-  
to: & speciatim ea parte Verbi divini, in  
qua natura notæ & proprietates Ecclesiæ ex-  
plicantur: Hinc primò colligo, aliquam  
partem Verbi divini ( late & generaliter hinc  
accipio Verbum DEI prout complectitur  
& Scripturam & Traditionem ) seu Doctri-  
næ antiquitus a DEO revelatæ, necessariò  
credi antequam sciamus Ecclesiam Roma-  
nam esse veram CHRISTI Ecclesiam.  
Nam *propter quod aliquid scimus aut cre-  
dimus illud ipsum à nobis prius sciri &  
credi oportet.*

2.


Secundò, speciatim colligo Scripturam  
aut aliquam saltem Scripturæ partem neces-  
sariò credendam esse, antequam sciamus  
Rom. Ecclesiam esse veram CHRISTI  
Ecclesiam, idque quia doctrina antiquitus à  
DEO



DEO per Prophetas & Apostolos revelata, de natura, notis, & proprietatibus Ecclesiæ, ex qua videlicet colligunt Pontificij Rom. Ecclesiam esse veram CHRISTI Ecclesiam, non est Traditio non scripta. Ergo est Verbum scriptum, aut saltem aliqua ejus pars. Probat<sup>ur</sup> antecedens quia doctrina ea quæ in Scripturis *plenissimè*, *apertissimè* & *copiosissimè* proponitur, non potest dici Traditio non scripta, seu Verbum non scriptum: At talis est hæc doctrina ut patet ex August. testimoniis supra citatis, & ex Stapletoni confessione. Ergo &c.

Tertiò, cum Scriptura nusquam expresse 3.  
& explicitè dicat, hanc certam & individuatam hominum congregationem, quæ præsentem Romanam fidem profiteretur, & præsentem Pontifici Rom. subjecta est, esse veram & catholicam CHRISTI Ecclesiam, sed tantum generaliter proponat doctrinam de natura, notis, et proprietatibus Ecclesiæ, oportet ut dogma de Rom. Ecclesiæ veritate per discursum Theologicum, seu per necessariam consequentiam ex Scriptura colligatur; atque adeo ut fides qua creditur Romanæ Ecclesiæ veritas præsupponat discursum theologicum à generali doctrina proposita in Scriptura de notis Ecclesiæ, ad specialem conclusionem de veritate Rom. Ecclesiæ.

4. Hinc iterum colligo doctrinam illam generalem in Scriptura propositam de notis Ecclesiæ, ejusque divinam auctoritatem, prius credi, quam dogma de veritate Rom. Ecclesiæ, et proinde hoc dogma non esse *primū Credibile*: Ratio manifesta est, quia in omni discursu Theologico, id à quo discurremus, et ex quo aliud colligimus necessario prius à nobis credi oportet: vnde Cap. 13, tui libelli §. 4. dicis habitum discursivum Theologiæ *proprie non credere, sed ex creditis discurrere, & ex uno credito monstrare aliud pariter esse credendum.*



## CAPVT VIII.

Confutatur Sententia Francisci Suarez de ratione credendi præsentis Ecclesiæ Romanæ veritatem.



1.

Varez, disp. 9. de fide, Sect. 9. §. 14. asserit se credere Rom. Ecclesiam esse veram Ecclesiam, non ex vi alicujus syllogismi, aut discursus syllogistici, sed per DEI immediatam

mediatam revelationē. Et primò dicit DEVM hoc olim revelasse, quando per Apostolos revelavit Ecclesiam Apostolicam, quæ videlicet fuit tempore Apostolorum, esse veram CHRI-  
STI Ecclesiam, *Nam (inquit) nostra Ecclesia una & eadem est cum Ecclesia Apostolica.*

At primò vnde constabit præsentem Ecclesiam Romanam esse eandem cum Apostolica Ecclesia? An ex nuda Rom. Ecclesiæ assertionē? An verò quia eandem doctrinam proficitur, et easdem notas et proprietates habet. Prius dici non potest: Nam multæ aliæ Ecclesiæ idem de se ipsis affirmabunt; nec vlla ratio afferri potest, cur Romanæ Ecclesiæ ob nudam ipsius assertionem in re tantæ momenti credendum sit potius quam aliis Ecclesiis. Dicendum igitur est posterius, et proinde oportet ut certò cognoscamus idque certitudine fidei divinæ, quæ doctrina sit doctrina ab Apostolis tradita, item quæ fuerint notæ et proprietates Ecclesiæ Apostolicæ, priusquam credamus Romanam Ecclesiam esse eandem cum Apostolica. Nam propter quod aliquid scimus aut credimus, illud ipsum prius à nobis sciri et credi necesse est. Quamobrem non possunt Pontificij credere Romanam Ecclesiam præsentem esse eandem



cum Apostolica, nisi præeunte discursu, quo ex doctrina Apostolorum, et ex notis, et proprietatibus Ecclesiæ Apostolicæ in Scriptura propositis colligant Romanam Ecclesiam esse eandem cum Apostolica, quia videlicet proficitur doctrinam Apostolorum, easdemque notas et proprietates habet quas habuit Apostolica. Et sic vera adhuc erit nostra assertio, quod videlicet dogma de veritate Ecclesiæ Rom. non sic primum Credibile, quodque fides hujus dogmatis necessario præsupponat discursum.

3. Secundò, DEVS per Apostolos in Scripturis non tantum revelavit Ecclesiam Apostolicam esse veram Ecclesiam, sed etiam in illis Scripturis *apertissimè, plenissimè & copiosissimè revelavit* præcipuas, et certissimas notas quibus in omni seculo usque ad mundi finem, vera Ecclesia a falsa discerni possit. Primò igitur credenda est illa doctrina in Scripturis proposita de notis Ecclesiæ, et deinde per discursum ex ea colligendum est Romanam Ecclesiam esse veram CHRISTI Ecclesiam. 3. deniq; si propter revelationem antiquitus factam de veritate Ecclesiæ Apostolicæ credenda est veritas Romanæ Ecclesiæ, tunc veritas Ecclesiæ Romanæ non est primum Credibile, quia videlicet ante eam necessario

cessario creditur autoritas illius revelationis antiquitus factæ, de veritate Ecclesiæ Apostolicæ.

Secundo dicit Suarez ibidem, **DEVM** 4.  
hoc dogma de præsentis Ecclesiæ Rom. veritate revelasse per Traditionem non Scriptam, et perpetuam Patrum consensionem. Sed de hac Traditione quæro utrum sit divina an vero humana? Si humana est, non est idoneum fidei fundamentum. Nam fides nititur solo DEI Verbo Rom. 10. 17. Si divina, proculdubio per Apostolos primum est promulgata, et Ecclesiæ tradita: nam ipsi patres Tridentini Sess. 4. in decreto de Canonicis Scripturis, eas solas traditiones volunt esse fidei fundamentum, quæ per Apostolos aut ab Apostolis sunt Ecclesiæ traditæ. Videat Lector Bellarm. Lib. 4. de verbo Cap. 9. regula prima, & etiam ipsius Turnebulli Librum de formali objecto & regula fidei Cap. 7. §. 2. Hoc posito, sic contra hanc Suarezij assertionem argumentor primò; Doctrina ab Apostolis Ecclesiæ tradita de natura, notis, & proprietatibus Ecclesiæ est in Scripturis *apertissime & plenissime* proposita. Ergo non potest dici Traditio non scripta. Secundò, quamvis admitteremus eam esse Traditionem non scriptam, tamen adhuc sequeretur aliquod

quod credibile credi, ante dogma de Rom.  
Ecclesiæ veritate, videlicet dogma de divina  
authoritate illius Traditionis propter quā Pon-  
tificij credunt Ecclesiæ Rom. veritatem. Si  
enim propter divinam authoritatem illius Tra-  
ditionis credunt Pontificij Ecclesiæ Rom. ve-  
ritatem, proculdubio istius traditionis autho-  
ritatem prius ab iis sciri & credi oportet.  
Prius (inquam) prioritate saltem naturæ,  
vt patet tum ex regula illa toties à me incul-  
cata, *Propter quod aliquid scimus aut cre-  
dimus*, &c. tum ex iis quæ à me dicta sunt  
Traçt. præced. Cap. 2. 3. & 5.

5. Tertiò dicit Suarez ibidem, DEVM etiam  
nunc revelare Romanæ Ecclesiæ veritatem,  
idque partim per testimonium ipsius Ecclesiæ  
Romanæ de se ipsa, & partim per eviden-  
tia signa credibilitatis id est per communia  
fidei motiva. Sed vtraque pars hujus asser-  
tionis supra confutata est.

## CAPVT IX.

Ecclesiæ Romanæ infallibilitatem ex  
Scriptura tanquam ex priori prin-  
cipio fidei demonstrandam esse.

Superioribus





Vperioribus aliquot capitibus probavimus priorem partem nostri argumenti 1. quod videlicet Pontificij propter Scripturæ authoritatem credant Ecclesiæ Rom. veritatem: Nunc verò probabimus (DEO adjuvante) eos propter ejusdem Scripturæ authoritatem credere Rom. Ecclesiæ infallibilitatem, & proinde Scripturæ authoritatem necessariò credi debere ante Ecclesiæ infallibilitatem.

Sic igitur argumentor: Fides qua creditur Ecclesiæ Rom. infallibilitas, vel nititur communibus fidei motivis; vel ipsius Rom. Ecclesiæ testimonio de se ipsa; vel denique nititur aliqua parte Verbi antiquitus revelati Prophetis & Apostolis, & per eos Ecclesiæ traditi. At neque nititur communibus fidei motivis, neque ipsius Rom. Ecclesiæ testimonio. Ergo nititur illa fides aliqua parte Verbi DEI, in quo (ut illi imaginantur) Ecclesiæ Rom. infallibilitas revelatur. Major manifesta est. Prior pars minoris, quæ est de communibus fidei motivis, patet ex iis quæ dicta sunt, parte secunda Disputationis meæ, quæst. 1. §. 8. item ex argumentis à me allatis hoc ipso Tract. Cap. 5. Nam illa ipsa argumenta, quæ probant fidem de veritate Rom.

Rom. Ecclesiæ non niti communibus fidei motivis, probant etiam fidem de infallibilitate ejusdem Ecclesiæ communibus fidei motivis niti non posse.

3. Posterior etiam minoris pars, patet ex argumentis Cap. 6. hujus Tract. allatis. Nam eà, sicut probant Ecclesiæ Rom. testimonium non posse satisfacere dubitantibus de ejus veritate, ita etiam non minus efficaciter probant id satisfacere non posse iis qui dubitant de ejus infallibilitate in definiendis fidei controversiis.

4. Probata jam utraque parte minoris, quis videre potest veram esse hanc conclusionem in qua assero, fidem Pontificiam de infallibilitate Ecclesiæ necessario niti aliqua parte Verbi divini olim per Prophetas & Apostolos Ecclesiæ traditi, quo posito sic argumentor: Cum fides Pontificiorum de infallibilitate suæ Ecclesiæ nitatur aliqua parte Verbi DEI, vel dicendum est eam niti Scriptura, vel Traditione non scripta. Posterius dici non potest, nam doctrina de infallibili autoritate Ecclesiæ, deque cæteris Ecclesiæ dotibus est *apertissimè, plenissimè, & copiosissimè* in Scripturis proposita, ut affirmat Staplet. locis supra citatis, & cum eo reliqui omnes Pontificij Scriptores moderni, qui dicunt Ecclesiæ

Ecclesiæ infallibilitatem ex apertissimis Scripturæ testimoniis probari posse. Ergo non potest dici Traditio non scripta. Dicendum igitur est prius, videlicet Ecclesiæ Rom. infallibilitatem credi propter Scripturæ authoritatem: quod sanè ipsi adversarij fateri videntur. Nam Bellarm. Lib. 3. de verbo Cap. 10. Resp. ad argumentum 15. loquens de testimoniis Ecclesiæ Concilij & Pontificis, eorum infallibilitatem ex Scripturis cognosci asserit, *De quibus (inquit) habemus in Scripturis apertas promissiones quod errare non possint, ut Act. 15. Visum est Spiritui Sancto & nobis, & Luc. 22. Rogavi pro te ut non deficiat fides tua. Sic etiam Staplet. in TriPLICATIONE adversus Whittakerum, Cap. 15. DEVM (inquit) per Ecclesiam loqui non ex solo Ecclesiæ testimonio, sed ex ipsis maximè Scripturis, ex fidei symbolo, ex communi omnium, Christianorum conceptione certò constat.* His adde Valentianum qui Tomo. 3. Disp. 1. quæst. 1. puncto primo. §. 10. sic disserit: *Si rursus interrogetur unde cognoscat, propositionem Ecclesiæ esse infallibilem? similiter dicat se clarè id non nosse, credere tamen fide infallibili ob revelationem Scripturæ*



*Scripturæ testimonium perhibentis Ecclesiæ.*

- Hinc concludo Ecclesiæ infallibilitatem,
5. non esse *primum Credibile*, quia videlicet creditur propter Scripturæ authoritatem, & proinde necesse est Scripturæ authoritatem antecam credi, saltem ordine naturæ. Hanc conclusionem Adversarij evitare non possunt, quamvis ad Traditionem non scriptam confugiant, dicantque Ecclesiæ infallibilitatem, credi non propter Scripturam, sed propter Traditionem non scriptam. Adhuc enim sequetur aliquod *Credibile* credi ante Ecclesiæ infallibilitatem, videlicet authoritatem illius Traditionis non scriptæ propter quam creditur Ecclesiæ infallibilitas.

CAPVT X.

Observatio de Adversariorum impudentia & perversitate in tractatione hujus quæstionis de primo *Credibili*.



ON satis hic admirari possum Theologorum Pontificiorum perversum & in malitia gnavum ingenium, qui quæstionem subinde movent & agitant, de Sacra Scripturæ autoritate, quærentes à nobis, unde sciamus Sacram Scripturam esse DEI Verbum. At cum similem quæstionem illis proponimus, de Ecclesia, & ex illis quærimus, unde ipsi sciant Rom. Eccles. esse veram, et infallibilem CHRISTI Ecclesiam? illi statim excandescunt & acerbè ac contumeliosè in nos invehuntur dicentes ejusmodi quæstiones esse indignas quæ ab ullo homine Christiano proponantur. Hoc patet ex Stapletono Lib. 3. de Defensione Author. Eccles. Cap. 1. §. 6. Vbi ad quæstionem a Whittakero propositam, quomodo constet hanc esse veram Ecclesiæ vocem quam præsentem audimus sic respondet, *Et quis hoc querat, nisi qui Christianus non est? quid enim Christianus es, & in symbolo profiteris, Credo Ecclesiam Catholicam & adhuc nescis quæ sit vera Ecclesia.*

Stapletono adstipulatur Turnebullus Cap. 3. §. 3. *Nobis autem (inquit) quibus* 2.  
 H H Ecclesia

*Ecclesia est conspicua civitas supra montem posita ----- otiose sunt illa questiones, unde constat lucem diurnam esse à Sole illustrante nostrum hemisphaerium? Unde cognoscunt agni vultum & balatum maternum? Unde oves vocem sui Pastoris? Nam Ecclesia est mulier amicta Sole, ultimaque regula omnium Credibilium, cujus proinde dictamen in omni credito, tanquam diurnum Solis lumen, id est, ipsius DEI Verbum, est omnibus CHRISTI tam agnis, quam ovibus primum cognitum.*

3. Similiter Pontificij hoc Principium, *DEVS per Ecclesiam loquitur*, seu Ecclesiae testimonium est semper & infallibiliter DEI ipsius testimonium, putant esse quasi per se notum & sua luce clarum, ut patet ex Turnebulli verbis nuper citatis. At illud alterum Principium, *Scriptura est DEI Verbum*, putant esse ex se obscurum, & dubium, nisi ad illud confirmandum adhibeatur Ecclesiae testimonium de Sacrae Scripturae divina & canonica autoritate.

4. Item dicunt Scripturae testimonium de se ipsa (quo videlicet testatur se esse DEI ipsius Verbum) non posse nos certos reddere



dere, de divina & canonica ipsius auctori-  
tate, Bellarm. Lib. 4. de verbo, §. *Quarto*  
*neceſſe eſt*, et Gretſerus in Deſenſione iſtius  
Cap. Col. 1574. & 1575. At verò putant,  
Eccleſiæ Rom. teſtimonium de ſe ipſa (quo  
videlicet teſtatur ſe eſſe catholicam CHRI-  
STI Eccleſiam, & non poſſe in definiendis  
fidei controverſiis errare) poſſe nos infal-  
libiliter certos reddere, de illius Eccleſiæ &  
veritate, & infallibilitate. Staplet. Lib. 8.  
Doctr. Princip. Cap. 21. reſponſione ad quæ-  
ſtionem primam, & in Releſtione Contro-  
verſ. Controver. 4. Q. 3. Art. 2. Reſponſ.  
ad argumentum 4. Et Lib. 1. Deſenſionis  
Author. Eccleſ. Cap. 14. Sect. 8.

Sic etiam Gretſerus in Deſenſione Cap.  
10. Lib. 3. de Verbo, Col. 1451. ad quæſtio-  
nem qua quæritur quomodo certi eſſe poſ-  
ſimus Papam non errare, et illa Scripturæ  
teſtimonia, *Quodcumque ligaveris, &c.*  
Matth. 18. *Rogavi pro te ut non defi-*  
*riat fides tua*, Luc. 22. eſſe intelligenda  
de Papa Romano; reſpondet nos id ſcire poſ-  
ſe, ex *Traditione Eccleſiaſtica*, ex con-  
ſenſu majorum, totiusque antiquitatis ſuf-  
fragio, & textu ipſo, ſi ad ejus lectionem  
nulla adferatur pervicacia & antecepta  
HH 2 *perſuaſio*

*persuasio: Denique (inquit) velis, nolis, ex ipsius Pape sententia, ac definitione.*

6.

Horum deliriorum absurditas manifestissime patet ex iis qua dicta sunt Tract. 5. Cap. 22. Nam primo (ut illic monui) nemo unquam Catholicus aut Orthodoxus dubitavit de veritate hujus principij, *Scriptura veteris, & Novi Testamenti est D E I Verbum.* At de veritate istius enunciati, *Suprema Ecclesia definitio est infallibile D E I Verbum*, multi Catholici dubitarunt, imò multi illud apertè negarunt. Ergo tolerabilior est nostra quæstio de ratione credendi Ecclesiæ infallibilitatem, quam illa adversariorum quæstio qua quærunt, unde constet Scripturam esse D E I Verbum. Secundò illud enunciatum *D E V S per Ecclesiam loquitur* non est per se notum, & sua luce clarum, tum quia tot Patres, & Pontificij Theologi de eo dubitarunt, tum quia ejus veritas ex alio priori principio demonstranda est, ut patet ex Cap. præcedentibus, Tertiò nulla ratio afferri potest cur potius Ecclesiæ, quam Scripturæ, sibi testimonium perhibenti, fides habenda sit. Maxime cum in Sacræ Scripturæ testimoniis sint plura et clariora divinitatis indicia quàm in vilo decreto aut definitione Ecclesiæ. Vide Cap. 6. hujus Tractatus.

CAP.

## CAPVT XI.

Demonstratio ex Patrum doctrina & praxi, quod non Ecclesiæ, sed Scripturæ Divina & Canonica auctoritas, sit primum fidei principum.



Præcedentibus Capitibus probavimus, non Ecclesiæ, sed Scripturæ auctoritatem, esse primum Credibile seu primum fidei principium: idque primò, Quia explicita, clara & distincta fide

I.

id credi non potest nisi alia multa fidei Pontificiæ dogmata prius credantur: secundò, quia propter Scripturæ auctoritatem credunt Pontificii fide (ut ipsis videtur) verè divina Romanæ Ecclesiæ, & veritatem & infallibilitatem: & proinde ipsius Scripturæ auctoritas necessariò prius (saltem ordine naturæ) credenda est. Nunc igitur alia aliquot argumenta ad nostram sententiam confirmandam duobus istis adjiciemus.

Tertium argumentum ex Sanctorum Patrum doctrina & praxi peti potest. Primò enim veritas istius principii Papistici, *Suprema Ecclesia definitio, est infallibile* DEI



*Verbum*, incognita fuit (ut probatum est Tract. 5. Cap. 18.) Athanasio, Optato Milevitano, Augustino, Vincentio Lyrinenſi, & quamplurimis illis ſanctitate & doctrina præſtantibus viris; quos Vincentius Cap. 1. ſui libri ſe ſape de de certa & generali via diſcernendi fidei veritatē ab hæreſi conſuluiſſe aſſerit. Ergo principium iſtud non eſt primum & communiffimum fidei principium: nam non eſt credibile clariffima illa antiquæ Eccleſiæ lumina miſerabili ipſorum principiorum Theologorum ignorantia laboraſſe.

3. Secundò, Patres in diſputationibus ſuis contra Hæreticos, nunquam ex hoc principio, id eſt ex Conciliorum divina & infallibili authoritate ratiocinantur (ut monui Tract. 5. Cap. 18. §. 1.) ſed contrâ, hæreticis eos prementibus authoritate quorundam Conciliorum respondent principalem fidei noſtræ normam non eſſe Concilia generalia, ſed Scripturam Sacram. Hoc patet ex Auguſtino, qui lib. 3. contra Maximinum Arrianum, Cap. 14. ſic ſcribit: *Sed nunc nec ego Nicænum, nec tu debes Ariminenſe tanquam præjudicaturus proferre Concilium; nec ego hujus authoritate, nec tu illius detine- ris. Scripturarum authoritatibus, non*
- quorum

quorumcunque propriis, sed utrinque  
 communibus testibus, res cum re, causa  
 cum causa, ratio cum ratione concertet.  
 Hæc ab Augustino dicta sunt non per mo-  
 dum concessionis, hoc est ob Adversarium  
 suum, aut promissionem ullam qua Adversa-  
 rio promiserat se non ex Conciliis, sed ex  
 solis Scripturis adversus eum disputaturum,  
 ut fingit Bellarm. lib. 2. de Conc. Cap. 7.  
 (nam in tota illa disputatione nullum appa-  
 ret vestigium talis promissionis) sed manife-  
 stè ex propria ipsius sententia, ut patet ex ip-  
 sis verbis citatis. Primò enim utitur verbo *de-*  
*bes*. Nec tu (inquit) *debes* proferre Ariminense  
 Cōcilium, nec ego, supple *debeo*, proferre Con-  
 cilium Nicœnum. Secundò, notanda est illa  
 particula, *tanquam præjudicaturus*, qua in-  
 nuit eum qui doctrinam aliquam aut senten-  
 tiam damnat ob nudam alicujus Concilii  
 auctoritatem *præjudicare*, hoc est præsum-  
 pra opinione alterius sententiam damnare  
 antequam causa agatur. Tertiò, verba illa,  
*Nec ego hujus auctoritate, nec tu illius de-*  
*tineris* non significant concessionem, alio-  
 qui dicendum fuisset, *Nec ego hujus, nec tu*  
*illius auctoritate detinearis*. Quartò, ratio-  
 nem affert cur ex Scripturis potius quam ex  
 Conciliis disputandum sit, quia videlicet

*Scripturarum auctoritates non quorumcunque propriae, sed utrinque communes testes sunt. Quintò, illa etiam verba notatu dignissima sunt, res cum re, causa cum causa, ratio cum ratione concertet: nam & commendant candidam illam & simplicem cum Adversariis ex Scriptura disputandi rationem: & etiam indicant Augustinum hunc modum disputandi ut certissimum, & Controversiis fidei convenientissimum præ omnibus aliis approbasse.*

4. Tertiò, Patres dicunt Scripturæ divinam auctoritatem primò, & maximè esse credendam; item ab ea tanquam à primo fidei principio demonstrationes Theologicas esse petendas. Clemens Alexandrinus Lib. 7. Strom. sic scribit: *Si sit autem demonstratio, necesse est descendere ad quaestiones, & per ipsas Scripturas discere demonstrativè quomodo lapsæ sint Hæreses: & contra quomodo in sola veritate & antiqua Ecclesia sit perfectissima cognitio. Et infra: Ipsa autem (inquit) Scriptura tanquam criterio utimur ad res inveniendas. Quicquid autem judicatur (supple ex Scriptura tanquam ex criterio & priori principio) non creditur priusquam fuerit judicatum: quare*



quare non est principium id quod opus ha-  
bet iudicio. Merito ergo cum fidei com-  
prehenderimus principium indemonstrabi-  
le ex abundanti, & ab ipso principio de  
principio demonstrationes sumpserimus,  
voce DOMINI erudimur ad agnitionem  
veritatis. Non enim absolute enunciandi-  
bus hominibus fidem habebimus, quibus  
licet etiam enunciare contrarium. Si au-  
tem non satis est solum absolute dicere  
quod videtur, sed oportet etiam probare  
quod dictum est, non expectamus testimo-  
nium quod datur ab hominibus, sed proba-  
mus quod queritur, voce DOMINI quæ  
est magis fide digna quam quævis demon-  
stratio, μαρτυρον δὲ ἢ μὲν ἀπὸ θεοῦ ἢ  
ὑποχάρευ, vel potius quæ est sola demon-  
stratio; per quam scientiam qui solum gu-  
stavere Scripturas, sunt fideles. Et intra:  
Sic ergo nos quoque ἀπ' αὐτῶν περὶ αὐτῶν  
καὶ θεῶν ex ipsis de ipsis Scripturis  
perfectè demonstrantes ex fide persuade-  
mus demonstrativè.

Insignis etiam est ille locus Augustini lib.  
6. Confess. Cap. 5. Persuasisti mihi (DEVM  
alloquitur) non qui crederent libris tuis,

sed qui non crederent esse culpandos. Ne  
audiendos si qui mihi fortè dicerent, unde  
scis illos libros unius veri & veracissimi  
DEI Spiritu esse humano generi submi-  
nistratos? Id ipsum enim maximè cre-  
dendum erat quoniam nulla, &c. Obser-  
va hîc. prudens Lector, quam longè de ipso  
primò fidei principio dissentiat Augustinus  
præsentis Ecclesiæ Romanæ Doctoribus. Il-  
li enim sapius ex nobis quærunt unde sci-  
amus Scripturam esse DEI Verbum? At quæ-  
stiones de Ecclesiæ Romanæ veritate & infal-  
libilitate ut oriosas rejiciunt, dicuntque eos  
non esse audiendos qui quæstiones illas affe-  
runt. Contrà verò Augustinus loco citato  
dicit eos non esse audiendos qui quærunt unde  
sciamus libros illos esse DEI Spiritu  
humano generi ministratos; & hanc  
suz assertionis rationem affert, quia id maxi-  
mè credendum est, hoc est, quia id primò  
ante omnia alia credi debet. At quæstiones  
illam, Vbi & quenam sit vera Ecclesia  
Scriptura determinandam esse asserit lib. de  
Unitate Ecclesiæ, Cap. 18. 19. & multis aliis  
locis. Vide Tract. 5. Cap. 18. §. 9. & Cap. 1.  
hujus Tract. §. 3. et 5.

## CAPVT XII.

Idem probatur ex veterum Pontificiorum scriptis.



Varium argumentum ex veterum Pontificiorum scriptis depromi potest. Primò enim quidam ex iis aperte asserunt Scripturam esse principium scientificum in Religione Christiana. Pe-

I.

rus de Alliaco, quæst. prima, in primum sentent. Artic. 3. litera E E, sic scribit: *Item tunc solum dicimus aliquid Theologicè probari quando ex dictis Sacra Scriptura concluditur.* Et infra: *Ex hac descriptione patet quæ sint principia Theologia.* Sunt enim ipsa Sacri Canonis veritates: quoniam ad ipsas fit ultimata resolutio Theologici discursus, & ex iis primò singule conclusiones Theologica deducuntur. Et ante hunc Lyrannus prologo in BIBLIA: *Sicut in Philosophia veritas cognoscitur, per reductionem ad prima principia per se nota: ita & in Scripturis à Sanctis Doctõ-ribus traditis veritas cognoscitur quan-*  
tum



*tum ad ea quæ sunt fide tenenda per reductionem ad Scripturas Canonicas.*

2. Secundò, non minùs evidenter ex eorum scriptis patet dogma de Ecclesiæ judiciaria infallibilitate non esse primum fidei principium. Primò enim quidam ex illis qui putarunt supremam Ecclesiæ definitionem esse infallibilem, amplexi sunt sententiam eam ut probabilem, et non ut certam certitudine fidei. Exempli gratia, Iacobus Almainus Doctor Parisiensis Opusculo de suprema potestate Ecclesiastica et Laica, Quæst. 1. Cap. 16. sic proponit sententiam suam de infallibilitate Concilii generalis: *Et sic resolutoriè tenendum est, & est probabilius quod Concilium ritè congregatum non potest errare in fide, & bonis moribus.* Secundò, plerique Doctores Iuris Canonici intrepidè asserunt supremam Ecclesiæ definitionem esse errori obnoxiam, ut testatur Almainus loco citato: *Circa primum (inquit) Panormitanus in Cap. Significasti, ponit oppositum, & dicit, & plerique Iuristæ cum eo, quod falsum est quod Concilium non possit errare.* Tertio, nec solum Iuristæ, sed etiam clarissimi istius Ecclesiæ Theologi in ea fuerunt sententia, ut patet ex eorum testimoniis à me citatis, Tract. 5. Cap.

19. quibus nunc quædam alia adjiciam ex Tomo I. Operum Thomæ Valdensis, quem Stapletonus lib. 9. Princip. Doctrinalium, Cap. 12. *nobilissimum Authorem* appellat, ejusque *magnam in Ecclesia laudem esse dicit*, ibidem Cap. 14.

Is lib. 2. Doctrinalis fidei Antiquæ Cap. 3. 19. sic scribit: *Hæc est Ecclesia symbolica, Ecclesia CHRISTI inquam Catholica, & Apostolica, mater credentium populorum, quæ fidem habet indefectibilem secundum promissum CHRISTI ad Petrum qui tunc figuram gessit Ecclesiæ. Ego rogavi pro te Petre ut non deficiat fides tua. Non est ergo specialis Ecclesia. Non Africana, ut Donatus dixit. Nec utique particularis illa Romana. Sed universalis Ecclesia, non quidem in generali synodo congregata, quam aliquotiens errasse percepimus, velut illa Arriminensis congregata sub Tauro præfecto, & illa Constantinopolitana sub Iustiniano minore tempore Sergii Papæ secundum Bedam, & quædam alia: sed est Ecclesia CHRISTI Catholica per totum mundum dispersa, a baptismo CHRISTI per Aposto-*  
los

los & ceteros successores eorum ad hac tempora devoluta, quæ utique veram fidem continet, & testimonium CHRISTI fidele, sapientiam præstans parvulis, inter extremos errores stabilem retinens veritatem. Et infra: Sed hic intentè queritur à quibusdam, quæ est illa Ecclesia quam docemus in materia fidei definire? Nunquid clerus, aut prælati Ecclesiæ, vel ipsorū Ecclesiæ in congregatis conciliis? sed hos omnes frequenter errasse cognoscimus. Quæ est ergo Ecclesia quæ non potest deficere? Quod si sit hæc universalis Ecclesia, quam à baptismo CHRISTI usque ad hac tempora nostra durasse prædiximus, & per totam terram ad omnes gentes esse diffusam, quis ipsam totam simul adire potest, ut interroget? Ad hoc dubium iterū videamus praxim Apostolorum, in determinando suum articulum. Item: Posset forsitan alicujus unius sapientis fidelis esse suspicio, posset unius Episcopi, & apud pertinacem aliquem est alicujus cleri, sive Universitatis, sive Synodi Episcopalis, sive etiam decreti communis in Romana Ecclesia



sia, immò forsan & generalis Concilii Patrum orbis: quia nulla harum est Ecclesia Catholica symbolica, nec vendicat sibi fidem dari sub pœna perfidia: sed qui sanctionibus sanctorum Patrum Ecclesia Catholica & Apostolica, id est per totum mundum expansa & à sanctis Apostolis constituta, & per successiones Patrum qui usque ad nostra tempora claruerunt, non statim obedit, ipse filius protervia sine omni scrupulo damnatur à singulis. Hac ergo fortissima praxi, hac forma vincendi tutissima usus est Augustinus contra Iulianum. Item, Ecce Ecclesiam ( inquit ) sanctorum Patrum successivè qui utique certiores iudices esse debent in causa fidei quam Synodus antistitum generalis —————

————— Nec movere quenquam debet quod talem concordem professionem Patrum propositi decreto generalis Concilii etiamsi de toto orbe existentes convenirent Episcopi.

Sic etiam scribit Cap. 27. ejusdem libri: 4.  
Iam ut ad definitionem Ecclesia Catholica redeamus, videtis sequendam esse in Ecclesia Catholica gradatim auctoritatem multiplicem

tiplicem, Doctorum scilicet Catholicorum  
omnium, Antistitum sanctorum magis,  
Ecclesiarum Apostolicarum potius, & ex  
eis amplius Romana Ecclesia: & abundan-  
tius his omnibus auctoritatem Concilii ge-  
neralis: nec tamen alicui jam dicta ita obe-  
diendum censeo, & tam prona fide sicut  
prima fidei Scriptura vel Ecclesia CHRI-  
STI symbolica: sed sicut institutionibus se-  
niorum & monitioni paternæ. Obediatur,  
dico, sine scrupulis questionum, cum omni  
modestia mentis & reverentia corporis, cum  
acceptatione & fiducia in verbis docentis:  
nisi quatenus aliquid doceat is qui docet  
quod jam justè proscripsit superioris aucto-  
ritas, cui tamen tunc pius Ecclesia filius  
non perperam insilit, sed ab eo reverentia-  
li quodam pudore percussus abscedit. Ibi  
enim requiritur ut sit fides copiosior ubi  
subest auctoritas gravior.

CAP.

## CAPVT XIII.

Ejusdem veritatis confirmatio ex recentium Pontificiorum testimoniis.



Vintò, eadem veritas ex ipsorum Adversariorum confessionibus confirmari potest. Nam Alphonsus à Castro, Lib. 1. adversus Hæreses, Cap. 2. sic scribit: *Nam sicut in aliis Scien-*

*tiis, prima earum principia nullus qui eas profitetur negat: ita in negotio fidei pro unico & indubitato principio, à quolibet qui se pro Christiano gerit haberi debet, verū esse quicquid in sacris codicibus continetur.*

Melchior Canus, Lib. 1. Cap. 3. elenchum 2.  
 locorum Theologorum proponens dicit,  
*primum locum esse auctoritatem Sacrae*  
*Scripturae: et Lib. 2. Cap. 1. appellat hunc*  
*locum fundamentum, seu principium: Ni-*  
*si enim (inquit) fundamentum hoc fide-*  
*liter jeceris, quicquid in Theologia super-*  
 I I *strux*



*struxeris corruet. Corruetque adeo civitas illa DEI cujus fundamenta in montibus sanctis, & in Scripturis, &c.*

3. Bellarminus in præfatione sua generali in Controversias, sic scribit: *Neque enim disputari potest, nisi prius in aliquo communi principio cum Adversariis conveniamus. Convenit autem inter nos & omnes omnino Hæreticos, Verbum DEI esse regulam fidei ex qua de dogmatibus judicandum sit: esse commune principium ab omnibus concessum, &c.*

4. Petrus Trigossus, in Summa Theologica Bonaventuræ, Quæst. 1. Artic. 3. Dubio 3. *Est enim (inquit) velut quoddam axioma & primum principium Sacram Scripturam esse verissimam quia evidens est DEVM non posse mentiri. Cum ergo quilibet Christianus fateatur esse Sacram Scripturam inspiratam à DEO tanquam fidei nostræ firmissimum fundamentum, tenendum est Sacram Scripturam esse veracissimam: & hoc velle probare, ut ait Alphonsus à Castro, 1. Lib. Hæresum, Cap. 2. est summa dementia; quia tanquam primum principium est præsupponendum.*

*Quod*

*Quod etiam docet Basilius super Psal. 115. quod sicut qualibet scientia supponit sua principia, ita Theologia præsупponit Scripturam Sacram esse certissimam. Hæc ille.*

Franciscus Suarez, Tract. de Fide, Disput. 5. Sect. 3. sic scribit: *Supponimus dari in Ecclesia quosdam libros quos Canonicos vocamus, in quibus Verbum DEI scriptum contineri credimus: quæ suppositio tanquam dignitas seu primum principium accipitur ab omnibus, qui Christianorum nomen profitentur: & ideo inter eos probandum non est, ut rectè Castro, Lib. 1. contra Hæreses, Cap. 2. notavit; quia nulla doctrina juxta Philosophum probat prima sua principia.*

Denique vis veritatis tibi etiam, mi Turnebulle, hujusmodi confessionem extorsit 6. Cap. 4. §. 4. *De Scriptura (inquis) in genere loquendo fatentur omnes, non tantum Catholici, sed etiam Sectarii, paucis Libertinis exceptis, eam esse regulam infallibilem, quippe quæ fuit divinitus inspirata & tot tum miraculis, tum adimplentionibus vaticiniorum confirmata, & sanctissimis institutis atque doctrinis per se*

ita illustris, ut de infallibili ejus authoritate nulla prudenti supersit ratio dubitandi.



## TRACTATUS OCTAVUS,

## De Circulo Pontificiorum.

## SECTIO VIII.

*De Circulo Pontificiorum, ubi Malderi, Valentiani, Becani, aliorumque hunc Circulum perrumpere conantium deliria confutantur.*

I.



NTONIUS RUVIUS non obscuri nominis Iesuita, in Logica sua Mexicana, Quæst. 2. in Cap. 3. 1. Poster. numero 29. et 30. dicit, Circulum in demonstrationibus duo requirere, ut sit formalis et perfectus, prius est, ut ab eodem in idem fiat: posterius est, ut per eandem viam fiat: hoc est, ut fiat servato eodem cognit



cognitionis genere, seu (ut alii loquuntur) nulla nova cognitione terminorū comparata. Tannerus in Disput. de Fide, Spe, & Charitate, Thes. 80. & Gretserus, in Tract. de Agnoscendis Scripturis, Cap. 4. Col. 1888. ad eundem ferè modum Circulum definiunt: Est progressus (inquiunt) ab eodem ad prorsus idem, nulla interim terminorum variatione, quoad notitiæ rationem interveniente: Quod tum demum accidit, quando consequens ex antecedente illatum, nulla alia præterquam antecedentis noticia fultum, & probatum, mox iterum ad sui antecedentis probationem, assumitur. Secus est, quando consequens, aliunde magis cognitum, quam ex antecedente ad suum antecedens probandum, aut notificandum assumitur, tunc enim non Circulus, sed Regressus est. Vide etiam Conimb. in 1. Poster. Cap. 3. Quæst. 1. Art. 2.

Hoc posito contra Pontificios sic argumentamur. 2.  
 Ubique sit progressus ab eodem, ad idem, eodem modo cognitum, ibi sit Circulus formalis, & propriè dictus. At in hoc negotio sic procedunt Pontificii: Nam propter Verbi DEI authoritatem, Fide Divina creditam, credunt Ecclesie in testificando infallibilitatem, idque Fide Divina: & rursus; propter Ecclesie in testificando infallibilitatem, Fide Divina creditam, credunt verbi authoritatem, idque Fide Divina. Hic igitur est processus, à Verbi DEI authoritate, Divina Fide credita, ad

eandem Verbi auctoritatem Fide Divina creditam, & proinde est, ab eodem, ad idem, eodem modo cognitum, seu ut loquitur Ruvijs, est ab eodem, ad idem, per eandem viam.

3. Respondet Malderus Antverpiensis Episcopus, in secundam secundæ Divi Thomæ, Quæst. 1. Art. 1. §. 7. Non servari hic eandem viam: Nam Verbi auctoritas creditur propter Ecclesiæ testificationem infallibilem, tanquam propter aliquid notius nobis: Et rursus, Ecclesiæ infallibilitas in testificando, creditur propter Verbi auctoritatem, tanquam propter aliquid prius & notius natura. At gratis hoc à Maldero asseritur. Primo enim quando fit processus ab eo quod notius nobis est, ad id quod est notius natura, & rursus ab eo quod notius natura est, ad id quod est notius nobis, ut ab effectu ad causam, & rursus à causa ad effectum, manifestè variatur notitiæ ratio, nam notitia quæ priori processu acquiritur, est confusa et imperfecta: notitia verò quæ posteriori processu acquiritur, est distincta et perfecta. At hîc secus se res habet. Nam hîc ex verbi auctoritate, cognoscitur Ecclesiæ infallibilitas cognitione fidei Divinæ, et rursus ex Ecclesiæ infallibili testificatione, cognoscitur verbi auctoritas eadem cognitione, fidei Divinæ. Pontificii enim sicut fide Divina propriè sic dicta credunt Ecclesiæ infallibilitatem propter verbi auctoritatem: ita etiam fide Divina propriè dicta credunt verbi auctoritatem, illiusque fidei, ut supra prob

probavi, nullum fundamentum assignare possunt, præter Ecclesiæ infallibile testimonium. Vtraque igitur hæc cognitio ejusdem planè naturæ et dignitatis est. Et proinde non variatur hîc notitiæ ratio.

Secundò, quæro ex Pontificiis cur dicant Verbi auctoritatem esse Naturæ priorem Ecclesiæ infallibilitate? Respondebunt (nam aliter respondere non possunt) Verbi auctoritatem esse naturæ priorem infallibilitate Ecclesiæ, quia Ecclesiæ infallibilitas in Verbo revelatur, et propter Verbi auctoritatem creditur. At ob eandem rationem, Ecclesiæ infallibilitas, erit prior naturæ verbi auctoritate: nam ex Pontificiorum sententia, per solum testimonium, Ecclesiæ, extrinsecus nobis revelatur verbi auctoritas, et propter illud solum creditur. 4.

Tertiò, cum propter Ecclesiæ infallibile testimonium fide verè Divina creditur verbi auctoritas, ejus infallibilitas, ex Malderi sententia, est nobis notior auctoritate Verbi, et proinde creditur ante Verbi auctoritatem: vel igitur creditur fide Divina, seu infusa, ante verbi auctoritatem, vel fide acquisita. Non fide Divina: quia fides Divina, nititur, auctoritate Verbi DEI, eamq; præsupponit ut nobis notam. Ergo, si creditur ante Verbi auctoritatem, non creditur fide Divina. Si verò creditur, ante Verbi auctoritatem, fide acquisita tantum, quæ, ut loquitur Valentia, incerta et fallibilis est, jam non est idoneum fundamentum illius actus fide Divinæ, quo Verbi DEI 5.



*authoritas creditur. Quicquid enim est fidei Divinæ fundamentum principale, illud ipsum fide firma, certa, & infallibili credi debet.*

Gregorius de Valentia, Tom. 3. Disput.

6. 1. Quæst. 1. Punct. 1. §. 10. dicit, *Ecclesiæ infallibilitatem, credi ob Verbi authoritatem, tanquam ob causam principalem, propter quam credimus: Verbi verò authoritatem credi ob Ecclesiæ Testimonium, non tanquam ob causam credendi principalem, sed tanquam ob conditionem requisitam ad Verbi authoritatem credendam, & proinde progressum hîc fieri ab eodem ad idem, sed per diversam viam. Hoc Valentiani effugium prius confutatum est, Sectione videlicet quinta; ubi probavimus Ecclesiæ testimonium Pontificiis, esse veram ac propriè dictam causam credendi, & non conditionem tantum.*

7. Becanus Opuscul. Theologicorum, Tom. 1. Opusc. 10. de Circulo Calvinistico; item, in Compendio Manualis, Lib. 3. Cap. 10. dicit, *Pontificios in circulo non agitari, quia videlicet, non probant Ecclesiam per Scripturam, aut Scripturam per Ecclesiam, apud eos qui utramque negant, sed apud eos qui earum alteram admittunt, alteram negant: v. g. si quis admittat Scripturam, & neget Ecclesiæ infallibilitatem: ex Scripturâ contra eum probari potest Ecclesiæ infallibilitas: & sic si alius admittat Ecclesiæ infallibilitatem, & neget Scripturæ authoritatem, facile apud eum probatur Scripturæ authoritas ex Ecclesiæ testimonio.*

Hoc

Hoc Becani responsum, difficultatem non ex- 8.  
 baurit: non solum enim hic Adversarios arguimus,  
 quod circulariter progrediantur in disputationibus suis,  
 contra eos, qui vel Scripturæ, vel Ecclesiæ authorita-  
 tem negant: sed etiam quod circulariter progredian-  
 tur in stabilienda sua fide, & in reddenda fidei sue  
 ratione, credentes Scripturæ authoritatem propter Ec-  
 clesiæ infallibile testimonium, & rursus Ecclesiæ in-  
 fallibilitatem propter Scripturæ authoritatem: quod  
 sanè non minus absurdum est, quam si quis diceret,  
 parietes inniti fundamento, & rursus fundamentum  
 inniti parietibus.

Hujus responsi infirmitatem percepisse videtur 2.  
 Becanus: ideoque in Opusculo de Circulo Calvi-  
 nistico, alio excogitato commento tria asserit: Primò  
 enim dicit distinguendum esse inter causam accep-  
 tationis fidei, & causam fidei secundùm se:  
 hæc distinctio supra explicata est Sectione 5. Se-  
 cundò, cum quæritur de causa fidei secundùm se,  
 dicit sistendum esse gradum in revelatione Divina,  
 tanquam in ultimo resolutionis termino: v. g.  
 si quæras ex Becano an credat Evāgelium Matthei  
 esse Divinum? Respondet Becanus, se id credere  
 fide Divina, non quia Ecclesia hoc asserit, sed quia  
 DEVS revelavit: Nec aliam (inquit) hîc de-  
 bes expectare resolutionem. Est enim hæc  
 ultima, idque quia revelatio Divina, est unica  
 ratio fidei nostræ, & proinde in ea quiescen-  
 dum est. Tertiò, quando instituitur quæstio de causa  
 accept

acceptationis fidei, dicit, *Fideles resolvere suum assensum, in illud motivum, quo inducti ac persuasi sunt, ut vellent, et inciperent, credere Evangelium illud esse verè Divinum.*

**IO.** *Hic Becanus ingenti conatu, magnus agit nugas. Primò enim dicit se credere Divinam et Canonicam auctoritatem Evangelii, propter revelationem Divinam. Attamen ut supra Sectione quinta monui, nec docet, nec docere potest, ubinam inveniatur illa revelatio, propter quam Evangelii auctoritas credenda est. Secundò, dicit in revelatione Divina sistendum, et non ad Ecclesiae testimonium progrediendum esse. Cum tamen Pontificii communiter asserant, nos non posse certò scire, quid DEVS revelaverit, seu (quod eodem redit) hanc aut illam revelationem esse verè Divinam, nisi ex Ecclesiae testimonio. Vide Bellarm. Lib. 3. de Verbo DEI, Cap. 10. Responsione ad Argumentum 13. et Lib. 6. de Libero Arbitrio, Cap. 3. §. At Catholici: Ipsa igitur revelatio, nos de Divina sua auctoritate, certos reddere nequit: et proinde fides nostra in ea sistere non potest: sed necessario ulterius progreditur, et ad Ecclesiae testimonium transit, ut ex eo firmam persuasionem, de istius revelationis, Divina auctoritate, hauriat.*

**SECT**



## SECTIO IX.

*Consideratur novus ille modus, quo Gretserus & Tannerus Pontificios à Circulo vindicare conantur.*



Aldero, Valentiano, et Becano deficientibus, opem ferunt populares, Tannerus videlicet in Disput. de Fide, Spe, & Charitate, Thesi 80. et Gretf. in Tract. de Agnosc. Script. Canonicis I.

Cap. 4. Col. 1888. et 1889. Affirmant enim, primò, non omnem Circulum esse vitiosum et improbandum, sed tum demum, quando consequens ex antecedente illatum, nulla alia præterquam antecedentis noticia fultum & probatum, mox iterum, ad sui antecedentis probationem assumitur: secus verò esse, quando consequens, aliunde magis cognitum, quam ex antecedente, ad suum antecedens probandum, et notificandum assumitur. Secundo, hoc in præsentì questione accidere affirmant: quando enim propter Ecclesiæ testimonium, creditur Scripturæ authoritas, dicunt Ecclesiæ infallibilitatem, tunc non credi, ex ipsius Scripturæ auctoritate, sed ex communibus fidei motivis. Similiter, quando, propter Scripturæ testimonia, creditur

Eccel

*Ecclesie infallibilitas, Scripturam tunc, spectari affirmant, non prout precise, ex infallibili Ecclesie autoritate, & propositione discitur: sed, ut ex communibus fidei motivis, suaderetur ipsius autoritas.*

2. *Hæc doctrina, absurda, inepta, & omnino ridicula est: si enim Verbi DEI autoritas, quando adhibetur ad Ecclesie infallibilitatem suadendam, non propter Ecclesie infallibile testimonium, sed propter communia fidei motiva creditur, quæro ex Gretsero & Tannero utrum illa fides qua tunc creditur Verbi autoritas, sit certa, an verò incerta & fallibilis. Non dixerint eam esse certam: Primò, quia omnes Pontificii dicunt, Verbi autoritatem non posse certò cognosci, aut credi, nisi ex infallibili Ecclesie testificatione. Secundo, Fides ea quæ nititur communibus fidei motivis, non est divina, (ut fatentur ipsi Pontificii) sed conjecturalis, incerta, & fallibilis. Si dixerint fidem eam qua tunc creditur Verbi DEI autoritas, esse incertam; sequetur, Ecclesie infallibilitatem, quæ propter Verbi DEI autoritatem creditur, non posse firmam, aut certam fide à nobis credi. Quicumque enim Verbi DEI autoritatem, certò cognitam, & perspectam non habet, is non potest, propter Verbi DEI autoritatem firmam aut certam fide credere Ecclesiam esse infallibilem.*

3. *Similiter, si Ecclesie infallibilitas, quando adhibetur ad suadendam Verbi DEI autoritatem, non*  
ex

ex ipsius Verbi DEI auctoritate, sed ex communibus fidei motivis cognoscitur, & creditur: quæro, utrum illa fides qua tunc creditur Ecclesie infallibilitas, sit certa, an verò incerta? Non dixerint eam esse certam. Primò, quia illi omnes fatentur, Ecclesie infallibilitatem, & reliqua omnia, in Verbo revelata, propter solam revelationem Divinam, seu Verbi DEI auctoritatem, firmiter & certo credi posse. Secundò, Fides infallibilitatis Ecclesie, aut cujuslibet alterius rei qua non nititur Verbi DEI auctoritate, sed communibus fidei motivis est incerta & fallibilis, ut jam sæpius monui. Si dixerint Fidem eam qua tunc creditur Ecclesie infallibilitas, esse incertam, sequetur Ecclesie infallibile testimonium non esse idoneum fundamentum, illius actus fidei divina quo creditur Verbi DEI auctoritas. Verbi enim DEI auctoritatem, firma & certa fide credimus: fundamentum autem fidei certa, & infallibilis debet & in se certum esse, & à nobis certò cognosci, aut credi.

Sic igitur, contra Tannerum & Gretserum, 4. concludimus: Verbi DEI auctoritas Fide Divina creditur à Pontificiis propter Ecclesie in testificando infallibilitatem, non ex communibus fidei motivis, sed ex ipso Verbo cognitam, & creditam; & rursus, Ecclesia infallibilitas Fide Divina creditur à Pontificiis, propter Verbi DEI auctoritatem, non ex cōmunibus fidei motivis, sed ex infallibili Eccl. testimonio cognitā et creditam.

Ergo



*Ergo, hic, consequens ex antecedente illatum, nulla alia, præterquam antecedentis sui notitia factum, et probatum, mox iterum ad sui antecedentis fidem stabilendam assumitur. Hoc est, infallibilitas Ecclesiæ, quatenus est ex DEI Verbo, tanquam ex antecedente, cognita, et credita, adhibetur ad antecedentis sui fidem stabilendam, id est, ad Verbi DEI auctoritatem suadendam, et rursus Verbi DEI auctoritas, quatenus est ex infallibili Ecclesiæ testificatione, tanquam ex antecedente quodam, cognita, et credita, adhibetur ad antecedentis sui fidem stabilendam; id est ad infallibilitatem Ecclesiæ, in testificando suadendam: et proinde progressus hic est merè Circularis.*



### REPLICATIO TURNEBULLI,

*Quam præcedentibus sectionibus  
opposuit Cap. 13. & 14.*

### CAPVT XIII.

*De quaternario virtutum in Catholico fidei  
fundamento conspirantium.*

FREQVENS



REQVENS tibi occasio  
deceptionis, Minister Baro, est  
Indistinctio plurium virtutum,  
quas in obliquo unica vox fun-  
damenti fidei non sine homo-  
nymia connotat. Nam alia  
virtus formaliter credit, id est,

I.

elicit actum credendi, alia movet efficaciter ad  
credendum, alia per singulas occasiones ipsam le-  
gem, præceptumque credendi denunciatur; alia de-  
nique universè docet, monstratque quid sit creden-  
dum. Quas tu diversorum habituum functiones  
si potuisses, ut oportet, distinguere ab invicem  
tanquam totidem regiones, & latera quadratæ ci-  
vitatibus à Deo cælitus dimissæ, nequaquam tam ju-  
veniliter in imaginario tuo circulo tripudias-  
set. potissimum 8. tuæ Disputat. Quod tuum tri-  
pudium sequenti ego cap. perpendam, & videbo,  
quàm sit ad numerum.

Prima interim virtus, cui cæteræ in materia pre-  
sentis capitis serviunt, sit ipse supernaturalis habi-  
tus Fidei Theologicæ, quem in fundamentum to-  
tius justificationis, & in connaturale, proximumque  
credendi principium Deus nostris mentibus infun-  
dit. Cujus proinde actus, ut dici solet, elicitus est  
assensus, quem intellectus præveniente gratia con-  
fortatus præbet tam rebus revelatis, quàm divinæ  
revelationi propter divinam revelantis auctori-  
tatem. Nec in hoc habitu probanda est opus jam im-  
morari quando cap. 2. satis est explicatum specifi-  
cum ejus objectum. Nec quæstio an detur sit jam  
disputanda, sed supponenda, nisi velimus plura,  
quàm est necesse, vel à te negentur, in hanc dispu-  
tationem adducere.

2.

Porro

3. Porro antequam ceteræ tres virtutes, quarum functiones ad ponendum aliquod Fidei Fundamentum concurrunt, explicentur, duo sunt hîc principia prænotanda.

Primum. Licet assensus Fidei ab intellectu habitûque intellectuali elicatur; imperari tamen à voluntate, tanquam opus credenti liberum, ut passim nostri docent cum S. Thoma 1. 2. q. 1. Art. 4. & q. 2. Art. 1. 2. & 3. & quæst. 4. Art. 2. & cum Concilio Trident. Sess. 6. Can. 6. Nec alia potest esse mens Scripturæ sive quando contrariam incredulitatem tribuit duritiæ cordis, id est, obstinationi pertinacis voluntatis. Esa. 6. Ioan. 12. Luc. 18. sive quando ait corde credi ad iustitiam, Rom. 10. id est intimo affectu voluntatis; sive denique quando actum hunc commendat tanquam moraliter bonum & meritorium, Genes. 15. Lucæ 2. Rom. 4. Hebr. 11. Vnde Concilium Araus. 2. can. 5. *Sicut (inquit) augmentum, ita etiam initium Fidei ipse credulitatis affectus, &c. est per gratiæ donum, id est per inspirationem Spiritus sancti corrigentem voluntatem nostram ab infidelitate ad Fidem.* Nempe ut rectè Augustinus Tract. 16. in Ioan. *Cetera potest homo nolens, credere autem non nisi volens.* Cujus rei ratio patet ex obscuritate propria rerum à nobis credendarum Fide divina. Vnde Fides Heb. 11. definitur, *argumentum non apparentium.* Vbi enim tam revelatio, quàm res revelata, est obscura, non movetur intellectus ad assensum, nisi aliunde, quàm ab objecto determinetur, & inclinetur. Atqui nullum aliud sufficiens, vel connaturale principium hujus determinationis, & inclinationis fingi potest, quàm voluntas, ut vel



patet à simili in humanis, confirmatque experientia qualis de hujusmodi assensu haberi potest, præsertim quoties contra occurrentes credendi difficultates pugnare oportet.

Alterum principium pariter hic prænotandum est, quod in primo totius Theologiæ prolegomeno adverti solet, tum de necessitate, tum de distinctione scientiæ Theologiæ ab habitu Fidei. De necessitate quidem ad quatuor illos fines ab Augustino lib. 14. de Trinit. cap. 1. animadversos, ad Fidem nempe saluberrimam gignendam in Catechumenis, nutriendam in Neophytis defendendam, & roborandam in reliquo corpore militantis Ecclesiæ adversus hæreses. Quibus enim argumentis ostendunt Theologi rectam in Deum fidem supernaturalium revelationum esse singulis hominibus necessariam ad salutem; pariter etiam demonstrant in Ecclesia credentium necessariam esse ob dictos fines disciplinam pastorem, quæ primò sciat dogmata Fidei ad salutem necessaria bene proponere, redderéque credibilia populo, tum discernere conclusiones Fidei consentaneas à repugnantibus, ut has damnet, illas verò probet; Fidem insuper ipsam ab objectis infidelium vindicare; Demum ut loquitur D. Petrus, *Rationem petentibus reddere de ea quæ est in nobis spe.* Distinctio verò hujus scientiæ ab ipsa Fide patet, quia Fidei est credere. At Theologia propriè non credit, sed ex dictis discurrit, & ex uno credito monstrat aliud pariter esse credendum, tanquam in illo implicite revelatum; detegitque omnes errores creditis contrarios. Sicut ergo, aliud est credere, aliud ostendere quid sit consequenter credendum, vel à credente cavendum, ita non est idem habitus credendi, & ex creditis discurrendi, vel arguendi.

5. His duobus principiis prenotatis assero primò præter infusum divinitus habitum credédi, qui elicit proximève producit supernaturalem assensum in veritates revelatas, ad integrè stabiliendam Ecclesiæ Fidem, necessarias insuper esse tres alias virtutes suis quasque fundamentis innixas, quæ partim imperent, partim dicent eundem assensum. Nam imprimis voluntati necessaria est Religio, aliave perfectio appetitui rationali supernaturaliter infusa, cujus efficaci motione captivetur intellectus in obsequium divinæ auctoritatis. Quia ut disputat S. Thomas 2. 2. quæst. 4. art. 2. actus pendens à duabus potentiis, ut perfectio modo fiat, requirit vtramque potentiam perfectè dispositam. Actus nempe liber credendi requirit, ut & voluntas infuso habitu disponatur ad imperandum, & intellectus alio ejusdem ordinis habitu instruatur ad eliciendum talem assensum. Licet autem habitus huic imperio voluntatis serviens, non semper sit idem, sed interdum Charitas, interdum alia virtus, ex propria tamen conditione talis materiæ, Religio imperium hoc sibi præ cæteris vendicat, quando ex intentione adorandi Deum, captivat intellectum in obsequium Fidei. Nec enim ullum aliud genus adorationis Deo debitæ magis est necessarium quàm quo prima, supremæque animæ facultas, tanquam intellectuale genu coram tanta excellentia curvatur, credendo veritates, quas non videt. In intellectu insuper practico necessaria est Prudentia, quæ sicut omnium aliarum virtutum est auriga & moderatrix, ut loquitur S. Bernardus, ita nisi per singulas occasiones volenti credere præmonstret certam, & à Deo constitutam regulam credendi, nec nomen suum merebitur, nec impediet quominus

minùs & affectus credendi sit superstitiosus, & assensus, qui præbetur sit temerarius. *Qui enim citò, id est, sine sufficienti regula credendi, credit, levis est corde,* Eccles. 19. In intellectu demum speculativo, saltem Pastorum, & Doctorum, requiritur Theologia, sine qua nec Ecclesiæ corpus, nec Fides, & Pietas, quibus vivit Ecclesia, possunt stare, vel conservari, ut ratio ex pluribus hujus scientiæ finibus paulò ante petita satis ostendit.

Assero secundò pro hac virtutum diversitate, 6. diversarum quoque acceptionum fundamenta Fidei posse distingui. Nam aliud est, quo tanquam proxima, & objectiva ratione assentiendi nititur, nempe Deus ipse revelans. Aliud quo proximè movetur religiosa voluntas ad imperandum hunc assensum, ipsa nempe honestas illius subjectionis, quâ captivatus intellectus subditur divini auctoritati. Aliud quo tanquam regula viva nititur Prudentia dictans eundem assensum, viva nempe vox Ecclesiæ. Aliud denique quo tanquam principio supposito colligit Theologia, seu doctrina Catechistica quid consequenter sit credendum, vel cavendum; nempe quodcumque principium Theologiæ demonstrationis.

Verùm ut iste quaternarius fiat illustrior, & fundamentum prudentiæ in omnibus omnium temporum sectariis summopere semper desideratum studiosius commendetur, adverte Aristotelicum illud discrimen inter prudentiam & calliditatem, in eodem alioqui materiali dictamine sæpe conspirantes, quòd illa præsupponat, hæc non præsupponat appetitum rectum, unde honestetur. Appetitum autem rectum ab orthodoxa prudentia in quadriga Fidei regenda præsuppositum quatuor omnino illu- 7. strant



stant honestates, totidem characteristicis notis, ex quibus tetragrammaton nomen Ecclesiæ componitur, respondentes; quarum sicut neglectus perdit Fidem, & hæreses gignit, ita debitus cultus fundat, & conservat Fidem. Quatuor Ecclesiæ characteres notissimi, & à Nicæna Synodo in suo Symbolo expressi sunt quibus inscribitur, *Vna, Sancta, Catholica, Apostolica*. Unitati debetur charitas, fugaque schismatis; Sanctitati debetur religiosa veneratio numinis assistentis, & dirigentis; Universitati Catholici corporis debetur Pietas partium singularum ceu Iustitia generalis, Apostolatui denique communis Pastoris debetur observantia singularis. Nemini deperit Fides, nisi naufragium ante passo circa bonos hos mores. Si vis in Fide non errare, inseparabili amore amplectere Ecclesiæ unitatem animo religiosè firmo venerare sanctitatem; latitudinem longitudinemq; cōtinuam, & spatia tam fluentia, quàm permanentia Catholici nominis constanter suspice, Apostolico Patri solve, quem debet filius, cultum, & auditum. Talibus fundamentis nixa Fides nunquam nutabit. Tali quadrigæ insidens, præsidensq; Prudentia insigne orthodoxæ aurigæ nunquam deponet.

Tales ad angulos, turesq; angulares quadrata Civitas æternum subsistet adversus omnes portas inferorum.

8. Ecce, mi Baro, quot, & quantarum virtutum incogitantia te decepit de fundamento Fidei disputantem, nec advertentem qualiter hæc Dei dona in homine Christiano, præsertim Theologo suis numeris absolvendo, sint inter se connexa, seque invicem sub diversis respectibus, atque sensibus cūm fundent, tum conservent.

## CAP. XIV.

*Ex principiis capite precedente positis,  
Papisticam Fidei analysim ab omni  
circulo liberare conatur Tarnebullus.*



ECT. tua 8. §. 2. tale for-  
mas argumentum, quo putas  
nos in resolvenda Fide nostra  
concludi circulo inevitabili.  
*U*bicunque, inquis, fit progres-  
sus ab eodem ad idem eodem  
modo cognitum, ibi fit circulus  
formalis, & propriè dictus. At in hoc negotio sic  
procedunt Pontificii. Nam propter Verbi Dei aucto-  
ritatem Fide divina creditam credant Ecclesie in  
testificando infallibilitatem, idque Fide divina.  
Et rursus, Propter Ecclesie in testificando infalli-  
bilitatem Fide divina creditam credunt verbi au-  
ctoritatem, idque Fide divina. Hic igitur est  
processus à Verbi D E I auctoritate Fide divina  
credita, ad eandem Verbi auctoritatem Fide cre-  
ditam: & proinde est ab eodem ad idem per eandem  
viam.

Majorem propositionem hujus argumènti nes-  
civisses, nisi quod ultrò videris fateri, à nostris  
Ruvio, Tannero, Gretsero didicisses, quam proin-  
de nec tibi negabo.

Minorem verò assumis apertè falsam, ex captiosa quidem, & æquivoca tua definitione formalis objecti Fidei consequentem, sed in suis omnibus principiis satis à me jam refutatam. Nec valet, quod in ejus probationem affers. Particula enim *propter* in posteriore probationis membro, si sumatur eodem sensu, quo sumitur in priore membro, efficiet sensum falsum. Nam Ecclesiæ in testando infallibilitas creditur quidem à nobis Fide divina, non est tamen nobis formale objectum Fidei, sed regula duntaxat credendi, ut capite meo 3. & sequentibus satis declaravi. Si autem sumatur alio sensu, nempe ad regulam, rationemve tantum exemplarem nostræ in credendo prudentiæ demonstrandam, significabit quidem veritatem, sed alterius viæ in isto regressu notandæ, quàm quæ in progressu prioris membri supponitur. Siquidem alterius ordinis & quasi viæ causa est formale objectum Fidei, alterius verò regula prudenter credendi. Ergo non minùs falsò quàm sophisticè concludis per eandem viam fieri hunc regressum. Quomodo, mi Baro, iterum hic non metuisti, ne quispiam tibi exprobarer illud Ecclesiast. 37. *Qui sophisticè loquitur, odibilis est.* præsertim in illo genere sophismatis, quod 2, Elench. cap. 7. Philosophus vocat omnium ineptissimum.

3. Cæterum quia valde metuo ego, ne sis de numero eorum, quibus lacte opus potius hic sit, quàm solido cibo, & qui exercitatos non habent sensus in analytica doctrina de circulo, & regressu demonstrativo, non gravabor in tui, & similium gratiam rem totam amplius declarare.

Majorem ergo tuam propositionem à nostris acceptam non nisi sensu ab iisdem intento intellectam admitto:



admitto: nempe de progressu & regressu purè illativo, fundato utpote in sola vi formalis consequentiz, ad suadendum uni, & eidem intellectui principium, à quo totus profluxit. Vbi adverte duas à me conditiones exigi, ut major tibi propositio concedatur. Prior est, ut intelligatur de progressu purè illativo spectante vim formalis consequentiz, supposito antecedente, cujus assensui assensus conclusionis necessariò, unòque filo annectitur.

Alioqui ubi non fit progressus taliter illativus à noto ad minùs notum, sed dispositivus & sensim per intervalla perfectivus, qualis est à minùs perfectà persuasione ad perfectiorem, alio postea lumine, radiòve luminoso stabiliendam, nullus committitur circulus formalis, si conclusio priùs quidem demonstrata, sed aliunde magis illustrata, sive propter meliorem apprehensionem terminorum, sive alia ex causa resumatur, & reciprocetur ad melius notificandum antecedens, ex quo profluxit, ut passim docent sapientiores Philosophi ad 1. & 2. lib. Posterior analyt. Ratiòque cogit fateri tali regressu non peti nugatoriè vel inutiliter principium; sed novo, utilique lumine magis confirmari, ita ut tam hiq regressus, quàm prior progressus sit à notiori ad minùs notum. Vnde frequenter Aristoteles hujusmodi regressu est usus, ut vel citati à te auctores cum S. Thoma 2. de cœlo, lect. 16. probant pluribus exemplis, tam Physicis, quàm Logicis. Circulus verò sophisticè nugatorius tunc tantum contingit quando conclusio aliqua nullo alio lumine, quam primi sui antecedentis nota mox reciprocatur ad idem suum antecedens alicui persuadendum. Hoc enim est inutiliter petere, & repetere principium.

4. Altera conditio pariter necessaria est, ut ordinetur totus discursus tam ab initio, quam in regressu ad suadendum uni, eidemq; intellectui. Alioqui respectu diversorum nullus est circulus, v. g. contra Iudæum ex auctoritate veteris Testamenti, quam ille concedit, probare veritatem novi, quam negat; & contra Manichæum ex auctoritate novi Testamenti, quam ille admittit, probare sanctitatem & veritatem veteris, quam negat. Ratio cur ambæ istæ conditiones sint necessariae, ad circulum patet ex analogia circuli Mathematici, à quo ad nugatorium sophistarum circulum, Logici nomen hoc transtulerunt. Nam sicut Mathematicus circulus non est nisi ubi una eademque linea totam hujus nominis figuram complectitur, ut patet ex 1. Euclid. definit. 15. ita nec circulus mentalis, vel sophisticè nugatorius fingi debet, nisi ubi unus, idemque velut radius notionalis ad idem penitus punctum, seu principium notificandum reducitur, à quo totus profluxit. Alioquin si aliunde aliquid novæ lucis orlatur, jam non est idem radius, sed alius, ex quo, & priore simul junctis ad eundem velut angulum componendum concurrentibus, si aliqua veluti figura consurgat, ea non erit circularis, sed alterius nominis aliqua. Et idem dicendum in casu, quo discursus ad rem diversis intellectibus persuadendum refertur. Nam identitas numerica motus tam circularis, quam recti, præsupponit numericam identitatem mobilis, quod alterutro ciatur. Diversi vero intellectus, quibus sit persuasio, sunt diversa veluti mobilia.

5. Sub talibus ergo conditionibus, intellectam propositionem tuam majorem perlubenter concedo. Sed minorem tuam sub iisdem conditionibus assumptam contendo esse manifestè falsam. Ejusque falsitatem

falsitatem possum tibi bifariam ostendere. Primo quia in nullo vero circulo datur ultimum punctum, sed quovis assignato potest assignari aliud ulterius, & ulterius in eadem lineâ cum non sit major ratio sistendi mentem in uno, quàm quovis alio ejusdem peripheriæ. At quærenti à me, aliòve quovis Catholico, Cur, vel propter quid credis hoc vel illud dogma Fidei? Respondemus assignatione plurium punctorum ultimarum totidem veluti lineas terminantium, & respondentium totidem diversis sensibus ejusdem quæstionis æquivocæ. Nulla ergo umbra circuli est in nostro responso. Majorem suppono notam ex terminis. Minorem ut ostendam, distinguo tres principales sensus ejusdem quæstionis æquivocæ, *Cur credis?* Primum, de specifico, & formali objecto Fidei Theologiæ. Secundum de regula prudenter credendi, seu de principio notificante nobis quid sit credendum. Tertium, de principio in genere causæ aliquatenus efficientis determinante, vel inclinante intellectum ad assensum.

Primo sensui formaliter, ultimoque respondemus per increatam Dei revelantis auctoritatem. Nec hoc responso ullum in eadem virtutis lineâ ulterius expectandum est; siue quæstio proponatur simpliciter hoc modo. Quare credis Deum esse trinum, vel Ecclesiam esse columnam, & firmamentum veritatis? siue hoc alio modo magis compositum. Quare credis Deum dixisse se esse trinum, &c. Omnium enim credibilium Fide Theologica tam simplicium, quàm compositorum ratio formalis sub qua, & principaliter objectiva credendi est una, eademque Dei perfectio, ut cap. meo 2. satis contra te probavi.

Secundo



Secundo autem sensui ejusdem quæstionis respondere possumus per varias regulas credendi, ex quibus Theologico, vel Catechistico discursu discimus, quid in singulis dogmatibus sit prudenter credendum, & quarum omnium suprema, ultimâque est Dei Ecclesia nobiscum semper vivens, semperque parata per Pastores de dubiis respondere. Nec in hac externarum regularum serie, lineâque prudentiæ quicquam datur hoc puncto ulterius, ut cap. meo 5. & 6. satis ostendi.

Tertio demum sensui respondere possumus per varia principiorum efficientium genera, in quorum singulis assignetur tum primum, tum ultimum sine ullo colore circuli sophistici. Si enim sit sermo de principio proximo physicè productivo hujus assensus respondemus per vitalem facultatem intellectus habitu divinitus infuso, vel alio supernaturali principio supplente defectum habitus confortatam cooperante nobiscum Deo idem opus. Si autem sit sermo de principio determinante intellectum ex se indifferentem ad exercitium talis operis, respondemus per piam & religiosam voluntatem credendi, quam prævenienti, & adjuvanti gratiæ Dei referimus acceptam. Si demum sit sermo de principio eundem intellectum determinante ad specificationem operis ex se supernaturalis; Respondemus per ejusdem Dei gratiam, sive habitualiter infusam, sive in supplementum habitus assistentem, quæ nativam nobis vim evehit ad ordinem divinum.

6. Alterum principale argumentum, quo tuæ Minoris falsitas sit manifesta, sumo ex discrimine superius explicato inter Fidem, & Theologiam, tanquam inter matrem & filiam, interque proprias utriusque functiones, ubi ostendimus Fidem formaliter

liter non discurrere ab uno principio revelato ad aliud inde colligendum, licet supponat discursum Theologicum, vel Catechisticum, tanquam præsentativum materiæ credendæ, cui deinde intellectus credentis aliunde motus, & tractus præbet assensum simpliciter, & prudenter adhæsitivum. Vnde nunc sic argumentor. Ille progressus non potest censi circularis, qui non est formaliter, & omnino illativus, & ubi assensus ultimus non fundatur proximè in vi, & necessitate consequentiæ ex aliquo antecedente, ut in explicanda tua majore satis est ostensum. At assensus Fidei non est taliter illatus ex aliquo antecedente, cui ex necessitate cohæret, cum sit liber, & ex immediato imperio piæ voluntatis adhæsitivus veritati propositæ, altiorisquæ ex se ordinis, atque certitudinis majoris tota vi consequentiarum Logicarum, ut præcedenti cap. ostensum est.

Nullum ergo periculum inutilis circuli in progressu, quo vel ex infallibilitate Ecclesiæ propter DEI auctoritatem credita pervenitur ad assensum Fidei præbendum huic veritati, *Scriptura canonica est Verbum DEI*; vel vicissim ex testimonio Scripturæ propter eandem DEI auctoritatem credito, pervenitur ad similem assensum Fidei præbendum huic veritati, *Testimonium Ecclesiæ est infallibile*. Ratio patet ex ibidem dictis, quia neutra preventio clauditur in syllogismo, vel discursu, quem supponit, sicut assensus conclusionis fundatus proximè in vi consequentiæ clauditur unaquæ cum assensu præmissarum componit unam orationem mentalem. Sed utraque preventio supponit alium assensum inferioris ordinis, Theologicum nempe, vel

Cate-

Catechisticum fundatum in vi consequentiæ & præsentativum materiæ credendæ.

7. Dicet forte aliquis, Licet hoc modo satis liberetur ipse assensus Fidei à circulo, propter supernaturalem excellentiam talis actus liberi, non apparere tamen quomodo non sit circulus in primo discursu Theologico, vel Catechistico presentativo materiæ credibilis, quando primum ab infallibilitate Ecclesiæ propter Dei auctoritatem credita probat Theologus Scripturam aliquam esse Dei verbum, tum vicissim ex Scripturæ testimonio propter eandem Dei auctoritatem credito, concluditur ab eodem Theologo infallibilis auctoritas Ecclesiæ.

Respondeo satis caveri circulum in hoc toto discursu per diversos respectus vel personarum inæqualiter, vel circa diversa errantium, quarum aliis prior pars objecti discursus accommodatur, aliis posterior; vel temporum, in quorum uno quis per priorem partem hujus discursus est ex Ecclesiæ testimonio erudiendus, ve credat Scripturam; in alio per posteriorem confirmandus, ut Fidem ante susceptam de infallibilitate Ecclesiæ non deferat; vel denique regularum credendi, quasi totidem causarum, sibi quæ invicem causarum, ex mutua comparatione magis illustrabilium, & per se invicem proinde demonstrabilium. Et quidem ubi sunt diversi erronei, alter contra Ecclesiæ, alter contra Scripturæ auctoritatem, si Theologus illum ex Scriptura, hunc ex Ecclesiæ testimonio redarguat, nullum describit Circulum, sed utrumque seorsim adversarium ex principio nondum idimisso revocat ad sanam mentem circa dimissum. Vbi verò diversis temporibus unus, & idem homo est diversimodè affectus indiguitque



gusque vel primæ instructionis, vel novæ confirmationis in veritate prius accepta satis cavetur circulus per ipsam temporum discretionem luminumque diversorum vicissitudinem non uni obumbrationi obnoxiam.

Nam ut ante ostendi, circulus in hoc genere non est, nisi ubi unus,, idemque numero radius notionalis ad principium, à quo totus profluxit, notificandum frustra reducitur.

Vbi denique diversorum generum regulæ credendi ex mutua comparatione per se invicem demonstrantur, ut uniformis omnium concordia melius appareat, nullus est circulus, sed regressus talis, qualem in diversis generibus causarum probant cum Aristotele sapientiores omnes Philosophi.

Circulus autem in hoc genere tunc tantum potest contingere, quando sine ulla totidem respectuum diversitate unus, idemque numero intellectus uno, eodemque velut radio notionali non interrupto, nec aliunde aucto, sed continuato quasi filo reducitur ad petendum inutiliter principium, à quo moveri coepit.

**AVCTO:**



## AUCTORIS DUPLICATION.

## CAPUT I.

An progressus fidei Pontificiæ à Scriptura ad Ecclesiam, & rursus ab Ecclesia ad Scripturam sit per eandem viam?

1.



Ultra reperio, mi Turnebulle, in CAP. 17. tui LIBRI, quæ animadversione, & castigatione digna sunt; quia tamen generalis est doctrina, quam illic proponis de quaternario numero virtutum in Catholico fidei fundamento conspirantium; quia item non tam de ea quam de ejus applicatione, quam facis CAP. 14. præcipuè laborandum est, idcirco omisso CAP. 13. progredior ad sequens istud Caput in quo Papisticam fidei analysin ab omni Circulo liberare conaris.

2.

Initio istius Capitis in medium affers meum syllogismum, quo evidentissimè demonstr

monstro vestrum progressum in stabilienda fide esse reciprocum & circularem. Et primò quidem majorem nostri argumenti propositionem concedis, sed addito puerili & insulso sarcasmo. *Majorem ( inquis ) propositionem hujus argumenti nescivisses, nisi quod ultro videris fateri, à nostris, Ruvio, Tannero, Gretsero, didicisses, quam proinde nec tibi negabo.* Quasi scilicet vera doctrina de Circulo & Regressu in demonstrationibus non aliunde quam ex Iesuitarum scriptis depromi posset. Rident fatuitatem tuam Adolescentes nostri, qui in Scholis Philosophicis tot Philosophorum, tam veterum, quam recentiorum, libros quotidie volvunt, quique ex scriptis antiquorum interpretum Aristot. ex rectæ rationis amussi, & ex præceptorum suorum accuratis & doctis prælectionibus de nuperis Iesuitarum argutiis libere judicant, easque sæpissimè ut fuciles & ineptas rejiciunt. *At ( inquis ) ultro videris fateri te propositionem istam à nostris didicisse.* Mirabilis conjector & interpret alienæ mentis es. Sed hoc vitio plerumque laborant tuæ conjecturæ quod in tuo cerebro, & non in meis verbis fundamentum habeant. Quilibet Lector, cui vel mica salis est, facilè percipiet me Gretseri & Tanneri



neri testimoniis propositionem istam confirmasse, non quod eorum auctoritatem magni aestimem, sed quia argumentum Adversariorum testimoniis munus, efficacius & validius adversus eos concludit.

3. Deinde ad assumptionem nostri syllogismi accedis, & ut ostendas Pontificiorum in stabilienda sua fide progressum, à Scriptura ad Ecclesiam, & vicissim ab Ecclesia ad Scripturam non esse circulum *formalem*, seu non fieri *per eandem viam*; dicis Pontificiorum fidem qua credunt Ecclesiae infallibilitatem niti Verbi DEI auctoritate tanquam formali objecto fidei, eorundem verò fidem qua credunt Verbi DEI auctoritatem niti Ecclesiae infallibili testimonio, non tanquam formali objecto, sed tanquam regula fidei. Hunc esse verborum tuorum sensum manifestè patet: dicis enim particulam *propter* in priori meae probationis parte [ubi assero Ecclesiae infallibilitatem à vobis credi propter Verbi DEI auctoritatem] denotare vel demonstrare formale objectum fidei: & nihilominus admittis eam probationis meae partem ut veram. Posteriores verò partem dicis non esse veram nisi particula *propter* alio sensu sumatur, nimirum *ad demonstrandam fidei regulam*; & inde colligis progressum hunc non esse per eandem viam.

4.

At primò si Verbi Dei authoritas est formale Fidei objectum, cur Cap. 10. tui libri § 1. tam acerbè & contumeliosè in me inveheris quod dixerim parte 1. Sect. 5. §. 5. & parte 2. quæst. 7. Scripturæ divinam & canonicam auctoritatem esse formale Fidei objectum? Non enim illic dico ipsam Scripturam nudè & in se spectatam, sed divinam Scripturæ auctoritatem esse formalem & objectivam Fidei nostræ rationem ut patet ex titulo nostræ Disputationis atq. ex locis à te citatis, & manifestius ex parte prima Sect. 2. §. 1. & 3. Item Sect. 3. §. 1. Similiter cur dicis cap. 2. § 5. Scripturam etiam *quatenus Dei Verbum* esse non esse formale Fidei objectum. Nam si Verbi scripti authoritas est formale Fidei objectum, ut tu hic fateris, tunc etiam Scriptura quatenus est Dei Verbum est formale fidei objectum: Credere enim propter Scripturæ Divinam auctoritatem, & credere propter Scripturam quatenus ea Dei verbum est idem valent.

Secundò falsò asseris Ecclesiæ testimonium & auctoritatem ex vestra sententia ad formale Fidei objectum non pertinere, sed tantum esse regulam credendi. Patet hoc ex iis quæ à me Tract. 4. Cap. 1. & 2. dicta sunt quibus nunc addam apertam Thomæ Stapletoni confessionem. Is enim Lib. 8. principiorum

L L

cipiorum

5.

ceptorum Doctrinalium, Cap. 21. dicit, *Formalem rationem Fidei non esse Deum revelantem simpliciter, sed ut sic, id est per Ecclesiam.* Et in Controv. Relectione, Contrav. 4. quæst. 3. Art. 2. hanc conclusionem proponit: *Tota completa formalis ratio Fidei nostræ ordinariè loquendo, & ultimum in quod omnis Fides nostra resolvitur ordinariè loquendo est Deus per Ecclesiam revelans.*


6. Præterea, si autoritas Verbi Dei antiquitus Ecclesiæ traditi, est formale Fidei objectum, etiam Ecclesiæ in testificando infallibilitas, seu ut planius dicam, divina et infallibilis autoritas testimonii Ecclesiastici est formale Fidei objectum. At prius est verum, ut ipse hic fateris. Ergo verum est posterius. Probatur propositio, quia ex vestra sententia, Deus tam verè et propriè dicitur loqui per Eccl. quam per Scripturam, & Traditionem. Vnde Cap. 7. §. 6. tui libri dicis, *increatam Dei loquentis auctoritatem non minus applicari rebus credendis per Ecclesiam, quam per Scripturam, & Traditionem.* Ergo si harum autoritas est formale Fidei objectum, etiam istius autoritas pro formali Fidei objecto habenda est.



His positis sic ostendo vestrum progressum  
 in stabilienda fide esse circulare. Divina 7.  
 & infallibilis autoritas verbi antiquitus Ec-  
 clesiae traditi est formalis ratio propter quam  
 creditis Divinam et infallibilem authorita-  
 tem testimonii Ecclesiastici: et rursus divina  
 et infallibilis autoritas testimonii Ecclesia-  
 stici est formalis ratio propter quam creditis  
 divinam et infallibilem authoritatem verbi  
 antiquitus traditi Ecclesiae. Hoc est creditis  
 Ecclesiae testimonium esse divinum et infalli-  
 bile, quia Deus per verbum antiquitus Ec-  
 clesiae traditum, id est, Scripturam et Tra-  
 ditionem id revelavit, & rursus creditis Ver-  
 bum antiquitus Ecclesiae traditum esse divi-  
 num et infallibile, quia Deus id per Eccl. te-  
 stimoniū revelavit. Ergo vester progressus in  
 stabilienda vestra fide est verè et formaliter  
 circularis. Nam in duabus partibus istius pro-  
 cessus non variatur genus assensus, quia in  
 utraque intelligitur assensus Fidei divinae, ut  
 monui Sect. 8. §. 2. & 3. neque variatur  
 principium credendi, quia in utraque expri-  
 mitur & assignatur formalis & objectiva ra-  
 tio credendi, ut patet ex iis quae dicta sunt.

Præterea sicut vester progressus in stabi- 8.  
 lienda fide per formale suum objectum est  
 reciprocus & circularis, ita etiam reciprocus  
 & circularis est vester progressus in stabi-  
 lienda

lienda fide per suas credendi regulas. Nam Verbum antiquitus traditum vobis est regula propter quam creditis Ecclesiam Romanam esse infallibilem Fidei regulam: id enim creditis propter doctrinam de natura, notis, & autoritate Ecclesie quam Deus in Verbo suo revelavit, nec aliunde certam Fidei persuasionem de eo habere potestis, ut patet ex TRACT. 7. CAP. 4. 5. & 6. Et rursus, Ecclesia Romana est vobis regula, imò sola & unica regula propter quam creditis verbum antiquitus auditum esse certam & infallibilem fidei regulam: nam secundum vestram Theologiam nemo certò scire potest hos vel illos libros, item has vel illas traditiones ad Canonem fidei pertinere, nisi ex præsentis Ecclesie Romanæ testimonio.



## CAPIT. II.

An fides Pontificia sistat in aliquo ultimo puncto, seu in aliquo primo Credibili?

I.



D fidei vestre analysin à Circulo liberandam CAP. 14. tui Libri, §. 5. distinguis tres sensus principales huius quæstionis, *Cur credis?*

& pro

& pro eorum numero tribus assertionibus do-  
ces quomodo fidem vestram resolvatis. Pri-  
ma assertio est hæc: Cum quæstio movetur  
de specifico & formali objecto fidei Theolo-  
gica, ultimò respondemus, per increatam Dei  
revelantis auctoritatem. Nec hoc responso  
ullum in eadem virtutis linea ulterius est ex-  
pectandum. Secunda est hæc: Cum quæstio  
movetur de regula prudenter credendi, re-  
spondere possumus per varias fidei regulas  
quarum omnium suprema ultimaque est  
*DEI Ecclesia*, &c. Tertia sic proponi po-  
test; Cum quæstio movetur de principio in  
genere causæ efficientis determinante vel in-  
clinante intellectum ad assensum, respondere  
possumus per varia principiorum efficien-  
tium genera. Harum assertionum ultima seu  
tertia admitti potest ut vera; at duæ priores  
sunt apertè falsæ.

Primò enim falso asseris *DEI* authorita-  
tem, seu veracitatem esse totum formale fidei <sup>2.</sup>  
objectum: probavimus enim *TRACT. 3.*  
etiam revelationem divinam ad formalitatem  
objecti fidei propriè & per se pertinere.

Secundò, siue pertineat ad formalitatem <sup>3.</sup>  
objecti fidei, siue non, certum est eam esse  
quid necessariò requisitum ad fundandum  
fidei assensum, ut monui *TRACT. 4. CAP. 2.*  
*§. 1.* Et proinde querenti *Cur credis?* non




per solam primam veritatem, sed per primæ Veritas revelationem respondere debemus, nam alioqui ei plenè non satisficiemus. Non enim satis est ut dicas te hoc vel illud credere, quia *D E V S* verax est, sed oportet ut dicas te id credere, quia *D E V S* qui Prima Veritas est, id revelavit, seu propter primæ veritatis revelationem.

4. Tertiò: at neq; in primæ veritatis revelatione sistit et acquiescit Pontificiorum fides. Nam adhuc quæri potest, et ipsi subinde quærunt, *unde constet hanc revelationem esse Primæ Veritatis revelationem, seu hoc verbum esse D E I Verbum?* Et ad hanc quæstionem non per hanc ipsam revelationem, sed per aliquam aliam respondent; hoc est credunt hanc revelationem esse divinam propter illam: et rursus, illam revelationem propter aliam. Ergo, vel iis est procedendum in infinitum, vel redeundum in circulum. In infinitum procedere non possunt, quia non potest assignari infinitus numerus revelationum divinarum: et proinde necesse est in circulum redeant dicentes se hanc revelationem credere propter illam, et illam rursus propter hanc. Et certè Adversarii hoc nimis apertè faciunt. Credunt enim revelationes in Scriptura factas esse divinas, seu  
Script

Scripturam esse *DEI* Verbum, non propter ipsam Scripturam, sed propter Traditionem non scriptam, quam etiam esse *DEI* Verbum affirmant. Traditionem autem non scriptam credunt esse *DEI* Verbum, non propter se, sed quia *DEVS* per præsentem Ecclesiam loquens id testatur. Denique *DEVM* loqui per præsentem Ecclesiam, seu Ecclesiæ testimonium esse *DEI* ipsius Verbum credunt, quia *DVS* in Verbo suo, id est, aut in Script. Sacra, aut in Traditione non scripta id revelavit.

Quartò, falso asseris fidem vestram resolvi in Ecclesiam tanquam in ultimam et supremam fidei regulam. Primò enim ultima regula fidei est ea, cujus authoritas non pendet ab alia ulteriore regula. At vos talem regulam assignare non potestis. Nam secundum vestram Theologiam authoritas Scripturæ pendet ab Ecclesiâ: et rursus authoritas Ecclesiæ à Scriptura: ideoque Capite præcedente dixi vos in stabilienda vestra fide circulariter progredi ab hac regula ad illam, et ab illa rursus ad hanc. Secundò, speciatim manifestum est, Ecclesiam non esse ultimam fidei regulam: nam ejus veritas, et authoritas necessario ex Scriptura demonstranda est, ut patet ex *TRACT.* præcedente, de primo Credibili,



## CAPVT III.

An concedendum sit Pontificiorū progressum in stabilienda fide non esse circularem, quia non est illativus.

I.



LI O subterfugio uteris CAPITULE 14. §. 3. & 6. dicis enim §. 3. progressum illum non esse Circularem, qui non est purè illativus, spectans vim formalis consequentia. & §. 6.

ex hoc fundamento sic argumentaris: Ille progressus non potest censerī circularis, qui non est formaliter, & omnino illativus, & ubi assensus ultimus non fundatur proxime in vi, & necessitate consequentia ex aliquo antecedente, ut in explicanda tua maiore satis est ostensum. At assensus fidei non est taliter illatus ex aliquo antecedente, cui ex necessitate coheret, cum sit liber, & ex immediato imperio pie voluntatis adhaerens veritati propositae, altiorisque ex se ordinis, atque certitudinis maioris tota vi consequentia-

rum



*rum Logicarum, &c.*

At primò in assumpt. istius syll. id sumis tan-  
quã certum quod tamen dubium et cōtrover- 2.  
sum est, viz. *actū fidei non esse discursivum.*

Contrariam enim sententiam tuentur Duran-  
dus, Gabriel. Almaynus, Marsilius, Aureo-  
lus, Canus, Vega, Vasquez, Becanus, & alii  
non obscuri Theologi Pontificii.

Secundò, falsò asseris in propositione mayo- 3.  
re solū progressum illativum esse circularem.  
Nam ubicunq. hoc creditur propter illud, &  
illud rursus propter hoc servato eodē cogni-  
tionis genere, progressus est formaliter circu-  
laris, nec in Theologia est tolerandus, sive in-  
terveniat discursus, sive nō, ut patet ex Tract.  
6. Cap. 5. ubi probavi dependentiam Credibi-  
lium ab aliis in esse objecti Credibilis non es-  
se reciprocā et circularem.

Tertiò, vanitas hujus subterfugii ex eo patet, 4.  
quod, quivis vindicare se posset à Circulo hoc  
modo, etiam quamvis manifestissimè reus sit  
Circuli commissi: ut v.g. si quis dicat se crede-  
re hoc esse verum, quia *D E V S* id revelavit,  
et rursus dicat se credere *D E V M* id revelaf-  
se, quia est verum, is manifestissimè Circu-  
lum committet. At tamen is facilè se potest  
à Circulo vindicare si utatur tuo subterfugio.  
Poterit enim dicere assensum quem præbet  
illis Credibilibus non esse fundamentum in vi

alicujus consequentia, seu illationis, sed esse liberum, et ex immediato imperio pia voluntatis elicitedum.

- Quartò, si in actibus fidei non potest  
 5. committi circulus, quia scilicet illi actus non nituntur discursu, cur obijcitis nobis Circulum? Cur dicitis nostrum progressum in stabilienda fide esse formaliter Circularem? Nostra enim fides non magis nititur discursu, aut illationibus syllogisticis, quam vestra.

- Quintò, teipsum corrigis paragrapho secundo: dicis enim *nullum committi Circulum formalem ubi progressus non est pure illativus, & ubi à minus perfecta persuasione ad perfectiorem, alio postea lumine, radiòve luminoso, stabiliendam, procedimus.* Hæc clausula bene additur. Nam si varietur genus cognitionis procul dubio non committitur Circulus. At hæc clausula pro vobis nihil omnino facit. Nam vester progressus est ab eodem ad idem servato eodem genere cognitionis, ut patet ex Cap. 1. et infra magis patebit.

## CAPVT IV.

An Pontificii sine Circulo demonstra-  
re possint Ecclesiæ infallibilitatem  
ex Scriptura, & etiam Scripturæ au-  
thoritatem ex Ecclesia, adversus  
eos qui harum alteram admit-  
tunt, & alteram negant?



**N**ON tantum vos damnamus  
quod circulariter progredi-  
amini in stabilienda vestra  
fide, credentes Scripturæ au-  
thoritatem propter Eccle-  
siam, et contrà: Sed etiam  
quod Circulum committatis  
in Catechumenis erudiendis de Scripturæ, et  
Ecclesiæ autoritate. Proponitis enim iis  
Ecclesiæ infallibilitatem tanquam rationem  
propter quam credenda sit Scripturæ autho-  
ritas: et vicissim Scripturæ autoritatem  
proponitis tanquam rationem propter quam  
credenda sit Ecclesiæ infallibilitas.

Respondes §. 7. istius CAP. tribus mo-  
dis caveri Circulum in hoc discursu Catechi-  
stico, seu præsentativo materiæ credibilis. Et  
primò



primò quidem dicis Circulum hñc caveri per diversos respectus personarum circa diversa errantium. Nam (inquis) ubi sunt diversi erronei, alter contra Ecclesiam, alter contra Scripturæ authoritatem, Theologus nullum Circulum describit, si illum ex Scriptura, hunc ex Ecclesiæ testimonio redarguat: hoc est, si adversus illum Ecclesiæ infallibilitatem demonstret ex Scriptura quā admittit, & contra adversus hunc Scripturæ authoritatem probet per testimonium Ecclesiæ de cuius infallibilitate non dubitat.

3. Hæc tua responsio quamvis in se spectata aliquam veritatis speciem præ se ferat, tamen cum vestræ Theologiæ principiis non bene consentit & cōspirat. Nam ex iis facile ostendam eos operam ludere qui adversarios Ecclesiæ infallibilitatem negantes, ex Scripturis erudire conantur.

4. Primò enim assensus ille quem gignit ista demonstratio infallibilitatis Ecclesiasticæ ex Scriptura vel est certus, vel incertus. Si incertus, tunc frustra adhibetur illa demonstratio. Si certus, tunc sequetur infallibilem certitudinem de dogmatis fidei haberi posse ex sola Scriptura, absque infallibili Ecclesiæ testificatione: quod est contra Pontificios asserentes nullam contraversionem ex Scripturis sufficien-

ter determinari: item nullum dogma ob Scripturæ authoritatem firmiter credi posse nisi accedat infallibilis Ecclesiæ interpretario, et testificatio.

Secundò, Pontificii varia quidem afferunt Script. testimonia ad probandam Eccl. infallibilitatem. At cum istorum locorum expositio dubia et contraversa sit, quomodo probabunt illa testimonia ita interpretanda esse sicut illi ea interpretantur? Non ex collatione istorum locorum cum aliis Scripturæ locis: neque ex antecedentium et consequentium pensiculara consideratione; quia hæc media, ex Pōtificiorum sententia, seclusa Eccl. authoritate, et interpretatione ne ad unum Script. locum rectè intelligendum valent, ut docent Gretserus Tract. de agnoscendo legitimo Scripturæ sensu; Staplet. in Controversiarum Relect. Controv. 6. Quæst. 7. Valentia, Tomo 3. Disp. 1. Quæst. 1. Punct. 7. §. 4. et alii. Non possunt igitur ex sola Scriptura eos infallibiliter certos reddere de vero illorum locorum sensu.

Dicet aliquis: quamvis hic modus investigandi Scripturæ sensum in se nō sit certus, valet tamen ad Adversarium convincendū, et ad os ei obturandū. Resp. Homo Christianus in disputationibus Theologicis hunc scopū sibi propositum habere debet, ut non tantum de

Advers

Adversario victoriam reportet, sed etiam ut cum ad certam & infallibilem veritatis cognitionem perducatur. At hoc fieri non potest per sola media incerta & dubia: qualia ex Adversariorum sententia, sunt locorum Scripturæ collatio, & antecedentium ac consequentium consideratio.

7. Instabit aliquis: Hæc media etsi ad fidei certitudinem acquirendam non sufficiant, viam tamen aperiunt, & adversarium ad eam quodammodo præparant & disponunt. Respondeo: Si tantum hæc viam aperiunt, & non ad ipsam fidei certitudinem perducunt, tunc primò sequetur Pontificios posse quidem ex solis Scripturis disputare adversus eum, qui Ecclesiam esse infallibilem negat, non tamen posse ex iis solis apud eum demonstrare, seu efficaciter probare Ecclesiæ infallibilitatem. Secundo sequetur alia media adhibenda esse ad eam demonstrandam & ad adversarium perducendum ad fidei catholicæ certitudinem: nimirum Scripturis adjungendam esse infallibilem præsentis Ecclesiæ Romanæ interpretationem. Nam de iudicio & sententia Patrum qui istos Scripturæ locos exposuerunt, non certò constat, ut putant adversarii, nisi ex infallibili præsentis Ecclesiæ Romanæ testimonio; quo seposito nullum fore litigandi finem asserunt,

Sic



Sic igitur instituendus erit istius argu-  
 mentationis processus : Quicquid Scriptura  
 docet, verum est. At Scriptura docet Roma-  
 nam Ecclesiam esse infallibilem, L v c. 22.  
*Rogavi pro te, ne fides tua deficiat.* Ergo,  
 id verum est. Hujus syllogismi majorem  
 concedent illi qui Scripturæ authoritatem  
 admittunt, Ecclesiæ verò Romanæ infallibili-  
 ratem negant. At minorem iidem intrepidè  
 negabunt ; et pro sua sententia citabunt scri-  
 pta Patrum, et veterum Pontificiorum, qui  
 istum locum L v c. 22. aliter exposuerunt,  
 quam hodie Pontificii eum exponunt. Ne-  
 cesse est igitur ut Papistica istius loci inter-  
 pretatio sic demonstretur : Quicquid Roma-  
 na Ecclesia docet, verum est. At Romana Ec-  
 clesia docet hunc esse istius loci sensum. Er-  
 go, etc. Hîc pro medio adhibetur prioris syl-  
 logismi conclusio dubia, et controversa, vi-  
 delicet Romanæ Ecclesiæ infallibilis authori-  
 tas ; et proinde hîc fit processus ab eodem ad  
 idem, hoc est, Romanæ Ecclesiæ infallibilis  
 authoritas ad seipsam demonstrandam adhi-  
 betur.

Tertiò, Pontificios non posse iis satisfacere,  
 qui de Ecclesiæ infallibilitate dubitant, ex  
 eo patet, quod nullam credendi regulam as-  
 signare possunt in qua eorum fides, qui de  
 Eccl

Ecclesie infallibilitate dubitant, sistere et acquiescere possit. Non ipsius Ecclesie testimonium; tum quia ejus infallibilitas est id de quo dubitatur: tum quia nudum Ecclesie de seipsa testimonium non est fundamentum illius fidei qua creditur Ecclesie infallibilitas, ut præcedenti Tractatu Cap. 6. probavi: et ipsi Adversarii hoc fatentur, ut patet ex Stapletoni verbis à me citatis ibidem Cap. 9. §. 4. Non Scripturam, aut Traditionem non scriptam, aut Symbolum Apostolorum, aut aliquid hujusmodi; quia horum autoritas, et legitimus sensus, ab infallibili Ecclesie testimonio, ex Adversariorum sententia, necessario pendent: & proinde nihil ob horum autoritatem credere possumus, nisi prius credamus Ecclesiam, quæ iis testimonium perhibet esse infallibilem. Ergo, necesse est eos qui de Ecclesie infallibilitate dubitant, etiam de horum autoritate dubitare; & proinde secundum vestram Theologiam hi non habent ubi pedem figant.

## CAPVT V.

An Pōtificii sine Circulo possint unum  
& eundem hominem primò ex Ec-  
clesiæ testimonio de Scripturæ au-  
thoritate, & deinde ex Scriptura de  
Ecclesiæ infallibilitate erudire?



*Secundò, dicis in vestro dis-  
cursu Catechistico cave-  
ri Circulum per diversos  
respectus temporum: in  
quorum vno ( inquis ) per  
priorem partem huius dis-  
cursus Catechumenus est ex Ecclesiæ testi-  
monio erudiendus, ut credat Scripturam;  
in alio per posteriorem confirmandus, ut  
fidem ante susceptam de infallibilitate  
Ecclesiæ non deferat. His verbis doces quo  
ordine Catechumenis proponi debeant Ec-  
clesiæ infallibilitas, & Scripturæ autoritas  
(innuis enim Ecclesiam cum infallibili sua  
autoritate primò iis proponi debere tan-  
quam regulam propter quam credenda est  
Scripturæ autoritas, & eorum omnium veri-*




tas quæ Scriptura continentur) & simul etiam ostendis hunc processum ab Ecclesia ad Scripturam, & vicissim à Scriptura ad Ecclesiam non esse circularem, quia in priore parte processus Catechumenis proponitur infallibile Ecclesiæ testimonium de Scriptura ut propter illud credant Scripturæ authoritatem; in posteriori vero, Scripturæ testimonia de Ecclesia iis proponuntur, non ut credant Ecclesiæ infallibilitatem (hanc enim primò ab eis credi opinaris) sed ut confirmentur in fide ante suscepta de Ecclesiæ infallibilitate. Hoc effugium multa falsa, et absurda complectitur.

2. Primò enim regula illa cujus authoritas fidelibus proponitur tanquam primò credenda, & tanquam regula propter quam omnes aliæ fidei regulæ recipiendæ sunt, non debet ab aliis regulis pendere in esse objecti Credibilis. At Pontificii non possunt ullam talem regulam assignare; quia, ut supra monui, credunt hanc regulam esse infallibilem propter illam, & vicissim illam ut infallibilem recipiunt propter hanc. Ergo non possunt in discursu suo Catechistico aliquem ordinem observare in regulis fidei proponendis.

3. Secundò, absurdè & impiè asseris Ecclesiæ (supple Romanæ) infallibilitatem primò proponendam esse Catechumenis, tan-

quàm principium propter quod Scripturæ authoritas credi debet. Nam contra Scripturæ authoritas est primum fidei Christianæ principium, eaque nititur fides illa ( si modo fides dicenda sit ) qua creditur Ecclesiæ Romanæ infallibilitas, ut patet ex TRACTATV de primo Credibili.

Tertiò , hinc patet regressum qui fit à 4. Scriptura ad Ecclesiam in posteriori parte istius processus non fieri ad confirmandam, sed potius ad acquirendam illam fidem de infallibilitate Ecclesiæ : & per consequens totum hunc processum esse uniformem, & formaliter circularem, hoc est, per eandem viam fieri servato eodem cognitionis genere. Ratio manifesta est, quia nullum principium, aut fundamentum fidei excogitari potest quo nitatur fides de infallibilitate Ecclesiæ præter divinam & Canonicam auctoritatem Scripturæ, in qua, ut Adversarii imaginantur, Ecclesiæ infallibilitas revelata est.



## CAPVT VI.

An diversæ regulæ Fidei per se invicem  
absque Circulo demonstrari pos-  
sint?

I.



Ertid, dicis *Circulum* in  
vestro discursu Cate-  
chistico caveri per di-  
versos respectus regula-  
rum credendi, quasi to-  
tidem causarum, sibiq;

invicem causarum, ex mutua comparatio-  
ne magis illustrabilium, & per se invicem  
demonstrabilium. Et infra sic scribis: Vbi  
denique diversorum generum regula cre-  
dendi, ex mutua comparatione per se in-  
vicem demonstrantur, ut uniformis om-  
nium concordia melius appareat, nullus est  
*Circulus*, sed regressus talis qualem in di-  
versis generibus causarum probant cum Ari-  
stotele sapientiores omnes Philosophi.

2.

Hic primò asseris regulas fidei per se in-  
vicem demonstrari. Secundò, innuis finem  
hujus



hujus reciprocz demonstrationis esse ut regulæ fidei ex mutua hac comparatione magis illustrentur, & ut uniformis omnium concordia melius appareat. Tertiò dicis hunc regressum esse talem, qualem in diversis causarum generibus probant Aristoteles & ejus interpretes.

Quod ad primum, & secundum attinet, ea vestram causam minimè juvant. Non enim damnamus reciprocam demonstrationem regularum credendi, si fiat tantum hoc fine, ut ex mutua comparatione magis illustrentur, & ut earum consensus appareat. Ac vos longè aliter demonstratis regulas fidei per se invicem: nimirum, probatis Scripturam esse DEI Verbum ex Ecclesiæ testimonio, ut Scripturæ sua constet autoritas, quæ alioqui ei constare non posset: & rursus ex Scriptura probatis Ecclesiam esse infallibilem ut Ecclesiæ sua constet autoritas, quæ aliundè sufficienter probari non potest. Hoc est (ut brevius dicam) vultis Scripturæ auctoritatem necessario ab Ecclesia pendere, sicut contrà Ecclesiæ autoritas à Scriptura necessario pendet, quod nimis absurdum est. Nam si hoc verum est, sequetur Scripturæ auctoritatem non posse credi nisi prius credatur Ecclesiæ infallibilitas; & rursus Ecclesiæ in-

fallibilitatem non posse credi, nisi prius credatur Scripturæ authoritas, quod planè imaginabile est.

4. Quod ad tertium attinet, regressus ille quem in diversis generibus causarum probat Aristoteles, Lib. 2. Poster. Cap. 11. ( ut verbi gratia, cum ex deambulatione tanquam ex causa efficiente demonstratur sanitas, & rursus ex sanitate tanquam ex causa finali demonstratur deambulatio ) multum dissimilis est ridiculo vestro Circulo. Primò enim in regressu illo Aristotelico nova acquiritur cognitio, ut monet Smiglecus vester, in sua Logica, Disput. 15. Quæst. 6. At in vestro Circulari progressu nulla nova cognitio acquiritur. Nam, ut patet ex mea DISPUT. SECT. 8. §. 2, proceditis ab authoritate Verbi DEI credita fide divina ad eandem Verbi authoritatem fide divina creditam.

5. Secundò, in prædicto progressu Aristotelico non solum variatur cognitio, sed etiam ipsi termini materiales mutantur: & non ipsa conclusio primi processus, sed alia sensu ab ea distincta assumitur ad sui antecedentis probationem. Nam prior syllogismus istius processus sic formatur: Qui cibos digerit, is est sanus. At deambulans cibos digerit. Ergo est sanus. Posterior verò sic formatur: Qui vult esse sanus, facit ut cibi non superna-
- tent

tent ad os ventriculi, seu ut digerantur. Ac deambulans à coena, vult esse sanus. Ergo, is facit ut cibi digerantur. Hunc syllogismum ita format Zabarella, in Lib. 2. Poster. Anal. Context. 51, & 52.

Tertiò, quamvis nonnunquam accidat 6. in hujusmodi circulari demonstratione, ut non varientur termini materiales (ut verbi causa, cum demonstro hominem esse destinatum ad beatitudinem; quia est rationalis; & rursus, hominem esse rationalem demonstro, quia esse destinatus ad beatitudinem: quo exemplo utitur Masius, in 1. Poster. Cap. 3. Conclus. 2.) tamen nunquam accidit, aut accidere potest, in ullo regressu, ut hæc conclusio necessariò pendeat ab illa quoad cognitionem distinctam; & illa rursus, necessariò pendeat ab hac. Nam sic illa conclusio respectu hujus simul esset natura prior, et posterior, item, notior et ignotior cognitione distincta. Sic in exemplo proximè allato hæc conclusio, *homo est rationalis*, non necessariò pendet quoad cognitionem distinctam ab illa, *homo est destinatus ad beatitudinem*. Nam aliundè haberi potest certa, et distincta cognitio istius conclusionis. At in vestro circulari progressu non ita se res habet. Nam secundum vestram Theologiam




certa et distincta cognitio fidei haberi non potest de Scripturæ autoritate, nisi per infallibilitatem Ecclesiæ perhibentis testimonium Scripturæ; et vice versa distincta cognitio fidei haberi non potest de Ecclesiæ infallibilitate, nisi per Scripturam.

- Quartò, cum Scriptura demonstratur per  
 7. Ecclesiam, et contra Ecclesia per Scripturam, tunc non per diversa genera causarum, (ut fit in imperfecto et materiali illo Circulo Aristotelico) sed juxta idem genus causæ credendi formatur demonstratio. Nam utrobique argumentamini ab uno et eodem genere principii fidei; videlicet à regula ad prudenter credendum necessaria. Hinc primò sequitur Circulum vestrum non esse talem, qualis est ille Aristotelicus: Secundò, Circulum vestrum esse ridiculum, et vitiosum. Nam *juxta idem genus causæ* (inquit Masius vester, loco citato) *eandemque demonstrandi rationem nullo pacto potest demonstratio in orbem observari.*

- Quintò, cum dicis diversas fidei regulas  
 8. *esse sibi invicem causas*, vel intelligis eas esse causas mutuò se confirmantes, et illustrantes; vel intelligis eas esse causas necessario à se invicem dependentes quoad distinctam fidei cognitionem. Si prius; vera quidem

dem est tua assertio, sed non sufficit ad vestrum Circulum à nostris argumentis vindicandum, ut patet ex iis quæ dicta sunt §. 3. hujus Capituli. Si posterius; apertè falsa, absurda, et ridicula est tua assertio, ut patet ex iis omnibus quæ hoc Capite, et præcedentibus, dicta sunt.



## CAPUT VII.

Examinatur sententia Francisci Suarez, qui ut absurditatem Circuli Papistici vitaret, fateri coactus est fidem qua creditur Scripturæ authoritatem nitentem internis ipsius Scripturæ Criteriis.



FRANCISCUS SVAREZ,  
Disput. 5. de Fide, Sect. 2. I.  
§. 1. contra communem &  
receptam doctrinam de re-  
gula Fidei, quod videlicet  
aliqua infallibilis fidei regu-  
la sit necessaria in Ecclesia,

objectiones aliquot affert, quarum secunda ab ipso sic proponitur: *Secundò, videtur talis regula esse impossibilis, vel inutilis,*

M M 5

quia

quia illa regula, cum sit quid creatum, non habet ex se talem authoritatem infallibilem. Ergo, oportet ut aliundè illam habeat. Ergo, necessarium est, ut hoc ipsum de fide sit certum. Ergo, necessaria erit regula, per quam id constet: quæ igitur erit talis regula? Non enim sufficiet ipsamet, quia nemo potest de se testimonium perhibere, nec potest esse alia, quia eadem difficultas, vel interrogatio de illa fiet, & sic in infinitum procedetur, vel inter ipsas regulas committetur vitiosus circulus, si sibi mutuò testimonium præbeant. Ergo, nullo modo potest intelligi utilitas talis regulae.

2. Ad hanc objectionem respondet ibidem §. 4. his verbis. Ad secundum, pro nunc dicimus, regulas fidei sese mutuò juvare, & unam alteri authoritatem conciliare, & hoc sine defectu certitudinis, quia sunt diversarum rationum, & singulae sunt sufficienter propositæ, & omnes simul inter se collatæ faciunt quandam evidentiam credibilitatis, quod omnino sufficiant in suo genere ad confirmandam fidem, ut ex sequent



quentibus patebit. Addi etiam potest, quod licet homo non possit de seipso testimonium ferre, DEVS tamen potest, propter suam infinitam authoritatem, & ita etiam regula fidei, quatenus est speciale organum per quod DEVS loquitur, interdum potest testimonium præbere, & in se habet aliquid peculiare ex divina providentia, & ordinatione, unde fiat evidenter credibile, talem esse regulam fidei, & divinam assistentiam habere, ut est in Scriptura, v. g. concordia Prophetiarum, cum eventibus, & sic de aliis, quæ postea explicabimus.

Hæc responsio duabus partibus constat, quarum priore absurditatem Circuli Papistici 3. palliare & tegere conatur: sed frustra. Nam primò, regulæ fidei, ex Pontificiorum doctrina, non tantum se mutuo juvant, illustrant, & confirmant: sed etiam sibi invicem authoritatem conciliant, mutuòque sibi perhibent testimonium necessarium; ita videlicet ut hujus regulæ authoritas ab illius regulæ testimonio; & rursus illius regulæ authoritas ab hujus regulæ testimonio, necessario pendeat. Secundò, quamvis regulæ illæ quodam respectu sint diversarum rationum, tamen

tamen ad idē genus principii fidei, seu causę credendi pertinent, ut præcedente Capite monui. Tertiò, falsò asserit Suarez singulas regulas fidei esse per se sufficienter propositas à Pontificiis. Nam illi hanc regulam proponunt ut fide divina credendam propter illam; & rursus illam regulam proponunt ut fide divina credendam propter hanc. Vnde sequitur hanc regulam esse illa posteriorem creditu; & rursus illam regulam esse hac posteriorem creditu ordine naturę, et sic idem respectu ejusdem esse prius, & posterius, notius, & ignotius.

4. Vidit procul dubio subtilissimus Suarez in priori hac suę responsionis parte inexplicabilium difficultatum abyssum, ideoque parte posteriori veritatem nostrę sententię agnoscit, eamque amplectitur. Primò enim generatim dicit **D E V M** per ipsam fidei regulam nos certos reddere de divina & infallibili istius regulę autoritate. Hoc necessario dicendum est: nam alioqui, ut sæpè monui, vel progrediemur in infinitum credentes hanc regulam propter illam, & illam propter aliam, & sic in infinitum; vel in Circulum redibimus, credentes hanc regulam propter illam, & vicissim illam regulam propter hanc.

Deinde

Deinde, speciatim hoc applicat Sacrae Scripturae agnoscens eam in se habere aliquid peculiare ex divina providentia, & ordinatione; unde fiat evidenter credibile eam esse regulam fidei, & divinam assistentiam habere, ut verbi gratia, concordiam Prophetiarum, cum eventibus, de qua illuc loquitur; item, mirabilem consonantiam omnium librorum canonicorum inter se, & sanctitatem ac puritatem doctrinae, de quibus loquitur eadem DISPUTATIONE, SECTIONE 3. PARAGR. 8. Merito profecto generalem suam Assertionem de regulis fidei Sacrae Scripturae applicavit Suarez, tum quia nulla alia regula vere divina nunc extat, tum quia (ut omnes fatentur) nulla alia regula in se habet tam clara, & illustria divinitatis indicia ac criteria: & proinde in ea potius, quam in ulla alia regula fides nostra sistere & acquiescere debet.



TRACT





## TRACTATVS NONVS,

## De Scripturæ authoritate.

DISPUTATIONIS PARS  
SECUNDA,

In qua Evangelicorum doctrina de formalis fidei objecto, hoc est, de Verbi DEI Divina, & Canonica authoritate proponitur & explicatur.

## QVÆSTIO I.

*An fides nostra qua credimus Scripturam Divinam, & Canonicam authoritatem, nitatur, Ecclesie testimonio, ut fundamento suo principali?*

I.



Respondetur negativè. I. quia Ecclesie testimonium, fatentibus ipsis Pontificis, nullius assensus fidei Divinae principale fundamentum est: vel ut planius dicam non est formalis ratio propter quam ullum fidei dogma creditur.

Ergo non est formalis ratio, aut principalis propter quam hoc dogma de Scripturæ authoritate creditur.

Consequ

*Consequentia probatione non eget: patet antecedens ex testimoniis Bellarm. Staplet. Gretf. Malderi, Becan. Vasques. Cani, Valent. & aliorum à me citatis, sect. 2. primæ partis.*

*Secundò, Ecclesiæ testimoniam esse merè, aut simpliciter Divinum nondum ausi sunt Pontifici affirmare. Quomodo ergo hoc fidei principium, Scriptura est Dei Verbum, illo Ecclesiæ testimonio nitetur? Consequentia manifestissima est, quia fides purè Divina nititur testimonio, merè & simpliciter Divino. Patet antecedens ex confessione Bellarm. lib. 3. de verbo, cap. 10. respons. ad argumentum, 15. Staplet. lib. 1. de autoritate Script. cap. 1. §. 12. & lib. 3. ejusdem operis, cap. 12. §. 14. Gretser. in defensione, lib. 3. de verbo, colum. 1440. & in tractatu de agnoscendis Scripturis Canonicis, cap. 7. colum. 1908. Valent. tom. 3. disp. 1. quæst. 1. punct. 7. §. 2. & Becani in Summa Theologiæ, Parte secunda, Tom. poster. Tractatu 1. Cap. 1. Quæst. 2. §. 9. & Cap. 8. Quæst. 8. §. 8. Hi omnes fatentur Ecclesiæ Testimonium non esse simpliciter Divinum, sed suo quodam modo: & Becanus apertè asserit fidem eam quæ Ecclesiæ testimonio nititur, non esse Theologicam aut Divinam, sed alterius inferioris ordinis. Respondeo (inquit) si credis propter authoritatem Ecclesiæ, non est assensus fidei Theologiæ, sed alterius inferioris ordinis.*

*Tertiò,*

3. Tertiò, si propter authoritatem Ecclesie Script. authoritas credenda est; sequetur ultimam fidei resolutionem fieri in authoritatem Ecclesie: nam sic in resolutione fidei ultimum credibile non esset, DEVS hoc revelavit, seu hoc DEI Verbum est: sed, Ecclesia quæ infallibilis est dicit DEVM hoc revelasse, aut hoc DEI Verbum esse. At consequens hoc est absurdum, ergo & antecedens. Major manifestissima est. Probatur minor: Primò, ratione manifestissima, quia illa imaginaria Ecclesie infallibilitas creditur à Pontificiis propter aliud; hoc est, propter revelationem Divinam: quia videlicet (ut illi imaginantur) DEVS in Verbo suo revelavit Ecclesie infallibilitatem. Ergo non est ultimum credibile: nam ultimum credibile est illud quo non datur ulterius credibile, & proinde non propter aliud, sed propter se creditur. Secundò, ex ipsorum Adversariorum confessione, qui hoc dogma, ut impium, & absurdum rejiciunt. Vide Melchiorem Canum, Lib. 2. de Locis, CAP. 8. Pag. 46. Gregorium de Valent. Tomo 3. Disput. 1. Quæst. 1. Punct. 1. §. 9. & Stapler. Lib. 3. de Authoritate Script. Cap. 12. §. 11.

4. Quartò, si Fides Verbi DEI, seu Fides qua credimus Verbum hoc esse verè DEI ipsius Verbum, nititur infallibili Ecclesie testificatione: vel decedendum est fidem totius Verbi DEI, (prout sub se complectitur ex Pontificiorum sententia, tam scrip-

tum,



tum, quam non scriptum Verbum) vel fidem certe tantum alicujus partis Verbi, ea testificatione nihil. At neutrum dici potest: non hoc: quia nulla idonea ratio reddi potest, cur fides unius partis Verbi Divini nitatur Ecclesiae testimonio, potius quam fides reliquarum partium Verbi. Vnde Bellarm. Lib. 3. de Verbo, Cap. 10. Respons. ad Argumentum 13. generaliter loquens, de universo DEI Verbo, Neq; enim (inquit) scimus certo, quid DEVS revelaverit, nisi ex Ecclesiae testimonio. Quam Bellarm. audacissimam assertionem, Gretserus in illum locum tuetur, & approbat. Præterea si aliqua sunt partes Verbi DEI, quarum auctoritas ab Ecclesiae testimonio non pendet; verbi gratia, si auctoritas earum partium, quæ Ecclesiae, Pontifici, aut Conciliis generalibus infallibilitatem tribuere videntur, ab Ecclesiae testimonio non pendet, quaeritur, quo fundamento nitatur fides nostra quæ istarum partium auctoritatem Divinam credimus? Respondebunt fortassis eas Scripturae partes credi propter seipsas, quia videlicet plenè & sufficienter divinitatem suam nobis manifestant. At inquam ego, sunt alia, & penè infinita Scripturae sententiae non minus clarae, ac perspicuae, immò clariores, & minus controversae, in quibus, etiam magis insignia, Divinae auctoritatis indicia apparent. Ergo etiam illa, credi debent propter se.

At neque illud dici potest: hoc est, nemo potest 5.  
 curri, Fidem totius Verbi DEI, nisi infallibili Eccl

li Ecclesiæ testificatione. Quia si Fides totius Verbi Divini infallibili Ecclesiæ testificatione nitatur, oportet Ecclesiæ testificationem infallibilem, seu Ecclesiæ infallibilitatem in testificando, à nobis credi antequam credamus ullam partem Verbi DEI esse verè Divinam, seu Divinitus revelatam: cujus consequentiæ ratio manifesta est; quia Ecclesiæ testificatio non potest esse idoneum, aut sufficiens fidei Divinæ fundamentum; quamdiu ejus infallibilitas nobis ignota est: aut quamdiu de ejus certitudine non constat. Ergo oportet, ut de ejus certitudine constet, idque fide Divina, antequam propter ejus certitudinem, firma fide credamus aliquam partem Verbi DEI, aut totum Verbum DEI, esse Divinæ auctoritatis.

6. Hanc rationem consequentiæ istius ipsi Adversarii nostri negare non audent: tam quia ratio suadet, nullius testis asseverationem aliquid roboris aut ponderis apud nos habere posse, quamdiu de ejus veracitate non constat: tum quia Bellarm. Lib. 4. de Verbo, Cap. 4. §. Quartò, necesse est; et Gretl. Tractatu de Agnoscendis Scripturis Canoniciis, Cap. 4. Colum. 1885. dicant, Nos non posse certò credere ea vera esse quæ Scriptura dicit, nisi prius credamus Scripturam quæ ea dicit, esse infallibilem. Pari igitur ratione nos certò credere non possumus, illud infallibiliter verum esse quod Ecclesia de Scrip-

turæ aut Traditionis Divina auctoritate dicit, nisi prius credamus, Ecclesiam quæ hoc dicit, esse infallibilem.

Ex hoc confectario absurdissimo, quod, videlicet, 7.  
Fides infallibilitatis Ecclesiæ præcedat fidem cujuscunque revelationis Divinæ, seu ceterius Verbi DEI, pullulat et enascitur aliud confectarium, non minus, imò magis absurdum, videlicet, eum qui nondum ullius revelationis Divinæ, vel ut alii loquantur, ullius partis Verbi DEI, auctoritatem cognitam, et perspectam habet; posse certò scire, et credere, Ecclesiæ testimoniam esse infallibile. At quo fundamento tunc nititur, ejus fides qua credit Ecclesiæ infallibilitatem? Non nititur, ulla revelatione Divina, aut aliqua parte Verbi DEI, quia is de quo loquimur nullius partis Verbi Divini auctoritatem cognitam, et perspectam habet: agitur enim hic de ea fide, infallibilitatis Ecclesiæ, quæ prior est, fide totius Verbi DEI.

At neque nititur ejus fides communibus (ut 8.)  
vocat) fidei motivis, qualia sunt, gloria miraculorum, sanctitas vitæ, constantia Martyrum, multitudo professorum, aliaque similia. Primò, quia ista motiva probabiliter quidem indicant veram Ecclesiam, sed eam esse infallibilem non docent, nec docere possunt. Secundo, nihil est idoneum fidei Divinæ fundamentum, præter revelationem Divinam, aut DEI testimonium. Ergo probabilis illa fidei motiva, quæ sunt aliquid distinctum à revelatione Divina (ut



na ( ut omnes fatentur ) non sunt fundamentum illius fidei qua creditur Ecclesie infallibilitas. Tertiò, ipsi Pontificii hoc agnoscunt: Durand. 3. Sentent. Dist. 24. Quæst. 3. §. 8. dicit hæc argumenta esse petita à ratione humana, quæ dicat ex apparentibus quod doctrina confirmata per tot signa, &c. Becan. in Summa, parte secunda Tom. Poster. Tractatu de Fide, Cap. 1. Quæst. 2. §. 8. dicit hæc motiva facere ut aliquid prudenter credi possit: non verò ut infallibiliter credi possit. Valent, Tom. 3. Disput. 1. Quæst. 1. Punct. 1. §. 8. Colum. 35. dicit fidem quæ ex his motivis oritur. Primò, non esse Divinam, seu infusam, sed acquisitam. Secundò, eam esse ex suo genere incertam, & fallibilem. Tertiò, eam ne quidem esse fundamentum fidei Christianæ.

9. Denique hæc fides infallibilitatis Ecclesie, quæ juxta suppositionem jam factam; prior est fide totius Verbi DEI, non nititur ipsius Ecclesie testimonio. Primò, quia ut observavimus §. 1. hujus Quæstionis, testimonium Ecclesie non est fundamentum principale ullius assensus fidei Divina: Secundò, quia quamvis Ecclesia de seipsa testetur quod videlicet sit infallibilis, adhuc tamen de illo testimonio quo videlicet testatur se esse infallibilem, quæstio moveri potest; an illud Ecclesie testimonium, de propria sua infallibilitate, sit certum & infallibile? et unde nobis constet, illud esse tale?

Terti

Tertio, quia Ecclesiae infallibilitas non creditur propter Ecclesiae testimonium, sed contra Ecclesiae testimonium de quacunque re creditur propter ejus infallibilitatem. Nam (ut prius monui) nos non possumus certo credere illud verum esse quod Ecclesia dicit, nisi prius credamus Ecclesiam quae hoc dicit esse infallibilem. Græser. Defens. Cap. 4. Lib. 4. de Verbo, Colum. 1575. dicit, Neminem posse fidem habere Scripturae, quantumvis serio & asseveranter, de sua divinitate testificantis, nisi prius credat Scripturam quae hoc dicit esse Divinam & infallibilem. Ergo, pari ratione, nemo potest fidem habere Eccl. de sua infallibilitate testificantis, nisi prius credat Ecclesiam quae hoc testimonium dat, esse infallibilem.

Quinta & postrema, ratio nostra principalis petenda est ab Adversariorum ipsorum confessione: illi enim ultro fatentur testimonium Ecclesiae non esse fundamentum principale, quo nititur fides ea, quae credimus Scripturam esse DEI Verbum. Staplet. Lib. 1. de authoritate Scripturae, Cap. 1. §. 12. negat Ecclesiae testimonium esse aut solam aut principalem causam propter quam credimus Scripturam esse DEI Verbum. Becanus in Tract. de Circulo Calvinistico, §. 25. 26. & 29. dicit, Causam formalem cur infallibiliter credimus Scripturam esse DEI Verbum, non esse Ecclesiae testimonium, sed revelationem Divinam, aut DEI revelantis auctoritatem.

Valent. Tom. 3. Disp. 1. Quæst. 1. Punct. 1.  
 §. 10. dicit se credere revelationi in Scriptura  
 factæ, non ob aliam revelationem, sed prop-  
 ter seipsam. Item dicit Ecclesiæ testimonium  
 non esse causam propter quā credimus Scri-  
 pturam esse DEI Verbum, sed esse conditio-  
 nem ad hoc credendum requisitam. Gresse-  
 rus Append. 2. ad Lib. 1. Bellarm. Col. 395.  
 Itaque (*inquit*) propositio Ecclesiæ non est  
 ratio credendi propriè loquendo, sed est con-  
 ditio, sine qua ego fide Divina nunquam cre-  
 derem, hunc aut illum Librum, esse Canoni-  
 cum; et Append. 2. ad Lib. 3. Col. 1914. Ca-  
 tholici (*inquit*) principaliter Scripturis fidem  
 habent, easque ut Divinas venerantur, & sus-  
 piciunt, propter Divinam revelationem: at  
 ob Ecclesiæ auctoritatem, non aliter, quam ob  
 conditionem, sine qua non (*ut in Scholis appella-  
 mus*) demique Melchior Canus, Lib. 2. de Lo-  
 cis, Cap. 8. Pag. 47. Quare (*inquit*) ne mens  
 nostra vacillet, altius petenda, quam ab homi-  
 nis, vel ratione, vel auctoritate, Scripturæ Di-  
 vina auctoritas est: et Pag. 51. Nec si nobis  
 aditum præbet Ecclesia, ad hujusmodi Sa-  
 cros Libros cognoscendos, protenus ibi ac-  
 quiescendum est, sed ultra oportet progre-  
 di, & solida DEI veritate niti.





REPLICATIO TURNEBVLLI,

Quam non toti quæstioni præcedenti,  
sed duobus argumentis in ea propo-  
fitis, videlicet 3. & 4. opposuit Ca-  
pite 8. 9. 10. & 11. item Cap. 12.

PUNCTVM PRIMVM,

*De Ecclesie testimonio, ex*

CAP. VIII.



UARTA objectio. Si propter  
Ecclesie auctoritatem creditur  
Scriptura auctoritas, sequitur  
ultimam Fidei resolutionem fie-  
ri in auctoritatem Ecclesie,  
nam sic ultimum credibile non  
esset, Deus hoc revelavit, sed

Cap  
8. 9.  
10. et  
11.

Ecclesia quæ infallibilis est, dicit Deum hoc reve-  
lasse. At consequens hoc est absurdum, ergo & ante-  
cedens. Major, inquis, est manifestissima. Proba-  
tur minor, Quia illa imaginaria Ecclesie infallibi-  
litas creditur à Pontificiis, & propter aliud, hoc est  
propter revelationem divinam, quia videlicet ut illi

*imaginantur; Deus in verbo suo revelavit Ecclesiam infallibilitatem. Ergo non est ultimum credibile. Unde Melchior Canus, Gregorius à Valentia, & alii Pontificii hoc ut absurdum rejiciant.*

Sed huic argumento jam satis à nobis responsum est, quando ex omnibus hætenus dictis constat non resolvi Fidem in Ecclesiam, tanquam in formale objectum Fidei, sed tanquam in universalem regulam credendi, quippe quæ proponit Prudentiæ hominis credituri, quid credere debeat, discernitq; revelatû à nō revelato, ut credi possit, alioqui si sermo fiat de resolutione in rationē specificam assensus infusi, ea semper sistitur ultimò in auctoritate Dei revelantis, nec ulterius procedit, siue complexum quod creditur sit hoc, *Christi Ecclesia est infallibilis regula credendi*, siue quodvis aliud. Tuus autem error, quo fingis hanc Ecclesiæ infallibilitatem esse imaginariam, est contra Scripturas, ut satis ante probatum est, & tibi cum omnibus hæreticis communis.

II.

Quinta principalis objectio fusiùs à te deducta potest ita breviter tota satis exprimi. Quando Fides verbi Dei dicitur niti infallibili testimonio Ecclesiæ, tanquam fundamento, vel intelligitur de Fide totius verbi Dei, vel de Fide alicujus tantum partis. At neutrum potest dici. Non hoc posterius, quia eadem est ratio omnium partium, ubi de fundamento Fidei necessario agitur. Nec etiam prius, quia magno alioqui absurdo prius oporteret credi Ecclesiæ infallibilitatem, quàm ulla pars totius verbi posset credi, unde præterea non minori cum absurdo sequeretur eum, qui nondum credit ullam partem verbi Dei, posse credere infallibilitatem Eccl

Ecclesiæ, quod quàm absurdum sit ostenditur remotione omnium fundamentorum, quibus talis Fides de infallibilitate, Ecclesiæ niti possit, antequam ulla pars verbi Dei credatur.

Respondeo, Catholicam assertionem intelligendam esse de toto verbo Dei, tam scripto, quàm tradito, totius nempe Fidem fundari in auctoritate Ecclesiæ, tanquam in universali regulâ credendi, & proponente nobis quid credi debeat, nec hinc sequitur ullû è duobus absurdis, quæ tu hinc videris tibi colligere, ut satis patet ex responsione jam data secundo tuo argumento, à quo quantum hoc vix distinguitur, vel enim loqueris de primò accedentibus ad Fidem, vel de fidelibus jam habitâ, animique præparatione credentibus in genere omnia divinitus revelata, sed aliqua fortè in particulari nescientibus esse revelata. Primò, accedentes ad Fidem nunquam priùs tempore credunt Fide divina, & Theologica, vel Deum esse revelatorem, remuneratorem, &c. vel Ecclesiam esse custodem divinarum revelationum, regulamq; credendi, quàm generaliter credant totam Ecclesiæ doctrinam esse veram, sed sicut uno, eodemque actu piz voluntatis divinitus excitatæ sibi eligunt Ecclesiam in regulam credendi omnia revelata, ita uno assensu intellectus inde imperato credunt universè Deum revelasse omnia cum veritate. Fateor ante hanc universalem animi conversionem præcedere dispositiones, quibus discuntur credenda alia priùs, alia posterius, & tam Ecclesia Dei, quàm Deus ipse creditur Fide humana, & inferioris ordinis. Sed quando venit ad actum divini ordinis, quo conversio peragitur, animus simul & semel in totum, quod didicit esse credendû, fertur efficaciter illudq;



pariter credit Fide divina. Alii autem Fideles, qui jam supponuntur conversi ad Fidem, debent pariter supponi conversi ad Ecclesiam, tanquam ad regulam credendi. Sed siue de his, siue de illis loquaris, videris in eo deceptus, quod non advertas discrimen inter discere quid sit credendum, & ipsum credere. Prius illud fit successivè tam in Neophytis, & Catechumenis, quam in aliis, ut experientia docet. At posterius nunquam ita limitatur ad unum credibile, ut implicite, animique preparatione non extendatur ad omnia, quæ credit Ecclesia, ut rectè declarat S. Thomas 2. 2. quæst. 5. art. 3. Esto in explicite creditis proficiant quotidie fideles, ut idem S. Doctor ante declaraverat quæst. 2.

### PUNCTVM SECVNDVM,

#### *De communibus fidei motivis, & speciatim de miraculis*

#### CAP. XII.

1.



EC ille tuus error dissimulatus est, quo Sect. 7. §. 2. & quæst. 1. §. 8. videris universè supponere persuasionem de rebus credendis, quam communia motiva Fidei gignunt, esse simpliciter incertam, & fallibilem. Contra ego contendo ex se, objectoque suo esse omninò certam, & infallibilem, siue de sola credibilitate, siue de ipsa etiam veritate rerum credendarum habeatur. Nam imprimis communia motiva

motiva Fidei sunt gloria tot miraculorum impletio tot Prophetiarum; constantia tot Martyrum; augustissima majestas Ecclesiae Christianae orbe toto fusae comparata cum tenebris aduersarum omnium factionum & sectarum; sanctitas & integritas doctrinae Christianae; diuinus & supernaturalis splendor internarum inspirationum, quibus & praeuincuntur accedentes ad Fidem, & stantes in Fide confirmantur, & tam hi, quam illi efficaciter moventur ad externa signa prudenter perpendenda, tanquam diuinitus procurata. Persuasio autem à tot, & tantis motivis partim internis, partim externis orta, non potest dici ex se, objectoque suo fallax, vel incerta, nisi ab errore fingente Deum posse signis mendacibus homines ad se allicere; vel negante quod affirmat Scriptura, omne Dei testimonium esse fidele, & sapientiam dare parvulis.

Vnde Richardus de S. Victore lib. 1. de Trinit. cap. 2. *Domine, inquit, si error est, quem credimus, à te decepti sumus. Et ec enim nobis iis signis confirmata sunt, quae non nisi à te fieri potuerant.*

Præterea persuasio proximè, per se, & non per accidens, obligans totam Ecclesiam ad credendum ex Fide Divina non potest esse incerta, & fallax. At talis est persuasio, ad quam fundandam per se ordinantur communia motiva Fidei. Ergo, &c. Major probatur. Quia ultimum complementum divinae Legis hominem ad supernaturalem assensum obligantis, debet esse paris cum ipsa Dei Lege certitudinis & firmitatis. Lex enim Domini tota tam quoad initium, quam quoad complementum, est immaculata convertens animas, & omne testimonium Dei fidele sapientiam præstans parvulis, ut pater

patet Psalm. 18. Persuasio autē proxime & per se, & non per accidens, obligans ad credendum, est tale complementum, taleque testimonium. Est enim ipsa ratio proximē intimans singulis supernaturalem Legem credendi. Vnde nisi nitatur regulā pariter infallibili, non potest quemlibet obligare ad tantam certitudinem assensus, quanta debetur præcepto Fidei divinæ. Minor patet ex terminis. Cum enim in rebus à Deo revelatis credendis, duplex distinguatur assensus, alter in solam earum credibilitatem, quo res taliter propositæ priusquam credantur, prudenter judicantur credibiles, posseque vel debere credi; alter in ipsarum earumdem veritatem, qui vocatur credere ob auctoritatem revelantis. Communia motiva Fidei fundant proximē priorem illum assensum prudentis credibilitatis, qui sicut præcedit piam voluntatem credendi ita intimat obligationem divinæ Legis ad credendum.

3. Tertiò, Vnanimi consensu farentur nostri Theologi, quod & ex Scripturis convincitur res Fidei nostræ spectatis omnibus, quibus eas Deus confirmavit, esse evidenter credibiles evidentiā practicā, & morali, quæ sufficit ad arguendos apertæ imprudentiæ non credentes post proposita illis communia motiva Fidei. (Hoc enim ad minimum sensu Psalm. 92. dixit Regius Propheta, *Testimonia D E I esse credibilia nimis*, ubi licet sermo ad literam sit de primo mundi opificio, rerumque ordine per Moysen descripto, sicut & de signis, quibus Deus confirmavit Prophetica Moysis descriptionem; fateri tamen oportet non minori jure idem dici posse de veritate prædicationis Evangelicæ, tot signis & portentis à Christo, & Apostolis confirmatæ.)



enim tali & tanta evidentia signorum in divino precepto credendi hominibus proponendo, non potest stare moralis dubitatio de vi, & veritate obligationis. Iudicium ergo in tali evidentia fundatum, est omninò certum, & infallibile.

Dicet fortè quispiam, Licet cum evidentia credibilitatis nequeat stare dubitatio credibilitatis, posse tamen stare dubitationem de ipsa rerum non apparentium veritate. Cùm enim hæc veritas non fiat ex communibus Fidei motivis evidens, sed his non obstantibus maneat in se occulta, non cogitur intellectus advertens communia motiva Fidei ad assensum præbendum ipsi rerum veritati, sed soli earum credibilisati.

Vnde sicut in rebus humanis ab humana, v.g. testimonio auctoritate in publico iudicio pendentibus, falsa quandoque fiunt credibilia veris latentibus, immò evidenter credibilia, ut patet in Iudice debente secundum allegata & probata ferre sententiam; Quidni etiam in rebus divina Fidei credi debitis potest mens hominis advertentis credibilitatem obligationemque credendi, dubitare de ipsa eorum veritate?

Respondeo. Licet sola evidentia credibilitatis non expellat formaliter formidinem oppositam certitudini latentis veritatis, nec per se, proximeque cogat intellectum ad assentiendum eidem veritati, ut objectio bene probat. Expellit tamen formaliter dubitationem de supernaturali obligatione credendi. Quatenus autem obligat ad certum, & indubitatum assensum præbendum rebus propositis, pariter etiam obligat ad omnem contrariam dubitationem, & formidinem expellendam. Ceterum ex hac obligatione tanquam principio taliter per

per motiva Fidei præcognito, & prudenter, libere tamen perpenſo per Theologicum poſtea, vel Catechiſticum diſcurſum deducitur veritas rerum alioqui non apparentium, aſſumendo aliud principium, vel ex Philoſophia notum, quo conſtat divina Lege per ſe loquendo, neminem poſſe obligari ad aſſenſum Fidei divinæ præbendum ulli falſitati. Vnde aſſenſus qui vi talis diſcurſus præbetur ipſi rerum latentium veritati eſt ex ſe certus, & infallibilis, & ex motivis Fidei conſequens, quamvis inferior eo, quem poſtea Theologica Fides præbet ex immediato imperio piæ voluntatis eidem veritati ob auctoritatem revelantis. Nec eſt ſimile, quod opponitur de obligatione humani Iudicis ad credendum, quod per teſtes probatur, licet ſæpe reiſa falſum. Quia obligatio hæc humani Iudicis non eſt ad ſpeculativam dubitationem de ſinceritate teſtium ab animo ſuo expellendam, ſed duntaxat ad practicam conformitatem externæ ſententiæ cum publicis probationibus præciſam à latente veritate fortæſſe per iniquos teſtes adulterata vel negata.

6. Poſtremo contra te argumentor ex proprio ſine doni miraculorum dati primùm Prophetis veteris Teſtamenti, tum Apoſtoliſ novi Teſtamenti ad miſſionem ſuam populo, cui prædicarunt, monſtrandam tanquam legitimam, & à Deo, ut patet in miraculis Moyſis Exod. 4. in eum ſinem factis, ut crederent Iſraelitæ Dominum apparuiſſe Moyſi, & eundem miſiſſe. Quam ob cauſam paſſim in Scripturis miracula vocantur ſigna, quia nempe ſpectatoribus notificant primùm divinam miſſionem facientis, tum veritatem à miſſo promulgatam.

Vnde 2. Corinth. 12. *Signa, inquit, Apoſtolatus*

mei facta sunt super vos in omni patientia, in signis, & prodigiis, & virtutibus. Et Marci ultim. Illi autem profecti prædicaverant ubique Domino co-operante, & sermonem confirmante sequentibus signis. Hebr. 2. prædicatio Evangelii dicitur in nos confirmata contestante Deo signis, & prodigiis, & variis virtutibus, & Spiritus sancti distributionibus.

Certè miracula non fuissent huic fini apta media, si ex se persuasionem tantum genuissent incertam & fallibilem, ut tu fingis, nec obligassent spectatores ad credendum Fide divina. Nec enim rationabilis obligatio credendi aliquid summa certitudine fundari potest in signo fallibili, vel in persuasionem incerta ex huiusmodi signa per conjecturam incertam deducta. Vnde sicut Christus quando Ioan. 10. Si non facio, inquit, opera patris mei, nolite credere mihi. Et Ioan. 15. Si opera, inquit, non fecissem in eis, quæ nemo alius fecit, peccatum non haberent. Supposuit ex miraculis a se patratis colligi potuisse à Iudæis certissimam persuasionem tum de credibilitate, tum de veritate suæ prædicationis, nisi perversis illi affectibus excoecati resistissent Spiritui sancto. Pari modo nos possumus supponere non tantum de omnibus, qui visis signis Apostolorum sua nova culpa credere noluerunt, sed etiam de omnibus hodie Sectariis, qui non obstante gloria miraculorum tum veterum, quibus incepit, tum recentiorum, quibus per singula sæcula noviter confirmat Deus veritatem Ecclesiæ suæ visibilis, sese ab hac unitate separarunt.

Confirmari potest, & illustrari hoc argumentum distinguendo duplicem persuasionem à muliere illa 7.



3. Reg. 17. formatam de Propheta Elia, unam priusquam miraculo recipisset filium à mortuis, fundatam utpote in viri probitate, moribusque externis, tanquam in signo tantum probabili; alteram post redivivum filium, quando non amplius timide opinans, sed cum omni certitudine credens dixit: *Nunc in isto cognovi, quoniam vir Dei es, & verbum Domini in ore tuo verum est.* Vbi patet in miraculo tanquam signo ex se certo fundatam fuisse certitudinem posterioris illius persuasionis priore longè perfectioris.

8. Video à te in tui erroris patrociniū allegari è nostris Durandum, Becanum, Gregorium à Valentia, sed magna sapientissimorum virorum injuria, qui nihil minus intenderunt, quam quod tu illis affingis. Et Durandus quidem loco à te citato 3. sent. dist. 24. quæst. 3. n. 8. postquam dixisset Ecclesiam regi à Spiritu sancto, ut non decipiatur in Fide hoc sensu interpretatus illud Luc. 23. *Ego pro te rogavi Petre, ut non deficiat fides tua.* Mox subdit, *Ad hoc autem clarè, & concorditer concurrit ratio humana, quæ dictat ex apparentibus, quod doctrina confirmata per tot signa, conservata à Martyribus inter tot supplicia sit vera, &c.* Vbi perperam tu particula ex apparentibus, putas à Durando intelligi nudam speciem probabilitatis topicæ destitutam omni certitudine medii ex se infallibilis, quasi miracula tibi sint signa in speciem probabilia, sed simpliciter incerta. Sensum certè hunc exclusit Durandus adverbio clarè. Vbi enim est qualiscumque claritas, & evidentia, non potest deesse certitudo ejusdem generis, licet vicissim certitudo esse possit sine claritate,

sate. Sensus ergo Durandi est, quem ipsemet explicat opponens signa visibilia rebus invisibilibus ex divina revelatione credendis, quæ propter obscuritatem latentis in se veritatis dicuntur non apparentes, nequaquam tuo sensu, id est, improbabiles, vel incredibiles. Sensus enim hic absurdior est, quàm ut refutari debeat, sed duntaxat quia sensibus & principiis Philosophicis absconduntur, quibus alioqui miracula, & alia similia signa sunt obvia. Quo sensu ipsa Fides Hebr. 11. dicitur *non apparentiam*. Nec tibi favet Durandus, quando rationem hanc ex visibilibus signis rerum invisibilium petitam, quam Fides supponit præviā, negat esse demonstrativā: loquitur enim de demonstratione physica, quæ per locum intrinsecum se sola convincit intellectum: demonstrationem verò Theologicam vel Catechisticam ex medio extrinsecō, & morali liberè quidem perpenso, & persuaso ex se tamen infallibili non negat Durandus, sed potius supponit.

Non minus longè aberras à mente Becani, & Gregorii à Valentia. Nam Becanus non negat quod tu fingis eum negare, communia motiva Fidei facere, ut aliquid infallibiliter credi possit, in actu saltem exercito, sed duntaxat postquam distinxit duplex iudicium de credibilitate rerum revelatarum, alterum priorem assensu Fidei divinæ, propriumque præviæ prudentiæ, alterum ab ipsa Fide divina elicium ex Dei auctoritate, consequenter duplicem distinguit credibilitatem objecti materialis, alteram præviæ prudentiæ præsentatam per miracula, & alia motiva; alteram verò, quæ ab ipsa Fide attingitur tanquam in actu signato jam infallibilis ex Dei testantis auctoritate.

Gregorius à Valentia non loquitur universè, nec sensu à te apprehenso, quasi persuasio ex omnibus simul motivis, vel eorum præcipuis sit ex se incerta, sed duntaxat in casu particulari, quo per accidens ratione subjecti quandoque contingit, ut quis ad Fidem accedens ex prævia persuasione timida, & probabiliter opinativa formata de particulari aliquo motivo Fidei, prudenter moveatur ad volendum credere fidē divina, priusquam totam vim persuasivam præcipuorum signorū Fidei percipiat. Sicut enim in humanis disciplinis sæpe contingit, ut quis conclusioni ex se demonstratz, atque scibili assensum præbeat tantum opinativum, & timidum, sive quia medium ex se alioqui demonstrativum propter ingenii tarditatem non penetrat, sive quia medio alio quam demonstrativo nititur, ita etiam in addiscendis rebus Fidei frequenter contingit, ut quis ad Fidem accedens fundet præviam suam prudentiam in opinione, quam præconcepit de sapientia & probitate immediati preconis, indeque moveatur ad volendum credere Fide certissima. Verum non hinc sequitur omnem persuasionem, quam præcipua motiva Fidei sunt apta ex se gignere, esse taliter incertam, & fallibilem.

Nec enim hinc infirmatur vis & necessitas consequentiæ in discursu Catechistico, vel Theologico paulò ante declarato, per quem quivis mediocriter instructus, & erga ea quæ Dei sunt, affectus potest ex præcipuis motivis Fidei deducere persuasionem penitus certam, & infallibilem, ut probatum est.



## AUCTORIS DUPLICATION.

### PUNCTVM PRIMVM.

An propter Ecclesiae testimonium credi debeat Sacrae Scripturae auctoritas?



Vinque argementa in medium attuli Disput. Part. 2. Quæst. 1. ad confutandam eorum sententiam qui docent Ecclesiae testimonium esse principale fundamentum illius fidei qua creditur Sacrae Scripturae auctoritas. Ex his, tribus prætermiſſis, duo solummodo, videlicet tertium & quartum, vellicare ausus es. Quod quam feliciter præstiteris nunc videbimus.

Tertium nostrum argumentum, quod apud re est quarta objectio (confundis enim argumenta à me proposita Part. 2. Quæst. 1. cum ijs quæ à me allata sunt Part. 1. Sect. 7.) concludebat Ecclesiae testimonium non esse fundamentum principale illius fidei qua cre-

ditur Scripturæ authoritas, quia inde sequeretur ultimam resolutionem fidei fieri in authoritatem Ecclesiæ. Respondes fidem vestram non resolvi in Ecclesiam tanquam in formale objectum fidei, sed tanquam in universalem regulam credendi, qua discernitis id quod verè est Verbum DEI, ab eo quod non est DEI Verbum.

3. Hoc tuum effugium jam sæpius est à me confutatum; præsertim Tract. 4. Cap. 2. §. 4. ubi probavi Ecclesiæ testimonium ex communi vestrorum Theologorum sententia esse formale fidei objectum, quia revelatio divina ex communi eorundem sententia est formale fidei objectum. Ecclesiæ enim testimonium vobis est revelatio divina, seu Verbum DEI. Ergo Ecclesiæ testimonium ex vestra sententia est formale fidei objectum. Videat lector ea quæ me dicta sunt Tractatu præcedenti Cap. 1. ubi ex tuis etiam verbis probavi Ecclesiæ testimonium esse formale fidei objectum.

4. Quarto argumento, quod tibi est quinta obiectio principalis, (tria enim reliqua argumenta à me proposita Quæst. 1. tanquam *objectiones minus principales* data opera transilis) probabam fidem totius Verbi Divini non tui authoritate Ecclesiæ; quia inde sequeretur Ecclesiæ authoritatē à nobis cre-

di debere prius, saltem ordine naturæ, quam credamus ullam partem Verbi DEI esse verè divinam, seu divinitus revelatam. Hoc autem esse impossibile ex eo demonstravi, quod nullum fundamentum assignari possit quo nitatur fides illa de infallibilitate Ecclesie qua præcedit fidem totius Verbi Divini. Hoc argumentum eludere conaris repetendo tuum delirium *de simultate credendi*, hoc est, asserendo Ecclesie infallibilitatem, Verbi DEI authoritatem, & omnia materialia fidei objecta *simul, & semel* credi ab ijs qui incipiunt credere. Sed hoc effugium tibi eripui *Tract. 6.* qui est *de ordine credendi*: & proinde jam constringeris inevitabili necessitate respondendi ad quæstionem à me propositam de fundamento illius fidei qua creditur Ecclesie infallibilitas antequam ulla pars Verbi Divini credatur. Prodi igitur gloriose miles ex tuo latibulo, nam formidabilem illam quæstionem amplius defugere non potes. Qui pleniorẽ hujus responsionis confutationem desiderat legat *CAP. 22.* quinti *Tract. & CAP. 5.* sexti *Tractatus.*

PUNCT



## PUNCTVM SECVNDVM.

An disputatio Turnebulli de Motivis  
fidei sit hic necessaria? An sit plena  
& perfecta? An denique doctrina in  
ea tradita sit sana, & orthodoxa?

I.



E hac tua disputatione qua  
probare conaris, *praviam*  
*persuasionem quam com-*  
*munia motiva fidei gignunt,*  
*ex se, objectoque*  
*suo esse certam, & infalli-*  
*bilem,* tria dico. Primo, assero eam non esse  
plenam & perfectam; idque quia loco à te  
citato, videlicet Part. 2. Quæst. 1. §. 8. tri-  
bus argumentis demonstravi communia fidei  
motiva non posse proxime fundare illam fi-  
dem infallibilitatis Ecclesiasticæ, quæ præce-  
dit fidem totius Verbi Divini. Tu duo prio-  
ra silentio involvens, solum tertium sugillas  
& insectaris. Hæc igitur tua disputatio de  
prævia illa persuasionem quæ communibus fi-  
dei motivis nititur, parum, aut nihil tuam cau-  
sam juvat. Quamvis enim tertio illo argu-  
mento cederem, & faterer persuasionem quam  
gign

gignunt communia fidei motiva esse certam & infallibilem; adhuc tamen mea positio de communibus fidei motivis, qua videlicet assero *infallibilitatem Ecclesie non posse propter ea credi fide divina*, firma, & inconcussa maneret: quia videlicet munita est duabus rationibus illis propositis ad quas nondum respondere ausus es; et nunc Tract. 7. CAP. 5. quatuor aliis argumentis confirmata est.

Secundò, dico eam non esse hinc necessariam: nam locis à te citatis non tam meam quam vestrorum Theologorum sententiam de communibus fidei motivis proposui. Dixi enim Part. 1. Sect. 7. persuasionem quæ communibus fidei motivis nititur *fatentibus ipsis Adversariis*, seu ex Adversariorum confessione, esse incertam & fallibilem. Et ne gratis hoc asserere viderer in meæ assertionis confirmationem allegavi Durandum, Becanum, & Valentianum, Parte 2. Quæst. 1. §. 8.

Dicis id à me factum esse *magna sapientissimorum virorum injuria*, eosque nihil minus intendisse, quam quod ego illis asfingo. At certè eorum scripta testantur eos aperte profiteri illam sententiam quam ipsis ascribo.

4. Et primo quidem quod ad Durandum attinet, non tantum negat rationem à communibus fidei motivis petitam ad confirmandam veritatem religionis Christianæ esse *demonstrationem Physicam*, ut tu nimis impudenter asseris §. 8. Capitis 12. sed generaliter negat eam esse *demonstrativam*, & discrete asserit eam esse *probabilem*, seu *topicam*. Ratio (inquit) *inducta pro fide*, & *præcedens fidem*, aut est *demonstrativa*, & tunc totaliter tollitur meritum fidei, quia tollit libertatem, & inducit necessitatem assentiendi, tollit etiam necessitatem fidei, quia sciens *demonstrativè DEVM* esse unum non indiget fide ad hoc credendum. Si vero ratio non sit demonstrativa, sed solum probabilis & persuasiva, & accipiatur ut talis, sic non tollit meritum fidei, nec minuit. Hæc ille Lib. 3. Sentent. Distinct. 24. Quæst. 3. §. 2. Idem etiam §. 5. istius Quæstionis, rationes à communibus fidei motivis petitas ad suadendam Religionis Christianæ credibilitatem, quasdam *probabilitates* vocat: Quamvis (inquit) ea quæ propriè sunt fidei sint supra rationem, ita ut ad ea non possit ratio demonstr



demonstrativa; vel omnino efficax adduci, non sunt tamen sic supra rationem quin possint per aliquas probabilitates declarari. Perpende, mi Turnebulle, hæc verba Durandi, & tua mendacia, ac fraudes. 5. erubescere, si quid tibi frontis, aut pudoris est.

Nec minus longè aberras à mente Becani, & Valentiani. Nam Becanus loco à me citato, non tantum distinguit duplex iudicium de credibilitate rerum revelatarum, & consequenter duplicem credibilitatem objecti materialis Fidei, ut tu ais; sed etiam iudicium fidei à iudicio præviæ prudentiæ distinguens, iudicio fidei hoc tanquam quid ei proprium, & peculiare ascribit, quod eo iudicemus, hoc objectum infallibiliter credi posse. Ergo non putavit hoc competere iudicio præviæ prudentiæ, hoc est, non tecum putavit iudicium præviæ prudentiæ esse iudicium evidens, & infallibile de obligatione divinæ legis ad credendum, & de veritate rerum credendarum. Manifestum igitur est discrimen inter tuam, & illius sententiam. Ille enim ex communibus motivis fidei hanc solam persuasionem colligi posse putat, *Iudico hoc prudenter credi posse.* Tu verò ex iis illam ipsam persuasionem colligis (ut patebit ex puncto sequenti) quam Becanus fidei divinæ

attribuit, viz. *Indico hoc infallibiliter credi posse, & debere.*

6. Præterea, ut magis de mente Becani constet consulat lector caput 8. illius libri. Nihil enim quaestione 5. §. 5. dicit; *intellectum non determinari sufficienter per motiva fidei, ut credat mysteria religionis Christiana esse vera.* Ergo non tecum putavit infallibilem, & evidentem persuasionem de veritate dogmatum fidei ex motivis communibus haberi posse. Nam ubi talis persuasio habetur, ibi intellectus efficaciter ad assentiendum determinatur. Ibidem etiam dicit evidentiam quam ex communibus motivis habemus de credibilitate dogmatum fidei esse similem evidentiae quam quis habet de credibilitate duarum opinionum contrariarum quando ei ita proponuntur, ut ambæ magnorum virorum autoritate & plausibilibus argumentis confirmantur. Tunc enim (inquit) *intellectus ejus propter ejusmodi motiva, evidenter cognoscit utramq; opinionem esse probabilem, & credibilem (ecce pro eodem accipit probabile, & credibile) & tamen ex eo non potest determinatè judicare, hanc esse veram, & illam esse falsam, sed quasi suspensus heret.* Perceptis igitur motivis

fidei intellectus, ex Becani sententia, suspensus hæret, nec potest determinate judicare doctrinam quam proficitur Ecclesia esse veram, & necessario credendam, sed tantum esse probabilem, seu credibilem.

Gregorius de Valentia loquitur universè, & generatim affirmat persuasionem quæ ex communib<sup>9</sup> fidei motivis habetur esse ex se suoq; genere incertam & fallibilem. *Tertio* (inquit) potest ex dictis intelligi non esse absurdum quod quis fide acquisita ex motivis ad credendum inducatur, quamvis fides hujusmodi sit ex suo genere incerta, & fallibilis. Ratio est: Nam hujusmodi cognitio fidei acquisita non est fundamentum fidei Christianæ secundum se, sed ratio duntaxat ob quam amplectimur fidē. Nul- lum autē absurdū est, ut homo ratione, aut fundamento alioqui fallibili prudenter inducatur ad aliquid faciendum, atque adeo ad fidem amplectendam secundum se infal- libilem: is enim est consuetus modus actio- num humanarum.

Præterea quæ fuerit Valentiani sententia 8. patet ex aliis ejus dictis: Nam eodem Tomo Disput. 1. quæst. 1. puncto 4. §. 4. Col. 69. dicit evidentiam propriæ dictam de credibi- litate



linee fidei haberi ex argumentis probabili-  
bus. Quare (inquit) ad eam Minorem  
astruendam opus non erit evidentia argumē-  
ta adferre pro fide nostra. Satis erit si pro-  
babilia, aut ex historia, aut ex auctoritate  
humana attulerimus. Nam evidens est etiam  
argumenta probabilis esse gravia, & fide  
digna apud homines. Item ibidem Col. 93.  
dicit, Motiva fidei non cogere ut assentiamur  
Et quæst. 2. punct. 7. Col. 316. dicit motiva  
fidei non convincere, nec demonstrare ipsam  
fidei veritatem.

9. Tertiò dico tuam sententiam quam hic  
tueris esse variis, iisque non levibus difficul-  
tatibus, imò incommodis, & absurditatibus  
obnoxiam. Hujus assertionis veritas patebit  
ex duobus punctis sequentibus.



### PUNCTUM TERTIUM.

Turnebulli sententia de persuasionem  
quam communia fidei motiva gignunt  
quinque assertionibus expli-  
catur.



VAM sententiam quæ I.

tuor assertionibus cor-  
prehendam : prima est  
hæc. *Ex communibus  
fidei motivis habetur  
infallibilis certitudo de*

*obligatione credendi* : Hoc est, certò, & in-  
fallibiliter ex motivis fidei scire possumus,  
quod ea dogmata quæ à Pastoribus Ecclesiæ  
proponuntur, à nobis fide divina credi, & pos-  
sint, & debeant. Hanc assertionē satis apertè,  
& directè proponis cum dicis §. 5. evidentiā  
credibilitatis quæ ex motivis fidei oritur,  
expellere formaliter dubitationem de su-  
pernaturali obligatione credendi.

Secunda assertio: *Ex hac certitudine* 2.  
*de obligatione credendi nascitur alia non  
minus infallibilis de veritate ipsarum re-  
rum credendarum.* Hoc est, sicut ex moti-  
vis fidei percipimus dogmata quæ propo-  
nuntur esse credenda, ita etiam ex iisdem cer-  
to, & infallibiliter colligimus ea esse vera.  
Hanc assertionem manifestè lectori exhibes  
illis verbis : *Ceterum ex hac obligatione  
inquam principio taliter per motiva fidei  
recognito, & prudenter, liberè solum  
perpenso per Theologicum postea, vel Ca-  
techist*

sechisticum discursum deducitur veritas rerum alioqui non apparentium assumendo aliud principium vel ex Philosophia notum, quo constat divina lege per se loquendo, neminem posse obligari ad assensum fidei divina prebendum ulli falsitati. Quasi diceret; Quicquid fide divina credi debet, verum est. At ex motivis fidei evidenter percipimus hæc, & illa dogmata credenda esse fide divina. Ergo ex iisdem etiam evidenter colligimus ea esse vera.

3. Tercio assertio: Non solum prior illa persuasio quæ est de credibilitate doctrinae Christianæ, sed etiam illa altera quæ est de veritate ipsarum rerum credendarum, est iudicium evidens, hoc est, intellectus qui illud iudicium elicit convincitur ad prebendum assensum, ita ut non indigeat imperio voluntatis. Priorem enim persuasionem hoc syllogismo colligitis: Doctrina multis & efficacibus motivis seu argumentis confirmata necessario est credenda. At talis est doctrina religionis Christianæ. Ergo est necessario credenda. Posteriores vero hoc syllogismo stabilitis. Doctrina necessario credenda est vera. At talis est doctrina religionis Christianæ. Ergo est vera.
- utroque



utroque hoc syllogismo præmissæ sunt, ex  
tua sententia, naturaliter evidentes: & per  
consequens conclusiones quæ ex iis inferun-  
tur etiam evidentes sunt. Nam ubi tota ratio  
formalis propter quam assentimur alicui  
conclusioni est evidens, assensus qui isti con-  
clusioni præbetur necessario est evidens, ut  
rectè observat Becanus, Tract. de Fide, Cap.  
1. quæst. 3. §. 8. & 13.

Quarta assertio. Utrumque hoc iudicium 4.  
est naturale secundum substantiam suam, &  
elici potest naturali discursu & lumine intel-  
lectus cum generali auxilio & concursu Dei.  
Hæc assertio non à te directè proponitur, at-  
amen ex præcedentibus assertionibus & et-  
iarum confirmationibus manifestè colligi-  
tur. Iudicium enim illud quod fundatur  
in humano discursu; & in principiis humano  
modo cognitis, est iudicium naturale, ut sæ-  
pius docet Suarez, Disput. 4. de fide, Sect. 6.  
& Disput. 6. Sect. 8. Ac tale est utrumque  
illud iudicium de quo hîc agimus, ut patet  
ex confirmatione assertionis præcedentis.  
Ergo utrumque est iudicium naturale. Præ-  
terea, vestri Theologi, ut v. g. Suarez locis  
citatis, et Becanus Tract. de fide, Cap. 8.  
quæst. 6. §. 3. docent prius illud iudicium  
esse naturale, seu *solis natura viribus haberi*  
*esse*. Ergo etiam dicendum est posterius  
iudicium

judicium esse naturale: quia viz. id etiam habetur per naturalem discursum, et ex principiis naturaliter, ac evidenter cognitis.

5. Quinta assertio: Solis naturæ viribus absq; auxilio speciali haberi potest, et ordinariè habetur infallibilis, et evidens certitudo de veritate omnium Articulorum fidei. Hanc etiam assertionem, quamvis directè eam non proponis, meritò tibi ascribo: idque quia ex fundamentis à te positis ea necessariò colligitur, ut patet ex omnibus assertionibus præcedentibus, præcipuè vero ex assertionè 2. et 4.

#### PUNCTVM QVARTVM.

Confutatur sententia capite præcedente proposita.

1.



**D**OCTRINA jam proposita et explicata de infallibilitate, et evidentia istius persuasionis quam communia fidei motiva gignunt, ex Scholis Theologicis, explodenda est. Primò enim ex ea sequitur fidem divinam esse tantum eorum quæ videntur, hoc est, eorum quæ demonstrative

strativè cognoscuntur; imò hanc *demonstrabilitatem*, et evidentiam cognitionis esse conditionem necessariò requisitam in objecto fidei. At hoc non solum est novum, et antehac inauditum in Theologia, sed etiam adversari videtur Apostolo dicenti, *Fidem esse argumentum rerum non apparentium*. Ergo &c. Ratio propositionis est, quia *credibilitas*, seu esse quid prudenter credibile, est conditio necessariò requisita in objecto fidei. At, ex te, ea sola dogmata sunt credibilia, seu prudenter credi possunt de quibus evidentem, & infallibilem persuasionem ex motivis fidei habemus quod credi possint, & debeant, atque adeo quod vera sint.

Secundò, ex ea etiam sequitur actum scientiæ, seu evidētis cognitionis non solum stare posse cum actu fidei, sed etiam esse necessariò & inseparabiliter cum eo conjunctum, quod etiam novum est, & nunquam antehac auditum. Ratio est, quia cum actu fidei quo aliquod dogma creditur necessariò conjuncta est voluntas credendi: & cum voluntate credendi necessariò, ex tua sententiâ, conjuncta est evidens, & infallibilis persuasio, atque adeo scientia de veritate istius dogmatis. Ergo, a primo ad ultimum, cum actu fidei necessariò conjunctus est actus scientiæ. Hoc consequens, non solum in se absurdum



absurdum est, sed etiam majori Theologo-  
rum Pontificiorum parti absurdum videbi-  
tur. Nam ut testatur Smiglecus in sua Lo-  
gica parte 2. Disput. 16. quæst. 14. *Theologo-  
rum, imò & sanctorum Patrum communis  
sententia est, non posse actum fidei stare cum  
scientia.* Si autem illi negant hos actus esse  
compossibiles, proculdubio multo magis ne-  
gabunt eos esse necessario, & inseparabiliter  
conjunctos.

3. Tercio, per hanc doctrinam extenuatur  
necessitas gratiæ ad credendum requisitæ, et  
nimium tribuitur viribus naturæ. Primo e-  
nim quid opus est auxilio gratiæ ad assenti-  
endū dogmatis fidei, ubi homines lumine natu-  
ræ percipiunt ea esse necessario credenda, atq;  
adeo esse vera, idque tam evidenter ut intel-  
lectus vincatur, et necessitetur ad assenti-  
endū. Secundo, si homo lumine naturæ certò  
et evidenter scire potest, ea quæ à Pastoribus  
Ecclesiæ proponuntur esse credenda, atque  
adeo esse vera, poterit etiam firmiter iis assen-  
tiri naturæ viribus, seu absque illuminatione,  
et inspiratione Spiritus sancti. At posterius  
est absurdum, et directè contradicit Canoni  
7. Concilii Arausicani, quo definitum est,  
*Hominem non posse consentire predicationi  
salutari absq; illuminatione & inspiratione  
Spiritus sancti.* Ergo etiam absurdum est

prius. Ratio propositionis est, quia non solū possibile est intellectum assentire objecto sic evidenter cognito, sed etiam impossibile est eum dissentire, ut omnes fatentur. Tertiò, Quicquid intellectus solo lumine naturæ judicat esse utile, aut necessarium, id voluntas per solas naturæ vires potest appetere. At intellectus solo lumine naturali, ex tua sententiā, judicat esse utile, imò necessarium credere dogmata fidei Christianæ, idque *fide divina* ut docet Suarez, Disp. 4. de fide, Sect. 5. §. 2. Ergo, voluntas potest hoc velle: id est, potest appetere, talem actum credendi. Hæc conclusio evidenter ex tua doctrina colligitur, ut patet ex isto argumento; attamen non audes ut opinor eam tueri. Nam in Concilio Arausicano, Canone 5. definitum est (ut fatentur Vasquez in 1. 2. Disp. 186. Cap. 2. Becanus Tract. de fide, Cap. 8. quæst. 5. Bellarm. Lib. 6. de Gratia, Cap. 2. et alii) non solum ipsum fidei divinæ actum, sed etiam voluntatem, seu affectum credendi esse *Donum gratiæ*, et nobis inesse per inspirationem Spiritus sancti.

Quartò, per hanc tuam doctrinam manifestè tollitur ea libertas quam vestri Theologi in actu credendi requirunt. Nam cum veritas aliqua ita proponitur intellectui, ut intellectus convincatur, et ad assentiendum necessitetur

cessitetur vi argumentorum quibus ea confir-  
 matur, tunc manifestè excluditur libertas as-  
 sentiendi. At, ex tua sententia, sic proponi pos-  
 sunt, et debent veritates fidei: hoc est, debent  
 dogmata fidei proponi cum suis *motivis*,  
 ex quibus certò et evidenter percipimus ea  
 esse necessariò credenda, atque adeo esse ve-  
 ra. Ergo, assensus fidei non est liber, et vo-  
 luntarius: quia viz. cum intellectus elicit  
 actum fidei, non potest dissentire; Quomodo  
 enim potest quis iis dissentire de quibus  
*evidenter* scit quod sint vera, & credenda  
 fide divina, *tanquam dicta à D E O*, ut lo-  
 quitur Suarez loco citato. Nec satisfacit  
 quod illic dicit hic author, viz. voluntatem  
 posse efficere ut intellectus dissentiat Artic-  
 ulis fidei, idque *avertendo intellectum ab*  
*actuali iudicio credibillitatis*, seu à consi-  
 deratione eorum motivorum quæ evidenter  
 demōstrant articulos illos esse credendos. Pri-  
 mò enim impossibile est intellectum iis Ar-  
 ticulis dissentire quorum veritatem non so-  
 lum certò, sed etiam evidenter ex motivis fi-  
 dei percipit: nam ut rectè docet Ruuius,  
 quæst. 8. in 1. cap. 1. Poster. *Sicut volun-*  
*tas non potest odio prosequi bonum, ut bo-*  
*num sibi representatum: ita intellectus*  
*non potest dissentire vero, ac necessario, ut*



*tali sibi proposito.* Secundo, ex eo quod voluntas potest avertere intellectum ab actuali consideratione motivorum, non sequitur assensum fidei esse liberum quoad *specificationem*, sed tantum quoad *exercitium*: hoc est, non sequitur voluntatem posse efficere ut intellectus dissentiat articulis fidei, sed tantum ut assensum suspendat & ad tempus cohibeat. Sic Ruvius loco citato, & Conimbricenses in 1. Poster. Cap. 1. quæst. 4. Art. 4. dicunt, *intellectum positis assensibus premissarum posse suspendere assensum conclusionis voluntate eum divertente ab actuali consideratione premissarum ad operandum circa aliud objectum.* At nihilominus docent hi Autores, & communis Philosophorum sententia est, assensum qui præbetur conclusioni, habitis assensibus præmissarum, non esse liberum *quoad specificationem*, sed *quoad exercitium* tantum. Erigatur igitur assensus fidei, ex isto fundamento Suarezii, liber quoad *exercitium* tantum, & non quoad *specificationem*; quod tamen esse falsum ipse docet, Disput. 6. de Fide, Sect. 6. §. 5.

Quinto, ex hac tua doctrina, sequitur infallibilem Ecclesiæ propositionem non esse

necessariam ad certitudinem fidei nostræ. Possumus enim ex motivis fidei, seclusa Ecclesiæ testificatione, certam, & infallibilem, imò evidentem persuasionem habere de veritate dogmatum fidei: & per consequens possumus sine ea cautè, & prudenter credere. Malè igitur dixisti, cap. 3. §. 6. Ecclesiæ testimonium *esse regulam prudenti necessariam, ut cautè, non temerè, ut religiosè, non superstitiosè velit, possitque quis credere.*



PUNCTVM QVINTVM.

Expenduntur objectiones Adversarii.

1.



**P**RIMA tua objectio adversus assertionem à me propositam de Motivis fidei est hujusmodi. Si persuasio à tot, & tantis motivis partim internis, partim externis orta sit incerta, sequetur Deum homines ad se allicere *signis mendacibus*. At absurdum est hoc. Ergo & illud. Respondeo vitiosam & ineptam esse connexionē illam majoris propositionis. Pri-

mò enim argumenta, & motiva probabilia ineptè dicuntur *signa mendacia*. Dialecticus utitur medio probabili, non tamen dicitur uti medio mendaci, aut fallaci. Alii aliis motivis ad credendum inducuntur, ut notat valent. Tom. 3. Disput. 1. quæst. 1, punct. 1. §. 8. & quidam iis motivis alliciuntur quæ nihil ferè certitudinis hominibus adferre possunt, ut v. g. *preconcepta opinione de sapientia, & probitate immediati præconis*. ut ipse fateris sub finem Cap. 12. An igitur dicendum est Deum hos ad se *mendacibus signis* allicere? Secundò, laudabile est, & divinæ prudentiæ congruum à confusis ad distincta, ab imperfectis ad perfectà procedere, ut patet ex historia creationis. Ergo non est quid Deo indignum, aut ab ejus prudentia alienum, homines ad se primò allicere mediis minus efficacibus, id est motivis probabilibus, modo postea adhibeat medium aliquod certum & infallibile. Et sic revera facit: nam quos primò ad persuasionem probabilem de veritate Religionis Christianæ per communia fidei motiva adduxit, eosdem postea ad perfectam & infallibilem fidei certitudinem per verbum suum perducit.

Secunda objectio. Persuasio proximè, per 2. se, & non per accidens obligans totam Ecclesiam ad credendum ex fide divina non potest



test esse incerta, & fallax. At talis est persuasio quæ ex communibus motivis fidei habetur. Ergo &c. Respondeo minorem esse falsam. Persuasio enim *proximè, & per se* obligans homines ad credendum, non est naturalis illa, seu humana persuasio quæ ex motivis fidei habetur, sed est persuasio supernaturalis, & obscura quæ oritur ex illustratione divina, & immediatè versatur circa credibilitatem mysteriorum fidei, non propter motiva, sed propter revelationem Dei. Duplex enim est iudicium de credibilitate doctrinæ Christianæ, ut docent Suarez, Disp. 6. de fide, Sect. 8. §. 6. & Becanus Tract. de fide, Cap. 8. quæst. 6. Vnum naturale, quod fundatur per se in motivis creatis. Alterum supernaturale quod fundatur in autoritate Dei revelantis. Posterius hoc iudicium, seu posterior hæc persuasio, *proximè & per se* obligat ad credendum. At priorem illam talis obligatio non consequitur. Non enim tenemur ea omnia dogmata credere quæ huiusmodi motiva, credibilia faciunt : nisi etiam ex Verbo Dei de eorum veritate constet.

3. Tertiò, Vnanimi (inquis) consensu fatentur nostri Theologi, quod & ex Scripturis convincitur, res fidei nostræ spectatis omnibus quibus Deus eas confirmavit esse evidenter credibiles evidentiâ practica & mo-  
rali

rali, &c. Respondeo vestros Theologos dicere doctrinam fidei esse evidenter credibilem, non quod ex eorum sententia evidens sit eam esse necessario credendam, atque adeo esse in se veram, sed quod evidens sit eam gravibus, id est, valde probabilibus argumentis confirmari (nam ut notat Valent. Tomo. 3. Disput. 1. quæst. 1. punct. 4. §. 3. *argumēta etiam probabilia gravia sunt, et fide digna apud homines*) Itē, quod evidens sit eam esse probabilem, imò probabiliorem omnibus sectis oppositis. Hoc certè vestri Theologi asserunt, et ego libenter tantundem concedo. Vide Valent. loco citato, Colum. 68. §. *Secundo eisdem*, et Colum. 95. §. *Ad Secundum*.

Quæ à te ex Scripturis afferuntur ad confirmandam generalem tuam assertionem 4. de motivis fidei, ea nihil pro te faciunt. Nam illud Psalmi 19. *Testimonium Dei fidele est, sapientiam præstans parvulis*, intelligendum est (ut ipse fateris §. 2.) de lege Domini, et per consequens ineptè à te adhibetur §. 1. ad probandam infallibilitatem istius persuasionis quam communia motiva fidei gignunt. Illud etiam Psalmi 93. *Testimonia tua sunt credibilia nimis* (quod ab aliis rectius legitur sic, *Testimonia tua sunt firma valde*)

*valde*) commendat legem Dei non ab humana credibilitate quam habet ex morivis fidei, sed ab eminentiori illa, et planè divina credibilitate quæ ut loquitur Suarez, Disput. 6. de fide Sect. 8. §. 6. *resultat ex autoritate Dei*, qui viz. legem illam tulit, et populo Israelitico tradidit.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

#### PUNCTVM SEXTVM.

An ex miraculis firmum, & certum argumentum sumi possit ad demonstrandam Ecclesiæ alicujus veritatem, & infallibilitatem?

I.



**P**RIMA assertio. Gloria miraculorum, seu fama, et celebritas quam hæc, vel illa Ecclesia apud homines habet ob miracula quæ in ea fieri dicuntur, non est certa et infallibilis veræ Ecclesiæ nota. Hic miraculorum gloriam (intellige humanam, quæ viz. in hominum æstimatione, et laude consistit, ut docet Thomas Prima Secundæ, quæst. 2. Art. 3. Nam ea miraculorum gloria quam Ecclesia aliqua apud



apud Deum habet, est ex se arcana, et nobis incognita, et proinde non ita propriè inter motiva fidei numerari potest) ab ipso miraculorum dono non sine ratione distinguo. Potest enim Ecclesia aliqua celebrari ob miracula quæ in ea fieri dicuntur, quamvis verè, et a parte rei instructa non sit virtute faciendi miracula.

Patet veritas hujus assertionis: Primò 2. quia fama illa, seu celebritas quam Ecclesia aliqua habet ob miracula quæ in ea fieri dicuntur nititur iis historiis, et narrationibus, de quarum veritate illi qui non adfuerunt cum miracula illa fierent, firmam et infallibilem certitudinem habere non possunt. Secundo, Illi etiam qui hujusmodi spectaculis intersunt facile decipi possunt. Nam, ut faceret Bellarm. Lib. de Notis Ecclesiæ, Cap. 14. non constat nobis *certitudine cui non potest subesse falsum*, ea quæ nobis videntur esse miracula, revera esse talia, & non esse præstigias, seu illusiones Dæmonum. *Dæmon enim* (inquit) *etsi non potest facere verè miracula, tamen potest facere apparenter etiam maxima quæq.*

Secunda assertio: Vera et propriè dicta 3. miracula fieri possunt extra veram Ecclesiam, viz. in cœtibus hæreticorum: et proinde miracula nudè, et in se spectata non sunt genui-

na, et infallibilis vera, seu orthodoxa Ecclesia nota. Hæc assertio Enthymematicè proponitur, et antecedente, ac consequente constat. Consequentis illatio ex antecedente, est ex se manifesta. Veritas etiam antecedentis ex ipsorum adversariorum confessione patet. Quamvis enim quidam ex illis (ut statim patebit) negent vera miracula posse fieri ab hæreticis pro confirmatione erroris, seu ad errorem confirmandum, fatentur tamen ea ab illis fieri posse ab aliis fines, ut. v. g. propter hominum utilitatem, quando viz. illi ab hæreticis miraculosè sanantur; Item ad confirmandam veritatem aliquam fidei in qua illi hæretici cum orthodoxis conveniunt. Ita docet Bellarm. Lib. de notis Ecclesiæ, Cap. 14. §. *Ad postremum*. Estius in 2. Sent. Dist. 7. §. 19. Suarez. Disput. 4. de fide, Sect. 3. §. 10. Malderus in Sancti Thomæ 2. 2. Quæst. 1. Art. 5. Dubio 4. Sect. 3. et alij.


- Tertia assertio. Ex veris, et propriè dictis
4. miraculis non potest sumi firmum, et certum argumentum ad demonstrandam hujus, aut illius Ecclesiæ infallibilitatem. Paret hoc primo ex Assertionem præcedente: Si enim miracula non demonstrant certò & infallibiliter veritatem illius Ecclesiæ in qua sunt, multo minus demonstrant ejus infallibilitatem in docendo: Siquè miracula verè divina Ecclesiæ

Et errantibus conveniunt proculdubio e-  
 am quibuslibet Ecclesiis errori obnoxii  
 competere possunt. Secundo, miracula non  
 sunt à Deo instituta ad demonstrandam eo-  
 rum infallibilitatem per quos fiunt miracu-  
 la. Nam si hoc verum esset, sequeretur eos  
 omnes qui olim miraculorum gloria fulse-  
 runt, etiam infallibilitate docendi præditos  
 fuisse. At hoc apertè falsum est : Nam in pri-  
 mitiva Ecclesia non solum Apostoli (qui in-  
 fallibiles veritatis testes fuerunt) sed etiam  
 sui pastores, imò et laici credentes miracula  
 faciebant. Tertiò ipsi Pontificii non solent ex  
 miraculis demonstrare Ecclesie suæ infallibi-  
 litatem, sed ex iis solummodo probare co-  
 nantur eam esse veram, atque unicam Christi  
 Ecclesiam.

Hæ tres assertiones abunde sufficiunt ad  
 indicandam positionem nostram de miracu-  
 lis ab adversarii objectionibus. Dixi enim  
 parte 2. Disput. quæst. 1. §. 8. fidem eam  
 qua creditur Ecclesie infallibilitas in testifi-  
 cando non niti miraculorum gloria, tanquam  
 primo, & certo assensus nostri fundamento.  
 Et non solum id nunc probavi, sed etiam  
 (quod majus est) ostendi ex veris, & proprie  
 dictis miraculis, si modo nudè, & in se ca-  
 pectentur, Ecclesie alicujus veritatem non  
 posse efficaciter probari, & multò minus e-  
 jus



ius infallibilitatem. Ceterum ut Lectori magis satisfiat, alias aliquot Assertiones addam Puncto sequenti.



PUNCTVM SEPTIMVM.

An ex miraculis in testimonium alicujus doctrinae factis firmum, & certum argumentum sumi possit ad probandam illius doctrinae veritatem?

I.



QUARTA assertio: Nec certò constat, nec inter ipsos Adversarios conveniunt miracula in testimonium alicujus doctrinae facta, evidenter nobis demonstrarent illius doctrinae veritatem. Ut haec assertio melius intelligatur subijciam Suarezii distinctionem de miraculis quam is in medium affert. Disput. 4. de fide Sect. 3. §. 10. Respondetur (inquit) duobus modis posse fieri miraculum. Primum sine ullo respectu ad veritatem aliquam per illud confirmandam, sed solum propter alicujus hominis utilitatem, ut ad conferendam sanitatem,

vel quid simile. Secundo fit miraculum in testimonium alicujus doctrinae, ut eam veram esse confirmet. Priori modo verum est, Deum posse facere miracula per prae-  
 vos homines (hic sub pravis hominibus, comprehendit etiam deceptores, seu haereticos, ut patet ex verbis quae hanc respon-  
 sionem immediate praecedunt) et hoc modo procedit objectio facta, quamvis for-  
 tasse rarissime hoc contingat & quan-  
 do evenit, magis est ex fide recipien-  
 tis, quam ex virtute operantis. Poste-  
 riori autem modo fieri non potest ut mi-  
 raculum fiat in confirmationem falsitatis,  
 quia alias Deus cooperaretur mendacio, &  
 esset testis ejus. Vult igitur Suarez mira-  
 cula quaecunque proprie sic dicta & in testi-  
 monium doctrinae facta, esse certum & infal-  
 libile verae doctrinae lignum, quia viz. vera  
 miracula in confirmationem falsae doctrinae  
 fieri non possunt.

At contra primo. Vnde sciemus miracula  
 ea quae fieri videntur in hujus, aut illius do- 2.  
 ctrinae confirmationem esse vera, et proprie  
 dicta miracula? Bellarm. Lib. de Notis Ec-  
 clesiae, cap. 14. dicit non constare nobis cer-  
 titudine, cui non possit subesse falsum, ea

*non esse illusiones Demonis. Et Suarez in Defensione fidei Catholicæ, Lib. 1. Cap. 7. §. 3. asserit, opera miraculorum adulterari posse, & ita exterius fingi, ut non sint necessaria signa vera fidei.*

3. Secundò, Non possumus evidenter scire hoc, vel illud miraculum factum esse in confirmationem talis doctrinæ. Ergo miraculum hoc, vel illud factum esse in confirmationem talis doctrinæ, non est nobis, seu respectu nostri, certum & evidens signum veræ doctrinæ. Ratio consequentiæ est, quia id de quo non certò constat, nec constare potest, utrum sit, an verò non sit, non est signum idoneum ad evidenter demonstrandam doctrinæ veritatem. Probitur antecedens; quia cum Deus (*cujus inscrutabilia sunt judicia, & via impervestigabiles, Rom. 11. 33.*) varios fines sibi propositos in producendis miraculis habere possit, ut facetur Suarez, loco citato, nos qui *non cognovimus mentem Domini, nec ei à consiliis sumus*, evidenter scire non possumus utrum miraculum hoc, vel illud ab eo factum sit ad confirmandam talem doctrinam, an verò in aliquem alium finem? Hoc diserte asserit Valentianus, Tom. 3. Disput. 1. quæst. 1. punct. 4. §. 3. Col. 79. *Quod autem* (inquit)



in argumento sumebamus miracula hac ad eam rem divinitus facta per Christum fuisse, ut Christiana firmaretur doctrina: id verò si non evidenter (quis enim, præsertim citra lumen fidei, ut ad fidem ipsam jam persuadendam loquimur, cognovit penitus, atque vidit sensum & consilium Domini) at ita certè compertum est ut non nisi imprudenter, ac temerè in dubium vocari possit.

**Hoc** Tertiò, quamvis certum sit Deum nunquam facere miracula in confirmationem erroris (ipsa enim veritas non potest hoc sibi propositum habere, ut errorem confirmet, vel stabiliat) dubitari tamen potest, utrum Deus ad tentandos homines, seu ad probandam eorum fidem Deuter. 13. 3. facere possit miracula per hæreticos falsam doctrinam confirmare intendentes, seu ut àlii loquuntur, utrum Deus unquam exaudiat petitionem hominis volentis ad confirmandum errorem miraculum adhibere. Et certè hac de re inter ipsos Adversarios, ut dixi, non convenit. Quamvis enim Bellar. Estius, Suarez, & alii, cum concedunt hæreticos posse facere vera miracula, hoc addât, miracula ab iis fieri, non in erroris quem tuentur, sed in alicujus veritatis quam retinent confirmationem, aut in aliquem

aliquem alium finem, ut pater ex Assert. 2. tamen Gerson, & Stapletonus longius progrediuntur, dicuntque vera miracula in erroris confirmationem ab hæreticis fieri posse. Item, quamvis Suarez, Malderus, & quidam alii, affirmant miracula *in testimonium veritatis facta*, esse infallibile signum veræ fidei, tamen major est numerus eorum Pontificiorum qui aliter sentiunt.

4. Quod igitur vera miracula fieri possint ab hæreticis in erroris confirmationem docet Stapl. in Prompt. Morali Dominica 24 post Pentecost. *Signa autem* (inquit) *& prodigia que dabunt pseudo-prophete, ut maiorem electis tentationem inferant, sunt quidem ex parte opera miraculosa de quibus Apostolus dicit, 2. Thess. 2. ipsum Antichristum venturum secundum operationem Satana, in omni virtute, & signis, & prodigiis mendacibus: vel sane quia non vera, sed falsa erunt miracula, & potius miranda quam miracula, ac nil nisi præstigiæ, & oculorum deceptiones, vel quia etsi vera sint prodigia, quoad actus supernaturales, non nisi mendacia tamen erunt, quia non nisi mendacio servient.* Certè ad maiorem fidelium probationem,

etiam

etiam vera miracula non solum Anti-christus ipse, ejusque proximi praecursores, sed quilibet heretici, non secus quam Magi, Deo permittente operari potuerunt. Et infra. Sed si aliqua fortè veri nominis miracula Heretici hodiè proferre poterunt ab ipsis facta, fugiendi nihilominus sunt ut seductores, propter ea quae jam dicta sunt.

Iohannes Gerson parte 2. Sermone de qua-  
tuor Domibus etiam asserit Deum facere  
vera miracula per Hæreticos falsam doctri-  
nam confirmare intendentes; Sed cautius lo-  
quitur quam Stapletonus: dicit enim Deum  
nunquā hoc facere quin per Scripturas, aut  
aliquo alio modo reclamet, & doctrinam il-  
lam non esse credendam doceat. Hoc enim  
casu, et non aliter potest Deus, ex Gersonis  
sententia, ad probandam suorum fidem ex-  
audire petitionem hominis volentis ad con-  
firmandum errorem miraculum adhibere.  
Amplius (inquit) scire convenit quod sicut  
apud homines moris est quod in attestatio-  
nem literarum sigillum appenditur, vel  
apponitur signum proprium; Non aliter  
Deus miraculorum verorum operationem,  
veluti sigillum, & signum proprium in-  
ducit in robur veritatis illius quam jubet



credi: Et nulla unquam invocatione, miraculorum conditor est, vel erit in opere mendoso, quin reclamet: & quin per Scripturas, per prophetias, per revelationem, vel aliter, illam falsitatem non esse credendam edoceat. Et infra, Hac ita quamvis se habeant, quod per mendaces miraculi Author esset Deus; nunquam tamen sigillum proprium sic falsari, nunquam homines eo abuti in mendacio sineret, quin & reclamaret & contradiceret.

6. In hac etiam sententia fuisse videtur Durandus: nam quaest. i. in Prologum Sentent. §. 46. de miraculis sic disserit: Tertium est quod quamvis esset per se notum aliquod esse fieri à solo Deo, sicut fuit resuscitatio Lazari, tamen non esset per se notum, quod hoc fieret ad testificandum hoc quod diceret iste, vel ille qui praedicaret miraculum. Et infra ibidem: Posito ergo quod Christus dixisset, quod Deus resuscitaret Lazarum ad testificandum quod ipse Christus esset verus Deus, & constaret evidenter de resuscitatione Lazari facta à Deo, & quoque de veritate Christi praedicentis talem resuscitationem, non tamen propterea esset per

se notum quod Christus verum dixisset pro illo addito, scilicet quod resuscitatio fieret in testimoniū quod ipse Deus esset. Item §. 47. Sed quantumcunque concurrant talis invocatio, & miraculum, non est tamen propter hoc per se notum quod miraculum fiat ob talem invocationem. Et infra de pseudopropheta dicente Deum facturum, miraculum in confirmationem suæ doctrinæ, sic scribit: *Talis sic dicens, falsum dicit sed Deus faciens miraculum quod predicatur, non testificatur falsum: quia non facit miraculum propter id quod alius dicit quam vis simul concurrant; & sic non est per se notum quod miraculum fiat ad testificandum dictum cujuscunque hominis, etiam Christi, &c.*

Similiter quod miracula per se non efficiant infallibilem certitudinem de veritate doctrinæ, docent multi Scriptores Pontificii, idque absolute, & sine ulla limitatione. Bellarm. lib. de Notis Ecclesiæ, Cap. 14. §. Est autem, dicit., *Ecclesiam Orthodoxam non demonstrari ex miraculis quoad certitudinem rei, sed tantum quoad certitudinem credibilitatis, hoc est, nos non*

7.

posse ex miraculis certò, & infallibiliter scire hunc particularem hominum cœtum esse veram Ecclesiam, sed tantum quod credibile, seu valde probabile sit eum esse talem. Nam *certitudo credibilitatis*, prout contradistinguitur à *certitudine rei*, est qua ita certò scio hoc esse credibile, ut tamen non certò sciam id esse verum. Nec solum hoc dicit Bellarm. sed etiam id hac ratione confirmat: *Cujus rei ratio est, quia ante approbationem Ecclesia non est evidens, aut certum certitudine fidei de ullo miraculo, quod sit verum miraculum.*

8. Maldonatus in Cap. 7. Matth. v. 12. scribit Hieronymum, Chrysostomum, Euthymium, & Theophylactum, multis probare exemplis, etiam per homines infideles vera fieri miracula. Item ex illo Matthæi loco quem interpretatur, probari posse, falsos illos prophetas de quibus Christus loquitur vera miracula fecisse, verè prophetasse, verè Dæmonia ejecisse. Et addit, Nec magnum esset, si moneret nos, ne falsa facientibus miracula crederemus: magnum omnino, & admirabile quod moneat, ne falsis prophetis credamus vera etiam miracula facientibus: nec ex solis miraculis,



lis, sed etiam ex fructibus, id est, ex moribus ipsorum; veros falsosque prophetas discernamus. Postea hic Author questionem subjicit, *An ergo nullum ad probandam veram doctrinam argumentum ex miraculis sumi possit?* Cui respondet hoc modo: *Non sequitur omnino nullum, sed non necessarium sumi posse.* Et infra: *Probabile igitur fidei argumentum est, quod ex miraculis sumitur, quia per fidem sepe, sine fide raro fieri solent.*

Andradius Defens. Fid. Trid. lib. 2. pag. 239 9.  
expendens Augustini sententiã de miraculorũ usu in demonstranda vera Ecclesia, sic disserit *Augustinus contendit Ecclesia certa, atq; firma indicia è sacris literis petenda esse, quia ab omni sunt falsitatis suspitione libera. Nam cum miracula, stupendaque prodigia quæ sepe à viris sunt sanctissimis, Daemonum opera à perditis etiam, & facinorosis fieri posse dicat, & futurarum rerum prædictiones non modo piis, sed impiis quoque, & flagitiosis hominibus accidere aliquando soleant, FALSA profecto sunt hæc plerumq; INFIRMA etiam SEMPER, Ecclesia vera indicia.*

10. Ioannes Ferus, Lib. 3. Comment. in Mach. Cap. 24. v. 23. & 24. audacter affirmat, non doctrinam ex miraculis, sed contra miracula ex doctrina probari debere. *Habes (inquit) hic textum unde inter noscas inter vera & falsa miracula. Vera miracula sunt, si qui facit, verbo D E I contraria non docet: falsa autem, si contra verbum D E I iam dudum miraculis confirmatum docet. Non igitur doctrina ex miraculis, sed miracula ex doctrina probanda sunt.*

Gregorius de Valencia, Tomo 3. Disput. 1. quest. 1. Punct. 4. §. 3. Colum. 80. suam sententiam de miraculis, sic proponit: Nam quamvis ipsa per se miracula non efficiant certitudinem infallibilem de veritate doctrinae, & de Ecclesia legitima, sed contra potius Ecclesia vera, & legitima certos nos de veritate miraculorum faciat, ut Divus Augustinus lib. de unitate Eccles. Cap. 16 indicat, tamen prudenter homines moventur miraculis, & aliis argumentis, ad credendum certò verae doctrinae, ob revelationem divinam sicut supra exemplificavimus.

11. Quinta assertio: Certum tamen est, & faren-

tur

tur omnes miraculorum donum à D E O in Prophetas, & Apostolos ideo collatum fuisse, ut eorum divina missio, veritasque doctrinae ab iis prædicatz per miracula credibiles fierent; Nam, ut rectè monet Bellarm. Lib. 6. de Gratia & libero Arbitrio, Cap. 1. *non satis est ad hoc quod homines credere teneantur, si solum iis doctrina à D E O revelata proponatur, sed necesse est, ut accedat etiam aliquid quod eam doctrinam credibilem faciat. Sic enim Dominus Exodi 4. Cum mitteret Mosem ad prædicandum, dedit illi potestatem faciendi miracula, quibus fidem faceret prædicationem suam esse verè divinam. Hæc assertio exprimit verum & proprium finem doni miraculorum: miracula enim à Deo instituta sunt non ut iis nitatur infallibilis certitudo de veritate doctrinae ad quam confirmandam illa fiunt. Nam, ut faterur Bellarm. loco citato, miracula non possunt mentem omnino convincere: Sed ut illi qui non adhuc crediderunt, attentiores & dociliores reddantur, utque doctrinam sibi propositam non aspernentur, sed reverenter de ea sentiant, judicentque eam prudenter credi posse.*

Sexta assertio: Ad veram seu orthodoxam 13.  
Ecclesiam



Ecclesiam certo & infallibiliter demonstran-  
dam cum miraculis necessarò conjungenda  
est doctrinæ veritas: nam sic miracula, & ve-  
ritas doctrinæ se mutuò illustrabunt, & con-  
firmabunt Bellarm. Lib. de Notis Ecclesiæ,  
Cap. 14. *dicat ex miraculis Ecclesiam, & ex  
Ecclesia miracula demonstrari, sed diver-  
so genere demonstrationis.* Ego similiter  
asserō, *veram doctrinam per miracula, &  
miracula per veram doctrinam confirmari.*  
Nam miracula ab iis facta qui veram doctri-  
nam prædicant efficiunt, ut homines judicent  
doctrinam illam esse credibilem, id est, eam  
prudenter credi posse. At veritas doctrinæ  
lumine fidei cognita, & credita efficit ut cer-  
rò, & infallibiliter sciant miracula quæ ad  
doctrinam illam confirmandam eduntur ve-  
rè esse divina. Nam si doctrina in cujus con-  
firmationem miracula fiunt convenit cum ea  
quæ per Moysen, Prophetas, Christum, & A-  
postolos revelata est, tunc etiam miracula  
quibus ea confirmatur pro divinis sunt ha-  
benda. Miracula igitur, ut Bellarmini distin-  
ctionem supra allatam meæ sententiæ accom-  
modem, demonstrant veritatem doctrinæ  
tantum quoad *certitudinem credibilitatis.*  
At ex veritate doctrinæ demonstratur mira-  
culum quoad *certitudinem rei*, hoc est,  
cerrò

certò & infallibiliter probatur, id verè esse  
divinum,

Ex his patet miracula, si non habeant do- 14.  
ctrinæ veritatem conjunctam, non demon-  
strare certò et infallibiliter veram Ecclesiam.  
Sunt enim miracula doctrinæ sigilla, ac teste-  
ra. Quemadmodum igitur sigillum à literis  
avulsum nihil probat, ita quoque miracula  
sine doctrina nihil valent. Acque hinc est  
quod Christus ipse non ad sola miracula  
provocavit, sed ad Mosen et Prophetas ex  
quorum scriptis dogmata sua confirmavit.  
Differit hac de re egregiè Tertullianus Lib.  
3. adversus Marcionem in principio. *Non  
fuit, inquis, ordo ejusmodi necessarius, quia  
statim se & filium, & missum, & DEI  
CHRISTVM rebus ipsis esset probaturus  
per documenta virtutum. At ego negabo  
solam hanc illi speciem ad testimonium  
competisse, quam & ipse postmodum exau-  
toravit. Siquidem edicens multos venturos,  
& signa facturos, nec tamen ideo admitten-  
dos, temerariam signorum, & virtutum fi-  
dem ostendit, ut etiam apud Pseudo-Christos  
facillimam. Sic Apostoli dono miraculorum  
instructi ex Mosaicis, et Propheticis scriptis  
doctrinam suam domonstrabant, Actor. 26.*

v. 22. idque exemplo Christi, et ex eius præs-  
cripto. Vnde rectè scribit Theophylactus,  
in Cap. 9. Lucæ, v. 2. Christum mandasse  
Discipulis suis, ut eum miraculis conjunge-  
rent prædicationem veræ doctrinæ: *Dans  
autem (inquit) iis potestatem contra malos spi-  
ritus; non illo contentus fuit, sed iussit Evan-  
gelium prædicare. Docet enim ut is cui con-  
credita est doctrina, & prædicare, & miracu-  
la patrare debeat. Tunc enim prædicatio per  
miracula confirmatur, miracula autem per  
prædicationem. Multi enim sapenumero  
miracula per Dæmonas fecerunt, sed illorum  
prædicatio sana non fuit, quare neq. illorum  
miracula ex Deo fuerunt. Ecce Theophy-  
lactus apertè nobiscum asserit doctrinam ex  
miraculis, et vicissim miracula ex doctrina  
probari, et confirmari.*

15. Septima assertio: Cum miracula non sem-  
per ac perpetuò Ecclesiæ convenient (neque  
enim semper sunt necessaria, imò non semper  
sunt utilia, ut observant ipsi scriptores Pon-  
tificii viz. Stella in Cap. 11. Luc. Acosta Lib.  
2. de procuranda Iudorum salute, Cap. 9.  
Rossensis adversus Lutherum, de Capt. Ba-  
bylonica, Cap. 10. Cornel. Mussus in conc.  
Dominic. Pentecost. Abluensis Levitic. 9.  
quæst.



quæst. 14. Barradius Tomo 4. Com-  
ment. in Concor. Evangel. Lib. 9. Cap. 8.  
pag. 394. et Cap. 9. pag. 396. et alii) cumque  
veræ doctrinæ probatio per miracula multis  
modis nunc sit incerta, omnino necessarium  
est ut pro comperto habeamus quæ sit illa  
doctrina quæ tot miraculis olim comprobata  
fuit à Mose, Prophetis, Christos et Aposto-  
lis. Illi enim Ecclesiæ miraculorum gloria  
verissimè debetur, quæ proficitur doctrinam  
à Christo, Prophetis, et Apostolis Ecclesiæ  
traditam, et tot, tamque stupendis miraculis  
confirmatam : Nam, ut notat Barradius, loco  
proximè citato, *miracula quæ in Eccle-  
sia Primitiva facta sunt, omnibus etiam  
posteris facta sunt.* Dixi veræ doctrinæ pro-  
bationem per miracula nunc esse valde in-  
certam et dubiam, quia nulla extat divina  
promissio, quod miracula his postremis Ec-  
clesiæ temporibus à verè fidelibus facienda  
sint, sed contra prædictum est, Matth. 24.  
v. 24. *Pseudo-Christos, & Pseudo-prophetas  
facturos esse signa magna, & miracula.* Item  
*Antichristi adventum fore secundum ope-  
rationem Satanae in omni virtute, & signis,  
& prodigiis mendacibus.* 2. Thess. Cap. 2. v. 9.  
Vnde Gerson, in Tractatu contra Sectam se-  
flagellantium pulcherrimè notat, *quod mun-*

dus senescens patiatur phantasias falsorum  
 miraculorum, sicut homo senex phantasia-  
 tur in somno. Item, quod nunc miracula  
 sunt habenda valde suspecta, nisi facta prius  
 examinatione diligenti. Haftenus de  
 Quaestione prima.



## QVÆSTIO SECVNDÆ.

An fundamentū principale illius Fidei quæ  
 Sacra Scripturæ authoritas creditur, sit  
 Traditio aliqua divina non scripta, ab  
 Apostolis ad nostra tempora derivata.

I.



NON queritur hic an detur alla  
 talis Traditio, sed hoc posito, an  
 dato, quod detur talis Traditio  
 non scripta de Scripturæ au-  
 thoritate, queritur an fides  
 qua credimus Scripturæ auctori-  
 tatem, ea nitatur tanquam  
 principali suo fundamento. Affirmant Pontificii: ve-  
 gent Orthodoxi. Horum sententia ut intelligatur,  
 tenendum est nullum verbum D E I, sive scriptum,  
 sive non scriptum, esse idoneum fidei nostræ funda-  
 mentum

mentum, quamdiu de ejus auctoritate non constat  
certo, idque certitudine fidei. Necesse est igitur ut  
fide divina credamus illam Traditionem verè esse  
Divinam, priusquam propter illam Traditionem cre-  
damus Scripturam esse Dei verbum. Quamobrem  
merito quaerunt Orthodoxi, quo fundamento nitatur  
eorum fides qui credunt illam Traditionem non scri-  
ptam esse Divinam, quæ testatur Scripturam esse  
DEI ipsius verbum. Fides enim illius traditionis  
non scriptæ vel nititur illa ipsa traditione non scri-  
pta; vel traditione aliqua in sacro codice scripta; vel  
aliqua alia traditione non scripta; vel regulis illis,  
quibus traditiones veræ, ab adulterinis distinguuntur;  
vel denique præsentis Ecclesiæ testimonio. At nihil  
horum dici potest. Ergo, &c.

Primò, igitur fides quæ illius traditionis,  
Divina auctoritas, creditur, non nititur illa ipsa tra-  
ditione: idque quia Sacra Scriptura (ex Pontificio-  
rum sententia) non potest nos de Divina sua aucto-  
ritate, certos reddere: Ergo multo minus illa traditio  
non scripta hoc præstare poterit. Unde Valenr.  
Tom. 3. Disp. 1. Quæst. 1. Punct. 7. §. 12.  
de hac quæstione disserit. Sicut de auctoritate  
Scripturæ necesse est per aliquam aliam cer-  
tam auctoritatem constare: ita etiam de  
auctoritate traditionis. Non enim traditio  
loquitur clare, et perspicuè de sese, ut neque  
ipsa Scriptura.

Secundò, fides illius traditionis non scriptæ, 3.

non



non nititur traditione aliqua scripta, seu aliqua sententia in sacris literis proposita. Primò, quia Sacra Scriptura non potest satisfacere homini dubitanti, de auctoritate illius traditionis à cuius auctoritate, ipsius Scripturæ auctoritas pendet: quamdiu enim de illius traditionis non scriptæ auctoritate dubitamus, tamdiu ipsius Scripturæ auctoritatem (juxta Pontificiorum Doctrinam) dubiam et incertam esse necesse est. Ridiculus autem est, petere confirmationem alicujus doctrinæ ex Scriptura, donec prius de Scripturæ auctoritate constet. At de Scripturæ auctoritate constare non potest (si vera sit Pontificiorum doctrina) quamdiu de auctoritate hujus traditionis non constat: Ergo quamdiu de illius traditionis non scriptæ auctoritate dubitamus, nullum firmum, et validum argumentum ex Scriptura peti potest ad illam traditionem stabiliendam. Secundò, quoniam ex Scriptura demonstrari possit esse aliquas traditiones dogmaticas non-scriptas, ab Apostolis originem trahentes, et proinde divinæ auctoritatis (quod sacrum concedendum non est) nunquam tamen ex Scriptura demonstrari potest, traditionem illam particularem quæ est de librorum Canonice numero, deque ipsius Scripturæ auctoritate, esse verè Apostolicam, aut divinam: id quod quia Scriptura nusquam de illa particulari traditione loquitur: hoc est, nullibi offerit eam traditionem à Apostolis descendisse. Tertiò, Qui credit Scripturæ auctoritatem propter traditionem, et

*ſua Traditionis authoritatem propter Scripturam, ille ridicule admodum admittit Circularem progreſſum in ſtabilienda fide.*

*Tertiò, Fides illius traditionis non ſcriptæ non nititur alia aliqua traditione non ſcripta: quia ſi authoritas Scripturæ pendeat à traditione non ſcripta, & illius traditionis non ſcriptæ authoritas pendeat ab alia traditione non ſcripta; etiam illius alterius traditionis non ſcriptæ authoritas pendebit ab alia traditione non ſcripta, & illius rursus ab alia, & ſic dabitur proceſſus in infinitum.* 4.

*Quartò, Non nititur illis regulis quas Bellar. Lib. 5. 4. de Verbo. Cap. 9. & Valent. Tom. 3. Diſp. 1. quæſt. 1. Punct. 7. §. 44. Col. 268. adducunt ad diſtinguendas veras traditiones ab adulterinis: illa enim regulæ vel ſunt Divinæ, vel ſunt Humanæ: ſi Divinæ, eadem quæſtio de iſtarum regularum authoritate moveri poteſt; unde, videlicet, conſtet eas eſſe Divinas: ſi Humanæ, non ſunt idoneum fundamentum fidei Chriſtiane.*

*Quintò, non nititur, Eccleſiæ præſentis teſtimonio: quia ut ſuperiore quæſtione monui, Eccleſiæ teſtimonium non eſt idoneum fidei Divinæ fundamentum, ſaltem principale: & ipſi Pontifici fatentur fidem eam quæ Eccleſiæ teſtimonio nititur, non eſſe Divinam, ſed alterius inferioris ordinis. Ex his patet: Traditionis non ſcriptæ Divinam authoritatem non minus dubiam eſſe, & incertam quam eſt ipſius Scripturæ authoritas, & proinde eam non poſſe eſſe principale* 6.







RESPONDETUR negati- I.

ve I. quia DEVS nihil ordinariè per Spiritum suum, intus revelat, nisi quod prius extrinsecus in Verbo suo revelavit: Ergo Scripturae auctoritas quæ intus per Spiritum

revelatur, prius in ipsa Scriptura, aut per eam revelata est: Si autem prius in ipsa Scriptura, aut per ipsam revelata est: proculdubio dicendum est illam revelationem auctoritatis sacrae Scripturae quæ per ipsam Scripturam facta est, potius esse formale obiectum fidei nostræ de Scripturae auctoritate, quam illam revelationem quæ intus in corde fit. Nam formale obiectum fidei omnium Christianorum, seu formalis ratio propter quam omnes credunt, & in quam omnes fidem suam resolvunt, non debet esse quid privatum, aut internum, sed publicum, externum, omnibusque fidelibus obvium & expositum.

Secundò, Formale obiectum fidei est causa principalis, & quasi fons omnis certitudinis fidei. At internum hoc testimonium Spiritus (quod non est nova revelatio, sed revelationis prius factæ applicatio) non est tale: illud enim probare, & ad externam revelationem in Scriptura factam, examinare debemus. Ergo certitudo fidei pendet potius ab externa revelatione.

Tertiò formale obiectum fidei, creditur propter se. At interna motiones, & instinctus Spiritus sancti, 3.

non credantur propter se, sed propter conformitatem suam, cum Spiritu in Scripturis loquente. Tunc enim certò scimus hunc cordis nostri instinctum à Spiritu sancto proficisci, quando quidem convenit cum Spiritu in Scripturis loquente.

4. Denique, distinguendum est sedulò inter principalem causam effectivam assensus fidei, & causam principalem objectivam assensus fidei. Spiritus sanctus per internam illuminationem intellectus & efficacem motionem voluntatis humane, est principalis causa effectiva assensus fidei: at ipsum Verbum DEI insita sua luce, virtute, & maiestate Divinitatem suam nobis manifestans est principalis causa objectiva, seu est principale fundamentum assensus Fidei.



## QUÆSTIO QUARTA.

An ex sola Scriptura, aut per eam solam, perfecte scire valeamus librorum Canonorum Numerum, Authores, & Autoritatem?



AVTE hic utendum est, præpositionibus per & propter: nam præpositio per, importat usum mediocrum sine quibus, fides ordinarie non prodacitur: at præpositio propter importat principale fidei fundamentum. Hac observatione

premissa, ad quaestionem in titulo propositam assertio-  
nibus aliquos respondebo. Prima sit hac.

Scripturae Divinae auctoritas, creditur per Eccle- 1.  
siae praesentis testificationem, primitivae Ecclesiae tra-  
ditionem, & internam Spiritus Sancti operationem,  
non tamen propter aliquid horum: quia videlicet  
nihil horum est principale, fidei nostra funda-  
mentum.

Propter Scripturam solam, non tamen per eam 2.  
solam, credimus Scripturam esse DEI Verbum: idq;  
quia nemo juxta ordinarium credendi modum à DEO  
institutum, ex Scriptura sola, aut per eam solam,  
absq; Ecclesiae testificatione, certo scire aut credere po-  
test Scripturae Divinae auctoritatem.

Probatur hac assertio: Primo, quia hoc princi-  
pium, Deus dixit, seu hoc Dei Verbum est, non  
est simile communissimis principiis, quorum ve-  
ritas omnibus vel primo intuitu patet, sed potius est  
simile particularium scientiarum principiis,  
quorum cognitionem non nisi per praceptorum instru-  
ctionem assequimur. Secundo, pastorum Ecclesiae te-  
stimonium, est medium ordinarium à Deo institu-  
tum, ad fidem in cordibus nostris ingenerandam: nam  
ut docet Apost. Rom. 10. fides est ex auditu. Deus  
autem ordinariè non operatur nisi per media à seipso  
instituta. Ergo fides illa, qua Scripturae auctoritas  
creditur, absq; Ecclesiae testificatione non producitur  
ordinariè. Tertio, experientia docet neminem cre-  
dere Scripturam esse Dei Verbum, nisi qui Ecclesiae



vocem prius audiat & amplectatur.

3. Ipsa Scriptura, præeunte aut præsupposita Ecclesie testificatione, & Spiritus sancti illuminatione, interna sua luce, maiestate, virtute, sufficienter Divinitatem suam nobis manifestat: nosque de ea certos reddit: & proinde creditur esse Divina, non propter aliud, sed propter se.


4. Quædam sunt ad canonis cognitionem, aut potius ad illius cognitionis perfectionem pertinentia, quæ etiam præsupposita Ecclesie testificatione, nequaquam ex Scriptura colligi, aut per eam certificari possunt.

5. Qui enim fuerint singulorum librorum Canonice-  
rum authores; & an revera ab iis, quorum nomina in titulis præferunt, hi libri scripti fuerint; an omnes isti authores aliquid scripserint; aut an eorum scripta non interciderint, sed ad nos pervenerint, non ex Scriptura, sed ex sola Traditione constat.

6. Ex librorum titulis, & inscriptionibus, constare non potest, quinam singulorum librorum authores fuerint. Statim enim obrepit dubitatio de illorum titularum veritate: an videlicet, genuini & legitimi sint. Sic dubitant non solum Orthodoxi, sed etiam Pontificii (teste Melchiorre Cano, Lib. 2. de Locis, cap. 11. pag. 76.) de veritate tituli Epistolæ ad Hebræos. Sic titulum libri Sapientie falsitatis arguunt non solum Orthodoxi moderni, sed etiam antiqui patres, teste August. lib. 17. de Civit. Dei, cap. 20.

7. Quamvis (ut supra monui) verum sit, singulorum  
libros

libros Canonicos suam Divinitatem nobis manifestare, & proinde nos singulos libros percurrendo, facile integrum librorum canonicorum, qui nunc extant, numerum colligere posse, prae supposita videlicet Ecclesiae attestatione: tamen si queratur, an Ecclesia Catholica semper usa sit, eodem illo canone, quo nos utimur, an verò olim aut plures, aut pauciores libros pro canonicis habuerit. Item, an in hac Scriptura quana nos habemus extent omnes libri quos Apostoli, ut Canonicos Ecclesiae commendarunt, an vero partes aliquot illius Canonis qui tunc extabat perierint, tempore alicujus gravis persecutionis: si (inquam) hoc queratur quaestio hac, aliaeque similes de librorum Canonicorum numero, non ex Scriptura, sed ex sola Traditione dirimi poterint.



## QVÆSTIO QVINTA.

*An quia Quaestiones de Librorum Canon-  
nicorum Authoribus, & Numero ex  
Scriptura dirimi nequeunt, sacra Scri-  
ptura imperfectionis arguenda est?*



RESPONDETUR negativè. 1.

1. quia harum rerum cognitio non est simpliciter omnibus necessaria. Hæc sententia est Whittakeri, Controvers. 1. quæst. 6. cap. 9. Resp. ad arg. 5. & 6.

RR 7

eamque

eamque esse veram fatetur Melchior Canus, Lib. 2. de Locis, Cap. 11. Respons. ad Argum. 5. pag. 75. Deinde (inquit) libram esse bonam & illius Scriptoris, non admodum interest Catholicae fidei. Nec diffitetur Gretl. nam in defensione, Lib. 4. de Verbo, Cap. 4. Col. 1579. dicit, necessarium non esse ut omnes formaliter, & explicite sciant quinam sunt Libri Canonici, & Colum. 1583. fatetur, non esse necessarium ut Evangelium quod D. Marci, nomine circumfertur, & legitur, credamus revera esse D. Marci.

- [2. At (inquit Gretserus) quamvis harum rerum cognitio non sit omnibus necessaria est tamen necessaria nonnullis ut v. g. populi doctoribus, & institutoribus, & proinde si Scriptura nos de his certos reddere nequeat, proculdubio fatendum est, scripturam non esse plenum & perfectam fidei canonem. Resp. illarum rerum non Fidē, sed notitiā Historicā esse doctorib<sup>9</sup> Ecclesiae necessariā: cognosci enim debent haec a doctoribus & pastoribus: at vero ab iis credi nec debent, nec possunt: idē quia notitia quam de iis habemus non divina, sed humana est: non enim Dei, sed hominū auctoritate nititur, priscorū videlicet patrum, Doctorum, & Historicorum, qui suis scriptis, & monumentis harum rerum cognitionē, ad nos trāsmiserunt.
3. Illud autem consequens quod inde inferre conantur doctores Pontificii, de imperfectione S. Scripturae, quia videlicet hac suo ambitu non complectitur, planē ridiculum est. Scriptura enim quamvis sit perfectissima



regula fidei, non tamen complectitur ea omnia quae Doctores Ecclesiae scire debent, sed ea sola, quae credere debent fide Divina. Doctores Ecclesiae debent esse trium principalium linguarum, historiae Ecclesiasticae, & doctrinae veteris ac purioris Ecclesiae gnari ac periti: at nemo tam absurdus est ut dicere audeat Canonem fidei haec omnia complecti debere.

Haecenus fuit prima nostrae ratio. Secunda non minus valida est. Nullus enim Canon quantumvis perfectus nobis satisfacere potest in iis quaestionibus quas diximus ex Scriptura dirimi non posse. Quamvis enim Deus hoc nostro saeculo per aliquem infallibilem, & divinitus inspiratum Scriptorem, perfectissimum Canonem fidei nobis consignaret, ea omnia videlicet expresse & manifestè complectentem, quae Adversarii nostri in sacra Scriptura desiderant: nihilominus tamen, saeculis sequentibus, si quis ex posteris nostris quaerat, quomodo sciant hunc Canonem a tali Scriptore esse exaratum, quomodo item sciant se omnes illius Canonis partes apud se habere; certè illi non per ipsum Canonem scriptum, sed per traditionem non scriptam illis quaestionibus satisfacere poterant. Sic igitur, contra Pontificios concludimus.

Quod perfectissimus Canon prestare non potest, illud ad Canonis perfectionem non requiritur.

At perfectissimus Canon satisfacere nequit quaestionibus quae moventur de numero, & auctoribus partium ipsius.

Ergo hoc ad Canonis perfectionem non requiritur.

REP.

## REPLICATIO TURNEBULLI:

*Quam questioni quinta opposuit Cap. 9.  
à §. 3. ad finem.*

3.



**B**IIICIS 2. parte tuz Dis-  
put. quæst. 5. duo. Primum.  
Quamvis quæstiones de nu-  
mero, & auctoribus librorum  
Canonicorū dirimi nequeant  
ex Scriptura, sed ex Traditio-  
ne, non inde probatur Scrip-  
turam non esse plenum Cano-

nem rerum credendarum Fide divinā. Quia solutio  
talium quæstionum non ex D E I auctoritate ha-  
betur, sed hominum. Vnde non ad Fidem, sed ad  
notitiam historicam spectat præcognoscenda qui-  
dem à Doctoribus Ecclesiæ, non tamen credenda;  
nec enim Scriptura quamvis sit perfectissima regula  
Fidei, complectitur ea omnia, quæ Doctores Eccle-  
siæ scire debent, sed ea sola quæ credere debent.  
Alioqui trium principalium linguarum, historiz  
Ecclesiasticæ, doctrinæ veteris, & purioris Ecclesiæ  
debent esse gnari, & periti. At nemo absurdus tam  
est, ut dicere audeat Canonem Fidei hæc omnia  
complecti debere.

4.

Respondeo plures hac ratiuncula involvi errores,  
quibus sublati sponte sua evanescet. Primum,  
quod non distinguat divinam Traditionem, cuius  
auctor, & revelator est Deus, ab humana, cuius  
auctor est homo historicus, vel Ecclesia. Conten-  
dimus nos, pluribusque jam ostendimus necessita-

tem Traditionis divinæ, id est, verbi à Deo revelati, & in Ecclesia semper crediti, distincti à Scriptura, omnibusque Ecclesiæ decretis antiquioris, eademque proinde Fide credendi, qua creditur Scriptura.

Alter tuus error est, quo supponis Traditionem, qua Catalogus librorum Canonicorum, nominaque eorum, qui eos ex dictamine Spiritus sancti conscripserunt, nobis proponuntur, esse merè humanam, nec nisi fide historica, aut humana niti. Certè si totus hic Catalogus est ex dictamine Spiritus sancti datus Ecclesiæ, prima ejus Traditio non hominum; sed Dei auctoritate nititur. Esse autem totum ex dictamine Spiritus sancti certissimum est, Quia totum nihil est præter omnes, & singulas ejus partes. Omnes autem, singulæque partes sunt totidem Dei verba ex dictamine Spiritus sancti excepta. Quod de libris dictum est, idem dicendum de præcipuis scriptoribus communi Ecclesiæ semper consensu creditis, tanquam totidem Dei amanuensibus. Nec enim nisi divina Traditione nititur tam constans, & antiqua Fides. Dixi signanter (præcipuis scriptoribus communi Ecclesiæ consensu semper creditis) quia non negamus de auctoribus quarundam partium Scripturæ, salva fide ipsius textus sæpè dubitatum esse.

Tertius, nimisque absurdus tuus error est, quo supponis non alia necessitate requiri in Ecclesia notitiam Traditionum non scriptarum, quam requiratur peritia trium linguarum principalium, & Ecclesiasticæ historię, quasi ubique non divinæ, sed humanæ tantum fidei ratio habeatur. Certè neutra peritia, id est, nec trium linguarum, nec Ecclesiasticæ historię notitia connectitur cum veritatibus



bus divina fide creditis, tanquam conclusio necessario consequens, vel principium necessario presuppositum, & in iisdem implicitè inclusum, qualiter tamen connecti veritates plurium Traditionum non scriptarum, tanquam pariter implicitè, saltè revelatas discursus tam hujus cap, quam septimi omnino demonstrat, Vnde omnis in istis error est contra Fidem divinam, in illis autem non nisi contra Grammaticam, vel humanam historiam, v. g. Qui negaret quatuor Evangelia, esse eadem quoad verba, & sensum, ejusdemque auctoritatis cum autographis, quæ suis manibus quatuor Evangelistæ dictante Spiritu sancto exceperunt, erraret contra Fidem non tantum humanæ historiæ, sed etiam Traditionis divinæ in Ecclesia conservatæ. Nam veritas affirmans hanc identitatem, licet non sit scripta, quia tamen negari non potest, nisi pariter negetur certitudo Fidei divinæ debitæ transcriptis, quibus præsens utitur Ecclesia, ideo error contrarius hanc affirmationi est contra Fidem divinam. Dices, Non potest hæc Traditio esse auctoritatis divinæ, nisi Deus eam sit testatus. At non apparet ubi, vel quando est eam testatus.

6. Respondeo. Incepit Deus hoc testari, quando primum distavit Evangelistis quid scriberent, & Ecclesiam constituit custodem, & interpretem, hujus sui dictaminis; perrexit verò postea, pergitque quotidie idem testimonium absolvere, quando per Ecclesiam, tanquam per sponsam & interpretem nobis loquitur quam constituit tum custodem, tum judicem depositi apud eam thesauri. Pro qua re melius capienda, cogitandus est Deus post datum Ecclesiæ primum autographum, assistere deinde manifestè transcriptionibus aliis post alias per se

gula secula necessariis, totamque manuum humanarum, per quas fit ista traditio, catenam coelestis sua manu texere. Nec aliunde contrarius huic veritati error tibi obrepit, quam quod antea non agnoveris Ecclesiae definitionem, & declarationem in huiusmodi quaestionibus esse infallibile Dei verbum; Et qui Ecclesiam de his loquentem spernit, ipsius Dei auctoritatem spernere.

Altera tua obiectio est huiusmodi. *Quod perfectissimus Canon prestare non potest, illud ad Canonis perfectionem non requiritur. At perfectissimus Canon satisfacere nequit quaestionibus, quae moventur de numero, & auctoribus Scripturae. Quamvis enim Deus hoc nostro saeculo per aliquem infallibilem, & divinitus inspiratum scriptorem perfectissimum Canonem nobis consignaret ea omnia expresse complectentem, quae ad persarii nostri in sacra Scriptura desiderant, tamen saeculis consequentibus quis ex posteris nostris queras, quomodo sciant hunc Canonem à tali Scriptore esse exaratum, quomodo item sciant se omnes illius Canonis partes apud se habere? Certe illi non per ipsam Canonem scriptum, sed per traditionem non scriptam illis quaestionibus satisfacere poterunt.*

Verum & ad hanc objectionem obvia est responsio ex dictis praecedenti capite. Neganda enim est minor. Nec quod ad ejus probationem affertur, aliud probat quam nullum Canonem inani matum, qualis est omnis Scriptura, posse satisfacere quaestionibus deinceps de hac ipsa Scriptura movendis, sed necessarium esse alium Canonem vivum per modum iudicis. At vel hinc nos concludimus nullam scrip-

**Scripturam esse posse plenum, & ultimum Can-**  
**onem omnium credendorum.**

AUCORIS DUPLICAIO.

PUNCTVM PRIMVM.

**An** Traditio absoluta de Librorum  
 Canonorum numero sit verè divi-  
 na? Et an sit re distincta à sacra  
 Scriptura?



**C**APUT nonum tui libri, le-  
sita Turnebulle, pro divi-  
sitate rerum in eo tracta-  
rum, in duas partes dividi  
potest. Parte 1. quæ §. 1. &  
2. habetur, tractas quæstio-  
nem generalem de necessitate  
Traditionum non scriptarum, seu de im-  
perfectioe S. Scripturæ. Hanc meritò hic  
rejicio tanquam alienam, & minimè perti-  
nentem ad præsens institutum; idque partim  
ne liber hic in nimiam molem excrescat (re-  
quirit enim quæstio illa prolixam, & accu-  
ratam variarum rerum tractationem) partim  
quia ea pertinet ad controversias de Regula  
Fidei,



Fidei, & perfectione S. Scripturæ, de quibus plenum ac integrum tractatū adornare, & in lucem emittere, si Dominus voluerit, decrevi. Parte 2. quæ à §. 3. usque ad finem istius capituli extenditur, vellicas ea quæ à me dicta sunt Quæst. 5. ideoque istius quæstionis demonstrationem, & uberiores explicationem hinc subijciam.

Dixi §. 1. prædictæ quæstionis, Scripturæ 2. tam non esse ideo imperfectionis arguendam quod quæstiones omnes de librorum Canonum numero, & authoribus, ex ea dirimi nequeant; idque duabus rationibus confirmavi. Prior est, quia harum rerum cognitio intellige cognitionem fidei Divinæ) non est omnibus simpliciter necessaria, imò non est possibilis. Nam de his habere non possumus certitudinem fidei divinæ, sed tantum noticiam Historicam, quæ humana traditione, & authoritate nititur. Posterior est, quia nullus canon quantumvis perfectus nobis satisfacere potest in huiusmodi quæstionibus. Priore illa ratione tres errores involvi affirmamus. Primus est quod non distinguam Traditionem Divinam ab humana, & quod non agnoscam necessitatem Traditionis Divinæ non scriptæ. Secundus est quod supponam Traditiones de numero & authoribus librorum canonicorum esse merè humanas, nec nisi

fide

fide historica, aut humana niti. Tertius est quod supponam non alia necessitate requiri in Ecclesia noticiam Traditionum non scriptarum, quam requiritur peritia trium linguarum principalium, & Ecclesiasticæ Historiæ.

Primum errorem ridiculè admodum, & 3. ineptè mihi affingis. Nunquam enim negavi Traditionem divinam ab humana esse distinguendam: imò apertè hanc ab illa distinxì §. 2. quæstionis hujus, ubi docui traditiones de numero, & authoribus librorum Canonico-  
rum esse merè humanas. Qui enim dicit traditionem aliquam nō esse divinam, sed merè humanam, is traditiones divinas ab humanis manifestè distinguit. At (inquis) non agnoscis necessitatem Traditionis divinæ non scriptæ. Respondeo: Alia est ista quæstio, sed aliena à præsentì instituto. Nam neq; hic, neque in ulla alia meæ disputationis parte quæstionē illam tractavi, aut tractandam suscepì. Non enim generatim differui de Traditionibus divinis non scriptis, aut de earum necessitate, sed speciatim consideravi traditiones illas quibus numerus & authores librorum Canonico-  
rum nobis proponuntur: & ostendi nihil ex iis colligi posse contra doctrinam Ecclesiæ reformatæ de perfectione sacrae Scripturæ.


Quod ad secundum errorem attinet, ut tuam calumniam commodius obreram, & contundam, Primò de Traditione illa quæ est de librorum Canonicorum numero, & deinde de Traditionibus eis, quibus eorum nomina exprimuntur, qui libros sacros dictante Spiritu sancto conscripserunt, verba faciam.

Traditio de librorum Canonicorum numero duplex est. Vna *absoluta*, qua simpliciter, & absolutè proponitur numerus librorum Canonicorum qui nunc extant. Alia *relativa*, seu *comparativa*, qua numerus librorum Canonicorum qui nunc extant confertur cum numero librorum Canonicorum qui olim vel in Ecclesia Iudaica, vel in primitiva Ecclesia Christiana extiterunt, & qua declaratur tot libros Canonicos nunc extare, quot olim extiterunt, atque adeo nullos libros Canonicos intercidisse.

De priori Traditione dicimus primò eam esse verè divinã. Secundò eam nō esse Traditionem distinctam, quoad rem ipsam à Scriptura: quia viz. ex ipsa Scriptura, præeunte Ecclesiæ testificatione, habetur sufficiens cognitio, & certitudo fidei de veritate hujus Traditionis. Nam (ut monui Quæst. 4. Assert. 1.) Singuli libri Canonici divinitatem suam nobis manifestant: & proinde nos, singulos libros percurando, facile integrum librorum Canonicorum nunc



extantium numerum colligere possumus, *presupposita*, videlicet Ecclesie attestatione. Hinc patet frustra laborare ut probes divinam auctoritatem hujus Traditionis. Nam nos eam libenter admittimus, sed interim negamus hanc Traditionem esse Traditionem verè et propriè non scriptà, seu distinctam quoad rem ipsam a Scriptura. Dico *quoad rem ipsam*, quia hæc Traditio differt à Scriptura *quoad modum tradendi*: directè enim, & expressè proponit librorum Canonicorum numerum; quod de Scriptura dici non potest. Dicer aliquis: Tu supra, quæst. 2. §. 3. asseruisti hujus Traditionis divinam auctoritatem ex Scriptura probari non posse. Resp. me illuc locutum esse de Traditione hac quatenus ea ex Pontificiorum sententia est traditio non scripta, & à Scriptura re distincta, quo sensu verum est ejus divinam auctoritatem ex Scriptura probari non posse. Quamvis enim Adversarii ex Scriptura probare conentur, esse aliquas traditiones non scriptas verè divinas, nunquam tamen ex Scripturis probare conabuntur, hanc vel illam Traditionem non scriptam in specie esse verè divinam. Nam hoc repugnat naturæ Traditionis non scriptæ.



## PUNCTVM SECVNDVM.

*An Traditio Relativa, seu Comparativa  
de librorum Canoniorum numero sis  
Divina, & Catholica?*



E posteriori Traditione di- 1.  
cimus primò, eam non esse  
verè Divinam: Nam dog-  
ma istud de identitate, &  
covenientia Canonis nunc  
extantis *quoad numerum  
librorum*, cum Canone qui

in Ecclesia Iudaica, aut in Ecclesia primitiva  
Christiana extitit, non fuit olim à Deo per  
Prophetas & Apostolos revelatum, neque  
de eo extat aliqua revelatio recens facta,  
neque potest ejus veritas per necessariam &  
evidentem consequentiam colligi ex iis quæ  
in sacra Scriptura revelata sunt, ut omnes sa-  
tentur. Ergo non est Traditio verè divina,  
nec de eo haberi potest plena & absoluta fi-  
dei certitudo.

Præterea, nulla Ecclesiæ de hac re (argu- 2.  
mentum est *ad hominem*, ut loquuntur) ex-  
tat definitio, Ergo non est de fide. Vnde

Stapletonus Princip. Doctrinalium Lib. 9.  
 Cap. 14. & in Controversiarum Relectione  
 Controv. 5. quæst. 2. Artic. 4. dicit Eccle-  
 siam præsentem posse in Scripturarum Ca-  
 nonem aliquos libros referre qui nondum in  
 eum recepti sunt. Et in Defensione authori-  
 tatis Ecclesiasticæ, Lib. 2. Cap. 11. sect. 5.  
 hoc explicans sic scribit : *Negamus sacra*  
*Scriptura Canonem vel Apostolorum*  
*temporibus, vel postea in aliis Conciliis*  
*sic plenum, & integrum consignatum esse,*  
*ut novum aliquem librum Apostolorum*  
*tempore scriptum, & nunquam ab anti-*  
*quis Ecclesiis approbatum in Canonem re-*  
*ferre Ecclesia non potuerit.* Hic negat no-  
 merum librorum Canonicorum qui nunc  
 extant esse ab Ecclesia definitum. Ergo mul-  
 to minus putavit numerum omnium libro-  
 rum Canonicorum qui vel nunc extant, vel  
 aliquando in Ecclesia extiterunt plenè & suf-  
 ficienter ab Ecclesia definitum esse. Nam si  
 eorum numerus plenè & sufficienter ab Ec-  
 clesia definitus esset, non liceret eum novi li-  
 bri adjectione augere.

3. Secundò dicimus hanc Traditionem non  
 esse Catholicam, seu universaliter receptam:  
 nam de ea variz, & discrepantes sunt, tum  
 Patrum, tum recentiorum Theologorum  
 sententia



sententia, Chrysostomus Homilia 9. in Math. & Homil. 7. in priorem ad Corinthios dicit, *multa ex Propheticiis periisse monumentis*; seu multos libros Canonicos intercidiſſe. Hanc ejus ſententiam ſequuntur quidam ſcriptores Pontificii, videlicet Bellar. Lib. 4. de Verbo Dei, Cap. 4. Gretſerus in Deſenſione iſtius capitis, Col. 1565. & Becanus Lib. de Iudice Controv. §. 36. ubi enumerat novēdecim libros qui ſunt ex Canone amiſſi. Quidā etiam ex noſtris Theologis, ut Whitakerus Controv. 1. quæſt. 6. cap. 9. & in Duplicatione adverſus Stapler. Lib. 2. Cap. 1. §. 7. Contrariam ſententiam tenent Origenes in Præſatione in Cant. Canticorum, & Auguſtinus Lib. 18. de Civitate Dei, Cap. 38. quos ſequuntur Abulentiſ in Comment. in 1. Paralip. Cap. ultimo. quæſt. 30. Salmeron. Proleg. 9. Can. 4. Stapler. Princip. Doctrinalium, Lib. 9. Cap. 5. & in Deſenſ. authoritatis Eccleſiaſticæ, Lib. 2. Cap. 1. §. 7. Quidam etiam ex noſtris Theologis ut v. g. Iunius contra Bellarm. Lib. 4. de Verbo, Cap. 4. Nora 17. Polanus in Syntagmate, Lib. 1. Cap. 46. reſp. ad object. 1. Chamierus Tomo 1. Lib. 9. Cap. 5. Pag. 292. Gerardus in Exegeſi loci primi de Scriptura ſacra, Cap. 6. §. 110. Ioh. Camero Tomo 3. in Prælectionibus de Verbo Dei, Cap. 13. Rivetus in Iſagoge



confirmat Gregorius in Præfat. in expositionem libri Iob. Cap. 1. *Si (inquit) magni cujusdam viri susceptis Epistolis, legemus verba, eaque quo calamo fuissent scripta quereremus, ridiculum profecto esset, si non Epistolarum auctorem scire, sensumque cognoscere, sed quali calamo earum verba impressa fuerint, indagare studeremus. Cum ergo rem cognoscimus, ejus rei Spiritum sanctum auctorem tenemus, quia scriptorem querimus, quid aliud agimus nisi legentes literas de calamo perscrutamur.*

Ita etiam docent Gresserus, & Melchior Canus locis à me citatis, quæst. 5. quibus adde Tannerum in Examine Relationis Humanæ, Cap. 18. Pag. 184. sic scribentem. *Si ex sola Scriptura agnoscitur an & quænam Scriptura sit Canonica; ex Traditione verò tantum authores librorum Canonicorum cognoscuntur, cadet Traditionis Ecclesiastica in gravissimis ejusmodi controversiis, quæ de Scriptura oriri possunt, necessitas. Hac enim cognitione facile carere potest Ecclesia, Quis sit scriptor hujus vel illius libri Canonici?*

Secunda Assertio: Hæ Traditiones, magna 3.



ex parte, non sunt divinæ, nec à fidelibus ut  
tales acceptari possunt; idque quia plenam  
& firmam fidei certitudinem habere non  
possumus de earum veritate, & divinitate,  
seu divina authoritate. Pater hoc primò, quia,  
ut ipsi Pontificii docent, quamvis quidam  
Scripturæ libri eorum nomina præferant qui  
eos scripserunt tamen de titulorum veritate  
dubitari potest. Secundò, in multorum  
librorum titulis nomina scriptorum  
non exprimuntur. Tertio, nihil de li-  
brorum authoribus ab Ecclesia definitum est.  
Ergo secundum ipsorum Pontificiorum hy-  
pothesin non potest de iis haberi certitudo  
fidei divinæ. Quarto, communis sententia,  
aut consensus Theologorum & Pastorum Ec-  
clesiæ Romanæ de scriptore hujus aut illius  
libri Canonici, hic nobis satisfacere non po-  
test, quia non est infallibilis. Vnde Hiero-  
nymus in Epistola ad Dardanum communi  
sententiæ Ecclesiæ Romanæ præfert auctori-  
tatem veterum scriptorum idque in quæ-  
stione majoris momenti. *Quod si (inquit)*  
*Epistolam ad Hebræos Latinorum consue-*  
*tudo non recipit inter scripturas Canoni-*  
*cas, nec Græcorum Ecclesiæ Apocalypsin*  
*Ioannis eadem libertate suscipiunt: & ta-*  
*men nos utramque suscipimus, nequaquam*  
*hujus*

*huius temporis consuetudinem, sed veterum scriptorum auctoritatem sequentes.* Quinto, Ipsi Pontificii non consentiunt inter se de authoribus multorum librorum Canoniorum: nam, ut taceam veteris Testamenti libros, dubitant quidam etiam inter eos de authoribus quarundam Epistolarum, videlicet Epistolæ ad Hebræos, secundæ Epistolæ Petri, secundæ & tertiæ Iohannis. Item de authore Apocalypseos. Vide Melchiorem Canum Lib. 2. de Locis, Cap. 11. respons. ad argumentum 8. 9. 10. & 11.

At (inquis) non nisi divina fide nritur 4. tam constans & antiqua fides. Respondeo: fides divina non nritur nisi Traditione Divina. At fides humana, qualis est ea quam de plerisque librorum Canoniorum scriptoribus habemus, niti potest traditione humana, etiam quamvis constans & antiqua sit. Nam constante & antiqua fide novimus libros Platonis, Aristotelis, Ciceronis, esse ab istis authoribus conscriptos. Imò tam constans & certa est hæc humana fides, ut de istorum librorum authoribus dubitare dementis sit, utq; ridendus sit, non refellendus, qui de his quæstionem movet. Ita loquitur Augustinus contra Faustum Manichæum, Lib. 32. Cap. 21. & Lib. 33. Cap. 6. ubi etiam aperte docet

docet nos eodem modo *scire has literas esse Apostolorum*, quo Manichæi sciebant *heras Manichæi esse Manichæi*, videlicet, fide humana fundata in *temporum sibi met succedentium contestatione continua.*

XXXXXXXXXXXXXXXXXXXXXXXXXXXXXXXXXXXXXXXXXXXX

#### PUNCTVM QVARTVM.

*An Traditio de integritate, seu puritate, & perfectione Scriptura sit verè Divina? & an sit in numerum Traditionum non scriptarum ascribenda?*

I.



ERTIVM illum errorem, de quo loqueris §. s. pessima fide mihi attribuis. Primo enim, loco à te citato, non loquor universaliter de omnib<sup>9</sup> Traditionibus non scriptis, sed speciatim de Traditionibus illis quibus numerus, & auctores librorum Canoniconum nobis proponuntur. Secundo, non doceo quam necessaria sit harum Traditionum noticia, aut an magis vel minus necessaria sit quam peritia trium Linguarum principalium, Ecclesiasticæ Historiæ, & do-  
Arinz



strinx veteris Ecclesiæ, sed tantum generaliter, & absolute affirmo earum notitiam Historicam, non verò fidem divinam esse necessariam in Ecclesia: atque sic indico eas cum tribus prædictis exemplis in hoc convenire, quod tam de his, quam de illis, in Pastoribus Ecclesiæ requiratur notitia humana, seu naturalis, non vero fides divina.

At (inquis) *neutra peritia, id est, nec 2. trium linguarum, nec Ecclesiastica Historia notitia connectitur cum veritatibus fide divina creditis, tanquam conclusio necessario consequens, vel principium necessario præsuppositum, & in iisdem implicite inclusum, qualiter tamen connectuntur veritates plurium Traditionum non scriptarum cum dogmatibus divina fide creditis.* Hinc infero omnem in istis, id est, in Traditionibus non scriptis, errorem esse contra fidem divinam, in illis verò, id est, in linguis principalibus, & in Ecclesiastica Historia non nisi contra Grammaticam, vel humanam historiam. Idque illustras, ac confirmas hoc exemplo: *Qui negaret quatuor Evangelia quæ hodie extant, & leguntur in Ecclesia, esse eadem quod verba & sensum cum autographis quæ suis manib*

*manibus quatuor Evangelista, diſtante Spiritu ſancto exceperunt, erraret contra fidem divinam, &c.*

3. *Reſpondeo primò: Quod in antecedente argumēti tui aſſeris de cōnexionē plurium Traditionū cum veritatibus fide divina creditis, id nihil cōtra me facit. Nā Traditio cōparativa de numero librorū Canonicorū, & Traditiones de eorundem ſcriporibus, (de quibus ſolis ego diſſero loco citato) nequaquam ſic connectuntur cum veritatibus fidei: hoc eſt, neq; ſunt conſeſiones neceſſariò ex iis conſequentes, neque principia neceſſariò præſuppoſita, & in iisdem implicitè incluſa. Secundò conſequenter dico eos qui in his Traditionibus errant, non errare contra fidem divinam. Qui enim negant tot libros Canonicos nunc extare quot olim extiterunt, aut Epistolam ad Hebræos eſſe Pauli, aut ſecundam & tertiam Iohannis eſſe Iohannis Apoſtoli, illi multis gravibus & eruditis viris errare videntur: ac non videntur errare contra fidem divinam, nec ob id hæretici vocantur.*

4. *Quod ad exemplum illud in contrarium à te allatum attinet; Reſpondeo te hīc ea confundere quæ diſtinguenda ſunt. Primò enim aliud eſt negare hæc quatuor Evangelia, quæ nunc exant, eſſe ejuſdem authorita-*

tis cum autographis primò Ecclesiæ datis : aliud vero negare hæc quatuor Evangelia esse eadem quoad verba & sensum cum prædictis autographis, atque adeo ea nullam unquam mutationem passâ esse : Prius illud est error contra fidem Traditionis verè divinæ. Nam Traditio de divina authoritate Evangeliorum quæ hodie extant est verè divina, sed non est annumeranda Traditionibus non scriptis, ut patet ex his iis quæ dicta sunt puncto 1. §. 6. at posterius contingere potest absque ullo errore contra fidem ut patebit ex distinctione sequente.

Secundò aliud est negare Evangelia, quæ hodie extant, esse eadem quoad verba et sensum cum primis seu Apostolicis exemplaribus, in rebus ad fidem et mores pertinentibus, aliud vero negare ea esse eadem cum prædictis exemplaribus seu autographis, in aliis quæ minoris momenti sunt, et non pertinent ad substantiam doctrinæ. Hoc posterius fieri potest sine ullo errore in fide. Nam v. g. si quis diceret editionem originalem quatuor Evangeliorum esse quibusdam in locis viciatam et corruptam, additione, vel destructione vocum quarundam, aut forte etiam sententiarum, salva interim manente substantia doctrinæ, et Evangelicæ Historiæ veritate, is non erraret contra fidem, nec labefacta-



factaret divinam et Canonicam auctoritatem  
 istius editionis. Ipsi enim Pontificii non dis-  
 sentientur huiusmodi defectus et vitia obser-  
 vari posse in vulgata editione Latina quam  
 Concilium Tridentinum declaravit esse au-  
 thenticam. Unde Bellarm. Lib. 2. de verbo  
 Dei, Cap. 11. §. *Nam vulgata*, de vulgata  
 editione Latina sic scribit: *Nec ita tamen*  
*hanc editionē approbavit Ecclesia, ut asse-*  
*ruerit nullos in ea librariorum errores re-*  
*periri, sed certos nos reddere voluit, in iis*  
*præsertim, quæ ad fidem, & mores perti-*  
*nent nulla esse in hac versione interpre-*  
*tum errata.* Non negat igitur Bellarminus  
 librariorum errores, imo et interpretum er-  
 rata in iis quæ ad fidem et mores non perti-  
 nent, reperiri in vulgata editione Latina,  
 quam tamen, hoc non obstante, authenti-  
 cam et infallibilem esse docet. Idem etiam  
 sæpius affirmat Gretserus in Defensione Lib.  
 2. de Verbo Dei, Cap. 11. Colum. 560. 573.  
 et 574. Item Sixtus Senensis Lib. 8. Biblio-  
 thecæ, Andrædus in Defens. Concil. Triden-  
 tini, Lib. 4. Pag. 618. Vega et Marcellus  
 Papa 2. ab Andrædio illuc citati, Franc. Lo-  
 cas Brugensis, in Epistola Dedicatoria quam  
 præfixit libello 2. de variis lectionibus in  
 Latinis Bibliis, et alii multi de quibus vide

Gretsc

Gretserum Tractatu de novis translationibus, et Franciscum Lucam loco citato.

At prius illud manifestum errorem contra 6. fidem involvit. Quicumque enim dicit historiam Evangelicam esse in rebus ad fidem et mores pertinentibus corruptam et adulteratam, is errat contra fidem Traditionis vere divinæ de substantiali integritate, seu puritate, et perfectione sacri Canonis. Cujus veritatem (ne forte videatur vobis esse Traditio non scripta) ex ipsa Scriptura demonstrare possumus. Paret enim ea primò ex conspiratione et consensu omnium dogmatum in Scriptura propositorum, quæ sanè consistere nequit cum corruptione sacri contextus in rebus ad fidem et mores pertinentibus. Nam ubi falsa veris, et humana divinis admiscuntur, ibi manifesta apparet non tantum dissimilitudo, sed etiam discrepantia, et contrarietas dogmatum. Secundò, sacræ Scripturæ finis (quem Deus Scripturæ author sibi propositum habet) est ut nos credamus seu veram fidem amplectamur, et ut credentes vitam eternam habeamus in nomine Christi, Ioan. 20. 31. Item, ut perfectus sit homo Dei, ad omne opus bonum perfecte instructus, 2. Timoth. 3. 17, et ut habeamus à *Φαλεια* earum rerum de quibus.

*quibus instituimur*, à pastoribus Ecclesiæ, Luc. 1. 4. At Deus hunc finem non assequetur per Scripturam, si contingat eam aliquando corrumpi, aut viciari in rebus ad fidem & mores pertinentibus. Tertiò, Deus vult Scripturam esse nobis regulam fidei usq; ad diem iudicii. Ergo non patietur eam ita mutari, aut corrumpi ut fiat inepta ad regulandam & dirigendam fidem nostram. Probatur antecedens ex verbis Petri 2. Epist. Cap. 1. v. 19. *Habemus firmiorem sermonem Propheti- cum: cui rectè facitis quod attendatis, ve- lut lucernæ splendenti in obscuro loco, usquedum dies illucescat, & lucifer ex- oriatur in cordibus vestris, id est, usque ad diem iudicii, & fælicitatis æternæ,* ut interpretantur Augustinus, ac Prosper, & *major pars expositorum*, fatente Lo- rino in Comment. in 2. Petri Cap. 1. v. 19. pag. 660. Quartò, Ecclesia est extructa su- per fundamentum Prophetarum & Aposto- lorum. Ergo Deus non patietur libros Pro- phetarum & Apostolorum corrumpi ac de- pravari, alias fundamentum Ecclesiæ labefa- scaretur & convelleretur.

7. Gretserus in Defensione Cap. 12. Lib. 4. de Verbo, Col. 1840. ex perpetua conservatio- ne Ecclesiæ colligit perpetuam conservatio- nem



nem traditionū: *Omnia (inquit) illa scriptura loca quæ Ecclesia perpetuam conservationē pollicentur; pollicentur itidem traditionum non interruptā conservationē.* Et hanc suæ assertionis rationem reddit, *Ecclesia (inquit) subsistere non potest sine veritate doctrinæ; ad veritatem vero doctrinæ spectant quoque traditiones* : quasi diceret, ad veritatem doctrinæ spectant non solum Scripturæ, sed etiam Traditiones. Argumentum itaque Gretseri de Traditionibus divinis petikum à promissionibus, quæ in Scriptura extant de perpetua Ecclesiæ conservatione, non excludit, sed manifestè includit Scripturas sacras, & pariter probat eas perpetuò incorruptas servari. Vnde ut Gretseri verbis utar sic argumentor. *Ecclesia subsistere non potest, sine veritate doctrinæ; ad veritatem vero Doctrinæ imprimis spectant Scriptura sacra. Ergo necesse est eas incorruptas conservari* (intellige quoad substantiam doctrinæ) *si Ecclesia incorrupta conservanda est, et si implendum est illud, Et portæ inferi non prævalebunt adversus eam.*

## PUNCTUM QUINTUM.

*An possibile sit regulam aliquam inanimatam, qualis est Scriptura, esse perfectam, & sufficientem fidei regulam.*

I.



E Priori ratione à meproposita ad probandum, *Scripturam sacram non esse ideo imperfectionis arguendam, quia satisfacere nequit questionibus, quæ moventur de numero, & auctoribus partium ipsius, satis ad necessitudinem re dictum est. Nunc progredior ad posteriorem rationem, quam hoc syllogismo expressis. Quod perfectissimus Canon præstare non potest, illud ad Canonis perfectionem non requiritur. At perfectissimus Canon satisfacere nequit questionibus, quæ moventur de numero & auctoribus partium ipsius. Ergo hoc ad Canonis perfectionem non requiritur. Major hujus syllogismi per se clara & manifesta est: Minorem confirmavi §. 4. istius questionis de qua nunc agitur. Tu*

cam

eam negas; sed ejus confirmationem in tantum admittis, quantum sat est ad stabilendam assertionem nostram. *Neganda* (inquis) *est minor. Nec quod ad ejus probationem affertur aliud probat quam nullum Canonem inanimatum, qualis est omnis Scriptura, posse satisfacere questionibus deinceps de hac ipsa Scriptura movendis, sed necessarium esse alium Canonem vivum per modum Iudicis.*

Hic tria dicis, aut saltem innuis: Primò 2. medium hujus syllogismi à me propositi nihil probare contra vos; Secundò id contra nos demonstrare necessitatem regulæ animatæ; Tertiò nullam regulam inanimatam posse esse plenam, & sufficientem fidei regulam.

Ego contra dico, Primò hoc argumentum sufficienter contra vos probare Scripturam non esse ideo imperfectionis arguendam quia quæstiones de numero & auctoribus librorum Canonicorum ex ea dirimi nequeunt. Nullus enim Canon *inanimatus*, ut ipse fateris, hoc præstare potest. Ergo hoc non requiritur ad perfectionem Canonis *inanimati*, qualis est Scriptura; & per consequens argumenta vestra hinc allata ad demonstrandam Scripturæ imperfectionem, non sunt valida.



3. Secundò dico id non probare contra nos necessitatem regulæ animatæ. Nam quæstiones illæ de numero & authoribus librorum Canonorum, de quibus procedit argumentum, non sunt de rebus necessario credendis; imò non sunt de iis rebus quæ fide divina credi possunt: & proinde non necessario requiritur aliqua fidei regula, siue animata, siue inanimata, ad huiusmodi quæstiones determinandas. Possunt enim manere (sicut revera manent) indeterminatæ, sine ullo Ecclesiæ dispendio, aut detrimento.
4. Tertiò dico te falsò asserere nullam regulam inanimatam posse esse perfectam fidei regulam. Primò enim ratio qua nititur hæc tam audax assertio, videlicet ratio petita ab ineptitudine Canonis inanimati ad satisfaciendum quæstionibus quæ moventur de numero & authoribus partium ipsius, jam est confutata. Secundò eadem ratio multò verius, & efficacius probat regulam vestram animatam non esse perfectam. Ecclesia enim Romana non potest satisfacere quæstionibus quæ de ea moventur, ut patet ex Tract. 5. Cap. 22. §. 3. 4. 5. & 9. Tract. 7. Cap. 6. & Tract. 8. Cap. 4. Tertiò cum dicis nullam regulam inanimatam posse esse perfectam & sufficientem fidei divinæ regulam, contradicis Scholasticis, ut v. g. Thomæ parte 1. quæst. 1. Art. 8. & parte 3. quæst. 1.

Art. 3. Scoto quæst. 2. Prologi in libros Sententiarum, Cameracensi in 1. Sentent. quæst. 1. Liter. E E. Durando in præfat. in libros Sententiarum, Anton. Florent. Tom. 3. Tit. 18. Cap. 3. §. 3. & aliis, assentientibus Scripturam esse perfectam regulam credendorum.


Contradicis etiam Bellarm. Lib. 4. de Verbo Dei, Cap. 12. Becano Tract. de fide Cap. 7. §. 5. Coppensteinio in Epitome Controv. part. 1. quæst. 5. omnibusque aliis, qui docent ex Scriptura & Traditione non scripta constitui unam perfectam & totalem fidei regulam: Nam non solum Scriptura, sed etiam Traditio non scripta, hoc est, *doctrina quæ non est scripta à primo suo authore* (ita enim ipse definit Traditionem Cap. 4. §. 6.) ad regulas inanimatas spectat. Imò, quod minus ferendum est in homine Romano-Catholico, repugnat hæc tua assertio Decreto primo Sessionis 4. Concilii Tridentini ubi definitum est, *salutarem veritatem & morum disciplinam contineri in libris scriptis, & sine scripto Traditionibus, quæ ab Apostolis acceptæ sunt.* Quibus verbis aperte indicant Tridentini patres perfectam & totalem fidei regulam, constitui ex Scriptura & Traditionibus non scriptis. Eorū enim scopus illuc est assignare plenam et perfectam fidei regulam, ut omnes faterentur.

6. At ex tua sententia sequitur plenam et perfectam fidei regulam ex Scriptura & Traditionibus non scriptis non posse constitui. Primò enim neque ex Scriptura, neque ex Traditionibus non scriptis dirimi possunt quæstiones omnes quæ moventur de numero et auctoribus librorum Canonicorum; item de numero verarum Traditionum divinarum. Nam de huiusmodi rebus neque extat satis aperta revelatio in Scriptura, neq; habetur constans et perpetua Traditio ab Apostolis derivata. Verbi gratia non habetur constans et perpetua Traditio de auctore Epistolæ ad Hebræos, nec de numero librorum Canonicorum, qui olim in Ecclesia Iudaica, et in primitiva Ecclesia Christiana extabant. Similiter nihil certi, vel ex Patrum scriptis, vel ex Conciliorum Decretis, vel ex definitionibus præsentis Ecclesiæ de numero Traditionum non scriptarum colligi potest.

7. Secundo regula constans ex Scriptura et Traditionibus non scriptis est regula inanimata. Ergo, secundum te, non potest esse perfecta. Novi equidem te Cap. 4. tui libri §. 5. revocare Traditiones non scriptas ad regulam fidei animatam; Sed ridiculè et ineptè; Nā Traditiones nihil aliud sunt nisi dogmata fidei non scripta: seu, ut ipse loqueris, loco citato, *doctrina quæ non est scripta à primò*



*suo authore. At doctrina est quid inanimatum, ut cuius per se patet. Præterea Traditio ex vestra sententia est regula Ecclesie, saltem partialis. Ergo est quid distinctum ab Ecclesia.*



## QUESTIO SEXTA.

*An præeunte externa Ecclesia testificatione, & interna Spiritus sancti illuminatione, ipsa Scriptura, insita sua luce, virtute, & maiestate, divinam suam auctoritatem nobis sufficienter manifestet?*



**R**ESPONDENT Orthodoxi affirmativè, suamque sententiam probant luculenter validissimis argumentis ex Scriptura petitis: videlicet ex 19. Psal. vers. 7. 8. 9. 10. Psal. 119. versus 105. 119. et

140. Hebr. 4. 12. 1. ad Thess. 2. 13. 1. Cor. 2. 4. &c. Ego iis omisissis, quæ ab aliis tam fuisse tractata sunt, hanc nostram Assertionem ipsorum Adversariorum confessionibus confirmabo. Multi enim Ponti-

ficū Doctores fatentur ipsam Scripturam esse suae di-  
vinitatis testem sufficientem, praesupposita videlicet  
Ecclesiae testificatione: Bellarm. Lib. 1. de Verbo  
Dei, cap. 2. tribus argumentis ex ipsa Scriptura  
petitis probat, libris qui Canonici nominantur Verbum  
DEI contineri: videlicet, Primum ex veritate voti-  
cincorum. Secundò ex incredibili concordia tot vir-  
rum qui diversis locis, temporibus, occasionibus, lin-  
guis, sacra volumina conscripserunt. Tertio ex Pro-  
phetarum, & Apostolorum asseveratione, qui affir-  
mant sua scripta esse DEI ipsius Verbum.

2. MULHVSINVS, in Auctario primo  
speculi miseriarum DAVIDIS PARAE,  
& GRETSERVS, in Defensione, capitis  
secundi, libri primi de Verbo, colum. 37. apertè  
asserunt ex ipsis Scripturis, saltem apud ali-  
quos, fideles videlicet, probari posse eas Dei  
Verbum continere. Staplet. apud Whitt. lib.  
1. de authorit. Scripturae Cap. 9. §. 8. dicit Sa-  
cram Scripturam seipsam, fidelibus probare,  
et commendare. Et Lib. 2. cap. 5. §. 8. mani-  
feste agnoscit illa interna criteria, & divinitatis in-  
dicia, ex quibus nostri Theologi sacra Scriptura  
Canonicam auctoritatem colligere solent: videlicet,  
phrasin Propheticam et Apostolicam, rerum  
divinarum et gravissimarum tractationem,  
scribendi gravitatem, sermonis castitatem.
3. Gretserus in tractatu de agnoscendis Scri-  
pturis Canonicis, Cap. 4. colum. 1826. non se-

Idem illa criteria, seu divinitatis certissima indicia  
in Scripturis agnoscit, sed etiam iis maximam effi-  
caciā, & inflammatoriā virtutē ad persuasione  
de Divina Scripturae auctoritate, in animis vestris  
continuandā, & intendendā tribuit. Vale  
quidem nos primò Scripturis ut Divinis assentiri pro-  
pter Ecclesiae testimonium: postea tamen hunc assen-  
sum continuari & intendi, hoc est, magis, ac  
firmius, nos credere Scripturis, propter insitas illas  
Divinitatis notas affirmat.

Denique, Gregorius de Valentis, Tom. 3.  
Disp. 1. quest. 1. Punct. 4. colum. 80. de do-  
ctrina Christiana in sacro codice scripta sic loquitur:  
Etsi enim est scripta verbis simplicibus, et  
caret fere artificio orationis, et ornamentis:  
nihilominus ita vehementer lectoris men-  
tem commovet, ut alia nulla doctrina, quod  
argumento est, illius auctoritatem omnino  
divinam esse, non humanam: hæc enim sine  
verborum arte, et orationis quasi lenociniis  
ad efficiendum animorum motum non va-  
let.

## QUÆSTIO SEPTIMA.

An sacra Scriptura credatur esse Divi-  
na & Canonica propter se.

Resp.



1.



RESPONDETUR

affirmative 1. enim scriptura in doctrina religionis principii locum habet, ut fatetur Stapler. Lib. 3. de authorit. Script. Cap. 16. §. 1. & 3. Ergo creditur propter se. Respondet Stapler. ibidem: Quomodo scilicet principia propter tarditatem nostram demonstrantur à posteriori, & primò à nobis creduntur propter auctoritatem professorum, & magistrorum qui scientia docent; sic Scripturae per Ecclesiam, cuiusq; testimonium à posteriori demonstrantur, ut à nobis videlicet acceptentur, & ut divina suscipiantur. Hæc responsio non satisfacit: quavis enim scientiarum principia primò suscipiantur, & vera esse credantur propter auctoritatem docentium, & argumenta à posteriori, postea tamen illi assentimur, non propter aliquod externum medium, sed propter seipsa: quia, videlicet luce clara sunt. Pariègitur ratione, quamvis hoc primarium Theologiæ principium, scilicet Scriptura et Dei verbum, primò credatur propter auctoritatem docentium, hoc est, pastorum Ecclesiæ, postea tamen sancto Spiritu mentes nostras illustrante, ut illius principii indemonstrabilem veritatem percipiamus, isti principio non propter aliud, sed propter se assentimur.

2.

Et certè si huic propositioni, S. Scriptura et Dei Verbum, semper propter aliud, & nunquam propter

propter se, assentiremur, illa plane indigna esset  
 quæ principium vocetur. Nam principium, desinente  
 Aristotele. 1. Top. Cap. 1. est quod non ab  
 alio, sed à seipso fidem habet. Veligitur tan-  
 dem huic propositioni propter se, assentendum est, vel  
 dicendum est eam veram & propriam non esse principium.  
 Staplet. loco jam citato hoc percipiens aperte asserit,  
 Scripturam ita esse in religione principium,  
 ut tamen vox Ecclesiæ prior sit. Hujus assertio-  
 nis duplex esse potest sensus: cum enim dicit Eccle-  
 siæ vocem esse priorem, vel intelligit Ecclesiæ  
 vocem, et justificationem esse medium solummodo a  
 D E O institutum ad fidem eam producendam, quæ  
 Scripturae auctoritas creditur, & sic ejus assertio vera  
 est: nihilq; derogat dignitati, aut inde monstrabilitati  
 hujus principii, Scriptura est D E I Verbum.  
 Professorum enim, seu Magistrorum instructio præ-  
 cedit assensum quem Discipuli scientiarum principiis  
 habent; estque medium ordinarium, ad illam assen-  
 tum producendum, institutum: at nihilominus illa  
 principia veram & propriam dicuntur principia, quia vi-  
 delicet, tandem iis propter se assentiuntur Discipuli.  
 Vel intelligit Ecclesiæ testimonium esse primum, &  
 principale fundamentum assensus nostri, quem  
 habemus huic principio, Scriptura est D E I Ver-  
 bum, seu ut planius dicam, esse formalem ratio-  
 nem propter quam huic principio assentimur: Et sic  
 hæc assertio falsissima est; ut patet tum ex argu-  
 mentis contra hanc sententiam quæst. 1. allatis, tum  
 ex

ex adversariorum confessionibus ibidem propositis, et citatis.

3. *Secundò revelatio Divina creditur propter se, ut fatentur ipsi Adversarii; videlicet Valentianus Tom. 3. Disp. 1. quæst. 1. punct. 1. §. 10. et Becanus in Summa Theologiae, parte secunda, Tom. post. Tract. 1. Cap. 1. quæst. 2. §. 7. et Cap. 8. quæst. 8. §. 8. aliique omnes, qui dicunt revelationem Divinam esse formale fidei objectum, nam formale objectum fidei non propter aliud, sed propter se creditur. Ergo etiam revelatio scripta, seu revelatio in Scriptura facta creditur propter se.*

4. *Tertiò revelatio Divina revelat seipsam, hoc est, divinam suam auctoritatem nobis manifestat. Vnde Valent. loco jam citato, §. 5. colum. 28. dicit Eodem præbere assensum revelationi ut revelatur, non per aliam revelationem, sed per seipsam. Ergo etiam revelatio in Scriptura facta, seu divina sacris literis comprehensa, seipsam revelat.*

5. *Quartò, fatentur Pontificii in revelatione Divina quiescendum, et non ulterius progrediendum esse. Vnde de Becan. Iesuitam loco jam citato, et in Opusculo de circulo Calvinistico, §. 25. At in revelatione divina sive scripta, sive non scripta, fides nostra quiescere non potest, nisi illa revelatio nos de divina sua auctoritate certos reddat. Si enim certitudo nostra de divina auctoritate aliunde petenda est, fides nostra in illa ipsa revelatione tanquam in ultimo resolutionis termino, sistere, aut quiescere non poterit; sed necessario*



alta externa media progreditur, ex quibus plenam certitudinem de illius revelationis divina auctoritate habere potest.

Quinto autem admittendus est processus in infinitum in revelationibus divinis, aut tandem deveniendum est ad revelationem aliquam quæ propter se creditur nosq; de divina sua auctoritate certos reddit. Ratio manifesta est: quia fides nostra sola D E I revelatione, seu D E I solius testimonio nititur: Fides igitur quæ credimus hanc revelationem esse divinam nititur aliqua revelatione divina, seu aliquo Dei testimonio, & proinde vel nititur hac ipsa revelatione vel aliqua alia. Si nititur hac ipsa revelatione habemus id quod volumus: nam sic hæc revelatio nos de divina sua auctoritate, certos reddet. Si aliqua alia, eadem quaestio de illa altera revelatione movebitur; unde videlicet constet eam esse divinam. Si ex ea ipsa revelatione hoc constet, habemus rursus id quod volumus: videlicet revelationem divinam nos de divina sua auctoritate certos reddere. Si ex aliqua alia revelatione hoc constet eadem quaestio recurret de illa revelatione, unde videlicet constet eam esse divinam? & sic autem habetur progressus in infinitum, aut deveniendum est tandem ad aliquam revelationem quæ propter se creditur, quæque de divina sua auctoritate nos certos reddit. Si autem nulla revelatio est talis, voculando ea est revelatio scripta: seu S. Scriptura: in ea enim sunt maxime illustrata, & clara divinitatis indicia: ideoq; si ea nos de divina sua auctoritate cer-

pos reddere nequeat, multo minus hoc expectandum erit, ab aliqua revelatione non scripta seu traditione.

6 Sexto, Pontificii profitentur se credere Scripturam divinam auctoritatem, non propter Ecclesiae testimonium, sed propter revelationem divinam, ut supra sub finem quaestionis primae ex Becan. & Valent. observavi. Querimus igitur ubi inveniatur revelatio ista propter quam credere debemus, Scripturam esse Dei Verbum? Si dixerint eam inveniri in Scriptura, habemus quod volumus: videlicet, Scripturam nos de divina sua auctoritate certos reddere. Si dixerint eam esse revelationem, aut traditionem non scriptam, statim quaeremus unde constet eam revelationem non scriptam esse divinam? Denique si dixerint eam revelationem neque verbo scripto, neque traditione contineri, sed esse internam, & arcanam revelationem, immediatam in singulorum fidelium cordibus a sancto Spiritu factam, si inquam hoc dixerint, merito ab omnibus piis, & prudentibus viris, cum Anabaptistis, Swencfeldianis, & Libertinis explodentur.

7 Septimo, hujus sententiae veritas, patet ex aliarum refutatione, fides enim qua Scripturae auctoritas creditur, neque nititur Ecclesiae testimonio, neque Traditione non scripta, neque interno sancti Spiritus testimonio, ut fundamento seu principali, aut formali ratione assentiendi, ut jam probatum est. Ergo nititur ipsa sacra Scriptura, & in eternis ejus criteriis.

REPLICATIO TURNEBVLLII.

Quam quæstioni 7. opposuit,

Cap. 10. sui Libri.

PVNCTVM PRIMUM.

*Scripturam non credi propter se, sed propter  
increatam inspiratoris auctoritatem.*



**Q**UOMODO non vereris, Cap  
10.  
§. i.  
Minister Baro, ne quis te sus-  
piceretur factum Idololatriam,  
quando prima parte tuz Dis-  
put. Sect. 5. §. 5. & iterum se-  
cunda parte quæst. 7. conten-  
dis Scripturam non propter a-  
liud, sed propter seipsam credi?

Quia nec major, nec planior idololatria fingi po-  
test, quàm qua honor uni Deo debitus, tribuitur  
creaturæ, præsertim inanimatæ, ut si quis diceret  
creaturam aliquam in ratione ultimi finis, & sum-  
mi boni esse propter se diligendam. Tu autem ci-  
tatis locis quiddam simile pronuncias, quando quod  
Deo spectato in ratione primæ veritatis est pro-  
prium, tribuis inanimatæ Scripturæ. Loqueris ergo  
tanquam idololatra. Major notior est ex terminis,  
quàm ut negari possit. Probatum minor, quia esse  
formale objectum, quod à virtute Theologica  
propter



propter se, & non propter aliud attingitur, & propter quod attinguntur cætera objecta materialia ejusdem virtutis, est proprium solius Dei. Fides autem, de qua disputas, est virtus Theologica. Solus ergo Deus in ratione primæ veritatis est, qui propter se creditur, & propter quem creduntur cætera revelata.

2. Quomodo suspicionem ejusdem in te superstitionis non auges, quando quæst. ibidem 8. Ipsa, inquis, *Scriptura interna sua luce, virtute, & maiestate divinitatem suam manifestans est principale fundamentum illius Fidei, quæ sacra Scriptura divinis auctoritas creditur?*

Dic quid nomine internæ lucis, quam hic Scripturæ tribuis ad excludendam necessitatem externi objecti formalis intelligis?

Visne dicere Scripturam seipsa ita ubique manifestam esse, ut nullibi sit obscura, & de numero non apparentium? At sic te condemnat uterque Apostolus Hebr. 11. & 2. Petri 3. Dic iterum quid nomine divinitatis ibidem significes? Num aliquid cum interna illa luce conjunctum pariterque Scripturæ internum? At quomodo sic Scriptura non sit vobis numen non apparet? Num increatam perfectionem inspiratoris, quam vocamus primam in testando veritatem? At sic manifestum est Scripturam non credi propter seipsam, & internam ei lucem, sed propter externam, æternamque inspiratoris auctoritatem. Fortè nescis quid dicis, vel de quo affirmas, uti de sui temporis novatoribus dixit Apostolus. Tribuat tibi Deus intellectum primi principii, primæque in testando veritatis, in quam tanquam in formale objectum, nisi fatearis retexi Fidem, quæ

quæ Scripturis debetur, vellis, nolis, censeberis Idolatra.

Objicis multa, quæ tamen reipsa non sunt plura duobus, si tautologis liberentur. Primum. Dicunt Pontificii Scripturæ auctoritatem credi debere propter revelationem divinam. At tamen nec docent, nos docere possunt, ubi eam inveniat illa divina revelatio? Vel enim est ipsa Scriptura, vel est Traditio aliqua divina non scripta. Si est Scriptura, habemus inquis, quod volumus, &c. Si est Traditio non scripta, eadem quaestio movebitur de illa Traditione, Unde videlicet constet eam esse divinam? Illa enim Traditio non potest esse idoneum Fidei meæ fundamentum, nisi firma & certa Fide credam eam esse Dei ipsius verbum. At unde hoc sciam? non ex illa Traditione: quia sacra Scriptura (at docent Pontificii) nos de divina sua auctoritate certos reddere nequit. Ergo pari ratione hæc Traditio non scripta non potest nos de divina sua auctoritate certos reddere.

Hujus argumenti laqueos jactitas esse nobis inexplicabiles, usque constrictum & coactum Gregor. à Valentia concessisse, quod vos contenditis. At ego contendo, &c.

Vide cætera Tract. 4. hujus operis pag. 149. 150. & 151. Vide etiam ibidem pag. 169. & sequentibus partem illam nostræ Duplicationis, in qua argumentum supra propositum ab adversarii cavillis vindicatur.

PVNCTM SECVNDVM.

*Scripturam ita esse principium in doctrina Religionis, ut tamen credatur propter aliud.*

6.



**A** L T E R A tua Obiectio.  
Scriptura in doctrina Religio-  
nis habet locum principii. Er-  
go propter se creditur esse Dei  
verbum. Consequentiam pro-  
bas à paritate rationis in  
principiis Scientiarum, qua-  
licet primo addiscantur ex auctoritate docentum, vel  
argumentis a posteriori, postea tamen iis assentimur,  
non propter aliud externum medium, sed propter se  
ipsa: quia videlicet sua luce clara sunt. Pari ratio-  
ne quamvis hoc Theologiae principium. Scriptura est  
Dei verbum, primò creditur propter auctoritatem Pa-  
storum Ecclesiae, postea tamen Spiritu sancto mentes  
nostras illustrante, ut illius principii indemonstrabi-  
lem veritatem percipiamus, tunc isti principio non  
propter aliud, sed propter se assentimur. Secundò ab  
incommodo, quia alioquin indigna esset Scriptura qua  
vocetur principium desiniente Aristotele 1. Topic. cap.  
1. principium esse, quod non aliunde, sed à seipso si-  
dem habet.



7.

Respondes, nec vlare consequentiam, nec vel vera, vel à contradictione libera esse, quæ in ejus probationem assumuntur. Infirmitas consequentie patet in quavis alia regula credendi, quæ simul cum credi potest ob Dei testantis auctoritatem, tum esse principium credendi aliud, inde Theologica demonstratione deductum. Nam Theologica demonstratio licet immediate non gignat actum fidei, ostendit tamen conclusionem, quæ credi potest & debet eadem Fide, & propter eandem auctoritatem, propter quam creditum est illud principium. Cæterum quàm fallaci comparatione nitantur, quæ ad probandam hanc consequentiam à te proferuntur, vel inde patet quod comparationem instituas inter principia penitus heterogenea. Quorum diversitas vel teste Philosopho 7. Physic. solet sua æquivocatione fallere imperitos. Quàm enim distat divina Fides ab humana scientia, tam utriusque principia distant ab invicem in ratione, modoque dandi originem suis actibus.

8.

Sed speciatim prior tua probatio trifariam refellitur. Primo. Quia vel est sermo de primis & indemonstrabilibus principiis scientiarum simplicium nulli superiori subalternatarum, sed sibi alias subalternantium? At hoc sensu neganda est paritas rationis. Nam talium principiorum philosophicorum non est scientia, sed intelligentia, ut patet 6. Ethic. Scriptura verò creditur esse Dei verbum per eandem Fidem, per quam creditur res per Scripturam revelata. Vel extenditur tuus sermo ad principia quarumvis scientiarum etiam superioribus subalternatarum? At hic sensus nihil confert ad consequentiam probandam, sed potius obstat. Nam sicut principia scientiarum inferiorum sunt

conclusiones à superioribus demonstratz, ita quævis regula Fidei potest tum uno actu credi propter Dei testantis auctoritatem tanquam conclusio, tum esse principium exemplare credendi alio actu veritatem inde consequentem.

9. Præterea primorum principiorum philosophicorum termini sunt ex natura sua connexi. Vnde ut ab intellectu connectantur, non indigent nisi debita singulorum apprehensione definitiva. At hoc principium Fidei *Scriptura est verbum Dei*, non est notum ex terminis, nisi subintelligatur divinitus inspirata. In particulari autem discretio Scripturæ divinitus inspiratæ à non inspirata, non habetur ex apprehensione terminorum, sed aliunde. Nam indiget ope alterius regulæ non scriptæ, ut contra omnes Sectarios probatum est.

10. Denique apertè tibi contradicis, quando contendis principium hoc de quo est quæstio, quando creditur Fide humana propter auctoritatem Pastorum Ecclesiæ credi propter medium externum, quando verò creditur Fide divina non credi propter aliud, sed propter seipsum. Certè non potest credi Fide divina, nisi propter Dei testantis auctoritatem, sicut nec fide humana nisi propter humanam auctoritatem. At non minùs increata Dei auctoritas est externum medium, quàm humana rebus ab utroq; teste distinctis. Scripturam verò tam à Deo, quàm ab Ecclesia distingui manifestum est.

11. Altera probatio non minùs clarè claudicat. Nam ut tuam in te comparisonem retorqueam. Sicut conclusio scientiæ subalternantis non est indigna vocari principium scientiæ subalternatæ, licet non ex se, vel ex terminorum, sed per medium scientiale,

nec fortè sine disciplina magistrorum innotuerit; ita nec Scriptura censeri debet indigna nomine principii, quamvis non propter se, sed propter inspirantis auctoritatem aliunde revelatam, aliaque regula propositam credatur. Philosophus verò i. Topic. non loquitur de quibusvis principiiis, sed de omnium tantum primis, ut ibidem patet. Scripturam autem non esse primum principium credendi satis ante ostendimus.



## AUTHORIS DUPLICATIO.

### PUNCVM PRIMVM.

*Demonstratur Adversariorum imprudentia in agitando adversus nos hac quaestione de ratione credendi Scripturae auctoritatem. Et primum quia argumenta quibus contra nos hic utuntur, non tantum contra nos, sed etiam contra totam Christi Ecclesiam militant.*



### DVERSARIORVM I.

imprudencia in agitando hac quaestione, Vnde scis Scripturam esse DEI Verbum? ex eo patet quod tres scopos, seu fines in hac

Disputatione libi propositos habeant, quos  
VV ; neuti.



neutrquam assequuntur. Primus est probare Scripturam non esse perfectam & principalem fidei regulam, idque quia non potest satisfacere iis, qui dubitant de ejus authoritate, & proinde oportet eam ab alia regula superiori authoritatem suam emendicare. Secundus est ostendere fidem Evangelicorum, quam habent de primo Christianæ religionis principio, unde exterorum omnium dogmatum firmitas pender, id est, de Scripturæ authoritate, esse omnino incertam & instabilem: idque quia contemnunt præcipuum medium agnoscendæ Scripturæ Canonice, videlicet testimonium Ecclesiæ Romanæ. Tertius est demonstrare necessitatem regulæ animatæ, quod videlicet necessario agnoscenda sit judiciaria & infallibilis authoritas Ecclesiæ, quæ tanquam regula animata, in hac, & in omnibus aliis fidei controversiis consulenda est.

2. Quod ad primum eorum scopum attinet, manifestum est eos spe sua frustrari. Primo enim (ut patet ex iis quæ dicta sunt, quæst. 7. & infra magis patebit) fides quæ credimus hanc revelationem esse verè divinam, seu hoc verbum esse Dei verbum, non nititur alia revelatione, sed hac ipsa. Ergo fides quæ credimus verbum scriptum, seu sacram Scripturam esse verè Dei verbum, nititur ipsa  
 Scrip;

Scriptura : & per consequens Scriptura aliquid in se habet, quod nos de ejus divina autoritate certos reddere possit.

Secundò, si ad agnoscendâ Scripturæ autoritatē, quando ea in dubium vocatur, opus est alia regula infallibili, viz. Ecclesia, tunc etiam ad agnoscendam Ecclesiæ autoritatem, quando ea in dubium vocatur, opus erit alia regula : & sic aut dabitur processus in infinitum, aut inter ipsas fidei regulas cōmittetur vitiosus circulus, probando hanc regulam per illam, & illam rursus per hanc. Ratio propositionis est, Primò quia quemadmodū Scripturæ, ita etiam Ecclesiæ Catholice (& multò magis Ecclesiæ Romanæ, aut Romani Pontificis) autoritas in dubium vocari potest. Secundò Ecclesia per se, & seclusis aliis fidei regulis, non magis, imò minùs quam Scriptura, satisfacere potest illis qui de ejus autoritate dubitant, ut probatum est Tract. 5. hujus operis, Cap. 22. & Tract. 7. Cap. 6.

Ex his patet argumenta vestra quibus contra nos hîc pugnatis, non tantum contra nos, sed etiam contra vos ipsos, imò contra totam Christi Ecclesiam militare. Probant enim nullam dari perfectam, & principalem fidei regulam, in qua fides sistere, & acquiescere possit : quia nimirum nulla fidei regula potest

[si Scriptura non potest] nos de divina sua  
 authoritate certos reddere. Satius igitur esset  
 Scripturæ divinam & Canonicam authorita-  
 tem, tanquam primum fidei principium sup-  
 ponere, & abstinere spinosis illis quæstioni-  
 bus de ratione & modo credendi Scripturæ  
 authoritatem, quæ molestos & periculosos,  
 imò perniciosos, & ad ipsum atheismum  
 viam aperientes scrupulos Christianorum a-  
 nimis injiciunt. Et certè cum alicujus regulæ  
 authoritas necessario in S. S. Theologia sup-  
 ponenda sit, tanquam primum totius fidei  
 principium, æquum est ut *hunc honorem  
 timoremque* (phrasis est Augustini) sacre  
 Scripturæ deferamus. Primò enim ea  
*nil est notius, nihil certius*, ut ait Bellar.  
 Lib. 1. de Verbo, Cap. 2. & ejus authorita-  
 tem nullus Patrum, nullus Scholasticorum,  
 nullus Canonistarum vel ignoravit, vel nega-  
 vit, vel in dubium vocavit. Ac de infallibili-  
 tate Ecclesiæ in definiendis fidei controver-  
 siis, hoc dici non potest, ut patet ex Tract. 5.  
 Cap. 18. & 19. Secundo quemadmodum in  
 hac universi fabrica Deus exstare voluit cer-  
 tissimas notas potentie, sapientie, & bonita-  
 tis suæ, ita etiam in Dei verbo elucet veluti  
 vivis coloribus depicta arcanæ illius & re-  
 conditæ in Deo sapientie lineamenta. Ac de  
 decretis seu definitionibus Ecclesiæ hoc dici  
 non



non potest: nam tam expressas atq; indubitatas divinitatis notas iis inesse ne ipsi quidem Pontificii dixerint.

Miranda est igitur impudentia Thomæ Stapletoni, qui Lib. 9. Princip. Doctr. Cap. 4. respondens ad id quod supra à me est observatum de Ecclesiæ infallibilitate, quod videlicet ea, non minus quam Scripturæ auctoritas, in dubium vocari possit, audacter affirmat nullum Christianum Ecclesiæ auctoritatem ignorare, vel simpliciter negare. Respondetur (inquit) simile hoc non esse. Nam qui Ecclesiæ auctoritatem vel omnino ignorat, vel simpliciter negat, fidelis omnino aut Christianus non est.----- Dico autem omnino ignorare, vel simpliciter negare. Nullus enim hereticus est, qui vel omnino ignorat, vel simpliciter negat Ecclesiam (talis enim Ethnicus & infidelis potius dicendus est, quam hereticus) sed aut falsam pro vera credit vel audit; aut ipsi veræ Ecclesiæ minus tribuit quam oportet. Fidelis autem & Christianus esse potest, & sunt multi, qui in reliqua fide à prima ætate instructi Scripturas nesciunt, donec vel studiis, vel alia aliqua ex causa, eas legere, vel audire incipiunt. Alii etiam

qui per totam aetatem eas nesciunt, &c. Hæc responsio Stapletoni duabus partibus constat. Prior est de Ecclesia; posterior de Scriptura.

6. Prior pars apertè falsa est. Primò, quia multi Catholici seu orthodoxi (intelligo eos qui vel revera orthodoxi sunt, vel saltem ab adversariis pro talibus habentur) tum Patres, tum Scholastici Doctores, Ecclesiæ infallibilitatem in definiendis fidei controversiis simpliciter negarunt, ut fusè probatum est Tract. 5. Cap. 18. & 19.. Secundò, quia judiciariam infallibilitatem Papæ, quem Adversarii per Ecclesiam intelligunt (ut patet ex Valent. Tom. 3. Disput. 1. quæst. 1. Punct. 1. §. 6. & Gretsero in Defens. Lib. 3. de Verbo Dei, Cap. 10. Col. 1450.) Patres ignorarunt, multiq; Theologi Pontificii negarunt: imò hodie ab Ecclesia Romana tolerantur, & Catholici habentur, qui eam negant, ut patet ex Bellar. Lib. 4. de Pontifice, Cap. 2. Tertiò Stapletonus loco citato dicit Hæreticos *ipsi vera Ecclesia minus tribuere quam oportet*. Ergo quidam Christiani Ecclesiæ infallibilem auctoritatem negant. Nam hæretici non sunt infideles, aut Ethnici, ut ipse dissentè illic asserit.

7. Ad posteriorem partem respondeo cum Whittakero Lib. 1. de auctoritate Scripturæ, Cap.

Cap. 14. Sect. 2. non esse Christianum quempiam, qui Scripturas omnino ignorer. Omnes enim Christiani firmiter credunt divinam & infallibilem authoritatem Scripturarum *materialiter* acceptar, id est, doctrinarum quae in Canone Scripturarum continentur. Quod ad Scripturam *formaliter* acceptam, id est, systema seu collectionem librorum Canonice attinet, quamvis quidam indocti invincibili ignorantia illius laborent, tamen nullus unquam Catholicus cui eam legere contigit, ejus infallibilem & divinam authoritatem negavit, aut in dubium vocavit. At multi Catholici, de Ecclesiae infallibilitate dubitarunt, imò multi eam aperte negarunt, ut supra saepius dictum est.

PUNCTVM SECVNDVM.

Eadem demonstratur, quia Evangelici utuntur omnibus necessariis & germanis mediis agnoscendi Scripturas Canonicas, quibus utuntur ipsi Pontificii.



1. **R**OGREDIOR nunc ad secundum adversariorum scopum, quem etiam frustra attingere conantur Adversarii. Nam si certa & firma est fides quam ipsi de Scripturæ autoritate habent, nostram etiam fidem de eadem firmam & certam esse necesse est: quia nimirum nos utimur omnibus mediis agnoscendæ Scripturæ Canonice, quibus utuntur Pontificii, uno tantum excepto, quod quale sit, infra videbimus.

2. Profitentur Pontificii se quinque modis agnoscere librorum Canonici divinam authoritatem. Primò per Ecclesiæ testimonium. Secundò per traditionem Apostolicam de numero librorum Canonici. Tertiò per communia & externa fidei motiva: de quibus vide Scot. quæst. 2. Prologi in Libros Sentent. Bellar. Lib. 1. de Verbo Dei, Cap. 2. Valent. Tom. 3. Disput. 1. quæst. 1. Punct. 4. §. 3. Et Becan. Tract. de fide Cap. 6. Quarto per interna criteria, seu argumenta ipsi Scripturæ insita: & per revelationem in ipsa Scriptura factam. Nam interna criteria, seu divinitatis indicia in Scripturis agnoscunt, dicuntq; ea valere ad Scripturam probandam, & commendandam fidelibus, &

ad persuasionem de Scriptura auctoritate  
in eorum animis continuandam & inten-  
dendam, Stapler. in Defens. Auctoritatis  
Ecclesiast. Lib. 1. Cap. 9. Sect. 8. & Lib. 2.  
Cap. 5. Sect. 8. Gretl. in Tract. de agnos-  
cendis Scripturis Canonicis, Col. 1886. Va-  
lent. Tom. 3. Disp. 1. quæst. 1. Punct. 4. §. 3. Et  
Suarez. Tract. de Fide Disp. 5. Sect. 2. §. 4. &  
Sect. 3. §. 8. & 9. Similiter revelationem in  
ipsa Scriptura factam esse rationem, in quam  
proprie respicit illa fides qua creditur Scri-  
pturae auctoritas docet Valentia Tom. 3.  
Disp. 1. quæst. 1. punct. 7. §. 43. Col. 1245.  
Quintò per internum testimonium Spiritus  
sancti, seu fidei ipsius lumen: ei enim sum-  
mam efficaciam tribuunt, ad certitudinem fi-  
dei de Scripturae auctoritate, & de omni-  
bus aliis fidei dogmatibus, animis nostris in-  
generandam, Hosius in Confess. Petricov.  
Cap. 16. Canus Lib. 2. de Locis, Cap. 8. pag.  
47. et 48. Bellarm. de lumine fidei Concione  
1. Stapler. Lib. 8. princip. Doctr. Cap. 2. et  
3. et in Defens. Auctoritatis Ecclesiast. Lib. 1.  
Cap. 1. Sect. 7. et Lib. 3. Cap. 12. §. 11. Mal-  
derus in Secundam Secundæ Divi Thomæ  
Quæst. 1. Art. 1. Sect. 8. & alii.

Evangelici hæc omnia media agnoscendæ  
Scripturae Canonicae admittunt, & us om-  
nibus

nibus utuntur ad stabiliendam & confirmandam suam fidem de Scripturæ auctoritate. Et proinde eorum fides de primo hoc fidei principio non minus certa est quam fides Pontificiorum: quia videlicet eodem modo, quo Pontificii, sciunt Scripturam esse DEI Verbum.

*De Ecclesiæ testimonio.*

4. **E**T primo quidem, quod ad Ecclesiæ testimonium de Scripturæ auctoritate attinet, de eo hæc profiteamur. Primò testificationem Ecclesiæ præsentis esse conditionem necessariò requisitam ad credendam Scripturæ auctoritatē, quia viz. fides ex auditu est, ut docet Apostolus, Rom. 10. Secundò ex universali totius Ecclesiæ præsentis, seu omnium Christianorum nunc viventium consensu firmum peti posse argumentum, ad probandam alicujus libri Canonici auctoritatem. Vnde Augustinus Lib. 2. de Doctrina Christiana, Cap. 8. dicit eas Scripturas, *quæ ab omnibus accipiuntur Ecclesiis, præponendas esse illis, quas quedam non accipiunt.* Tercio, ex perpetua & universali traditione, ac praxi totius Ecclesiæ ab Apostolorum sæculo usque ad hæc nostra tempora, haberi posse persequutionem humanam, eamque certam & infallibilem de divina et Canonica auctoritate eorum librorum, qui semper indubitati fuerunt,



runt, quique à nonnullis distinctionis gratia  
 protocanonici appellantur: atque adeo per-  
 petuam hanc Ecclesiæ Traditionem, singu-  
 larem usum et efficaciam habere, tum ad sta-  
 biliendam, et confirmandam illam fidem qua  
 librorum Canonorum divina authoritas  
 creditur, tum ad redarguendos et convincen-  
 dos errores contrarios. Quartò, neque præ-  
 sentis Ecclesiæ reificationem, neque perpe-  
 tuam Ecclesiæ Traditionem esse principale  
 medium per quod Deus librorum Canonico-  
 rum authoritatem revelat; atque adeo neque in  
 hanc, neque in illam ultimò resolvendam esse  
 illam fidem qua Canonorum librorum au-  
 thoritas creditur. *Non enim si aditum no-  
 bis præbet Ecclesia* (verba sunt Melch. Cani,  
 Lib. 2. Cap. 8, pag. 51.) *ad hujusmodi sa-  
 cros libros cognoscendos, protinus ibi ac-  
 quiescendum est, sed ultra oportet progredi,  
 & solida Dei veritate niti.*

### *De Traditione Apostolica.*

**D**E Traditione Apostolica, qua singulo-  
 rum librorum Canonorum authoritas  
 declarata est, et Ecclesiæ proposita, tria te-  
 nenda sunt. Primò eos qui vixerunt Apосто-  
 lorum sæculo habuisse ex eorum testimonio  
 plenam et perfectam fidei certitudinem de  
 libro-

librorum Canoniconum autoritate. Secundo talem ac tantam fidei certitudinem de librorum Canoniconum autoritate, ex Apostolica Traditione nunc haberi non posse. Tertiò ultimum et plenum assensum fidei illius, qua Scripturæ autoritas creditur, non in Traditionem hanc Apostolicam, sed in interna divinitatis indicia, et argumenta quæ in ipsa Scriptura inveniuntur, resolvi. Vide clarissimum Episcopum Norwicensem in Replicatione contra Fisherum Iesuitam pag. 14. et 16. Et Authorem responsionis ad Fisherum Iesuitæ Relationem de tertio suo colloquio pag. 25. 26. et 29.

6. Dixi talem et tantam certitudinem de librorum Canoniconum autoritate ex Apostolica Traditione nunc haberi nō posse, quia (ut rectè monet Norwicensis Episcopus loco citato) hæc Traditio innotescit nobis per scripta Patrum, et acta Conciliorum ex quibus non fidei divinæ, sed humanæ persuasionis certitudo haberi potest. Immo nec universaliter verum est, hanc certitudinem ex iis haberi posse. Nam multi Patres de quibusdam libris verè Canonice dubitarunt: quidam etiam eos à Sacro Canone excluderunt. Sic de Epistola Iacobi, et Iudæ diu dubitatum fuit in antiqua Ecclesia, idque quia non multi ex veteribus eam meminere,

ut loquitur Eusebius, Lib. 2. Historiæ Ecclesiast. Cap. 22. Sic Græci Apocalypsin Iohannis non susceperunt ut Canonicam: Et Latini Epistolam ad Hebræos, inter Scripturas Canonicas non receperunt, teste Hieronymo in Epistola ad Dardanum. Cum igitur variz et discrepantes sint Patrum sententiæ, de istorum librorum authoritate, impossibile est ex eorum scriptis certo scire, quid Apostolica de re tradiderint, aut docuerint.

Atque hinc est quod quidam ex Adversariis affirmant, alii vero negent hos libros ab Apostolis in Canonem receptos fuisse. Stapler. in Controv. Relectione, Controv. 5. quæst. 2. Art. 3. dicit, *varias Scripturas receptas esse in Canonem à multis sæculis, idque authoritate decernentis Ecclesiæ, quæ ab Apostolis & eorum proximis successoribus receptæ non erant*: ejusque sententiam sequuntur Becanos, Tract. de Fide, Cap. 3. quæst. 1. §. 6. Et Bailius Iesuita, in Epitome, seu Catechismo Controversiarum, quæst. 13. Contra vero Bellar. Lib. 4. de verbo, Cap. 9. dicit, *omnia quæ Ecclesiæ fide tenet tradita esse ab Apostolis*: Et speciatim asscit, *numerus librorum Canonici-*



*corum* haberi ex traditione Apostolica: hunc sequutus Gress. in Defens. Lib. 1. de Verbo, Cap. 10. Col. 183. dicit, *Christum & Apostolos pro Ecclesia Christiana Canonem condidisse* (intelligit Canonem comprehendentem omnes libros, quos Concilium Tridentinum declaravit esse Canonicos) *Concilium vero Tridentinum denuo sanxisse ac promulgasse Canonem à Christo & Apostolis conditum.* Item ibid. Col. 186. Ecclesiam cum definit librum aliquem, ut v. g. librum Tobie, esse Ecclesiastico Canonis accensendum, declarare librum illum à Christo & Apostolis in Canone positum fuisse.

8. Hic certe aqua hæret adversariis: Nam neque Bellarmini, neque Stapletoni sententiam commodè rueri possunt. Primò enim ex Bellarm. sententia (quæ in se quidem vera est, sed quibusdam dogmatibus Ecclesiæ Romanæ repugnat) sequitur Ecclesiam quæ subsequuta est Apostolos, non fuisse fidelem custodem traditionis Apostolicæ de numero librorum Canonicorum. Nam si Traditionem illam diligenter conservasset, et observasset, nunquam de quorundam librorum verè Canonicorum authoritate dubitasset. Hinc obiter percipiet lector veram esse sen-

sententiam nostrorum Theologorum contra Pontificios asserentium, Traditiones non scriptas non posse diu puras conservari, propter hominum perversitatem, negligentiam, & ignorantiam. Secundò, decretum Ecclesie Canonem Scripturarum consignantis obligat omnes, ex adversariorum sententia, ut libros ab ea in Canonē relatos pro Canonicis habeant & agnoscant. ! Ergo constitutio Apostolorū multò magis obligat omnes, ut libros ab iis in Canonem relatos, tanquam Canonicos suscipiant. Et proinde falsò asserunt Pontificii liberum fuisse Patribus ante definitionem Innocentii 1. et Concilii Carthaginensis 3, quosdam libros verè Canonicos pro non Canonicis habere. Vide Melchiorem Canum, Lib. 2. de Locis, Cap. 11. Resp. ad Arg. 4. Et Becanum in Opusculo de Titulis Calvinistarum, Titulo 1. §. 27.

Similiter ex sententia Stapletoni sequitur primò fidem qua creditur multorum librorum Canonicorum auctoritas, non nisi Traditione Apostolica: quod sanè repugnat communi Pontificiorum sententiæ. Secundò ex ea etiam sequitur Ecclesiam præsentem regi novis revelationibus: & non tantum antiquæ fidei inniti, quia videlicet quædam fide tenet, quæ neque ab Apostolis, neque à Prophetis tradita sunt, ut v. g. quorundam li-  
 XX 3 brorum

brorum Canonicoꝝ auctoritatē. At hoc ab-  
 surdū esse docent celeberrimi scriptores Pon-  
 tificil, videlicet Bellar. Lib. 4. de Verbo, Cap.  
 9. Gress. in Defens. illius capituli, Col. 1714.  
 Suarez Disp. 2. de Fide, Sect. 6. §. 16. ubi ex  
 Irenæo, Hieronymo, & Vincentio Lirinensi  
 probat Ecclesiam non debere *novam fidem*  
*tradere, sed antiquam semper stabilire.*  
 Tertiō, ex eadem sequitur Ecclesiam Chri-  
 stianam per annos quadringentos sine cer-  
 to Canone fuisse, & per consequens toto il-  
 lo tempore (ut rectē observat doctissimus  
 Rivetus in Isagoge ad sacram Scripturam,  
 Cap. 7. §. 13.) miram fuisse Pontificum Ro-  
 manorum oscitantiam, qui tamdiu Ecclesiam  
 in dubio reliquerunt, cum tamen uno verbo  
 potuissent item totam dirimere. Quarto  
 etiam ex ea sequitur, Apostolos Ecclesiæ &  
 muneri suo deluisse in consignando Scriptu-  
 rarum Canone; quod sane blasphemum &  
 impium Edictu est: Debent enim illi qui in  
 perpetuum Ecclesiæ usum Canonem consig-  
 nant, eos omnes libros in Canonem referre,  
 quos sciunt esse Canonicos, reliquosq; omnes  
 à Canone excludere. At Apostoli perispectam  
 & exploratam habuerunt omnium librorum  
 Canonicoꝝ auctoritatem. Ergo debuerunt  
 omnes libros verē Canonicos in Canonem  
 referre, reliquosque omnes ab eo excludere.

Nec



Nec satisfacit quod dicit Stapletonus Controv. 5. quæst. 2. Art. 3. resp. ad Arg. 1. Apostolos ideo non retulisse in Canonem eos libros, quos probè sciverunt esse Canonicos, *quia sanctus Spiritus voluit eorum publicationem in aliud tempus differri.* Non enim possibile est Spiritum sanctum aliquid velle quod librorum verè divinorum auctoritati derogat. At cum ita consignatur, aut constituitur Scripturæ Canon, ut aliqui libri verè divini omittantur, & in Canonem non referantur, multum derogatur auctoritati eorum librorum: quia videlicet illi censentur rejici & damnari tanquam Apocryphi. Cum enim consignatur Canon, illi libri qui non admittuntur in Canonem, rejici censentur. Nam cum Ecclesia Canonem consignat, non solet speciatim, & expresse omnes libros apocryphos enumerare, sed quos omittit, eos rejicere censetur. Unde Staplet. Controv. 5. q. 2. Art. 2. respondens ad argumentum quo probari videtur, Ecclesiâ suâ auctoritate non rejecisse libros certo Apocryphos, quia nullum speciale decretum de iis edidit, sic scribit: *Ad primum ergo dicendum, quod etsi tales Apocryphos nullo fortasse Canone rejecit Ecclesia, tamen satis est quod nulla testificatione eos admisit, ut dictum est.*

Posito enim certo Canone Scripturarum, quicquid extra illum est damnari censetur, ut ex Athanasio dictum est. Vnde & Augustinus, &c.

*De communibus fidei motivis.*

- II. **Q**UOD ad communia fidei motiva attinet, nobis cum adversariis convenit, Primò ea multum valere ad suadendam credibilitatem hujus principii, *Scriptura est Dei verbum.* Secundò ea non esse principale fundamentum illius fidei qua sacra Scripturae auctoritas creditur. Vide Melchiorum Cinum Lib. 2. de Locis, Cap. 8. responsi. ad Arg. 4. & Valent. Tom. 3. Disp. 1. quæst. 1. Punct. 7. §. 43. Col. 245.

*De internis ipsius Scripturae criteriis.*

12. **D**E motivis illis internis, quæ videlicet ipsi Scripturae insunt, non solum cum Pontificiis dicimus Scripturam per ea seipsam fidelibus probare & commendare, item ea valere ad persuasionem de Scripturae auctoritate in eorum animis continuandam & intendendam, sed etiam hoc addimus, ea nos infallibiliter certos reddere de Scripturae auctoritate, ultimamque resolutionem illius fidei

dei, qua Scripturæ auctoritas creditur, fieri in Deum ut per illa motiva vel criteria revelantem sacræ Scripturæ auctoritatem. Interim fatemur neminem posse propter illa criteria credere divinam & Canonicam Scripturæ auctoritatem, nisi prius mens ejus præparetur & disponatur extrinsecus per communia fidei motiva, per præsentis Ecclesiæ testificationē, aut per antiquæ Ecclesiæ traditionem: nisi etiam intrinsecus illuminetur, & ad assentiendum moveatur per habitum fidei, & auxilium speciale gratiæ. Ita doctissimus Author Responsionis ad Relationem Fisherii Iesuitæ, de tertio suo Colloquio, proponit & explicat sententiam nostrarum Ecclesiarum, de internis illis Scripturæ criteriis, pag. 25. & 26. sui libelli.

*De Deo intus revelante.*

**D**E habitu fidei, & auxilio gratiæ illuminantis intellectum, & moventis voluntatem ad assentiendum huic principio, *Scriptura est Dei verbum* (quæ à nostris Theologis internum testimonium Spiritus sancti appellantur) dicimus primò ea esse simpliciter necessaria ad hoc ut quis fide divina credat Scripturam esse Dei verbum. Secundo ea non esse principium vel causam

13.



fidei ex parte objecti, sed ex parte potentie intellectivæ, seu (ut supra dictum est quæst. 3. §. 4. & infra fusius dicetur quæst. 8. §. 3. & 4.) ea non pertinere ad principalem causam objectivam, sed ad principalem causam effectivam fidei. In priori illo puncto habemus omnes Pontificios contentientes. Fatentur enim neminem posse credere Scripturam esse Dei verbum, sine habitu fidei & auxilio gratiæ. In posteriori vero quidam scriptores Ecclesiæ Romanæ non solum à nobis, sed etiam ab aliis doctoribus illius Ecclesiæ aperte dissentiunt. Nam Canus Lib. 2. de Locis, Cap. 8. depler. in Controv. Relectione, Controv. 4. quæst. 3. Art. 2. resp. ad Arg. 1. & in Defens. auctoritatis Ecclesiast. Lib. 3. Cap. 12. §. 11. Et Malderus in Secundam Secundæ, quæst. 1. Art. 1. Sect. 8. referunt lumen seu habitum fidei (nihil enim aliud est lumen fidei quam habitus fidei) & integrum auxilium gratiæ, ad formale objectum fidei: dicunt enim Deum ut intus auxiliantem, & lumen fidei infundentem esse formale fidei divinæ objectum. Contra vero Vega, Lib. 9. de justificatione, Cap. 47. Valent. Tom. 3. Disp. 1. quæst. 1. punct. 1. §. 5. & Suarez. Disp. 3. de Fide. Sect. 3. hæc ad causam fidei efficientem referunt.

14. Hæc posterior sententia multo probabilior

lior nobis videtur: nam, ut rectè observat Suarez, loco citato § 5. duo ad credendum sunt necessaria: unum ex parte objecti, aliud ex parte potentiae: nam ex parte objecti necessario præcedere debet aliqua ostensio, seu propositio ejus sub divina auctoritate: ex parte vero potentiae requiritur virtus effectiva actus, siue illa virtus sit habitus fidei, siue auxilium gratiae.

Dicer aliquis: Nonne Deus etiam intus re-  
velat ea quæ extèrius credenda proponun-  
tur. Resp. Deum non aliter ea intus revelare,  
quam auferendo velum ignorantiae & infide-  
litaris ab intellectu, cumque confortando &  
elevando ad præbendum fidei assensum, et  
ad percipienda illa divinitatis indicia quæ  
ipse doctrinae à se revelatae impressit. Nam  
(ut ex Hieronymo observat Suarez loco ci-  
tato §. 7.) revelare nihil est aliud quam ve-  
lum removere, quo res occultabatur; Potest  
autem, ut in visu apparet, occultari obje-  
ctum, vel quia ipsum velarum est, vel quia  
velum est super oculos positum, & ita reve-  
lari potest, et ex parte objecti, et ex parte  
oculorum; Ita ergo in fide contingit: nam  
objectum ejus est nobis occultum, quatenus  
absens, vel excellens est, ut notavit D. Tho.  
q. 14. de Verit. Art. 9. et potentia nostra est  
improportionata, et quasi cæca respectu illius  
objecti

objecti, et ideo dixit ipse D. Tho. 2. ad Cor. 3. ignorantiam, seu cæcitatem mentis esse quasi velamen ejus. Primum ergo velamen tollitur per revelationem objecti fidei: nam per illam fit aliquo modo cognoscibile sub testimonio divino. Per infusionem autem fidei tollitur ignorantia mentis quæ, ut dictum est, est quasi velamen ejus.

*De infallibili Testimonio Romana  
Ecclesiæ.*

16. **P**ercurri jam omnia necessaria, & germana media agnoscendæ Scripturæ Canonice, quibus utuntur Pontificii: & ostendi Evangelicos iis omnibus uti, omnemque certitudinē de authoritate Scripturæ ex iis elicere, & depromere, quam revera ea fidelibus afferre, aut suppeditare possunt. Præter hæc, excogitarunt Pontificii aliud indicium agnoscendi Canonicas divinasque Scripturas, videlicet praxin, & decretum, seu definitionem Romanæ Ecclesiæ de libris Canonicis.

17. Hoc solum criterion à nostris Ecclesiis damnatur & rejicitur. Primò quia non est necessarium: nam aliunde haberi potest sufficiens, atque adeo infallibilis certitudo delibrorum Canonicorum auctoritate, videlicet ex communibus fidei motivis, ex communi omnium



omnium Christianorum nunc viventium consensu, ex Traditione Apostolica, ex perpetua traditione & praxi Ecclesie, quatenus per eam Traditio Apostolica nobis innotescit; atque his præsuppositis, ex internis ipsius Scripturæ criteriis. Secundò quia incertum & fallax est, ut patet ex iis, quæ Tract. 5. hujus operis contra infallibilitatem Papæ & Conciliorum ex Patribus, Conciliis, Scholasticis, & Canonistis disputata sunt. Tertiò, quia ridiculum & absurdum est. Ridiculum enim est dicere, *Credimus hos libros esse Canonicos, quia nos ipsi definivimus eos esse tales*: Ridiculum est in agnoscendis Scripturis Canonicis plus tribuere judicio unius particularis Ecclesie, id est Romanæ, & unius particularis hominis, id est, Papæ, quam consensui omnium Christianorum nunc viventium, & perpetuæ Traditioni, ac praxi Ecclesie. At hoc faciunt Pontificii: nam cum dicunt Ecclesie testimonium esse certissimum indicium agnoscendi Scripturas Canonicas, augusto illo nomine Ecclesie intelligunt solam Romanam Ecclesiam præsentem, imò solum Romanum Pontificem. Vide Tract. 1. cap. 2. §. 11. & Tract. 5. cap. 8. Quartò quia antiqua Ecclesia non usa est hoc criterio agnoscendi Scripturas Canonicas. Nam Patres in enumerandis libris Canonicis, iisque

discer-

discernendis ab Apocryphis, non sequuti sunt Romanam Ecclesiam, tanquam certam & infallibilem veritatis normam: quod variis ipsorum testimoniis demonstrari potest.

18. Augustinus Lib. 2. de Doctrina Christiana Cap. 8. proponit regulam quandam quam in dijudicandis libris Canonicis observari vult: *Tenebit (inquit) hunc modum in Scripturis Canonicis, ut eas quæ ab omnibus accipiuntur Ecclesiis, præponat iis, quas quædam non accipiunt. In eis verò quæ non accipiuntur ab omnibus, præponat eas, quas plures gravioreſq; accipiunt, eis quas pauciores, minorisve authoritatis Ecclesie tenent.* Hic Augustinus neq; Romanæ Ecclesiæ, neque Romani Pontificis meminit. Ergo non putavit eorum iudicium aut praxin esse certissimum criterion agnoscendi Scripturas Canonicas. Nam si facilem hanc & compendiosam viam eas discernendi cognovisset, non usus fuisset tot diverticulis in tradenda illa regula de librorum Canonicorum auctoritate: potuisset enim uno verbo litem totam dirimere.

19. Idem Author in controversia illa, quæ diu in antiqua Ecclesia agitata fuit, de auctoritate Epistolæ ad Hebræos, præfert iudicium & praxin

praxin Ecclesiarum Orientalium authoritati  
Ecclesiae Romanae: *Ad Hebraeos* (inquit)  
quoque Epistola, quanquam nonnullis in-  
certa sit, tamen quoniam legi quosdam  
huic nostra de Baptismo parvulorum, sen-  
tentia contraria sentientes, etiam istam  
quibusdam opinionibus suis testem adhibere  
voluisse, magisque me movet autho-  
ritas Ecclesiarum Orientalium, qua  
hanc etiam in Canonicis habent, quan-  
ta pro nobis testimonia contineat, adver-  
tendum est. Lib. 1. de Pec. Meritis, Cap. 27.

Similiter Hieronymus in Epistola ad Dar- 30.  
danum, communi sententiae Ecclesiae Roma-  
nae de illa ipsa Epistola ad Hebraeos praefert  
authoritatem veterum scriptorum. Quod si  
(inquit) Epistolam ad Hebraeos Latino-  
rum consuetudo non recipit inter Scriptu-  
ras Canonicas, nec Graecorum Ecclesia  
Apocalypsin Ioannis eadem libertate sus-  
cipiunt: & tamen nos utramque suscipi-  
mus, nequaquam huius temporis consue-  
tudinem, sed veterum scriptorum aucto-  
ritatem sequentes.

Bellar. Lib. 1. de verbo Dei. Cap. 10. Baro. 27.  
ninus anno 494. Becanus Tract. de fide, cap. 3.  
quod.



quæst. 1. & alii Scriptores Pontificii dicunt  
 numerum librorum Canonorum defini-  
 tum fuisse, librosque Tobia, Sapientia, Ec-  
 clesiastici, Machabæorum, &c. in Canonem  
 esse relatos, ab Innocentio 1. Gelasio 1. &  
 Concilio Romano sub eo celebrato. At mul-  
 ti scriptores, tum Græci, tum Latini, qui eos  
 subsecuti sunt, libros illos pro Apocryphis  
 habuerunt, videlicet Damascenus, Anasta-  
 sius Bibliothecæ, Ambrosius, Ansbertus, Ra-  
 dulphus Flaviaensis, Hugo Cardinalis, Ri-  
 chardus & Hugo de Sancto Victore, Guliel-  
 Occam, Antoninus Florentinus, Franciscus  
 Picus Mirand. Lyranus, Carthusianus, Car-  
 dinalis Ximenius, Tostatus Abulensis, Fernus,  
 Cajetanus, & alii multi. Imò ipse Gregorius  
 Lib. 19. Moral. Cap. 17. nulla habita ratio-  
 ne sententiæ à suis prædecessoribus pronun-  
 ciatæ, libros Machabæorum inter non Cano-  
 nicos reposuit: *De quare (inquit) non in-*  
*ordinate agimus, si ex libris, licet non Ca-*  
*nonicis, sed tamen ad edificationem Eccle-*  
*siarum editis, testimonium proferamus.*  
 Ergo hi Patres, et Doctores non putarunt  
 decreta Romanorum Pontificum, aut Roma-  
 næ Ecclesiæ, de numero ac auctoritate libro-  
 rum Canonorum, esse certam et infallibi-  
 lem fidei nostræ regulam.

## PUNCTUM TERTIUM.

*Eadem demonstratur, quia per Ecclesiam haberi potest infallibilis certitudo, de librorum Canonorum auctoritate, quamvis ipsa Ecclesia non sit infallibilis controversiarum iudex.*



**A** neque tertium finem, quem sibi in hac Disputatione proposuerunt, assequi possunt Pontificii. Cōcedimus enim infallibilem certitudinem persuasionis et fidei humanæ de librorum Canonorum auctoritate, per Ecclesiam haberi posse, imò actu haberi, et tamen negamus id quod Adversarii inde colligunt, videlicet judiciariam infallibilitatem Ecclesiæ in consignando Scripturarum Canone. Non enim ex judiciali aliqua, seu definitiva Ecclesiæ sententia (de cujus infallibilitate meritò dubitari potest, ut patet ex Tract. 5. Cap. 18. et sequentibus) habetur hæc certitudo de librorum Canonorum auctoritate, sed partim ex communi omnium Christi

Christianorum nunc viventium consensu, partim verò ex perpetua Traditione et praxi totius Ecclesiæ ab Apostolorum sæculo usque adhuc nostra tempora.

2. Nam in hac quæstione non recurrimus ad Ecclesiam, ut ad authoritativum & infallibilem iudicem, ut videamus quos libros illa decerneret, vel declararet esse Canonicos: sed eam consulimus, ut testem, custodem, & promptuarium librorum Canonicorum, ut sciamus quibus libris illa jam utatur semperque usa fuerit tanquam Canonicis. Certum enim est eos libros esse verè Canonicos, *qui semper ubique, & ab omnibus* pro verè Canonicis sunt habiti, ut patet ex celebri illa regula Vincentii Lirynensis, de qua vide Tract. 5. Cap. 18. §. 17. & sequentibus. Cæterum quia hoc Ecclesiæ de librorum Canonicorum authoritate testimonium, quod potius *reale* quam *verbale* est, egregiè explicatur ab Archiepiscopo Spalatensi, Lib. 7. de Repub. Eccles. Cap. 1. fruar cruditissimo ejus labore, & fruendo, laborem qui mihi subeundus fuisset, minuam.

3. Sic igitur scribit vir doctissimus loco citato, §. 9: *Ecclesiam habere potestatem designandi in actu signato circa libros sacros, itam qui pro divino non fuerit universaliter*
- saliter*



saliter à tota Ecclesia ante definitionem  
 Ecclesia habitus, jam fiat divinus, & pro  
 tali in tota Ecclesia habeatur, nullo modo  
 est asserendum. Quod enim de fide non  
 est, ut de fide sit, Ecclesia facere non po-  
 test, novos enim fidei articulos formare  
 & proponere Ecclesia non potest. Omnes  
 enim articuli fidei, in tantum sunt arti-  
 culi fidei, in quantum sunt à Deo reve-  
 lati. Ecclesia vero non potest efficere, ut  
 revelatum sit, quod aut revelatum non  
 est à Deo, aut non constat esse revela-  
 tum. Declarare potest Ecclesia, post di-  
 ligentissimam & exactissimam inquisi-  
 tionem, & postquam revelationem jam  
 à Deo factam clare agnovit, aliquid fide  
 tenendum; non quod jam non esset de fide,  
 sed quod clare non constabat esse de fide,  
 cum tamen revera revelatum, & de fide  
 esset. Itaque si Ecclesia vult definire  
 declaratoriè duntaxat (nam aliter non  
 potest) hunc vel illum librum, seu partem  
 libri, de quo, vel de qua dubia sit Eccle-  
 sia, an sit Scriptura divina; inquirere  
 debet prius, & clare invenire librum il-

lum vel illam partem esse divinam, & Spiritu sancto dictante conscriptam. Ad hoc autem inquirendum, vel inveniendum, illam solam unicam, & singularem habet regulam, ut Ecclesia universalis seipsam consulat, & quid ipsa in actu exercito teneat, non quid in actu signato definierit, quarat, & planè cognoscat. —————


Quia sola universalitas Catholicarum Ecclesiarum, in actu, ut dixi, exercito, custos est librorum Canonorum; eodem ferme modo, quo Arca testamenti, erat custos certa, & fidelis legis Mosaica. Si quis enim ambigeret, num exemplum legis quod haberet, sit exemplum fidele & penitus conveniat cum exemplari quod Moyses à Deo accepit, consulere debuisset Arcam, & suum exemplum conferre cum exemplari in Arca servato; & sic omne dubium Arca auferre poterat, non quidem in actu signato definiendo sua propria auctoritate, ac pronunciando exemplum illud esse fidele, & veritatem legis vere divina continere; sed in actu exercito, per  
osten

ostensionem veri originalis, quod in ipsa Arca contineretur.

Ac quemadmodum veteris testamenti eloquia Dei tradita sunt Iudeis, ita ut apud illos solos tanquam in propria Arca à Deo instituta servarentur: Sic apud Ecclesiam Christianorum, maxima ex parte ex gentilibus congregatam, divina eloquia novi testamenti, tanquam in alia nova Arca sunt reposita. Neq̃ alia regula est discernendi novi testamenti Scripturas Canonicas, à non Canonicis, nisi ut videamus, quid in hac Arca universaliter servetur; Non queramus ex Ecclesia Christianorum Catholica, ut ipsa suo decreto, in actu signato dicat nobis, illos & illos libros ut divinos admittite, alios vero respicite: sed totum quod ab ipsa petimus est, ut sciamus, quibus ipsa libris tanquam divinis universaliter & indubitanter utitur: ut hoc pacto in actu exercito videamus nos ipsi, ipsa etiam tacente, quanam libri in ipsius sinu, ut indubitatè divini, servantur: illi enim soli nobis esse debent verè divini.

§. 12.





## PUNCTUM QUARTUM.

*Proponuntur varia Theologorum respon-  
siones ad questionem, Cur credis  
Scripturam esse Dei verbum? &  
primum confutatur eorum error, qui  
respondent se id credere fide humana,  
seu acquisita, propter humanam tra-  
ditionem, & alia motiva humana.*

I.



ACTENUS de Ponti-  
ficiorum imprudentia in  
agitanda adversus nos hac  
questione, *Vnde scis? &c.*  
differuimus. Nunc videa-  
mus quomodo ad que-  
stionem illam responden-

dum sit. Quippe cum variae & discrepan-  
tes sint Theologorum de hac re sententiae,  
expedit ut eas percurramus, & singillatim  
consideremus.

2.

Primo enim non convenit inter eos den-  
tata illius fidei qua credimus *Scripturam  
esse Dei verbum*. Nam quidam asserunt  
principia illa, quibus formale fidei obje-  
ctum exprimitur (qualia v.g. sunt haec axio-  
mata

mata, *Dens hoc revelavit, Hoc Dei verbum est, Scriptura sacra est Dei verbum*) credi fide humana, seu acquisita, propter Traditionem humanam, aliaque humana motiva seu argumenta: & hoc satis esse, ut illa fundare ac terminare possint fidem divinam, seu infusam, qua ipsarum rerum revelatarum veritas creditor. Alii verò dicunt nos non posse fide divina credere veritatem rerum revelatarum, nisi eadem fide credamus earum revelationem, hoc est, nisi fide divina credamus Deum illas revelasse: & speciatim affirmant, neminem posse propter Scripturæ autoritatem fide divina credere veritatem eorum dogmatum quæ in Scriptura revelantur, nisi eadem fide divina credat *Scripturam esse Dei verbum*, seu Deum per Scripturam, tanquam per instrumentum infallibile, revelare dogmata fidei.

Secundo, qui posteriorem hanc sententiam sequuntur dissentiunt etiam inter se. 3.  
Nam eorum alii ad quæstionem, *Cur credis Scripturam esse Dei verbum?* Respondent se id credere propter Dei veracitatem: Alii verò indefinite & confuse dicunt se id credere propter revelationem divinam: non tamen docent definite quæ vel

qualis sit illa revelatio, propter quam credunt Scripturam esse Dei verbum: Alii denique distinctè & nominatim exprimunt illam revelationem propter quam credunt Scripturam esse Dei verbum, dicuntque se credere Scripturæ divinam auctoritatem, quia Deus per hoc, vel illud medium in specie, eam revelavit.

4. Tertiò, illi etiam qui tertium seu ultimum hunc respondendi modum sequuntur dissentiunt inter se. Nam eorum alii internum lumen fidei, seu instinctum specialem Spiritus sancti, alii Traditionem Apostolicam, alii Ecclesiæ testimonium, alii denique ipsam Scripturam internis suis criteriis vestitam, & per ea divinitatē suam manifestantem, dicunt esse principale medium, per quod Deus Scripturæ auctoritatem revelat, atque adeo propter quod nos eam credimus.

5. Primus ille respondendi modus tribui solet Scoto in 3. Sentent. Dist. 23. quæst. unica, Gabrieli Biel ibid. quæst. 2. Art. 1. & Art. 2. conclus. 1. Durando in 3. Sent. Dist. 24. quæst. 1. §. 8. & Dist. 25. quæst. 3. §. 4. Apertissimè vero eum tradit & fulè explicat Archiepiscopus Spalatensis, Lib. 7. de Repub. Eccles. Cap. 1. §. 17. 18. & sequentibus. Item Cap. 2. §. 8. & 22. ubi dicit ipsa dogmata à Deo revelata credi fide divina, idque prop



propter internam locutionem, seu testimonium Spiritus sancti: Deum vero illa dogmata revelasse, seu hoc aut illud dixisse, non credi fide divina, sed sciri aut percipi sensata cognitione per Traditionem humanam. Videat Lector, & perpendat ea quæ ab isto Authore dicuntur, Cap. 1. §. 21. & Cap. 2. §. 22. Contrariam sententiam ruentur Thomas Aquinas, Marfil. Capreol. Cajetanus, Canus, Valent. Vasquez, Suarez, Gresserus, Staplet. Becanus, omnesque alii quos me legisse memini. Nos etiam eam libenter amplectimur, & priorem illam sententiam tanquam periculofam, & ipsam naturam fidei divinæ evertentem, damnamus ac rejicimus.

Primò enim, actus fidei divinæ, si in propria & specifica sua essentia consideretur, est assensus quem præbemus doctrinæ Legis & Evangelii, non tantum *ut veræ*, sed etiam *ut divinitus revelatæ*: vel ut planius dicam, est actus quo credimus doctrinam illam non tantum esse veram, sed etiam esse divinitus revelatam. Ergo actus fidei pro objecto habet non tantum veritatem doctrinæ, sed etiam ejus revelationem: & per consequens noticia quam habemus de revelatione doctrinæ, seu qua scimus doctrinam esse divinitus revelatam, non est naturalis aut sensata

sara noticia, sed est noticia fidei divina. Pro-  
batur antecedens (nam consequentia per se  
patet) ex verbis Apostoli 1. Thessal. 2. 13,  
ubi Deo gratias agit, quod Thessalonicenses  
*excepissent verbum Eevangelii, non ut  
verbum hominum, sed ut verbum Dei,*  
arque adeo quod verè illud credidissent. Er-  
go verè credere est assentiri verbo predica-  
to, non ut verbo hominum, sed ut verbo  
Dei, seu verbo divinitus revelato. Idem e-  
riam probatur ratione manifestissima: Nam  
si credere nihil aliud esset quam certò & in-  
fallibiliter assentiri doctrinæ alicui tanquam  
veræ, sequeretur fidem qua Christiani  
credunt Deum esse, eumque esse cæli & ter-  
ræ creatorem, non differre essentialiter à  
scientia quam Philosophus infidelis per na-  
turales demonstrationes habet de existentia  
Dei, & creatione mundi. Nam is etiam cer-  
tò & infallibiliter assentitur doctrinæ de  
existentia Dei & creatione mundi tanquam  
veræ.

7. Secundò, si certitudo quam habemus de  
revelatione divina est certitudo naturalis, vel,  
quod eodem redit, si est certitudo sensatæ  
notitiæ, seu humanæ persuasionis; talis e-  
riam erit certitudo quam habemus de veri-  
tate ipsarum rerum revelatarum. Ac absur-  
dum est posterius, ut omnes fatentur. Er-  
go et

go et prius. Probatum propositio: Tota certitudo quam habemus de veritate rerum revelatarum, seu articulorum fidei, fundatur in revelatione divina, tanquam in formali objecto, et in cognitione ac certitudine quam de ea habemus: nam revelatio divina non potest nos objectivè movere ad assentiendum rebus revelatis, nisi à nobis cognoscatur et apprehendatur. Ergo certitudo quam habemus de rebus revelatis non potest esse major quam certitudo quam habemus de earum revelatione: et per consequens si hæc certitudo est naturalis, illa etiam erit naturalis. Ratio consequentiæ est quia major certitudo non potest per se fundari in minori: Tota enim perfectio effectus est ex causa, & firmitas ædificii est ex fundamento. Ergo impossibile est ut cognitio fundata in alia sit certior, quam sit ea in qua fundatur.

PUNCTVM QVINTVM.

*Considerantur assertiones aliquot Archiepiscopi Spalatensis, de sensata seu naturali cognitione hujus principii, Scriptura est Dei verbum.*



I.



**PRIMA** Assertio: *Vt sciamus an Deus se revelaverit externè, nec ne; & an dixerit seu revelaverit ista, & ista, nec ne; sola fides humana requiritur, & sola sufficit.* Hæc assertio habetur Libro 7. Cap. 2. §. 22. ibique satis eleganter & artificiosè explicatur: non tamen est tenenda ut vera, imò nec ut probabilis defendenda. Nam, *Deum revelasse ea quæ credimus*, est formale objectum fidei nostræ, & in cognitione ac certitudine, quam de isto principio habemus, fundatur tota certitudo fidei nostræ. Ergo certitudo, quam de eo habemus, non est sola certitudo fidei humanæ. Nam sic sequeretur maiorem certitudinem fundari in minori, & ædificium esse firmitus fundamento suo. Respondet Spalatensis loco citato certitudinem fidei divinæ quam habemus de veritate rerum revelatarum non fundari in revelatione aliqua externa, sive ea scripta sit, sive non scripta; sed in locutione, seu revelatione interna Spiritus sancti. Idem etiam asserit §. 8. istius capituli, sub finem.

2. At si vera est hæc responsio, falsa est thesis, seu assertio, quam propugnat Spalatensis. Si enim

enim certitudo fidei divinæ quam habemus de veritate doctrinæ Christianæ fundatur in revelatione interna tanquam in formali objecto; necesse est hanc revelationem internam à nobis percipi & cognosci: idque quia non possumus aliquid credere propter internam locutionem sancti Spiritus, nisi certo sciamus Spiritum sanctum id nobis in corde loqui, seu revelare. Quæro igitur quo lumine hoc sciamus, seu percipiamus? Non lumine naturæ: quia locutio interna Spiritus sancti est spiritualis & supernaturalis. Ergo lumine fidei hoc percipimus: & sic habemus quod volumus, videlicet nos fide non humana, sed divina credere *dogmata fidei nostræ esse à Deo nobis revelata*. Cæterum an rectè asserat Spalatensis internam revelationem sancti Spiritus esse formale objectum fidei divinæ, infra videbimus.

Secunda assertio: *Quod Deus dixit A-* 3.  
*brahamo Genes. 15. v. 5. semen ipsius fo-*  
*re maximopere multiplicandum, erat re-*  
*velatio, & hoc dictum Dei fuit Abra-*  
*mo articulus fidei. At verò illud Dei*  
*dicere, seu, Deum illa proloqui & pro-*  
*mittere, non erat Abramo fidei cre-*  
*dendum: hoc enim Abram sensu ipso*  
*per-*

*percipiebat, non fide credebatur.* Quod de Abrahamo hic dicit, idē de aliis Patriarchis, Prophetis, & Apostolis, quibus Deus extraordinariē voluntatem suam revelavit, dictum vult: videlicet eos fide divina credidisse res revelatas: earum vero revelationem sensu ipso percepisse. Quemadmodum igitur precedenti assertionē dixit nos sensata cognitione, & fide humana scire quod Deus articulos fidei nostrę revelavit, ita etiam hīc asserit cognitionem, quam Patriarchę, Prophetę, & Apostoli de Deo *ut revelante*, seu de revelatione divina habuerunt, fuisse sensatam & naturalem. Vide Lib. 7. hujus Authoris, Cap. 1. §. 21.

4. Hęc etiam assertio aperte falsa est. Primò enim tota certitudo quam Abraham habuit de multiplicatione seminis sui fundata fuit in promissione Dei. Ergo si Abraham habuit certitudinem fidei de re promissa, eandem certitudinem habuit de promissione Dei, & ut planius dicam, si fide divina credidit semen suum fore multiplicandum, eadem etiam fide credidit Deum id promississe & prolocutum esse. Nam alioqui, ut dictum est, sequeretur majorem certitudinem fundari in minori, & ædificium esse superius fundamento suo.

5. Secundo Spalatensis Cap. 2. §. 22. dicit forma-



formalem rationem cur dogmata fidei credimus, esse, *quia Spiritus Dei ad nobis in corde loquitur, quod humana vox in auribus sonat.* Ergo etiam formalis ratio illius fidei, qua Patriarchæ, & Prophetæ credebant veritates à Deo extraordinariè revelatas, fuit interna locutio seu revelatio Spiritus sancti. Eorum enim fides, ex hujus Authoris sententia, non potuit fundari, in externa Dei locutione, quia de ea solam naturalem seu sensatam cognitionem habuerunt. At interna illa locutio Spiritus sancti, ut patet ex iis quæ supra dicta sunt, non potuit iis esse formalis ratio credendi, nisi lumine fidei eam percepissent, seu cognovissent. Nihil enim potest objectivè movere intellectum ad assentiendum, nisi quod ab illo apprehenditur & cognoscitur. Ergo fide divina credebant Deum, seu, Dei Spiritum veritates illas sibi revelare, saltem revelatione interna.

Tertiò falso asserit Abrahamum, aliosque 6. quos Deus externa & audibili voce allocutus est ipso sensu percepisse, illam locutionem esse Dei locutionem, seu Deum ea revelare quæ audiebant. Primò enim quamvis ipsam vocem ceperunt sensu, seu sensata cognitione, tamen vocem illam esse Dei vocem, sensu non ceperunt: hoc enim non est quid sensibile. Secundò non potuerunt sensu

sensu discernere utrum illa vox in aere formata esset ab Angelo malo, an vero à Deo, aut ab Angelo bono: Tertiò Samuel audita voce Dei se vocantis, putavit se ab Eli vocari, 1. Sam. Cap. 3. & Zacharias Luc. 1. dubitavit de veritate revelationis sibi per Angelum factæ. Ergo hi non evidenter, atque adeo non sensu percipiebant revelationes illas esse divinas. Denique quædam sunt species extraordinariæ, seu Propheticæ revelationis, quæ nequaquam possunt sensu percipi. Quemadmodum enim tres sunt. potentiz cognoscitivæ in homine, videlicet sensus, imaginatio, & intellectus; ita etiam tres sunt principales modi, seu species Propheticæ revelationis (ut observat Thomas Secunda Secundæ quæst. 174. Art. 1. et post eum Abulensis, Thyræus, Suarez, et alii) viz. 1. revelatio quæ fit per objecta sensuum externorum, ut v. g. per externam & audibilem propositionem: 2. per imaginariam representationem, seu per rerum corporalium species phantasie hominum, tum vigilantium, tum dormientium impressas: sicut quando Hierimias vidit incendium civitatis Hierusalem sub similitudine ollæ ferventis (quæ ejus imaginationi impressa erat) ut 1. Hier. habetur. 3. per puram intellectualem illustrationem, quæ fit quando Deus immediate, & per se in

intel

intellectum hominis agit, eique species earum rerum, quas revelare vult, infundit.

Harum speciarum ultima procul omni 7.  
dubio sensu percipi nequit. Vnde Gregor.  
Lib. 28. Moral. cap. 2. *Sed cum* (inquit) *per*  
*semetipsum loquitur, sola nobis vis interna*  
*inspirationis aperitur. Cum per semet-*  
*ipsum loquitur, de verbo ejus sine verbis*  
*ac syllabis cor docetur: quia virtus ejus*  
*intima quadam sublevatione cognoscitur.*  
Quod ad secundam speciem attinet, quando  
revelatio prophetica fit per imaginariam re-  
presentationem, tres actus concurrere solent:  
1. apprehensio rerum corporalium quæ per  
phantasmata imaginationi impressa repre-  
sentantur. 2. cognitio, qua scimus, & credi-  
mus hoc vel illud significari per res illas cor-  
porales in imaginatione apprehensas. Hic  
actus manifestè est diversus à priori. Nam  
Pharao, exempli gratia, in phantasia seu ima-  
ginatione sua apprehendit septem vaccas  
pingues, & septem spicas plenas, non tamen  
intellexit earum significatum, quod videlicet  
significarent septem annos saturitatis; & pro-  
inde hæc representatio illi facta, non fuit re-  
velatio. At Iosepho, qui somnium ejus inter-  
pretatus est, facta est revelatio propriè dicta.  
3. judicium quo Propheta judicat id revera  
futurum



futurum, seu eventurum esse, quod per res in imaginatione apprehensas significatur. Horum actuum duo postremi manifestè ad intellectum pertinent, & sine lumine aliquo supernaturali intellectum illustrante perfici nequeunt, atque adeo non sunt sensatae seu naturales cognitiones. Primus etiam non est talis sensata cognitio qualem intelligit Spalatensis; fit enim sine ullo usu aut exercitio sensuum exteriorum. Nam, ut rectè observat Thomas Secunda Secundæ, quæst. 173. Art. 3. non solum in *somniis* dormientium, sed etiam in *visionibus* vigilantium, revelatio quæ fit per formas seu species imaginarias, conjuncta est cum ecstasi, seu alienatione à sensibus externis; idque ut illi quibus fit hujusmodi revelatio possint sufficienter apprehendere res illas quarum formæ, seu species phantasie imprimuntur.

3. Tertia assertio Spalatensis est de formali objecto fidei nostræ, et habetur Cap. 2. §. 11. *Credo* (inquit) *Christum esse filium Dei, non propter Traditionem, sive non scriptam, sive scriptam; sed quia Spiritus Dei id mihi in corde loquitur, quod humana vox in auribus sonat.* Hanc assertionem probare non possum. Primò quia internis affatibus

afflatibus et enthusiasmis viam aperit dicēdo  
 certitudinem fidei non inniti verbo Dei olim  
 tradito per Prophetas, et Apostolos ( quia  
 videlicet non nisi naturali et sensata cogni-  
 tione, scimus illud verbum esse Dei ver-  
 bum) sed internis et privatis revelationi-  
 bus. At contra Apostolus Ephes. 2. 20.  
 dicit fideles esse superedificatos, supra fun-  
 damentum Prophetarum et Apostolorum.  
 Secundò interna hæc locutio seu revelatio  
 Spiritus sancti non est formale fidei obje-  
 ctum, ut patet ex iis quæ dicta sunt quæst. 3.  
 et infra magis patebit. Tertiò, si est formale  
 fidei objectum, et si credimus articulos fi-  
 dei, quia Deus nobis eos interna locutione  
 Spiritus sui revelat, necesse est ut fide divina  
 credamus articulos illos nobis interna locu-  
 tione Sancti Spiritus revelari, atque adeo il-  
 lam locutionem esse Spiritus sancti locutio-  
 nem. Impossibile enim est ut intellectus mo-  
 veatur et trahatur ad assensum re aliqua, seu  
 medio assentiendi, quod non cognoscit. Nam  
 ad assensum movetur mediante cognitione  
 rationis propter quam assentimur: et pro-  
 inde necesse est ut medium, quod intellectum  
 movet ad assensum, sit ab intellectu præcog-  
 nitum. Si autem hoc verum est, hoc est si  
 fide divina credimus illam locutionem esse  
 sancti Spiritus locutionem, illosque articulos  
 esse

esse nobis à sancto Spiritu revelatos, falsò  
 asserit Spalatensis nos sola naturali et sensata  
 cognitione scire *Deum hoc, vel illud pro-*  
*loqui, seu dicere;* Item, *Deum ista, & ista*  
*nunciavisse,* seu revelasse. Vide Cap. 1. §. 21.  
 et Cap. 2. §. 22. Quartò, Si fide divina cre-  
 dimus internam illam revelationem esse Dei  
 ipsius revelationem, cur non etiam fide divi-  
 na credere possumus externam revelatio-  
 nem, qua per Scripturam veritates fidei no-  
 bis revelantur, esse Dei revelationem? Et si  
 fide divina credimus id quod Spiritus san-  
 ctus nobis in corde loquitur esse Dei ver-  
 bum; cur non etiam fide divina credere pos-  
 sumus id quod Spiritus sanctus extrinsecus  
 loquitur in Scriptura, esse Dei verbum? Idem  
 enim extrinsecus in Scriptura, et intrinsecus  
 in corde nostro loquitur.

9. Quarta assertio est de authoritate illorum  
 librorum, qui, ut Augustinus ait Epistola 19.  
 ad Hieronymum, jam *Canonici appellatur,*  
 et habetur cap. 1. libri citati §. 18. *Est (inquit)*  
*in genere fidei articulus, Scripturas om-*  
*nes, veras divinas revelationes conti-*  
*nentes, esse divinas, & iis esse creden-*  
*dum; sed in particulari hunc, & illum*  
*librum esse unum ex illis, in quibus di-*  
 vina



*vina scripta sunt revelationes, & divina mysteria consignata, non est articulus fidei, sed humana, & sensata notitia.*

At cōtrā, Primò inanis est illa fides generalis de divina librorum Canoniorum autoritate, si non potest applicari his libris in particulari, qui jam exstant, & Canonici appellantur. Quid enim prodest in genere credere, omnes libros, qui verè divinas revelationes continent, esse divinos, si in particulari credere non possumus hos libros divinas revelationes continere, atque adeo esse divinos. Secundò, si fide divina non credimus hos libros in particulari esse divinos, non possumus aliquid credere fide divina ob horum librorum auctoritatem. At hoc absurdum est, & communi fidelium consensui repugnat. Ergo & illud. Tertiò, Augustinus Lib. 6. Confess. Cap. 5. sic scribit, *Persuasisti mihi, non qui crederent libris tuis, sed qui non crederent esse culpandos, nec audiendos esse si qui mihi fortè dicerēt, Vnde scis illos libros* (ecce loquitur de libris illis in particulari qui tunc Canonici appellabātur) *minus veri & veracissimi Dei Spiritu esse humano generi ministratos. Id ipsam enim maximè credendum erat.* Hic dicit cognitionem quam habebat de auctoritate illorum

lorum librorum qui tunc Canonici appellabantur fuisse *persuasionem divinam*. Item eorum divinam auctoritatem esse *maximè credendam*. Similiter Gregorius Cap. 1. Præfationis in libros Moral. differens de libro Iob in particulari, dicit Ecclesiam credere Spiritum sanctum esse illius libri auctorem: *Sed quis* (inquit) *hec scripserit, valde supervacue queritur, cum tamen author libri Spiritus sanctus fideliter credatur*. Hic non loquitur de humana & sensata notitia. Nam sensu percipere non possumus Spiritum sanctum esse hujus aut illius libri auctorem.

Quinta quoque assertio est de Scripturæ  
 IO. auctoritate, & habetur ibid. §. 17. *Qui primò fide humana, propter Ecclesiæ Traditionem credit Evangelium Iohannis revera esse Iohannis, is postea, Spiritu sancto operante, credit iis quæ in Evangelio Iohannis scripta sunt, non amplius auctoritate Ecclesiæ, sed auctoritate propria divine Scripturæ, quia Spiritus sancti assensu scripta sit, & consequenter non vera in ea scripta esse assentitur*. Hæc assertio repugnat præcedenti. Non enim possumus propter propriam Scripturæ

thoritatem fide verè divina credere iis quæ in  
 Evangelio Iohannis continentur, nisi etiam  
 fide divina credamus propriam illam Scrip-  
 turæ authoritatem (quam habet, quatenus  
 Spiritus sancti assistentia scripta est) compe-  
 tere Evangelio Iohannis. At hoc repugnat  
 assertioni præcedenti, qua asserit dogma ge-  
 nerale de authoritate divina librorum Cano-  
 nicorum esse de fide: dogma vero speciale  
 de authoritate hujus, aut illius libri in specie,  
 non esse de fide; hoc est, non divina, sed hu-  
 mana tantum fide credi. Certitudo igitur fi-  
 dei quam habemus de veritate eorum, quæ  
 in Evangelio Iohannis scripta sunt, hoc syllo-  
 gismo, ex sententia Archiep. Spalatensis, col-  
 ligitur: Quicquid DEUS, aut homo divinus  
 jussu DEI revelavit, id verum est. At ho-  
 mo divinus, videlicet Ioannes Apostolus,  
 DEI jussu ea revelavit, quæ in Evangelio  
 Ioannis scripta sunt. Ergo omnia, quæ in  
 Evangelio Ioannis sunt scripta, vera sunt.  
 Major hujus syllogismi directè & expressè  
 proponitur à Spalatensi loco citato, omnesq.  
 eam esse certam certitudine fidei fatentur:  
 nam fide verè divina creditur. Minor verò  
 non divina, sed humana fide, ex Spalatensis  
 sententia, creditur. Cum igitur conclusio  
 semper sequatur debiliorem partem; necesse  
 est certitudinem, quam habemus de veritate  
 istius



istius conclusionis, atque adeo de veritate eorum, quæ in Evangelio Ioannis scripta sunt, esse certitudinem solius fidei humanæ, aut ad summum, esse certitudinem illam, quam in Scholis *Theologicam* vocamus.

II. Conabitur fortassis aliquis argumenti huius vim effugere dicendo regulam illam Logicam, quæ asserit conclusionem syllogismi sequi debiliorem præmissam, non esse universaliter veram in Theologia; atque adeo ex duabus præmissis, quarum una fide divina, altera fide humana creditur, posse inferri conclusionem fide divina credendam. Sed qui sententiam Archiepiscopi Spalatenſis tueri vult, is hac responsione uti non potest. Nam si ex duabus præmissis, quarum una fide divina, altera fide humana creditur, inferri potest conclusio credibilis fide divina, facile contra Spalatenſem probabimus non solum dogma istud generale de divina authoritate librorum veras divinas revelationes continentium, sed etiam dogma speciale de divina authoritate huius aut illius libri in particulari, ut verbi gratia, libri Apocalypſ. fide divina credi posse. Huius enim libri divina authoritas sic demonstrari potest: *Omnes libri, qui veri continent divinas revelationes, sunt divini & Canonici. At liber Apocal. est talis.*

*talís. Ergo est divinus, & Canonicus.*  
 Hujus syllogismi utramque præmissam proponit Spalatensis libro citato, Cap. 1. §. 18. dicitque priorem fide divina, posteriorem verò fide humana credi. Si igitur ex Propositione credibili fide divina, & Assumptione credibili fide humana inferri potest conclusio credibilis fide divina, necessario sequetur conclusionem illam quæ est de divina & Canonica authoritate Apocalypicos esse certam certitudine fidei divinæ,

Cæterum quod ad rem ipsam attinet, si quis scire velit, utrum regula illa Logica, *Conclusio sequitur debiliorem præmissam*, sit universaliter vera, etiam in Theologia, cõsulat Smiglecii Logicam, Disp. 13. Quæst. 8. 12. & 13. ubi egregie probat debilitatem alterius præmissæ, semper, & in omni materia, redundare in conclusionem.

12.

~~~~~  
 PUNCTUM SEXTUM.

*Confutantur reliqui Theologorum errores,  
 de ratione credendi Sacra Scripturae divinam & Canonicam auctoritatem.*

PRIMA

1. **P** R I M A A S S E R T I O: Non  
satisfaciunt quæstioni,  
Cur credis Scriptu-  
ram esse D E I Ver-  
bum? qui dicunt se id  
credere propter increa-  
tam & eternam D E I perfectionem,  
seu propter ejus veracitatem. Ratio  
manifesta est, quia tota & completa ra-  
tio formalis, propter quam credimus fi-  
dei dogmata, non est sola D E I veracitas, seu  
infallibilitas, seclusa videlicet ejus revelatio-  
ne, seu testificatione, ut contra Turnebullum  
fussè probatum est Tract. 3. Cap. 1. 3. & 4.

2. S E C U N D A A S S E R T I O: Illi etiam  
huic quæstioni non satisfaciunt, qui inde-  
finite & confuse dicunt se credere Scrip-  
turam esse D E I Verbum propter di-  
vinam revelationem; & non docent, qua  
vel qualis sit illa revelatio, propter quam  
Scriptura divina auctoritas creditur.  
Probatur hæc A S S E R T I O, quia in  
generali illa responsione non potest Chri-  
stianorum fides sistere, et acquiescere. Quan-  
do enim audimus D E V M revelasse Scrip-  
turæ divinam & Canonicam auctoritatem,  
non



non acquiescimus, sed ancipites fluctuamus, donec sciamus quomodo, seu per quod medium externum Scripturæ authoritas à DEO revelata sit. Et confirmatur hæc ratio, quia non in communi notione, seu conceptu revelationis divinæ, sed in particulari aliqua revelatione fundatur Christianorum fides, ut omnes fatentur. Merito igitur parte prima Disputationis meæ, Sect. 5. (quam Lector videre potest Tract. 4. hujus libri, Pag. 135) dixi Gretserum, Becanum, & alios Pontificios ambiguè ac dolosè loqui, cum dicunt se credere Scripturæ divinam & Canonicam authoritatem propter revelationē divinam. Nam ut illi monui, non docent, immò nec docere possunt, ubinam inveniat illa revelatio divina, propter quam Scripturæ authoritas creditur.

*Tertia Assertio: Ineptè ad questionem hanc respondent illi, qui dicunt formalem rationem, propter quam credimus Scripturæ authoritatem, & reliqua omnia fidei dogmata esse internum Spiritus Sancti testimonium.* 3.  
 Damnamus hic primò Scotum qui in 3. Sentent. Distinct. 23. Quæst. unica, dicit intellectum assentiri omnibus fidei dogmatibus, atque adeo huic principio, *Scriptura est DEI Verbum*, non propter

aliquod motivum, aut argumentum quod objectivè movet ad credendum & ostendit dogmata fidei esse infallibiliter vera, ac credenda; sed quia intellectus ad assensum inclinatur ac movetur per lumen fidei, hoc est, per habitum fidei à Spiritu Sancto infusum. Dico hanc sententiam damnandam esse, quia sicut impossibile est voluntatem appetere aliquid, quod bonum non videtur, ita etiam, ut rectè monet Durandus, Lib. 3. Sent. Dist. 24. Quæst. 3. §. 8. impossibile est intellectum assentiri alicui objecto, quod verum non videtur, hoc est, cujus veritas nobis nondum apparet: & per consequens, assensum intellectus necessario præcedit aliqua ostensio, seu manifestatio veritatis objecti credendi, per sufficiens assentiendi motivum.

4. Secundò damnamus eos, qui concedunt quidem intellectum non posse assentiri dogmatibus fidei, nisi videat & cognoscat aliquid sufficiens motivum assentiendi, dicunt tamen formalem & principalem rationem, propter quam credimus, & in quam fides ultimò resolvitur, non esse illud assentiendi motivum (putant enim id tantum esse conditionem ad credendum requisitam) sed esse ipsummet lumen seu habitum fidei, & gratiam auxilii specialis, quo Spiritus Sanctus

Etus cum voluntate & intellectu nostro concurrat ad producendum fidei actum. Hanc sententiam tuerur Canus, Lib. 2. de Locis, Cap. 8. Resp. ad argumentum 4. Conclus. 4. ubi sic scribit: *Huic articulo, DEVS est trinus, assentior per infusam fidem, non quod Ioannes dixerit, aut quisvis alius homo, sed quod DEVS revelaverit. Huic autem, DEUS revelavit, immediate credo à DEO motus per instinctum specialem, seu per interius lumen infusum à Spiritu Sancto, quo firmissimè & certissimè movemur ad credendum.* Idem ferè docent Aragon. 2. 2. Quæst. 1. Art. 1. Bannez. ibid. Stapletonus in Controv. Relectione, Controv. 4. Quæst. 3. Art. 2. Resp. ad argum. 1. & Malderus 2. 2. Quæst. 1. Art. 1. Sect. 8.

Damnanda tamen, ut dixi, est hæc sententia: Primò, quia habitus fidei, qui est ipsum lumen fidei, in propria ac specifica sua natura constituitur, & ab omnibus aliis habitibus distinguitur per respectum ad formale objectum fidei. Ergo præsupponit formale objectum fidei, & est quid ab eo distinctum. Impossibile enim est ut habitus fidei constituatur in suo esse specifico per respectum ad se ipsum. Absurdè igitur loquuntur,



fur, qui dicunt habitū fidei, esse formale ob-  
 jectum fidei. Nam sic habitus fidei, erit for-  
 male objectum sui ipsius. Secundò, nos ideo  
 assensum fidei præbimus alicui dogmati,  
 quia id nobis verum apparet. Id igitur quod  
 ostendit nobis veritatem dogmatis nosque  
 de ea certos reddit, est formale objectum  
 assensus nostri. At habitus fidei non mani-  
 festat nobis veritatem dogmatum fidei, sed  
 hanc manifestationem præsupponit, & pro-  
 pter eam, aut potius propter motivum, per  
 quod hæc veritatis manifestatio fit, intelle-  
 ctum movet & inclinac ad præbendum as-  
 sensum. Tertiò formale objectū fidei (ut pa-  
 rat vel ex ipsa ratione nominis) *objectivè*  
 movet intellectū ad assensum. At habitus fi-  
 dei, & auxilium gratiæ, seu internus concu-  
 rus Spiritus Sancti, non *objectivè*, sed *ef-*  
*fectivè* concurrunt ad assensum fidei pro-  
 ducendum. Ergo non sunt formale obje-  
 ctum fidei. Probatur assumptio, (nam pro-  
 positio manifesta est) quia id quod *objectivè*  
 movet ad præbendum assensum, est *medium*  
*cognitum*, ut loquuntur. Nam, ut supra  
 monui, nihil potest *objectivè* movere intel-  
 lectum ad assensum, nisi quod ab intellectu  
 apprehenditur, & cognoscitur. At habitus  
 fidei, & auxilium gratiæ à Theologis appel-  
 lant

lancur *media incognita assentiendi*, quia possunt cooperari ad producendum assensum fidei quamvis ea à nobis non sentiantur aut cognoscantur.

Tertiò maximopere damnamus eos, qui, 6.  
cum dicunt internum Spiritus Sancti testimonium esse formale objectum fidei, per testimonium Spiritus Sancti non intelligunt habitum seu lumen fidei, neque auxilium gratiæ, sed internam revelationem propriè sic dictam. Notet hic Lector duplicem esse revelationem divinam: fit enim ea vel *ex parte potentia*, vel *ex parte objecti*. Revelatio *ex parte potentia* posita est in infusione luminis seu habitus fidei, & in collatione auxilii specialis ad credendum necessarii. Nam per geminam hanc gratiam, *habitualement* videlicet, & *actualement*, *revelatur* potentia intellectiva, hoc est velum cæcitatæ spiritualis quo re-  
cta fuit aufertur, & sic ea habilis & apta redditur ad ea percipienda quæ antea non percipiebat, atque adeo ad præbendum fidei assensum, juxta illud P S A L. I I 9. 18.  
*Revela oculos meos, ut intuear mirabilia ex lege tua*; hoc est, ut explicat Musculus, *Aperi mihi oculos mentis luce intelligentiæ, seu lumine fidei*. Re-  
velat

velatio *ex parte objecti credendi*, est quando id proponitur intellectui ut verum, & à DEO dictum. Vnde Suarez Disput. 3. de Fide, Sect. 3. §. 6. dicit illuminationem seu revelationem, quæ est ex parte objecti, fieri manifestando in objecto veritatem ejus, vel rationem assentiendi illi: Sic enim (inquit) præceptor illuminat auditores, & Angelus superior illuminat inferiorem. Sola hæc posterior revelatio, est revelatio propriè, simpliciter, et juxta frequentioremodum loquendi Scripturæ sic dicta, ut cuius in Scripturis versato patet: & per consequens revelatio interna propriè sic dicta, est revelatio aliqua ex parte objecti credendi, hoc est, est manifestatio aliqua veritatis in objecto credendo. Hoc magis patebit ex distinctione sequenti.

Nam revelatio quæ est ex parte objecti, 7. *vel est externa, vel interna*. Revelatio externa ex parte objecti, est quando dogma credendum, extrinsecus à DEO, vel in Scriptura, vel in doctrina, & prædicatione Ecclesiæ, proponitur, & intellectui obicitur ut verum & divinitus revelatum. Revelatio interna ex parte objecti, est quando dogma credendum intrinsecus proponitur intellectui, ut verum & à DEO dictum, idque per  
real



realem, & arcanam actionem Spiritus Sancti, immediate & per se in intellectum agentis, eique intellectualiter loquentis. Cum priori modo revelatur dogma credendum, ejus veritas intellectui objicitur & repræsentatur per species intelligibiles *naturales*, seu naturali modo productas, hoc est, *intellectui impressas à Verbo externo* quod legimus vel audimus. Cum posteriori modo revelatur dogma credendum, ejus veritas intellectui objicitur, ac repræsentatur per species intelligibiles *supernaturales*, hoc est, *ab ipso Spiritu Sancto immediate infusas*. Non enim excogitari potest alius modus, quo dogmatis credendi veritas per revelationem internam propriè sic dictam intellectui objici, ac repræsentari possit. Nam intellectus nihil intelligere potest sine speciebus intelligibilibus. Vnde Thomas Aquinas 2. 2. Quæst. 173. Art. 2. & cum eo omnes Theologi Scholastici dicunt illam speciem Revelationis Prophetica, quæ posita est in pura intellectuali illustratione non posse aliter fieri, quam per infusionem specierum intelligibilium. Vide Suarezium Disput. 8. de Fide. Sect. 6. §. 1. & 2.

His positis facillimè confutatur eorum 8. error,

error, qui dicunt formalem & principalem credendi rationem objectivam, in quam fides ultimò resolvitur, esse internam Spiritus Sancti revelationem propriè sic dictam. Primò enim hic modus cognoscendi veritatem dogmatum fidei est extraordinarius & propheticus, ut ex supra dictis patet: & per consequens doctrinæ Christianæ veritas ordinariè & communiter non sic innotescit fidelibus. Secundò qui hunc errorem amplectuntur, illi donum Prophetiæ, & donum fidei confundunt. Nam nobilissima species prophetiæ revelationis est ea, quæ fit per intellectualem locutionem seu illustrationem, ut docent Thomas secunda secundæ, Quæst. 174. Art. 2. & Suarez Disp. 8. de Fide, Sect. 8. §. 2. Tertiò nimis apertè favet hæc sententia Swenckfeldianis, Anabaptistis, et aliis internos afflatus, seu enthusiasticos jactantibus. Nam illa interna revelatio quæ est *ex parte objecti*, quæq. semper fit per supernaturales et divinitus infusas species, verè et propriè entusiasmus est. Quarto hinc sequitur totam Ecclesiam, hoc est, omnes fideles regi novis revelationibus. Quintò revelatio interna non magis potest nos certos reddere de divina sua autoritate, quam revelatio externa. Ergo si revelatio externa non propter se, sed propter revelationem

lationem internam credenda est, interna etiam revelatio credenda non est propter se, sed propter aliam aliquam revelationem: & sic aut dabitur processus in infinitum in revelationibus divinis, aut inter ipsas revelationes divinas committetur viciosus circulus.

**QUARTA ASSERTIO:** *Non approbamus eorum sententiam, qui asserunt ultimam resolutionem illius fidei, qua Scripturae auctoritas creditur, necessario fieri in traditionem Apostolicam non scriptam.* Hujus assertionis veritas abunde patet, partim ex argumento ad eam probandam allato parte 2. Disput. Quæst. 2. ad quod Turnebullus respondere non potuit, ut supra notavi Pag. 626. partim verò ex iis quæ dicta sunt Puncto 2. hujus Duplicationis, §. 6. Pag. 688. & 689.

**QUINTA ASSERTIO:** *Graviter errant illi, qui docent Ecclesiae testimonium, aut decretum seu definitionem, esse principale medium, per quod DEVS Scripturae auctoritatem revelat; nōsque de ea certos reddit.* Primò enim non certò constat certitudine fidei decreta Ecclesiae esse infallibilia, ut patet ex iis quæ dicta sunt



TRACT. 5. hujus LIBRI. Secundo, testimonium Ecclesiæ non est simpliciter, sed tantum suo modo divinum, ut docet BE LU LARM. Lib. 3. de Verbo DEI, Cap. 10. Resp. ad Arg. 15. Tertiò, idem Author loco citato, Resp. ad Arg. 13. dicit Ecclesiæ testimonium non esse primum, sed secundarium fidei nostræ fundamentum. Absurdum autem est dicere auctoritatem fundamenti primarii fidei pendere à secundo ejusdem fundamento. Quarto fides divina, qua talis est, nititur sola DEI revelatione. At ipsi Adversarii fatentur, Ecclesiæ testimonium esse quid distinctum seu diversum à revelatione divina. Vide Tract. 4. Cap. 3. §. 3. Quintò fides, qua creditur Scripturæ auctoritas est verè divina. At fidem quæ nititur Ecclesiæ testimonio, non esse divinam fatetur Becanus Tract. de Fide, Cap. 1. Quæst. 2. §. 9. & Cap. 8. Quæst. 8. §. 8. Sextò, auctoritas Ecclesiæ quoad nos pendet à Scriptura. Ergo non potest contra auctoritas Scripturæ quoad nos pendere ab Ecclesia. Nam sic inter regulas fidei committeretur vitiosus circulus. Septimò, nulla Principis lex auctoritatem suam habet à subditorum iudicio. At Scriptura Sacra respectu Ecclesiæ habet rationem legis. Ergo non habet suam auctoritatem ab Ecclesia

fiat iudicio. Denique si ad credendam Scri-  
pturæ authoritatem necessaria est regula ali-  
qua distincta à Scriptura, tunc etiam ad cre-  
dendam istius regulæ authoritatem opus  
erit alia regula, ab ea realiter diversa; & rur-  
sus, ad credendam hujus authoritatem, opus  
erit alia. Et sic aut dabitur processus in in-  
finitum, aut inter ipsas fidei regulas commie-  
tetur vitiosus circulus. At utrumque hoc  
consequens est absurdum. Ergo etiam &  
antecegens istud.

PUNCTVM SEPTIMVM.

*Proponitur vera sententia de ratione cre-  
dendi Scripturæ authoritatem, & à  
cavillis Turnebulli vindicatur.*

**I**N confutatione prædictorū  
errorum patet veritas istius  
sententiæ, quæ asserit, me-  
dium externum & princi-  
pale, per quod Sacre Scri-  
pturæ authoritas revelatur,  
esse ipsam Scripturam: atque adeo fideles  
credere Scripturam esse DEI Verbum, non  
propter Ecclesiam, aut aliquam regulam à

Scriptura distinctam, sed propter ipsam Scripturam. Hanc sententiam proposui parte 2. Disp. Quæst. 6. eamque variis argumentis confirmavi ibidem Quæst. 7. Adversarius ad hæc respondens, inverso penitus controversiæ statu, impias & blasphemias assertiones mihi affingit: & in eas acerbè ac impotenter debachatur. Interim veram & genuinam nostrorum Theologorum sententiam dissimulat: & argumenta ad eam confirmandam allata turpi silentio transmittit. Nam ex iis omnibus unum tantum, videlicet id quod Quæst. 7. §. 1. & 2. propositum est attingit, & in eo solvendo se miserè ac infèliciter torquet.

2. Ut igitur Thesis, quam propugno Quæst. 6. & 7. ab Adversarii cavillationibus vindicetur, notet hic Lector, Primò objectum formale fidei nostræ, ex mea sententia, non esse Scripturam Sacram nudè & in se consideratam, sed tantùm consideratam quatenus est DEI Verbum, seu quatenus DEVM ipsum autorem habet. Hoc patet ex tota sèrè mea Disputatione de formali fidei objecto: nam vix ulla est pagina istius Disputationis, in qua non dico formalem rationem, propter quam credimus ea quæ in Scriptura credenda proponuntur, esse quia Scrip-



*tura est DEI Verbum.* Vnde in ipso Disputationis titulo non dico *Scripturam*, sed *Scriptura divinam auctoritatem* esse formale fidei objectum.

Secundo notet Lector in Verbo DEI duplicem spectari posse auctoritatem, quarum una est externa, & de ipso Verbo scripto prædicatur tantum *per denominationem extrinsecam*: Hæc est suprema, & increata auctoritas DEI Optimi, Maximi, qui hujus Verbi author & inspirator est. Altera est interna, ipsique Verbo scripto intrinseca; quæ nihil aliud est, quam eminentia quædam, aut dignitas ipsius Verbi, quam à suo authore habet, quaque omni alio verbo excellentius est. Vtraque hæc auctoritas dici potest divina. Prior enim propriè & formaliter est divina, quia *in ipso DEO est*. Sic etiam posterior divina dici potest, quia etsi *non in DEO*, tamen à *DEO est*, & Verbo illi comperit quatenus DEVM authorem habet, seu quia DEI Verbum est. Prior auctoritas sic exprimitur: *Hoc Verbum, est DEI Verbum: DEVM authorem habet: DEVS per illud loquitur: omnia quæ in eo continentur, à DEO revelata sunt.* Posterior verò sic exprimitur:

*Hoc Verbum est certum, est infallibile, est omni alio verbo certius.* Hac distinctione utuntur; sed perperam eam applicant Ecclesiæ, Suarez Disp. 3. de Fide, Sect. 10. §. 8. & ipse Turnebullus Cap. 7. §. 1.

4. Si quis igitur quærat, utra harum auctoritatum sit formale fidei objectum? Resp. Prior illa; id est increata & æterna DEI auctoritas, non quidem nudè & abstractè cōsiderata, sed ipsi verbo applicata per denominationē quandam extrinsecam, quæ his propositionibus exprimi solet: *Hoc verbum, est DEI Verbum: DEVS, qui prima veritas est, per illud loquitur, &c.* Hoc fateri videtur Turnebullus Cap. 10. §. 2. ubi dicit Scripturam à nobis credi non propter seipsam, sed propter externam æternamq. inspiratoris auctoritatem. Et quid quæso hoc aliud est, quam, quod ego dico, Scripturam, & ea omnia, quæ in ipsa credenda proponuntur à nobis credi, quia Scriptura DEI Verbum est. Hoc etiam fatetur Bellarm. Lib. 3. de Iustificatione, Cap. 8. §. 1. Ratione 1. *Fides (inquit) non est, nisi Verbi divini auctoritate nitatur.* Et Valent. Tom. 3. Disp. 1. Quæst. 1. Punct. 1. §. 4. Col. 22. ubi dicit *omnem certitudinem*

*nem assensionum fidei ascribi in Sacris Scripturis auctoritati divina revelationis, id est, Verbi DEI. Et apertius Malderus in secundam secundæ D. Tho. Quæst. 1. Art. 1. Sect. 3. ubi ait ex Scriptura testimoniis aperte constare nos id, quod fide credimus, credere, tanquam Verbum DEI, id est, propter auctoritatem, quam apud nos habet Verbum DEI, quæ nihil est aliud, quam auctoritas primæ & summæ Veritatis. Hi authores dicunt auctoritatem Verbi DEI, esse auctoritatem ipsius DEI; & per consequens, esse formale fidei objectum.*

*Hinc patet, Iesuita Turnebulle, te impudenter calumniari, meamque sententiam pessima fide proponere, cum ita contra meas positiones de formali fidei objecto disseris, quasi dixissem ipsam Scripturam simpliciter, & in se spectatam esse formale fidei nostræ objectum: item eam à nobis credi propter seipsam, & non propter aliud. Unde collegis me esse idololatram, Cap. 10. §. 1. & 2. idque quia honorem primæ Veritati proprium tribuo creaturæ inanimatæ, id est Scripturæ.*

*Ac verò parum tibi ruxque famæ consulles, Turnebulle, si palam sic mentiri pergas.*



Mendacia non diu fallunt, ut dici solet, praesertim si aperta et manifesta sunt: Tale esse hoc tuum mendacium, et ex mea Disputatione, et ex tua Replicatione facile cuivis patere potest. Nam, quod ad Disputationem meam attinet, ubi quaeso dico Scripturam nudè et in se consideratam esse formale fidei objectum? In ipso disputationis titulo, ut jam monui, dico non *ipsam Scripturam*, sed *Scriptura divinam & canonicam auctoritatem* esse formale fidei objectum. Et in toto disputationis progressu doceo formalem rationem, propter quam credimus ea, quae credimus, non esse quia in Sacra Scriptura continentur, sed quia Scriptura in qua continentur, et nobis credenda proponuntur, non hominis, sed DEI ipsius Verbum est.

- Similiter dic, sodes, ubinam asseram
7. Scripturam credi *propter se ipsam*, eo sensu, quo me id asserere fingis. Assero quidem locis à te citatis nos credere Scripturam esse Divinam et Canonicam; hoc est, esse DEI Verbum, *non propter aliam revelationem à Scriptura distinctam, sed propter seipsam*, vel, ut planius dicam, fidem qua credimus Scripturam esse DEI Verbum, non necessario niti revelatione aliqua

quæ à Scriptura distincta, sed niti ipsa Scriptura : quod sanè verissimum est, ut intra probabo. At nullibi dico nos fidem adhibere Scripturæ, iisquæ quæ in Scriptura continentur, propter ipsam Scripturam : immò ubique assero nos credere ea quæ in Scriptura continentur, quia Scriptura DEI Verbum est. Vnde posteriori loco à te citato sic propono quæstionem, *An Scriptura credatur esse divina & canonica propter se?* et ad eam respondeo affirmative.

Disce igitur, Turnebulle, inter hæc duo 8. distinguere, *Scripturam credi propter se,* et *Scripturam credi esse divinam propter se.* Prius significat Scripturæ fidem esse adhibendam propter se, et est falsum. Posterius significat hoc principium, *Scriptura est DEI Verbum,* non credi propter aliud prius principium ab hoc distinctum, sed propter se; vel, quod eodem redit, Scripturæ divinam auctoritatem non credi propter revelationem aliquam à Scriptura distinctam, sed propter ipsam Scripturam.

At dicet aliquis : Non semel asseris revelationem divinam à nobis credi propter 9. seipsam. Resp. Verba mea quibus hoc assero locis à te citatis, id est, parte 1. Sect. 5. §. 5. & parte 2. Quæst. 7. §. 6. aperte indicant

me non loqui de revelatione externa *nuda*  
& in se spectata, sed quatenus DEI au-  
thoritas ei applicatur, seu quatenus DEVM  
authorem habet: hoc est, quatenus est di-  
vina, & quatenus hac propositione expri-  
mitur, *hæc revelatio est divina*, vel *hoc*  
*verbum, DEI Verbum est.*

10. Hoc pater ex argumento, quod efficaci-  
ter contra vos illic urgeo, & ad quod eu-  
nondum respondere ausus es. Illud sic se  
habet: Aut admittendus est processus in  
infinicum, in revelationibus divinis, aut tan-  
dem deveniendum est ad aliquam revela-  
tionem, quæ propter se creditur, supple,  
*esse divina*, aut, ut illic me ipsum explico,  
*quæ nos de divina sua auctoritate certos*  
*reddit*: & infra: Fides igitur qua credimus  
hanc revelationem *esse divinam*, nititur ali-  
qua revelatione divina, & proinde vel niti-  
tur hac ipsa revelatione, vel aliqua alia. At  
non nititur aliqua alia, quia sic daretur pro-  
cessus in infinitum. Ergo nititur hac ipsa  
revelatione, id est, propter hanc ipsam reve-  
lationem, & non propter aliquam aliam ab  
ea distinctam, credimus hanc revelationem  
esse divinam. Pater igitur ex mea disputa-  
tione sententiam illam, quam mihi affingis,  
nequaquam à me, locis à te citatis, assertam  
aut defensam fuisse.



Patet etiam hoc ex tuo libello, nam cum sententiam meam, de formali fidei objecto, Cap. 2. §. 5. oppugnas, hoc in mea doctrina reprehendis, quod dixerim formale objectum fidei, respectu eorum quæ in Scriptura credenda proponuntur, esse hoc principium, *Tota Scriptura est DEI Verbum*. Non igitur censeo fidem adhibendam esse Scripturæ, iisq; quæ in Scriptura credenda proponuntur, propter ipsam Scripturam, sed *propter Scripturæ divinam auctoritatem*, seu quia Scriptura DEI Verbum est.

At dicēs; si Scriptura creditur esse DEI Verbum propter seipsam, idem incommodum manet, videlicet Scripturam ipsam simpliciter, & in se spectatam, esse formale fidei meæ objectum. Si enim Scripturam esse veram & infallibilem credimus, quia ea DEI Verbum est; eam autem esse DEI Verbum credimus propter seipsam, manifestè sequitur a primo ad ultimum Scripturam a nobis credi propter seipsam; hoc est, nos propter ipsam Scripturam, credere Scripturam esse veram & infallibilem. Ecce, Turnebulle, nervosius & acutius pro te, tuæque objectiunculæ confirmatione dissero, quam tu in tuo opusculo disseruisti. Sed nihil hoc tibi profu-

profuerit: magna est veritas & praevalet, & quo acius oppugnatur, eo amplior & commodior occasio offertur veritatis assertoribus ipsam illustrandi.

13. Breviter igitur respondeo Theologos orthodoxos, cum dicunt se credere Scripturam esse DEI Verbum, non propter aliquid aliud, sed propter seipsam, non excludere DEVM aut *summam DEI veracitatem* ab assensu fidei, sed tantum *revelationes à Scriptura distinctas*. Illa enim assertio, *Credo Scripturam esse DEI Verbum, non propter aliquid aliud, sed propter seipsam*: illa, inquam, assertio hunc habet sensum, Credo Scripturam esse DEI Verbum, seu, quod eodem redit, omnia quae Scriptura continentur esse divinitus revelata, quia Prima Veritas id revelavit, non per aliquam revelationem à Scriptura distinctam, sed per ipsam Scripturam.

14. Ceterum quod attinet ad questionem a te propositam Quæst. 10. §. 2. qua videlicet quæris quid intelligam nomine *internæ lucis*, & *divinitatis*, quas S. Scriptura attribuo parte 2. Disp. Quæst. 8. §. 3? breviter & aperte respondeo, Primò, me nomine *divinitatis*, intelligere *externam*, æternamque (ut tu loqueris) *inspiratoris auctoris*

thoritatem, quæ de Scriptura prædicatur per denominationem extrinsecam. Quod autem inde colligis Scripturam non credi propter se ipsam, id non me, sed umbram tuam, cum qua toto ferè tuo libello animosè, & fortiter decertas, ferit. Secundò, dico me nomine *interna lucis*, intelligere eximiam illam Scripturæ qualitatem seu proprietatem, propter quam ea dicitur esse *lucida* & *illuminare oculos*, Psal. 19. 8. item *lumen*, & *lucerna lucens in caliginoso loco*, Psal. 119. v. 105. Proverb. 6. 23. & 2. Petri, Cap. 1. v. 19. Hæc autem proprietas competit Sacræ Scripturæ quatenus ea est manifestativa rerum sublimium, supernaturalium, & ad æternam salutem utilium, quas Philosophi gentiles, alijque, qui extra Ecclesiam vixerunt, obscuro humanæ rationis lumine percipere non potuerunt.

PUNCTVM OCTAVVM.

*Confutatur alterum Punctum Replicationis Turnebullianæ, & ostēditur quo sensu verum sit primum fidei principium non credi propter aliud, sed propter se.*





1.

V O D ad primum istud argumentum à me Quæst. 7. propositum attinet, ut infirmitas replicationis, quam tu ei opposuisti, appareat, teneantur hæc fundamenta.

2.

Primò, nulla credendi regula est primum principium fidei, sed potius divina authoritas primariæ seu principalis regulæ credendi, est primum fidei principium: verbi gratia, ipsa Scriptura nudè & in se considerata, non est primum fidei principium: ejus enim veritas seu infallibilitas creditur propter aliud, videlicet propter divinam ejus authoritatem. Ideo enim credimus ea quæ Scriptura nobis credenda proponit, quia Scriptura D E I Verbum est, seu quia D E V S per Scripturam ea quæ credenda sunt revelat. Fides autem, qua creditur hoc principium, non resolvitur in aliud prius principium. Nam D E V S per ipsam Scripturam revelat Scripturam esse D E I Verbum.

3.

Secundò, quamvis primum fidei principium in omnibus non conveniat cum primis scientiarum principiis, in hoc tamen cum iis convenit, quod certitudo, quam de  
ejus

ejus veritate habemus, in aliud principium ab eo distinctum non resolvatur. Ex his duobus fundamentis patet falsitas eorum quæ contra consequentiam argumenti nostri a te dicta sunt Cap. 10. §. 7.

Tertiò, in priori illa probatione argumenti nostri loquor de primis & indemonstrabilibus principiis scientiarum simplicium, nulli superiori subalternatarum, Nam primum fidei principium refert naturam & conditionem primorum & indemonstrabilium principiorum: in hoc tamen ab iis differt, quod assensus, quem præbemus conclusioni demonstrationis, specie differat ab assensu, quem præbemus principiis seu præmissis; contra verò assensus, quem præbemus primo fidei principio, ejusdem naturæ sit cum assensu, quem præbemus specialibus dogmatibus quæ propter hoc principium creduntur. Hæc observatio diluit ea quæ a te dicta sunt, Cap. 10. §. 8.

Quartò, hoc principium fidei, Scriptura est DEI Verbum, non est *notum ex ternis*, ut rectè observas loco citato §. 9. & proinde non est *per se notum evidenter*. At nihilominus est *per se notum inevidenter*, ut loquitur Valent. Tom. 3. Disp. 1. Quæst. 1. Punct. 4. §. 1. & ut loquitur Suarez


rez. Disp. 3. de Fide, Sect. 12. §. 11. *Est per se creditum, & sibi ratio credendi.* Est igitur primum fidei principium a quo modo per se notum, et in hoc convenit cum primis principiis Philosophicis. At non est per se notum evidenter, et in hoc ab iis discrepat.

6. Quinto, cum dico principium hoc *Scriptura est DEI Verbum*, quando creditur fide divina, non credi propter aliud, sed propter se ipsum; per illam particulam *non propter aliud*, non excludo DEI restantis seu revelantis auctoritatem, ut tu imaginaris ibidem §. 10. sed tantum externa revelationis media vel instrumenta, per quæ alii putant Scripturæ auctoritatem principaliter nobis revelari, ut patet ex iis quæ dicta sunt Puncto præcedenti, sub finem. Non igitur hîc mihi contradico, sed fundamentis supra positis constanter in hæreo ac insisto.

7. Denique primum fidei Christianæ principium, non est simile principiis scientiarum subalternatarum, quæ in scientia aliqua superiori demonstrantur, ut tu supponis §. 11. Capitis citati; sed potius, ut supra dictum est, refert naturam et conditionem primorum et indemonstrabilium principiorum, quæ in scientijs subalternantibus supponuntur.



tur. Quicquid igitur non propter aliud, sed propter se creditur, id omnino indignum est nomine primi principij fidei. Nam primū fidei Christianæ principium, nō resolvitur in aliud principium a se distinctum, ut ex apertis ipsorum Adversariorum confessionibus parebit Puncto sequenti.



## PUNCTVM NONVM.

*Fidem, qua credimus Scripturam esse DEI Verbum, ultimatē resolvi in ipsam Scripturam, tanquam in medium externum & principale, per quod DEVS Scripturae auctoritatem revelat, manifestē probatur ex doctrina Capreoli, Cajetani, Valentiani, Becani, & Suarezij.*



IOHANNES CAPREOLVS,  
(qui Thomistarum princeps in vestris Scholis appellatur) de illo fidei actu, quo primis principijs fidei assentimur, sic scribit, Lib. 3. Sentent.

Dist. 24. Quest. unica, Art. 3. Et cum vl-

terius queritur quomodo assensio huic, *DEVS* revelavit hoc, &c. dicitur quod fides assentit illi propter seipsam, & non propter aliquam aliam propositionem, ex cuius assensu causetur assensus istius, *DEVS* revelavit hoc. Hoc est enim primum credibile, *DEVS* vel Veritas prima revelavit quicquid continetur in S. Script. & in doctrina Ecclesie. Nec assensus huius propositionis effectivè & principaliter causatur ex alio assensu procedente, &c.

2. *CARIETANVS*, in 2. 2. Quæst. 1. Art. 1. Resp. ad dubium 4. de eodem fidei actu sic scribit: Vera tamen responsio est, quod sicut in transcendentibus unitas est una, & bonitas est bona: sic divina revelatio est quo, & quod creditur, ita quod sicut unitas est una seipsa, & ibi est status: ita divina revelatio, qua cetera creduntur, est credita seipsa, & non per aliam revelationem.

3. *VALENTIANVS*, Tom. 3. Disput. 1. Quæst. 1. Punct. 1. §. 5. Difficult. 8. Possamus (inquit) secundò ad argumentum respondere, concedendo quod fides præb

præbeat assensum revelationi ut revelata, non per aliam revelationem, sed per seipsam. Item Punct. 4. istius Quæst. §. 1. Col. 61. Secundo, (inquit) negandum est id esse per se notum evidenter (sicut hic loquimur) quod per se creditur, seu primo seu secundo: sed est id per se notum inevidenter. Iam enim diximus, cognitionem latius putere, quam cognitionem evidentem. Itaque quamvis divinam revelationem de aliqua propositione fidei, per se ipsam cognoscimus, & credimus per fidem sine alia revelatione, ut Puncto primo explicavimus: tamen non illam per se cognoscimus evidenter. Et Punct. 7. ejusdem Quæst. §. 43. Col. 145. ubi de auctoritate Scripturæ ex professo agit: Quibus (inquit) rebus ita explicatis, facile id etiam patet, quod tertio loco declarandum proposuimus: nempe quanta sit Scripturæ auctoritas. Est enim divina prorsus, ac proinde omnino infallibilis, ut magis Capite sequente explicabitur, & defenderetur. Quod ipsam quidem ex fide nobis constat, cum ob revelationem divinam in eadem Scriptura contentam, tanquam ob rationem, in quam



proprie ipsa fides respicit: tum etiam ob Ecclesie propositionem, tanquam ob conditionem, quandam requisitam, ut id ipsa Christiana fide credamus, tum postremo ob communia fidei motiva, tanquam propter argumenta videlicet, quibus animum inducimus credere non modo quae in Scripturis continentur, esse omnia verissima, sed inprimis etiam Scripturas ipsas esse divinas.

4. BECANVS Tract. de Fide, Cap. 1. Quæst. 2. §. 9. *Assensus* (inquit) fidei, videtur ultimò resolvi in authoritatem Ecclesie. Nam si queram, quare credis articulos fidei? Respondebis, quia DEVS revelavit. Si iterum queram, quare credis DEVM revelasse? Respondebis, quia Ecclesia Catholica hoc dicit. Ergo ultima resolutio fit in Ecclesiam. Respondeo. Tripliciter credi potest, DEVM hoc vel illud revelasse. Primò, propter se: & tunc est assensus fidei Theologicae, de quo hic agimus. Secundò, propter authoritatem Ecclesie dicentis: & tunc non est assensus fidei Theologicae, sed alterius inferioris ordinis. Tertiò, propter authoritatem ho-
- mini

nis: & tunc est assensus fidei humana. Primus assensus sic explicatur; Credo DEVM hoc revelasse, non propter aliud, sed immediate propter se. Secundus sic; Credo DEVM hoc revelasse, quia Ecclesia dicit. Tertius sic; Credo DEVM hoc revelasse, quia homo dicit. Itaque primus assensus non resolvitur ulterius, sed sistit in ipsa revelatione divina, quae creditur propter seipsam. Secundus resolvitur in auctoritatem Ecclesiae. Tertius in auctoritatem hominis.

SVAREZ, Disp. 3. de Fide, Sect. 12. §. 11. de hac ipsa materia sic scribit: Et in primo argumento postulatur difficultas saepe inculcata, & in hac materia valde obscura reputata, quomodo possit eadem propositio & esse credita, & ratio credendi ne in infinitum procedatur. Ad quod primo dicimus necessariam esse, ut authores prima sententia, hunc etiam nodum solvant: quia non possunt negare primam assertionem à nobis positam, ut revera non negant, quia est fide certissima, & tamen in illa potest fieri idem argumentum. Nam

si fide credimus DEVM dixisse mysteria fidei, ex quo quæso principio, vel ratione illud credimus? Nam si ex alio distincto, de illo iterum queram, & sic procedam in infinitum. Si autem ibi sistimus, jam eadem propositio quamvis per se nota non sit, erit per se credita, & sibi ipsi ratio credendi.

6. Item §. 12, ejusdem Sect. Dico (inquit) ergo principium illud non resolvi in aliud principium à se distinctum, sed seipso credi, ut rectè explicarunt Capr. & Cajet. citati in numero 7. Neq. refert quod obijciatur quod illud principium non est per se notum: quia esto hoc ita sit, nihilominus potest esse, & est per se credibile. Et infra: Hoc ergo (inquit) modo divinum verbū & rem dictam, & seipsum dicit, & hac ratione per fidem infusam creditur, non per resolutionem in aliud verbum, sed per se ipsum.

7. Similiter Disp. 5. de Fide, Sect. 2. §. 4. fatetur Scripturam habere in se aliquid peculiare unde fiat evidenter credibile, atque adeo certum certitudine infallibili (nam evidentiā credibilitatis, ex sententia Suarezii,



sine hac certitudine consistere nequit, ut paret ex ejus Disp. 5. de Fide, Sect. 2. §. 4.) eam esse DEI Verbum. Ita etiam (inquit) regula fidei quatenus est speciale organum per quod DEVS loquitur, interdum potest sibi testimonium praebere, & in se habet aliquid peculiare ex divina providentia, & ordinatione, unde fiat evidenter credibile, eam esse regulam fidei, & divinam assistentiam habere, ut est in Script. verbi gratia, concordia Prophetiarum cum eventibus, & sic de aliis quae postea explicabimus.

Item Sect. 3. ejusdem Disput. §. 8. sic 8:  
differit, de internis Scripturae Criteriis:  
Ultra hac verò possunt addi rationes credibilitatis, quarum precipua est, quae sumitur ex Prophetiis rerum futurarum. Nam cum Scriptura praedixerit futura, quae postea videntur impleta, evidens argumentum est, solo authore DEO scribi potuisse. Accedit praeterea mirabilis concordia, & consonantia omnium librorum inter se. Nam inde fit valde credibile, fuisse instrumenta ipsius DEI principaliter scribentis. Expendi etiam potest

*sanctitas, & puritas doctrine, &c.*

Denique ibidem §. 9. de authoritate illorum librorum, quos quidam distinctionis gratia Protocanonicos vocant, sic scribit: *De primo ordine librorum nihil est quod dicamus, quia habent summam authoritatem (quam habere possunt) tam ex se, quam ex Traditione, & Ecclesie approbatione.* Hic loquitur Suarez, de authoritate horum librorum quoad nos, dicitque eos habere summam hanc authoritatem apud nos, non solum *ex Traditione, & approbatione Ecclesie*, sed etiam (quod valde notandum est) *ex se*, hoc est, ex internis illis motivis, quæ ipsi Scripturæ insunt, & de quibus §. 8. locutus est.

Ex his Scriptorum Pontificiorum testimoniis facile colligi possunt assertiones aliquot, quæ Evangelicorum doctrinam de ratione credendi Scripturæ authoritatem, mirifice confirmant & illustrent: videlicet 1. principium illud, *DEVS dixit seu revelavit mysteria fidei*, non resolvi in aliud ulterius principium: 2. illud esse *per creditum*, & sibi ipsi rationem credendi: 3. revelationem divinam *revelare seipsam*: 4. ex internis rationibus credibilitatis, quæ videntur


licet ipsi Scripturæ insunt, ut verbi gratia, ex  
 concordia Prophetiarum cum eventibus,  
*evidens argumentum* sumi posse, ad pro-  
 bandum libros illos sacros *solo authore*  
*DEO scribi potuisse*: 5. Sacræ Scriptu-  
 ræ divinam & Canonicam auctoritatem no-  
 bis ex fide constare ob revelationem divi-  
 nam in ipsa Scriptura contentam, *tanquam*  
*ob rationem, in quam propriè respicit ip-*  
*sa fides*: Ecclesiæ verò propositionem so-  
 lum esse *conditionem quandam requisitam*  
 ut Christiana fide credamus Scripturam es-  
 se DEI Verbum.

Fateor equidem quosdam ex Authori-  
 bus citatis revera id damnassee quod nos  
 tuemur de ratione credendi Scripturæ au-  
 thoritatem; Interim ex re, mi Turnebulle,  
 scire velim, utrum dicendum sit assertiones  
 illas cum sententia vestra de Scripturæ au-  
 thoritate conciliari posse? An verò inge-  
 nuè confitendum sit ineluctabilem veritatis  
 vim ea authoribus istis extorsisse, quæ com-  
 munem Ecclesiæ Romanæ de ipso primo  
 fidei principio doctrinam funditus ever-  
 tunt? Huic quæstioni plenè, & perspicuè  
 satisfacito, & eris mihi magnus Apolla.

II.

QUEST





## QVÆSTIO VIII.

*An Becanus, Gretserus, aliique Ponti-  
ficii Doctores, rectè nobis objiciant Cir-  
calarem progressum in stabilienda fide.*



I.

RETSEVS in Tra-  
ctatu de agnoscendis Scri-  
pturis canonicis cap. 4.  
column. 1887: Et Becanus,  
tum in Opusculo de Cir-  
culo Calvinistico, § 6.  
tam in Compendio Ma-

nualis lib. 3, cap. 10. §. 2. objiciunt nobis Cir-  
calam: quod videlicet credamus Scripturam esse  
DEI Verbum propter internum sancti Spiritus  
testimonium; & rursus illud internum sancti Spi-  
ritus testimonium credamus propter Scripturam, in  
qua (ut loquitur Gretserus) sanctus Spiritus  
credentibus est promissus. Hic igitur duo conside-  
randa sunt: primo, Quid hæc intelligant Ortho-  
doxi per internum S. Spiritus testimonium? Secundo,  
an Orthodoxi Theologi credat Scripturæ divinam au-  
ritatem propter internum Spiritus testimonium.

2. Quod ad prius attinet, Evangelici per internum  
illud sancti Spiritus testimonium, non intelligunt  
novam

novam aliquam & extraordinariam revelationem, immediatè à sancto Spiritu profectam, sed revelationis prius in ipsa Scriptura facta applicationem efficacem. D E V S enim, qui Sacra Scriptura Author est, eam lucem, virtutem, & majestatem Scripturae indidit, quae sufficere possit ad Scripturae auctoritatem manifestandam & suadendam, praesupposita videlicet Ecclesiae testimonio; sine qua D E V S ordinariè istam fidem non producit. Caterum, quia nemo intueri potest mirabilia ex Lege DOMINI, donec ipse D E V S per Spiritum suum ejus oculos retegat, Psal. 119. 18. ideo illam revelationem auctoritatis Sacrae Scripturae extrinsecus in ipsa Scriptura factam necesse est intrinsecus applicari, & in cordibus nostris obsignari per gratiosam operationem sancti Spiritus intellectum nostrum illuminantis, ad percipiendam Scripturae divinitatem in ipsa Scriptura revelatam, & voluntatem nostram efficaciter moventis ad eam amplectendam.

Quod ad posterius attinet, patet ex quaestione 3. tertia hujus secundae partis, internum illud sancti Spiritus testimonium esse quidam principalem causam effectivam illius actus Fidei, quo creditur Script. auctoritas: non vero esse ejus principalem causam objectivam, seu fundamentum ejus principale. Ipsa enim Scriptura interna sua luce, virtute, & majestate divinitatem suam nobis manifestans, est principale fundamentum illius Fidei, quae

Sacra Scriptura divina auctoritas creditur. His  
 patet nos, in Fide nostrae solvenda neque progredi  
 in infinitum, neque in Circulo agitari: quia  
 videlicet, nos tandem sistimus in quodam ultimo  
 credibili, quod non propter aliud, sed propter se  
 creditur: nimirum in ipsa Sacra Scriptura quae creditur  
 esse DEI Verbum, non propter aliud, sed propter  
 se. Verbi gratia, Credo CHRISTVM habere  
 duas voluntates, quia habet duas naturas, Divinam,  
 & Humanam: Credo autem eum habere duas natu-  
 ras, quia Scriptura, quae DEI Verbum est, ei  
 duas naturas tribuit. Scripturam autem esse DEI  
 Verbum credo, non propter aliud, sed immediate pro-  
 pter se: quavis ad hoc credendum maxime neces-  
 saria sit interna illa operatio sancti Spiritus, qui  
 intellectum efficaciter movet in genere causae effe-  
 ctivae, ad Sacrae Scripturae auctoritatem creden-  
 dam, cum videlicet illustrando, ut possit percipere  
 mirabilia de Lege DOMINI, quae in genere  
 causae obiectivae movent intellectum ad assentien-  
 dum. Sic assentimur Scientiarum principiis propter  
 se: attamen ad illum assensum producendum neces-  
 sarius est habitus ille mentis, qui habitus principio-  
 rum, & intellectus dicitur. Sicut enim ipsa prin-  
 cipia obiectivè movent intellectum ad assentien-  
 dum, ita hic habitus effectivè concurrat ad illum as-  
 sensum producendum.

4. His positis nos facillimè pervenimus strami-  
 num illius Circulum, in quem Pontificii nos inclu-



dere satagunt. Falso enim asserunt nos credere Scripturæ auctoritatem propter internum sancti Spiritus testimonium: nam ut jam monui nos credimus Scripturæ divinam auctoritatem, non propter aliud, sed propter ipsam Scripturam: quia nimirum actus ille fidei, quo Scripturæ auctoritas creditur, ipsa Scriptura nititur, ut fundamento suo principali. Dices aliquis; Quidam Orthodoxi Theologi longè aliter loquuntur. Asserunt enim sepius Scripturæ auctoritatem credi, propter internum sancti Spiritus testimonium. Resp. Quamvis aliter loquantur, non tamen aliter sentiunt: Illud enim propter, ambiguum est, & aliquando importat respectum, ad causam effectivam assensus: aliquando vero, immo sæpius, ad causam objectivam, seu ad fundamentum, quo nititur assensus mentis nostræ. Cum igitur dicunt nos credere Scripturæ auctoritatem, propter internum sancti Spiritus testimonium, nihil aliud volunt quam Spiritus sancti testimonium esse principalem causam effectivam, quæ nos ad assentiendum moveat.

# REPLIC



# REPLICATIO TURNEBULLI.

*Quam octava huius Quaestionis opposuit  
Cap. 16. sui Libri.*



I.

NA mihi tecum superest quaestio, Minister Baro, Vtrum Catholici Doctores tuae sectae Professoribus recte obijciam circulum, v. g. Davidi Parzo Heidelbergensi olim Professore, quando rogatus vnde sciret Scripturam esse Verbum

DEI? respondit, Per internum Spiritus sancti testimonium; iterumque rogatus, Vnde sciret internum hoc testimonium, esse à Spiritu sancto? Respondit per Scripturam. Quod tu responsum ut à circulo liberes, 2. parte tuae disputat, quaest. 8. ais Scripturam esse principalem causam objectivam credendi, ultimumque credibile, quod non propter aliud, sed propter seipsam creditur. Internum verò testimonium Spiritus sancti esse principale causam duntaxat effectivam, quae nos ad assensum movet, non autem objectivam, propter quam assentimur. Atque ita cum per diversa causarum genera dentur ambae responsi partes, concludis nullum à tuis ita respondentibus committi circulum.

2. Ego tamen contendo, tam hanc distinctionem, quam omnem aliam viam esse inutilem ad

vos liberandos à circulo, qualem describit Esaias Prophetà Cap. 19. in Ægyptiis insipienti suorum optimatum consilio ita seductis, & spiritu vertiginis ita correptis, ut errarent in omni opere suo, sicut errat ebrius, & vomens; atque armati contra seinvicem in mutuam perniciem concurrerent. Et specialis quidem inutilitas hujus distinctionis à nostris alioqui mendicatz, facile ostenditur bifariam. Primò, quia licet hæc distinctio à nostris in aliorum terminorum usu rectè adhibeatur, manifesto tamen abusu terminorum tu eam usurpas. Nam omne testimonium tam divinum, quam humanum testantis auctoritatem exhibet, & hac exhibitione objectiva gignit Fidem testanti debitam. Ergo & testimonium Spiritus sancti, quando à tuæ sectæ Patriarchis affertur pro ratione credendi Scripturam, in eundem finem affertur.


Quomodo ergo à te fingitur denotare solam causam effectivam? Non advertis nomine testimonii significari Verbum testantis, quod à respectu ad auctoritatem per tale signum loquentis, non potest sine contradictione præcindi. Videris, mi Baro, loqui, & non advertere ad vim propriæ vocis.

Deinde non advertis discrimen inter discere, 3.  
Quid sit credendum, & ipsum credere. Questio nostrorum objecta vestris, Vnde constat Scripturam esse Verbum DEI? non querit proximam rationem credendi, vel formale objectum Fidei Scripturis debitæ, quod nemo ante te negavit esse DEVM quatenus est prima veritas. Sed querit regulam credendi tanquam principium disciplinæ Catechisticæ præcedentis Fidem, quâ Prudentia credent



credentis gubernetur, & infallibiliter discernantur ab omni temeritate communi hæreticis in ejusdem aliqui Scripturæ corticem nobiscum ut plurimum consentientibus. At sic intellectæ quæstioni nondum responsum esse à vestris nisi per circulum evidens est. Nam distinctio à te allata inter duplex causæ genus effectivæ, & objectivæ non potest accommodari huic sensui quæstionis ex se determinato ad solam regulam per modum objecti exemplaris præsuppositum Prudentiæ, præque affectioni credentium.

Quæ à Paragrapho hoc tertio, ad finem hujus Capitis habentur, ea pertinent ad quæstionem de Regula fidei, quam in specialem tractatum de Sacræ Scripturæ perfectione, postmodum, si DOMINVS voluerit, edendum, supra rejeci.



## AUTHORIS DUPLICATIO.

In qua  
Evangelicorum fides ab omni Circulo liberatur, & Adversarii impostura in pervertendo hujus controversiæ statu detegitur.

RESPONS



RESPONSIONEM meam ad  
argumentum, quo Becanus, Gretserus, & alii Doctores Pontificii probare conantur nostrum progressum in stabilienda fide esse circularem, du-

bus rationibus impugnas Cap. 16. §. 2. & 3. Prima ratio nititur falso, aut saltem ambiguo fundamento, quod videlicet *omne testimonium divinum DEI testantis auctoritatem exhibeat*, atque adeo quod sit *objectiva ratio credendi*. Id enim verum est, si testimonium divinum strictè & propriè accipiatur pro revelatione ea quæ est *ex parte objecti*, quæque DEVS ipsas res credendas nobis manifestat seu revelat. Falsum verò est, si testimoniū divinū latè et impropriè accipiatur pro revelatione ea quæ est *ex parte potentie intellectiva*, quæque, ut supra monui, posita est in infusione habitus fidei, & collatione auxilii specialis ad credendum necessarij. Nam habitum fidei, & gratiam auxilii specialis, non ad objectivam, sed ad solam effectivam credendi causam pertinere, abunde probatum est Duplicat. præcedenti, Puncto 6. §. 3. Pag. 731. Posteriori hæc modo in hac controversia acci-

pitur internum testimonium Spiritus Sancti non solum à Pontificiis, sed etiam ab Evangelicis Theologis, ut patet ex Whittakero, Controv. 1. Quæst. 3. Cap. 11. Argum. 18. ubi dicit, *fidem insusam nihil aliud esse, quam testimonium Spiritus Sancti.*

2. Secunda tua ratio multa falsa & absurda continet. Primò enim miserè invertis & pervertis statum hujus controversiæ, §. 3. Capitis citati; ubi dicis hîc quæstionem præcipuè moveri, non de *formali objecto fidei Scripturis debita*, sed de *principio disciplina Catechistica*, quæ necessaria est, ut non temerè, sed prudenter credamus librorum Canonikorum auctoritatem. Nam quod ad principium disciplinæ Catechisti- cæ attinet, nos ultro fatemur Ecclesiæ testi- monium esse *primam januam ad cognitio- nem librorum Canonikorum*, ut loquitur Gretserus vester, Append. 2. ad Lib. 3. de Verbo DEI, Col. 1515. esse *conditionem necessariò requisitam ad prudenter cre- dendam eorum auctoritatem*: atque adeo neminem prudenter credere hujus aut illius libri auctoritatem, nisi prius consuluerit Ec- clesiam, non quidem *ut auctoritativum & infallibilem judicem*, sed *ut testem,*  
custod



*custodem, & promptuarium librorum  
 Canonorum. Vide ea quæ dicta sunt  
 præcedente Duplicatione, Punct. 2. §. 4.  
 Pag. 686. & Puncto 3. §. 1. & 2. Vide  
 etiam Tract. 4. Cap. 6. §. 1. Pag. 185.*

At de formali objecto fidei Scripturis  
 debita longè à vobis dissentimus. Nam ex 3.  
 sententia Evangelicorum formale objectum  
 illius fidei, quæ Scripturæ autoritas credi-  
 tur, est *DEVS per ipsam Scripturam re-  
 velans Scripturæ autoritatem*: atque  
 adeo medium principale per quod *DEVS*  
 objectivè revelat Scripturæ autoritatem  
 est ipsa Scriptura. Vos contra dicitis, Pri-  
 mò, ex ipsa Scriptura non posse haberi in-  
 fallibilem certitudinem de divina authorita-  
 te librorum Canonorum: Secundò, Scrip-  
 turam non esse perfectam & principalem fi-  
 dei Regulam, quia ejus autoritas non per  
 eam ipsam, sed per aliam credendi Regulam  
 nobis innotescit.

Secundò, falsò asseris formale objectum 4.  
 fidei Scripturis debita esse solam *DEI* ve-  
 racitatem, seu *DEVM* quatenus est prima  
 veritas. Nam tota & completa ratio for-  
 malis, propter quam credimus, est *DEVS*  
 quatenus est prima veritas revelans, seu

primæ veritatis revelatio, ut patet ex Tract.  
3. Cap. 3. & 4.

5. Tertiò, nimis abjectè loqueris de regula credendi, cum eam à formali fidei objecto exclupis, & ad solam disciplinam Catechisticam quæ fidem præcedit, & prudentiam credentis gubernat refers. Certum enim est, & ipse fateris Cap. 7. §. 3. & 6. regulam credendi, quatenus est instrumentum externum, per quod DEVS veritates credendas revelat, vel, ut tua phrasi utar, quatenus per eam DEI loquentis autoritas rebus credendis applicatur, pertinere ad formale fidei objectum. Præterea prudentia credentis non tantum dirigitur & gubernatur *regula credendi*, sed etiam *humanis & evidenter cognitis motivis*. Imò prudens illud iudicium de credibilitate doctrinæ Christianæ, quod fidei actum præcedit, solis huiusmodi motivis dirigi videtur.

6. Ut autem hoc intelligatur tenendum est aliquem duobus modis posse prudenter judicare hanc vel illam doctrinam esse credibilem: Primò, si videat eam multis argumentis humanis & naturalibus confirmari. Secundò, si videat eam in principali credendi regula, seu per eam, esse à DEO revelatam. Prius illud iudicium de credibilitate doctrinæ non est actus fidei, sed est dispositio

tio quædam fidem præcedens, ut communiter docent Theologi: & per consequens prudentia, quæ in eo cernitur, verè & propriè dici potest *prudentia prævia*, quia præcedit fidei actus. Posterius iudicium est actus fidei divinæ, ut docent Cajetanus, in 2. 2. Quæst. 1. Art. 4. ad 3. Suarez, Disput. 6. de Fide, Sect. 8. §. 6. & Becanus, Tract. de Fide, Cap. 8. Quæst. 6. & per consequens hujus iudicii prudentia, non est dispositio præcedens fidem, sed est proprietas, seu affectio ipsorum actuum fidei.

Ex his patet testimonium Ecclesiæ ex sententia Evangelicorum esse *principium directivum prudentiæ præviæ*, quæ videlicet credendi actus præcedit. Dicimus enim neminem prudenter credere aliquod dogma fidei, nisi prius ex communibus fidei motivis, & speciatim ex Ecclesiæ præsentis testimonio, aut Ecclesiæ antiquæ doctrinæ & praxi id credendum esse aliquo modo percipiat. Vnde supra §. 2. dixi neminem prudenter credere librorum Canonicorum auctoritatem, nisi prius consuluerit Ecclesiam, ut testem, custodem, & promptuarium librorum Canonicorum.

Si igitur Quæstio moveatur non de principali medio per quod DEVS Scripturæ auctoritatem revelat, sed de via & ratio-



ne, qua discimus, quī libri pro Canonici habendi sunt, deque principio directivo prae-  
vix prudentiae, quae videlicet praecedere de-  
bet illum fidei actum, quo Scripturae autho-  
ritas creditur; si, inquam, sic concipiatur  
hæc quæstio de Scripturae authoritate, liben-  
ter concedimus ad eam respondendum esse  
non per ipsam Scripturam, sed per Ecclesiae  
testimonium.

9. Si vero Quæstio proponatur de princi-  
pali medio, per quod DEVS Scripturae au-  
thoritatem revelat, longè aliter responden-  
dum est. Nam, ut ex præcedenti Duplicatio-  
ne patet, neque internum Sancti Spiritus te-  
stimonium, neque Traditio aliqua non scri-  
pta, neque præsentis Ecclesiae iudicium, sed  
ipsa Scriptura, quatenus est internis suis cri-  
teriis vestita, est principale medium per  
quod DEVS Scripturae authoritatem reve-  
lat: Et per consequens fides qua Scripturae  
authoritas creditur, non resolvitur in ali-  
quod medium divinæ revelationis à Scrip-  
tura distinctum, sed in ipsa Scriptura sistit  
& acquiescit. Hinc patet nos in fide no-  
stra resolvenda, neque progredi in infini-  
tum, neque in Circulo agitari; quia videli-  
cet nos tandem sistimus in quodam ultimo  
credibili: nimirum in DEO quatenus  
per

per Scripturam revelat, non solum dogma-  
tum credendorum veritatem; sed etiam ip-  
sius Scripturæ authoritatem.



## APPENDIX,

De propositione Ecclesiæ, qua  
sacræ Scripturæ authoritatem nobis  
credendam proponit, quæque, ut  
loquuntur Pontificii, est con-

ditio annexa formali

objecto fidei.

### QVÆSTIO I.

*An infallibilitas iudicii requiratur in  
Ecclesia, qua Verbi DEI authorita-  
tem nobis credendam proponit?*



Respondetur negativè, Primb, quia  
Ecclesiæ testimonium non est I.  
formale objectum fidei nostræ,  
aut principale ejus fundamen-  
tum, sed tantum conditio requi-  
sita ad assensum fidei, ut faten-  
tur ipsi Adversarii. Ergo certitudo fidei nostræ ab  
eo intrinsecè & essentialiter non pendet: & proinde

sublata infallibilitate hujus testimonii, plenè & sufficienter sua fidei certitudo constabit. Illustratur hoc à simili. Nam quemadmodum infallibilitas judicii in Philosophiæ Professoribus non requiritur; quia nimirum non eorum assertio, sed principiorum evidens veritas est principale fundamentum scientiæ discipulorum. Ita etiam infallibilitas judicii non requiritur in Ecclesiæ Pastoribus; quia, videlicet, non eorum testificatio, sed Primæ Veritatis revelatio est principale fundamentum fidei Christianorum, ut ipsi Pontifici prostantur.

3. Secundo, Ecclesiæ propositio, qua proponit Verbi DEI auctoritatem, vel est instituta ad instruendum & docendum tantum, vel etiam ad certificandum, & firmam fidem faciendam de veritate rei propositæ. Si Ecclesiæ propositio est informativa tantum, & non certificativa, infallibilitas judicii in ea non requiritur, ut caivis manifestum est. Si vero etiam est certificativa, & firmam rei propositæ fidem facit, jam non conditio tantum, sed & causa credendi est; quod falsum & absurdum est, falentibus ipsis Adversariis, qui palam asserunt Ecclesiæ testimonium non esse causam assensus fidei, sed esse conditionem necessariam requisitam ad assensum fidei eliciendam.



## QVÆSTIO II.

*An ob Ecclesie propositionem infallibilem, tanquam ob conditionem necessariam praequisitam, Verbi DEI auctoritas credenda sit?*



Respondetur negativè. Idque quia, si ob Ecclesie infallibilem propositionem, tanquam ob conditionem praequisitam, Verbi DEI auctoritas credenda sit, necessario sequetur Ecclesie infallibilitatem credendam esse, antequam credamus Verbi DEI auctoritatem. At hoc est absurdum. Ergo, & illud. Probatur propositio, quia testimonium Ecclesie, ex Pontificiorum sententia, nihil roboris, aut efficacie ad suadendam Scripturæ divinam auctoritatem habere potest, nisi & in se infallibile sit, & nobis tale videatur, hoc est, nisi firmam persuasionem de ejus auctoritate prius habeamus. Ergo si ob illud testimonium, tanquam ob conditionem praequisitam, Verbi DEI auctoritas credenda sit, illius testimonii infallibilitatem prius à nobis credi oportet.

Probat

2. Probatur assumptum, quia si Ecclesie infallibilitas credatur ante ipsum formale fidei objectum, hoc est, ante totius Verbi D E I auctoritatem, sequetur Ecclesie infallibilitatem credi, ante omnia materialia fidei objecta, & proinde etiam ante seipsam. Hoc autem sic colligitur: Ecclesie infallibilitas, ex Pontificiorum sententia, credenda est ante totius Verbi D E I auctoritatem: & Verbi D E I auctoritas credenda est antequam credamus aliquid quod in Verbo revelatum est. Ergo, à primo ad ultimum, Ecclesie infallibilitas credenda est, antequam credamus aliquid quod in Verbo D E I revelatum est. At ipsa Ecclesie infallibilitas in Verbo D E I revelata est. Ergo Ecclesie infallibilitas credenda est, antequam credamus Ecclesie infallibilitatem: & sic idem credetur ante seipsum, eritque notius seipso: quod absurdum est, & contradictionem implicat. Hoc argumentum aliter proponi potest ad hunc modum; Priusquam credamus Ecclesie infallibilitatem quæ in Verbo D E I revelata est, oportet ut credamus Verbi Dei auctoritatem: & priusquam credamus Verbi D E I auctoritatem, oportet ut credamus infallibilitatem Ecclesie, quæ Verbi D E I auctoritatem nobis commendat. Ergo, à primo ad ultimum, priusquam credamus Ecclesie infallibilitatem, oportet ut credamus Ecclesie infallibilitatem.

3. Bellarm. Lib. 3. de Verbo, Cap. 10. Respons. ad Argum. 15. dicit propositionem fidei

dei hoc syllogismo concludi: Quicquid DEVS in Verbo suo revelavit, est verum. At DEVS hoc in Verbo suo revelavit. Ergo hoc est verum. Ex propositionibus hujus syllogismi (inquit Bellarm.) prima certa est apud omnes: secunda etiam apud Catholicos firmissima est: nititur enim testimonio Ecclesiae, Concilii, aut Pontificis, de quibus habemus in Scripturis apertas promissiones quod, videlicet errare non possint. Propositio igitur fidei Pontificiae, quae Ecclesiae infallibilitas creditur, hoc syllogismo concluditur: Quicquid DEVS in Verbo suo revelavit, illud est verum. At DEVS in Verbo suo revelavit Ecclesiae infallibilitatem. Ergo verum est Ecclesiam esse infallibilem. Major certa est apud omnes. Minor etiam firmissima est apud Pontificios. Quare? Quia nititur testimonio Ecclesiae. At testimonium Ecclesiae non potest firmam istius assumptionis fidem facere, nisi ejus infallibilitatem cognitam & perspectam habeamus. Eam autem cognitam habere non possumus, nisi prius pleno & firmo fidei assensu assentiamur conclusioni syllogismi jam adducti, quae videlicet asserit Ecclesiae testimonium esse infallibile. Ergo, non possumus firmiter assentiri assumptioni istius syllogismi, nisi prius assentiamur ejus conclusioni: & sic assensus conclusionis praecedet assensum praemissarum; quod planè ridiculum est.

REPLIC





# REPLICATIO TVRNEBVLLI,

*Qui occurrere conatur duobus argumen-  
tis ab Authore propositis Quæst. 1.  
Appendicis: Nam posteriori Quæstio-  
ni, quæ causæ Pontificiæ jugulum petit,  
nihil speciatim opponere voluit.*

Cap  
.8.5.  
13.



**A**D prius argumentum sic re-  
sponder, Cap. 8. § 13. & 14.  
Respondeo, & dico duo:  
Primum, in Fide Catholica di-  
stinguendas esse duas rationes,  
unam naturæ physica præcisæ  
à toto genere moris, & à pru-  
dentia eam dirigente, alteram  
boni, prudentis, & Catholici moris positam in con-  
formitate cum universali regula credendi omnibus  
CHRISTI membris præfixa. Si prior tantum ejus  
ratio spectetur, fateor essentiam Fidei divinæ stare  
totam potuisse, quamvis DEVS non nisi unicum  
hominem, vel unicum tantum Angelum condi-  
disset, cui sua mysteria revelasset credenda. Quo  
in casu non fuisset opus Catholicâ regulâ, ubi sola  
personalis fuisset in usu. Sicut etiam modo con-  
tingit in privatis revelationibus, quibus DEVS  
extraordinariè dignatur aliquando suos servos no-  
biscum viventes, qui ex eadem Fide secundum  
Physic

phyficam speciem infusi habitus credunt, tum ejusmodi privatas revelationes, tum communem Ecclesie doctrinam sub diversis tantum regulis credendi.

Si autem consideretur posterior ejus ratio in genere boni, & prudentis moris ex divina ordinatione jam debiti, nego eam vel stare, vel concipi posse sine conformatione cum judicio Ecclesie, tanquam cum exemplari causa Fidei Catholice, quatenus Catholica est, omnibus, qui Catholici volunt esse, vel dici, divinitus præscripta, ut totus discursus quinti nostri capitis satis ostendit, præsertim in secunda ejus demonstratione.

Dico deinde, similitudinem Professoris Philosophi, quâ tuam objectionem illustrasti, posse in te optimè retorqueri, si distinguamus viam disciplinæ à tota via propriæ inventionis. Nam per solam viam disciplinæ non potest ullus auditor, v. g. elementorum Euclidis pervenire ad evidentiam alicujus theorematís, nisi præeunte infallibili judicio Magistri, tanquam exemplari principio, quod imitetur discipulus. 14.

Alioqui si non obstante lapsu Magistri imperitè utentis radio, perveniat ad evidentiam quæsitam, perventio debebitur viæ propriæ inventionis, non solius disciplinæ à præeunte Magistro acceptæ, ut per se patet.

At doctrinam Fidei nullatenus habemus per viam humanæ inventionis, sed duntaxat cœlestis disciplinæ, cum tota sit ex auditu, Rom. 10. Igitur sine infallibili judicio Magistrorum divinitus edoctorum eam non habemus. Contra verò hæretici omnes, idcirco sunt hæretici, quia relictâ viâ disciplinæ

ciplinæ, quæ iudicium sequitur Magistrorum, viam ingrediuntur propriæ inventionis, quando aliam sibi fingunt regulam, quàm à DEO constitutam.

Posteriori argumento occurrit his verbis:

15. Respondeo, nihil esse in hac objectione novum, vel difficile advertentibus discrimen, jam sapius traditum inter discere quid sit credendum, & ipsum credere. Nam declaratio Ecclesiæ non tantum informat, sed etiam nos certos facit, quid credi debeat.

Immo inseparabilis hîc est informatio à certificatione, quia est informatio authentica. Vnde uno eodemque Ecclesiæ magisterio certi reddimur, tum divinæ revelationis, tum nostræ obligationis ad credendum quod revelatur. Quamvis ipse postea credendi actus non nitatur Ecclesiæ magisterio, nisi tanquam principio exemplari nobis ad imitandum divinitus ordinato. Ergo magisterium Ecclesiæ non est, ut tu sæpè fingis, nuda conditio accidentaria Fidei Catholicæ, qua Catholica est, sed principium essentialiter præsuppositum toti laudi, & significationi hujus epitheti.



## AUTHORIS DUPLICATIO.

### PUNCTVM PRIMVM.

*Diluuntur Adversarii cavillationes contra Questionem primam Appendicis.*

DUABUS





UABUS distinctionibus I.  
eludere conaris vim prio-  
ris argumenti à me pro-  
positi Quæst. i. Appen-  
dix. Prima distinctio,  
qua distinguis inter fidem  
consideratam in genere natura, & fidem  
consideratam in genere boni, prudentis, &  
Catholici moris, vel, ut aliter dicam, inter  
naturam fidei præcisè ac in se considera-  
tam, & moralem illam bonitatem, quæ in  
actu fidei requiritur ad hoc, ut pius, pru-  
dens, & verè Catholicus assensus dici possit;  
hæc, inquam, distinctio in se quidem bona  
est, sed malè eam applicas, cum dicis confor-  
mitatem cum infallibili Ecclesiæ judicio esse  
de ratione fidei posteriori modo considera-  
tæ, non verò esse de ejus ratione, nec neces-  
sariò ei competere, si priori modo ea consi-  
deretur.

Dico distinctionem hanc in se bonam ac  
utilem esse; quia conformitas cum externa 2.  
& communi credendi regula non est de ra-  
tione fidei præcisè & in se consideratæ, ut  
patet ex ijs qui fide verè divina olim credi-  
derunt res sibi immediatè à DEO revelatas,  
non propter publicam aliquam revelatio-  
nem in Scriptura factam, sed propter priva-  
tas

tas & arcanas revelationes; est tamen de ratione fidei Catholicæ quatenus est Catholica seu universalis: Nam qua talis est, ad communem seu Catholicam credendi regulam est alligata.

3. Dico eam malè à te applicari; quia Ecclesiæ iudicium seu definitio non est catholica credendi regula; et, ut ex Puncto sequenti patebit, possibile est alicujus fidem esse prudentem & verè Catholicam, quamvis non nitatur infallibili Ecclesiæ iudicio.


4. Quod ad secundam distinctionem attinet, rectè distinguis *viam disciplina à via propria inventionis*: rectè etiam observas doctrinam fidei nullatenus haberi per viam humanæ inventionis. Ineptè tamen hinc colligis eam non haberi sine infallibili iudicio Pastorum Ecclesiæ, quos tu hinc per *Magistros divinitus edoctos intelligis*. Hoc consequens non inferitur necessario ex isto antecedente. Nam *Magistri divinitus edocti & infallibiles*, à quibus doctrinam Evangelii per viam cælestis discipline habemus, non sunt ordinarii Pastores Ecclesiæ, sed Apostoli & Evangelistæ, qui, ut scribit Irenæus, Lib. 3, Cap. I. Evangelium quod primum præconiauerunt, per DEI voluntatem in Scripturis tradiderunt,

*puri, fundamentum & columnam fidei  
nostrae futurum.* Hinc patet similitudi-  
nem illam Professorum Philosophiae recte a  
me adhiberi ad illustrandum primum illud  
argumentum. Nam quemadmodum asse-  
veratio Professorum Philosophiae non est  
principale fundamentum scientiae discipu-  
lorum, ita etiam testificatio Pastorum Eccle-  
siae non est principale fundamentum fidei  
Christianorum: Et per consequens infalli-  
bilis iudicii non magis in his, quam in il-  
lis requiritur.

Ad solvendum posterius argumentum  
frustra affers distinctionem illam inter *dis-*  
*cere quid sit credendum, & ipsum crede-*  
*re.* Nam, ex vestra sententia, fideles non  
solum per Ecclesiae testimonium discunt  
quid sit credendum, sed etiam propter illud  
credunt ea quae credunt. Vnde ipse hic asse-  
ris Ecclesiae propositionem esse institutam  
non tantum ad instruendum, sed etiam ad  
certificandum, & firmam fidem faciendum.  
At hinc, ut in confirmatione argumenti mo-  
nui, manifeste sequitur Ecclesiae testimo-  
nium non tantum esse *conditionem*, sed  
etiam esse *causam objectivam credendi*,  
& pertinere ad formalem rationem propter  
quam credimus. Nam id per quod Deus



principaliter res credendas revelat, nosque de earum veritate certos reddit, id, inquam, nos objectivè ad credendum movet : & per consequens verè & propriè ad formale fidei objectum refertur.



### PUNCTUM SECUNDUM.

*Variis exemplis ostenditur fidem Catholicam, qua talis est, stare & concipi posse sine conformatione cum infallibili aliquo iudicio Ecclesie.*

i.



**T** Fides alicujus nitatur Ecclesie iudicio aut definitione, tanquam infallibili fidei regula, quinque necessaria sunt. Primò enim requiritur necessariò ut Ecclesia illa, cujus vocem is audit, revera sit infallibilis. Secundo, requiritur ut Ecclesia illa judicialiter et authoritativè sententiam suam de rebus credendis pronunciet. Tertiò, ut is qui Ecclesie istius vocem audit, firmiter credat eam esse infallibilem. Nam qui Ecclesie infallibilitatem negat, aut de ea dubitat, is non potest dici Ecclesiam tanquam

quam exemplarem credendi causam, et infallibilem fidei regulam sequi. Quarto, ut certò sciat doctrinam, quam explicitè et distinctè credit, esse ab Ecclesia traditam, et definitam. Nam qui hoc ignorat, is non potest dici credere ea, quæ credit, ob infallibilem Ecclesiæ auctoritatem. Quinto, ut nihil credat vel tempore vel natura prius quam Ecclesiæ infallibilitatem. Nam quicumque aliquod dogma credit, antequam fidem adhibeat Ecclesiæ testimonio, is non potest dici illud dogma credere ob Ecclesiæ testimonium. Ex his facile percipiet prudens Lector, multos olim habuisse, & nunc etiam habere fidem verè Catholicam sine conformatione cum infallibili aliquo iudicio Ecclesiæ. Tales fuerunt,

Primò, illi qui in DEVM crediderunt ante Legem scriptam: Illis enim temporibus Ecclesia non fuit infallibilis, ut patet, Primò, quia nihil tale ex Scripturis colligi potest: Secundò, quia ea sæpius defecit a verò DEI cultu ad colenda idola, ut ex Genes. 4. 26. Iosuez 24. 2. Ezechielis 20. vers. 7. colligi potest. Vnde Augustinus, Lib. 16. de Civitate DEI, Cap. 12. *Apud Chaldaeos (inquit) jam tunc etiam superstitiones impie praevallebant, quemadmo-*

dum per ceteras Gentes. Vna igitur Thara domus erat, de qua natus est Abraham, in qua unius veri DEI cultus, & quantum credibile est, in qua iam sola etiam Habrea lingua remanserat, quamvis & ipse, sicut iam manifestior DEI populus in Aegypto; ita in Mesopotamia servuisse diis alienis Iesu Nave narrante refertur, &. Proinde sicut per aquarum diluvium una domus Noe remanserat ad reparandum genus humanum, sic in diluvio multarum superstitionum per universum mundum remanserat domus Tharae, in qua custodita est plantatio civitatis DEI. Idem in Psal. 128. Aliquando in solo Abel Ecclesia erat, & expugnatus est à fratre malo & perditio Cain, aliquando in solo Enoch Ecclesia erat, & translatus est ab iniquis, aliquando in sola domo Noe Ecclesia erat, & sola arca natavit in fluctibus, aliquando in solo Abraham.

3. Secundo, illi qui post promulgationem legis, & constitutionem politiae Iudaicae, in DEVM crediderunt: Nam Ecclesia Iudaica non fuit infallibilis fidei & morum regula,



gula, ut patet, Primò, quia ea etiam à vera fide & religionis puritate subinde defecit: Imò ita defecit, ut nusquam in ea inveniri poterit purum verbi ministerium, ab idololatria penitus immune, Patet hoc ex statu istius Ecclesie post mortem Ioschua, Nam cū mortuus esset Ioschua, & tota illa ætas aggregati essent ad maiores suos, & surrexisset ætas altera post eos, qui non agnoscebant IEHOVAM, nec etiam opus illud quod fecerat Israeli, tunc fecerunt filii Israelis id quod malum videtur in conspectu DOMINI, & relinquentes IEHOVAM DEVM majorum suorum secuti sunt Deos alios. Iudic. Cap. 2. vers. 7. 10. & sequentibus.

Similiter ex statu istius Ecclesie tempore Regum: Nam Ieroboamus, Rex Israelis, non solum ipse dereliquit DOMINVM, 4. verum etiam universum Israelitem ad idola colenda perduxit, ut loquitur Tornielus, Annalium sacrorum scriptor Pontificius, Tomo 2. Anno mundi 3060. §. 4. & duravit publicum illud idololatriæ cultus exercitium in regno Israelis, seu Samarizæ usque ad Babylonicam captivitatem, ut patet ex libris Regum, à Cap. 12. primi libri, ad

Cap. 17. secundi libri.

5. Quod Adversarii hîc excipiunt etiam illis temporibus fuisse Ecclesiam puram, & ab idololatria immunem in Iudæa, omnino nugatorium est. Nam regnante Ieroboamo qui ad peccandum induxit populum Israelitem. 1. Reg. 14. 16. Rehoboam cum populo suo dereliquit legem DOMINI, (verba sunt Tornielli, loco citato, anno 3063.) feceruntque Rex pariter & populus malum coram DOMINO super omnia quæ fecerunt patres eorum. Nam ut habetur vers. 23. Cap. citati, extruxerunt etiam sibi excelsa, & statuas ac lucos, &c. Rehoboamo successit filius ejus Abiam, & is etiam ambulavit in omnibus peccatis patris sui, ut patet ex Cap. 13. illius libri, vers. 3. Post eum regnarunt Asa & Iehosopha, pii Reges, de iis tamen dicitur quod non abstulerint excelsa, & quod iis regnantibus populus contra expressam DEI legem sacrificavit, & incensum adoleverit in excelsis, 1. Regum, Cap. 15. vers. 14. & Cap. 22. vers. 44. His successit Ioram, Rex impius, et idololatra, qui accusatur 2. Paralip. 21. 13. quod ambulaverit in via Regum Israelis, & effecerit ut

ric ut scortarentur Iehuda, & habitatores Hierusalem, imitatus scortationem domus Achab. Idem fecerunt non pauci ex successoribus ejus, videlicet Achazia, 2. Paralip. 22. 3. Athalia ibidem Cap. 24. 7. Ioasch, ibid. vers. 18. 19. Achaz, quo regnante, etiam Iehuda non observabat precepta IEHOVÆ, sed ambulabat in statutis Israelitarum quæ fecerant. 2. Regum 17. vers. 19.

Præterea ipsi Pontificii, quamvis in disputationibus suis, de Iudice Controversiarum, & de infallibilitate Ecclesiæ, 6, audent negent Synagogam aliquando errasse, aut à fide defecisse, tamen nonnunquam diserte asserunt contrarium. Sic Becanus opusculorum Tomo 5. Opusc. 5. de Ecclesia, Quæst. 1. Conclus. 4. §. 81. dicit Ecclesiam Christianam habere promissionem de sua firmitate ac stabilitate, quam Synagoga non habuit. Et ante eum Stapletonus, Princip. Doctrinal. Lib. 2. Cap. 13. dicit Synagogam non habuisse stabiles re-promissiones: Imò (inquit) aperte predictum est fore ut ad idola subinde converteretur, pariterq. ut à DEO subinde deferretur. Et in Controvers. Relectione, Con-



rov. 1. Quæst. 3. Art. 2. Notab. 1. dicit  
Ecclesiam habere *firmissimas promissiones*  
*de Spiritu veritatis in æternam perma-*  
*nente in ea, quales Synagoga non ha-*  
*buit.*

Hinc manifestè sequitur eos qui sub vere  
7. re Testamento verè in DEVM crediderunt  
non habuisse plenam, et perfectam fidei  
certitudinem de infallibilitate Ecclesiæ Iu-  
daicæ, et per consequens habuisse veram et  
Catholicam fidem, sine conformitate cum  
infallibili iudicio Ecclesiæ. Quomodo enim  
potuerunt illi sequi eam Ecclesiam, tanquam  
infallibilem fidei, et religionis normam,  
*quæ non habebat stabiles promissiones de*  
*Spiritu Veritatis in ea permanente,*  
*quamque sciebant subinde à DEO deferri*  
*propter Apostasiam suam à puritate reli-*  
*gionis à DEO prescripta.*

8. Tertiò, Sancti Patres, qui tribus primis  
seculis Ecclesiæ Christianæ vixerunt, veram  
& Catholicam fidem habuerunt, etiam de  
iis dogmatibus quæ tunc non erant ab Eccle-  
sia judicialiter definita. At hanc fidem ha-  
buerunt absque conformatione cum infalli-  
bili Ecclesiæ iudicio. Tunc enim nulla ex-  
rabat Ecclesiæ definitio nisi de duabus, aut  
tribus controversiis, videlicet, de Paschate,  
de

de lapsis post Baptismum, & de rebaptizatione eorum qui ab Hæreticis baptizati erant, ut patet ex Bellarm. Lib. 3<sup>o</sup> de Verbo, Cap. 6.

Dices fortassis eorum fidem tunc fundatam fuisse in Ecclesiæ testimonio, quia nitebatur traditione majorum, seu eorum qui ipsos præcesserant. At contra vestri Theologi, cum dicunt Ecclesiæ infallibile iudicium esse supremam & principalem fidei regulam, cui fides Catholica qua talis est, conformari debet; per Ecclesiæ iudicium non intelligunt præteritam aliquam traditionem, sed Ecclesiæ, pro tempore, præsentis iudicialem sententiam et definitionem, ut patet ex testimoniis Bellarm. Gretseri, et Valentiani, à me citatis, Tract. 5. huius Libri, Cap. 8. Pag. 252. et 253: Quibus tu etiam manifestè astipularis, Cap. 5. cui libelli, §. 1. Præterea Traditio Patrum præcedentium seu consensus Doctorum qui antea vixerunt est quid distinctum à iudiciaria auctoritate Ecclesiæ, quam vos dicitis esse supremam fidei regulam, ut patet ex Stapler. Lib. 7. Princip. Doctrin. Cap. 1. Valent. Tom. 3. Disp. 1. Quæst. 1. Punct. 7. §. 42. Nam hi authores dicunt consensum Patrum non esse iudicium Ecclesiæ de rebus fidei, sed esse medium quoddam iudicii

dicii Ecclesiastici.

10. Dices etiam fortassis eorum fidem fundatam fuisse in communi et recepta doctrina Ecclesie in qua vixerunt. Sed neque hæc responsio satisfacit. Nam consensus fidelium non est autoritativum iudicium Ecclesie. Vnde Valent. Puncto citato, §. 16. Col. 145. dicit *infallibilem auctoritatem Ecclesie ad definiendum non esse in omnibus omnino fidelibus*: & Suarez, Disput. 5. de Fide, Sect. 6. §. 9. dicit Ecclesiam acceptam secundum se totam non esse sufficientem vivam regulam fidei in docendo. Præterea Patres fide divina credebant varia dogmata quæ non solum non erant ab Ecclesia definita, sed etiam eo tempore non erant communi fidelium consensu recepta, ut culvis in eorum scriptis versato paret. Denique consensus fidelium præcipue æstimandus est ex consensu Pastorum qui eis præsunt. At quidam Catholici affirmant omnes Episcopos Ecclesie posse convenire in aliquo errore, teste Suarezio, Sect. proxime citata, §. 10. ubi etiam profiterur neque eorum sententiam qui hoc affirmant, neque eorum sententiam qui hoc negant sibi satis exploratam videri. Ergo et mult



multorum Pontificiorum sententia consensus Episcoporum non est certa & indubitata fidei regula.

Quartò: Illi etiam non nitebantur infallibili iudicio Ecclesiæ, qui judicariam infallibilitatem Papæ & Conciliorum aut ignorarunt, aut apertè negarunt. Tales erant plurimi Patres, & Scholastici Doctores à me citati, Tract. 5. Cap. 12. 13. 18. 19. 20. 21. & Tract. 7. Cap. 12. §. 2. et 3. 11

Quintò, non est probabile fidē eorum qui olim vixerunt in insulis ab Italia ac urbe Roma procul distitis, et nullum ferè cōmerciū habentibus, cum aliis Europæ regionibus, fundatam fuisse in autoritate Ecclesiæ Romanæ, aut Pontificis Romani. Tales erant prisca Christiani qui hīc in BRITANNIA, HIBERNIA, et circumjacentibus Insulis, 1300. aut 14000. ab hinc annis vixerunt. Nam ante adventum Palladii, et post eum, Augustini Monachi in hanc Insulam, perarò iis innotuit iudicium Ecclesiæ Romanæ de rebus ad religionem pertinentibus. Imò, quando iis per Augustinū et ejus socios innotuit ut ei obtemperarent induci non potuerunt. Patet hoc ex Epistola quam Laurentius Augustini successor, cum Coepiscopis suis misit ad SCOTOS, cujus Principium apud 12.

apud Bedam, Lib. 2. Histor. Eccles. Cap. 4.  
sic extraxit:

*Dominis Charissimis, Fratribus, Episcopis  
vel Abbatibus, per universam Sco-  
tiam, Laurentius, Mellitus, & In-  
sus, Episcopi servi servorum DEI.*

*Dum nos sedes Apostolica more suo,  
sicut in universo orbe terrarum, in his oc-  
ciduis partibus ad prædicandum gentibus  
paganis dirigeret, atque in hanc Insulam,  
que Britannia nuncupatur, contigit in-  
troisse, antequam cognosceremus creden-  
tes, quod juxta morem universalis Eccle-  
siae ingrederentur, in magna reverentia  
sanctitatis tam Britones quam Scotos  
venerati sumus. Sed cognoscentes Brito-  
nes, Scotos meliores putavimus. Sco-  
tos verò per Dagamum Episcopum in  
hanc quam superius memoravimus insu-  
lam, & Columbanum Abbatem in Gal-  
lias venientem, nihil discrepare à Brito-  
nibus in eorum conversatione didicimus.  
Nam Dagamus Episcopus ad nos veniens  
non solum cibum nobiscum, sed nec in*

*magis, quam in aliis, deo totum deum eodem*

*eodem hospitio, quo vescebamur, sumere  
voluit.*

Sextò, etiam Laici illiterati fidem Ca-  
tholicam habent sine conformatione cum  
iudicio aut definitione Ecclesie: nam hi  
non possunt certò et infallibiliter scire quid  
ab Ecclesia definitum sit, ut patet ex Tract.  
1. Cap. 3. et 4. 13.

Septimò, etiam Hæretici, qui piis et le-  
gitimis Ecclesie decretis obtemperare no-  
lunt. Hi enim fide verè divina et Catholica  
credunt articulos illos in quibus non errant,  
quamvis Ecclesiam non sequantur tanquam  
certam et infallibilem fidei regulam, ut, post  
Durandum, efficaciter probavit Estius, in  
Comment. 1. Epist. Ioannis, Cap. 4. et in  
3. Sent. Dist. 23. §. 13. 14.

Octavò, etiam Pastores in Concilio de-  
finientes controversiam nunquam antea de-  
finitam. Hi enim fide verè divina et Ca-  
tholica credunt id verum esse quod defi-  
niunt: et tamen eorum fides non nititur  
ullo priorì decreto aut definitione Eccle-  
siae, ut patet ex Tract. 5. Cap. 22. à §. 12.  
ad finem. 15.

Nonò, Pontificii fide Catholica, ut ipsi  
opinantur, credunt Ecclesie suae judicariam  
infallib. 16.



infallibilitatem, propter authoritatem Verbi  
divini olim Ecclesiae traditi, quo eam reve-  
latam esse putant. Ergo ipsius Verbi divini  
authoritatem eadem fide Catholica credere  
debent ante Ecclesiae infallibilitatem. Non  
enim possunt fide Catholica credere id ve-  
rum esse, quod de Ecclesiae infallibilitate  
Verbo DEI revelatum est, nisi prius cre-  
dant illud Verbum revera esse DEI ipsius  
Verbum. Si autem fide Catholica credere  
debent Verbi divini authoritatem ante Ec-  
clesiae in testificando infallibilitatem, non de-  
bent eam credere propter infallibilitatem  
alicujus testimonii, aut judicii Ecclesiastici,  
ut per se patet. Et per consequens ipsi Pon-  
tificii habere debent fidem verè Catholicam  
de primo religionis Christianae principio  
sine conformatione cum infallibili aliquo ju-  
dicio aut testimonio Ecclesiae.

EPILOG



## EPILOGUS,

In quo efficaciter demonstratur  
Pontificios neque credere Ecclesie  
infallibilitatem, neque Scripturæ  
authoritatem fide verè divina,  
hoc est, certa & infallibili.



Pontificii dicunt se fide firmissi-  
ma credere & Verbi DEI au-  
thoritatem, & Ecclesia infal-  
libilitatem: nos verò nihil om-  
nino firma & certa fide cre-  
dere audacter affirmant. Ita

docet Bellarm. Lib. 3. de Verbo, Cap. 10.  
Responsione ad Argumentum 15. & Lib. 6.  
de libero arbitrio, Cap. 3. §. At Catholici.  
At facile est ostendere, Pontificiorum fidem, qua  
credunt, vel Verbi DEI authoritatem, vel Eccle-  
sia infallibilitatem, non esse divinam, hoc est cer-  
tam & infallibilem; sed conjecturalem, & incer-  
tam; immò absurdam, ridiculam, & incomprehen-  
sibilem.

Si enim Pontificii credunt ista duo credibilia,  
videlicet, Verbi DEI authoritatem, & Ecclesia  
infallibilitatem fide verè divina; vel credunt hæc  
simul

simul & semel; vel credunt eorum unum ante alterum. At neutrum dici potest. Ergo non credunt hac fide divina. Major manifestissima est: probatur Minor per partes. Primum enim non credunt hac simul & semel, tum quia intellectus humanus non potest simul plura intelligere, ut docet Aristoteles, Lib. 2. Topic. Cap. 4. Loco 32. tum quia horum unum creditur propter alterum. Ergo eorum unum creditur ante alterum. Nam propter quod aliquid scimus, aut credimus, illud prius à nobis sciri, & credi oportet; prius (inquam) vel prioritate temporis, vel saltem prioritate naturæ. Hanc limitationem addo, quia non solum antiquiores Scholastici, ut Scotus, in 2. Sent. Dist. 7. Quæst. 1. Gregorius Arminensis, in 2. Sent. Dist. 7. Quæst. 5. Art. 2. Ockam, in 2. Sent. Quæst. 16. Gabriel Biel, in 2. Sent. Dist. 3. Quæst. 2. Art. 3. &c. Sed etiam recendiores quidam Pontificii, ut Gabriel Vasquez, in 1. Part. Thomæ, Tom. 2. Disput. 222. Cap. 2. & 3. Ravius in Logica Mexicana, Part. 2. Quæst. 7. in 2. Cap. 1. Poster. & Philippus Faber Faventinus, in 2. Sent. Dist. 9. Disput. 48. Cap. 1. dicunt nos posse simul & in eodem instanti duo diversa objecta credere quorum tamen unum propter alterum credimus.

3. Secundo, non credunt eorum unum ante alterum: quia neque credere possunt Verbi DEI auctoritate



thoritatem ante Ecclesie infallibilitatem: neque  
Ecclesie infallibilitatem ante Verbi DEI authori-  
tatem. Non possunt credere Verbi DEI autho-  
ritatem ante Ecclesie infallibilitatem: quia autho-  
ritas Sacrae Scripturae creditur a Pontificiis propter  
Ecclesie infallibile testimonium. Ergo ipsius Ec-  
clesie infallibilitas in testificando prius credenda est  
prius, inquam, prioritate naturae; quia videlicet,  
est fundamentum principale, propter quod Pontifi-  
cii credunt Sacram Scripturam esse DEI Verbum.

At neque credunt, neque credere possunt Eccle- 4:  
sia infallibilitatem ante Verbi DEI authoritatem:  
quia videlicet, Ecclesie infallibilitas, quae in Verbo  
revelata est (ut illi somniant) propter Verbi au-  
thoritatem creditur. Ergo ipsius Verbi authorita-  
tem prius, saltem prioritate naturae, a nobis cogni-  
tam & creditam esse oportet.


Ecce quam mirabiles, & sibi invicem repugnan- 5:  
tes sunt hae conclusiones, Verbi DEI authoritas  
necessario creditur ante Ecclesie infallibilitatem:  
& rursus, Ecclesie infallibilitas necessario credi-  
tur ante Verbi DEI authoritatem. Item fides in-  
fallibilitatis Ecclesie natura prior est fide Verbi  
Divini: & rursus, fides Verbi Divini natura prior  
est fide infallibilitatis Ecclesie. Item fides infall-  
ibilitatis Ecclesie natura prior est fide Verbi Divini:  
Fides verò Verbi Divini natura est prior fide infall-  
ibilitatis Ecclesie. Ergo a primo ad ultimum, fi-  
des infallibilitatis Ecclesie est, natura prior se ipsa.

Denique firmum, validum, & immovibile stat. 6.

nostrum hoc argumentum: Pontificii neque credere possunt Verbi *D E I* auctoritatem ante Ecclesie infallibilitatem, neque Ecclesie infallibilitatem ante Verbi auctoritatem: neque possunt hac duo credibilia simul credere. Ergo non omnino credunt fide Divina, aut Verbi *D E I* auctoritatem, aut Ecclesie infallibilitatem.

Obstepescite Cœli de hac re, & horrescite, desolemini valde, dicit *IEHOVAH*.

Nam duo mala fecit populus meus: merderilequerunt scaturignem aquarum viventium, ut effoderent sibi cisternas, cisternas fractas, quæ non capiunt aquas. *IEREM. II. 12. 13.*



#### REPLICATIO TVRNEBVLLI.

*Qua ad argumentum in Epilogo Disputationis propositum respondere conatur*  
*Cap. 15. sui libri, à §. 2. ad finem.*

2.



D hoc argumentum, quod à 1. & 5. objectionem cap. nostro 8. satis solutis vix distinguitur. Respondeo primò, nisi esset frivolum, plus contra te probaturum, quàm tu audeas concedere, nempe Calvinistas nulla omnino Fide, sive

certa, sive incerta; sive divina, sive humana credere vetus, & novum Testamentum. Item te ipsum non posse vera Fide credere Scripturæ, ut tu loqueris, divinitatem; & Ecclesie, ut idem tu opinaris, fallibilitatem. Si enim Calvinistæ priora

illa duo credibilia, nempe vetus & novum Testamentum ullatenus credunt, vel ea credunt simul, & semel, vel eorum unum ante alterum. At neutrum dici potest. Ergo nulla omnino Fide alterutrum credunt. Major patet. Minor tuo argumento probatur per partes. Primo enim, ea non credunt simul, & semel, tum quia intellectus humanus non potest simul plura intelligere, ut docet Aristoteles, tum quia horum unum creditur propter alterum.

Nam & novum ex veteri, & vetus ex novo habet testimonium suæ veritatis. Secundo, non credunt eorum unum ante alterum, quia neque credere possunt veteris Testamenti auctoritatem ante novi testimonium de veteri, neque vicissim, &c. Simile argumentum formari, & in te retorqueri potest de aliis duobus tuis credibilibus, Divinitate nempe Scripturæ, & Ecclesiæ fallibilitate, Vel enim utrumque simul tu credis, vel alterum altero prius? At neutrum dici potest, &c.

Quod tu responsum his argumentis adversus te, sectamque tuam objectis dares, finge jam datum tuæ adversus nos objectioni, & videbis ridendam ejus vanitatem.

Secundo, & directè respondeo assumi à te Minorem apertè falsam, & jam à me satis refutam. Nam utrumque, quod tu per partes negas, debet in diversis circumstantiis præsertim personarum affirmari tanquam verum. Nam à primo accedentibus ad Fidem utrumque credibile tum Scripturæ veritas, tum Ecclesiæ infallibilitas simul, & semel creditur, quatenus ambæ simul uniuntur in uno generali principio, ad quod tanquam ad primum creditum quis ab infidelitate convertitur. Ab aliis verò jam habitu, & generatim omnia re-



velata credentibus, nihil novi prius in seipso, & expresse non crediti potest expresse credi Fide divina, nisi ex regula discernente revelatum divinitus, à non revelato. Et hoc sensu verum est prius à talibus credi auctoritatem Ecclesiæ, quàm novi quidpiam illis ante non propositum, nunc autem propositum in seipso credatur. Quod adversus priorem partem hujus responsi de simultate utriusque credibilis opponis ex Aristotele, frivolum est. Nam licet in plura quatenus plura, & nullatenus unita ferri simul nequeat intellectus, in plura tamen aliquatenus unita, nisi fatearis ferri posse simul, uti fatetur S. Thomas 1. part. quæst. 38. art. 2. & quæst. 85. art. 4. negabit jure quispiam te habere intellectum.

4.

Quod adversus alteram partem ejusdem responsi de ordine credibilium opponis, totum vel in æquivoca tua definitione formalis objecti Fidei fundatur, & satis à nobis jam refutatum est capit. nostro 3. & sequentibus. Vel sane supponit nullo alio DEI verbo revelatam nobis esse infallibilitatem Ecclesiæ, quàm scripto. At hanc etiam suppositionem refutavimus, ostensa necessitate alterius Verbi Scripturæ prioris, antiquioris, clarioris. Testatur quidem Scriptura Ecclesiam esse columnam, & regulam infallibilem veritatis. Hoc tamen Scripturæ testimonium applicatum iis, qui jam supponuntur habitu, & generatim omnia revelata credere, non est principium primò gignens, sed tantum augens, vel confirmans eorundem Fidem de infallibili Ecclesiæ auctoritate prius ex generaliiori principio credita, ut vel patet ex terminis,

~~~~~

**AUTHORIS DUPLICATION.**



Vobis modis respondes,  
Iesuita Turnebulle, ad ar-  
gumentum in Disputatio-  
nis Epilogo propositum,  
videlicet, primò, retor-  
tione argumenti nostri;

deinde directa, ut vocas, responsione.

In retortione tua nihil iudicii, nihil acu-  
minis est. Nam ex meris & nudis assevera-  
tionibus constat, quibus quivis tyrunculus  
obviam ire potest dicendo, Primò, & ve-  
tus Testamentum credi posse ante Novum,  
& Novum ante Verus, idque quia, quamvis  
sibi mutuò testimonium perhibeant, seque  
invicem confirment & illustrent, non ta-  
men sibi mutuò perhibent *testimonium*  
*necessarium*. Quid autem sit perhibere te-  
stimonium necessarium, patet ex Tract. 6.  
Cap. 5. §. 2. Secundò, Scripturæ autho-  
ritatem credi ante Ecclesiæ fallibilitatem,  
quia videlicet ex apertis Sacræ Scripturæ  
testimoniis demonstratur Eccl. fallibilitas.

Specialis & directa tua responsio bimem-  
bris est. Primò enim disseris de simultate  
credendi Verbi divini auctoritatem, & Ec-  
clesiæ infallibilitatem. Secundò, agis de  
ordine seu ratione credendi earum unam an-  
te alteram. Priori membro reperis rump  
errorem, (quem supra confutavi Tract. 5.  
Cap. 22. §. 7. & 8. Item Tract. 6. per co-

tum & speciatim Cap. 3. 5. & 6, ) *de primò accedentibus ad fidem*, asserisq; eos simul & semel credere Verbi divini auctoritatem, Ecclesię infallibilitatem, & omnia alia quę à DEO revelata sunt. Interim non respondes ad gravem illam & efficacem rationem, *qua probo istorum duorum credibilium unum necessario credi prius natura quam alterum, quia eorum unum creditur propter alterum.*

Ad illā alterā rationē, quę priore loco à me est proposita, aliquid respōdere videris: non tamē mihi plenē satisfacit tua respōsio; idq. quia nō doces quomodo in cōmuni illo principio, id est, in DEI veracitate, hęc duo credibilia, Script. auctoritas, & Eccl. infallibilitas ita uniantur, ut simul & semel credi possint.

4. Posteriore membro turpissimē tergiversaris, & Lectorem mendacibus effugiis fallere studes. Primò enim vis argumenti istius, quo probo Pontificios non posse credere unum horum credibilium ante alterum, non pender, ut tu asseris, à definitione formalis objecti fidei. Quamvis enim abstinerem vocabulo *formalis objecti*, solumq; uteretur nomine *Regule fidei*, nihil omninò de vi & efficacia argumenti nostri decederet. Vos enim, qui inter ipsas credendi regulas circulum committitis, credentes hanc regulam propter illam, & illam rursus



ter hanc, ut patet ex Tract. 8. Cap. 1. §. 8. & Cap. 6. §. 3. 6. 7. & 8. Neq. potestis hanc regulam credere ante illā, neq. illam ante hanc; quia viz. hæc regula apud vos præsupponit illam, ut prius natura creditam, & illa rursus præsupponit hanc, etiā ut prius natura creditā.

Secundò, argumentum meum non supponit (ut tu fingis) Ecclesiæ infallibilitatem nobis esse revelatam solo Verbo scripto, sed generaliter supponit eam esse revelatam aliqua parte verbi antiquitus Ecclesiæ traditi, hoc est vel verbo scripto, vel traditione. Patet hoc, quia in Epilogo non confero Ecclesiam speciatim cum solo verbo scripto, sed in genere cum Verbo *DEI* antiquitus Ecclesiæ tradito, quod, ex vestra sententia, constat ex Scriptura & Traditione. Potui equidem Ecclesiam conferre cum solo *DEI* Verbo scripto, idque quia Verbum scriptum, seu Scriptura Sacra est totalis et perfecta fidei nostræ regula, sed nolui sic comparisonem instituire, ne vobis cavillandi, & in quæstiones à Proposito alienas degrediendi ausam præberem.

Dic igitur, mi Turnebulle, qua parte Verbi divini, Ecclesiæ infallibilitas revelata sit, et utrum illius partis Verbi divini auctoritas, an verò Ecclesiæ infallibilitas prius vel naturæ vel temporis ordine credatur? Non dices auctoritatem illius partis credi ante Ecclesiæ infallibilitatem. Nam ex tua

5.

6.



